



PT
R69R
A8683
1907



DER ^{CH} STÄRN
VO
BUEBEBÄRG



Berndeutsche Novelle
VON
RUDOLF VON TAVEL

UNIVERSITY OF VIRGINIA LIBRARY



X030790386

LIBRARY OF THE
UNIVERSITY OF VIRGINIA



IN MEMORY OF
JAMES MATTHEW BOWCOCK



Rudolf von Cavel



Der
Schtärn vo Buebebärg.



E Gschicht
us de trübschte Tage vom alte Bärn.

Buchschmuck von **Kurtav von Steiger.**



Bern.

Verlag von A. Francke.

1907.

PT
R64R
.A8653
1907
COPY 1

Buchdruckerei Buechler & Co., Bern.

Vormort.

Wär i der Bärner Gschicht daheim isch, dä wird i eint und anderem Zug vom Oberscht Wendischag e brave Bärner umekenne, desse Läbesgschicht leider no Niemer gschribet het: der Oberscht Hans Rudolf May vo Rued. Für aber ungeniert chönne z'erzelle, was i uf em Hätz gha ha, ha-n-ig ihm der Name vo mene-n-usgschtorbene Gichlächt gä und ihm mängs adichtet, wo sech nid würklich e so zutretet het.


Und no eis! Es git geng no Lüt, wo drüber dischputiere, wär eigetlich im Burechrieg vo anno 1653 rächt gha heig. I für mi möcht weder di einti, no di anderi Partei verurteile. Me mueß di damalige Lüt nume-n-aluege-n-als Ghinder vo ihrer Zyt und ihrne Verhältnisse. Zuscht grad mir hütt-zutag hei nid ds Rächt, hert über se z'urteile, be-

IV

vor mer wüsse, ob mir als Christemöntsche der Wohlstand vo üser Zyt besser möge verlyde, als üsi Vorfahre d'Vorteile, wo der dryßgjährig Chrieg über d'Schwyz bracht het. Wär weiß, ob mirs besser gmacht hätte?

z' Bärn, i der Schopshalde,
im Brachmonet 1907.

Der Verfasser.



I. Kapitel.

„Söll'ne-n=abla, Herr Oberscht?“ so het mit vor Ungeduld glänzige-n=Duge der Schtückmeister Hofer uf der öschtleche Baschtion vo der Feschti Länzburg der Schloßkommandant gfragt, und scho het i jyr ruuche Hand d'Lunte dem nasse Fүүrtüfel uf em blanke Schtückrohr mit mene schmürzelige Röchli flattiert, für mit ihm es Höllewalzerli ufz'führe.

Der Kommandant, e große, wohlgewachsene Ma mit wüehlige schwarze Haare, die-n-ihm bis uf e breite wyße Schpißeckfrage-n=abeghanget sy, het chuum umegluegt, wo-n-er g'antwortet het: „Wie mängisch mueß ig Ech no säge, i gäb de der Befähl scho, wenn's de sy mueß?“ D'Lunte-n=iich wieder i Schatte

vom Raffeteschwanz abegsunke, und der Oberischt Wendischatz isch mit glychmäßige Schritte zwüsche de mächtige Lindeschämm vom Schtückgarte düre dem Schloß zue gange. Es isch grusam heiß gsi — der zwöit Brachmonet anno sächzähundertdreiesüßzgi —, so daß di chriegsgwahnetere Lüt vo der Wsazig fuul im Schatte vo de Schloßmuure gläge sy. Aber, was jüngerer, läbigerer Manne gsi sy, die sy zwüsche de beide Kanone-n-über d'Brüschtung gläge-n-und hei mit großer Schpannung gäge-n-Dthmarsinge-n-und ds Majegrünen übere gluegt. Wie schön isch doch z'ringsetum d'Landschaft gläge! Wald, dicke schattige Boumwuchs, wo me nume gluegt het, und der-zwüsche heimelige Dörfer. Am Hejchtebärg äne het ds Schloß Wildegg i der volle Namittagsunne glüüchtet, und linggs drunter het zwüsche de Wald-börder d'Nare glizeret.

Gäge-n-Abe hei di mächtige Geböud vom Länzbürgereschloß ds Schtedtli und di wyteri Gägged verdeckt. Aber gwüß hei di Chriegslüt nid wäge der fründliche-n-Ufsicht e so yfrig gäge ds Majegrünen übere gluegt. — O nei. — Sondere, me het gwüßt, daß alli di schöne Wälder vo ufrüehrerische Bure wimmle-n-und daß dert hinde, z'Mellige, der zürcherisch General Werdmüller mit dem große-n-eidgenössische-n-Ufgebot sichteit und nume-n-uf di vier verabredete Kanoneschütz vo Länzburg wartet, für

uf se los z'schla. Di Schütz hei-n-ihm sölle säge, öb d'Bure halte, was si z'Värn obe der Regierung verschproche hei. Bevor d'Kanone vo Länzburg e Treubruch verkünde, het der General Werdmüller nid sölle-n-agryse. Me cha sech dänke, mit weler Schpannung di zürcherische Schildwachte-n-uf em Majegrüen gäge Länzburg usgluegt hei. Was Heimehöcke-n-und Förchthanse-n-oder o sünscht fridlechi Gmüeter gsi sy, so hätte si am liebschte d'Ohre verschoppet, für di Signalschütz nid z'ghöre. Aber es het o nid a fettige gfählt, wo schier nid hei chönne warte, für wieder einisch e tolli Chlopfete mitz'mache. Es sy-n-ere gnue gsi, wo gfunde hei, der wechtphälisch Fridte heig aller Läbespoesie der Todesichtof gä. Und nid minder het mänge Värner uf em Schloß Länzburg im Schtülle ghoffet, me dörfi de na de blinde Signalschütz o nes paar Chugle lade für uf — ja nu uf di — uf di Insurgänte z'schieße. Grad gärn uszoge-n-isch ja egetlech Niemer. Aber einisch im Fäld, Mannevolch under Mannevolch, was het me da no lang welle-n-erläse, wän's gilt? Di Bure hätte ja nid bruuche-n-az'fah, und z'Värn inne het me der Mannschaft begryflich gmacht, was ds Heil vo der Republik forderi. Also ganget hei oder es tätscht; es loufe-n-ere no gnue dasume. Wä a di egeti Hut oder a Wyb und Chind dänkt het, het's emel nid la merke. Daß es sech um öppi ganz

Fürchterlechs ghandlet het, um ne grufame=n-Michnitt i ds Volk, villicht um ne tötleche Fieb i Wohl-schtand und Zuekunft vom Batterland, das isch uf der Länzburg nume dem Kommandant ganz klar gii, aber däm de o völlig dürsichtig, und er het drunder glitte, so schwär wie=n-e Muetter um ds Glück vo mene=n-einzige Chind.

Urühjig isch er hi=n-und här gange, vo der Dschtschtion zur Schtrecki,*) vo der Schtrecki zum alte Mitterhus, und mängisch het me sy groffi dunkelbruun gwandeti Figur mit de gäle Schtrumpfbändle lang gseh uf und nider ga zwüsche de=n-alte Linde=n-uf der wechtliche Burgterrasse. Albe=n-einisch isch er de, der mächtig schwarz Filzhuet i der Hand, tieffinnig gäge d'Landvogtei zue cho; aber allimal, wenn er hert vor der Hustür aglanget isch, het er sy schwarzi Mähne=n-über d'Achse zrugg gworfe=n-und isch mit gleitigere Schritte wieder furtgloffte.

So ne=n-Dugeblick het e boumlänge Soldat im Schtückgarte profitiert, für übere dicke=n-Epheuschamm i Hof hinter der Landvogtei z'chlättere. Was het er dert gha z'sueche? Er het öppis ghört gyre=n-und het richtig errate gha, daß öpper e=n-Eimer us der unergründleche Chschtärne=n-usewindi. Und richtig, da isch ds Landvogts Tribolet Wärnerchüchi gsi und het mit syne lujchtige runde=n-Arme der Würbel

*) Folterturm.

dräit, daß er nume so ghyet het. Es het der Schlycher nid g'achtet. Wo's ds Chessi abem Haagge gnob und uf e Brunnerand gschteht gha het, nimmt's ds Büßi vom mieschige Gyschtärnedechli abe-n-und git ihm es Müntjschi. — „Eh der Donner“, tönt's da undereinish hinder ihm, „das isch jiz o — so amene rüdige Moudi! — Mir, mir, Mädi.“ Und göb's nume rächt gwüßt het, was gscheht, het der Soldat d'Chaz am Schtil übere Brunneschacht gha. Und mit der andere Hand het er ds Meitschi a sech drückt und gseit: „Ziz mir eis oder i la se la gheje.“ „Wottsch höre, du Uflat“, brüelet ds Chöcheli und fahret mit syne chrestige Finger dem Chrijsaggle-Chriigel — so hei si-n-ihm gseit — i jhs vergugereete Gsicht. „We me ne settigi, roti Guggummere-n-im Gfräß het, daß d'Uhge z'beed Syte schile, so git's nüt drus, weisch.“ We weiß nid, was si sech no für Komplimänt gschnitte hätte, wär nid zur glyche Zyt dem Kommandant jhs vierjährige Buebli, wo änet dem Brunne-n-im Grebli gchoslet het, plöschlich erschine. Mit lutem Gschrei isch das Pfüdümpfli dem Hus zuegschprunge-n-und het düre Schnäggeturm uf brüelet: „Tante, Tante, si wei ds Mädeli ermorde.“ Wo d'Frou Landvöggti amene Schtägefänschter uftouchet isch, het me nume no uf eier Syte der verschine Schpißhuet vom Chrijsaggle-Chriigel hinderem Epheuwall vo der Hofbrüschtung

gseh verschwinde, uf der andere der gringeleet Schtil vom Schloßmoudi im Chägeloch vom Chornhus. Und wo der Kommandant wieder zum Vorschyn cho isch, vom Jammer vo sym Buebli vo z'änerscht äne-n-azoge, da isch v ds Chöchi mit sym Chessi furt gsi. Nume-n-e Zylete vo Wasserplatsche zwüsche Brunne-n-und Landvogtei sy als schwachi Indicie da gläge.

Di alti Frou Landvögti, wo für e Kommandant öppis wie ne schtilli Verehrung gha het und würl-lech mit müetterlecher Sorgfalt als „Tante“ — si isch's nid eigetlech gsi — sy's Buebli goumet het, het di fragende Blicke vom Herr Wendischak no nid beantwortet gha, so het e Hueschlag vom Tor här d'Ufmerksamkeit vo Beidne-n-uf sich zoge. Und grad druuf isch e Trupp vo mene Halbdoze Rüter, vora e junge-n-Offizier, i Hof gritte. Der Offizier isch us em Sattel gschprunge, het sy große Schlapphuet zoge-n-und sich vorgstellt als Baron d'Escépens vo der waadtländische Rüterei. Er het dem Oberscht gseit, er chömi vo Bärn mit nere Bottschast vom General von Erlach a Landvogt vo Länzburg.

Der Oberscht het der Offizier i d'Landvogtei la führe-n-und underbesse für d'Quartierung vo Ross und Rüter gforget.

Im Saal vo der Landvogtei het es dä Dugeblick gar herrlech fridlech usgseh. Dhni Wehr und Waffe-n-isch der dick Herr Landvogt im Schatte vom chalte

Kamin zwüsche de Fänschter i mene mächtige Fauteuil gässe, der Chopf uf di breiti Bruscht gänkt, und het i sy graue Bart yne gschnuufet. Der rych gfüttlet und gschärkt. Mühlischeichrage-n-isch der Hand etsalle gsi, und d'Finger hei im Schlaf zuckt und sech gchrümmt. Und dusse het d'Mamittags-sunne-n-uf di prächtig grüeni Läsicht glüüchtet, so wyt der Schatte vom Schloßbürg no nid het möge recke. Der Schnächt, wo der Offizier yne gfüehrt het, rüeft lut: „Herr Landvogt!“ Und dä het mit mene hässige Schtupf i ds Lääre-n-use g'antwortet. Erscht nachhär het er der Chopf uf, luegt der unbekannt Gast a, grännet über ds ganze Gesicht, tuet e Blick dür ds Fänschter und pärzet, wo-n-er di länge Schätte gseht: „E, i ha gloub e chly ne prolongierti Meridienne gmacht — ähä — m, was bringet Dir?“ Der Offizier schtellt sech vor, underbroche vom Landvogt, wo i Gang use brüelet: „Hannes! — Bring e Channe Bräschtebärger!“ — „Prenez place, Monsieur, s'il vous plaît!“ Langsam tuet der Landvogt der Brief usenandere-n-und luegt e so verschtuunet dry, daß me hätti chönne meine, er syg no nid rächt erwachet. Druuf het er sy Gast asah usfrage-n-über, was z'Bärn gangi und was er underwägs erläbt heiigi, bis der Hannes mit nere silberige Channe-n-und zweene große Bächer agrüdt isch. „Gang rüef dem Herr Obericht.“

„Das isch Eui Sach“, seit er däm, sobald er zur Tür y cho isch, und git ihm der Brief. Zwöi, drü mal het der Oberscht di Bottschafft dürläse, und me het ihm agseh, daß er se nid gärn gloubt het. Es isch der Bricht gsi, daß d'Bure sech nid a d'Kapitulation halte, wo si z'Bärn uf em Murisfäld mit der Regierung ufgschstellt gha hei, daß si dür ds Land ab allerhand Muettwille trybe-n-und daß der Ehlaus Leuebärger uf Marau zue marschieri.

Der Landvogt het der Kommandant vo z'oberscht bis z'underscht gschouet und uf ne n-Etschluß gwartet. Und wo der Herr Wendtschaff nume mit grunzleter Schtirne-n-a Bode luegt und ändlech der Brief no einisch dürelist, geit dem Landvogt d'Geduld us, und er seit: „Da git's nüt meh z'märte, d'Kapitulation isch broche.“ Der Oberscht wirft e länge, fragende Blick use-n-Adjutant vom General von Erlach, wie wenn er e mündlechi Bhertung vo ihr Bottschafft erwarteti. Aber dä tuet e kei Wank. Druuf geit der Oberscht a ds Fänschter, tuet e Blick gäge ds Maje-grünen übere-n-und druuf e länge, schtille zum blaue Himmel use. Ändlech seit er mit mene Süüßzer: „Ja nu“ und geit zur Tür us. Siß isch o der Landvogt trüebfönnig da gschtande. Toteschtil isch es gsi, und di beide Manne hei sech nid grüehrt, bis e Kanoneschuß d'Buzeschybli im Blei het gmacht z'chlebele-n-und es mächtigß Echo wie-n-e Wälle vo

Wald zu Wald brandet het. Dä Schuß het im ganze Schloß, i der Shtadt unde-n-und z'ringsetum, so wyt me ne ghört het, jedes Härz gmacht z'zittere. Bumm! chrachet e zwöite-n-über d'Baschtion, und bald schlycht der Pulverdampf vom dritte-n-und vierte vo: de Saalfänschter i d'Luft use. D'Schpannung isch natürlech mit dene Schütz nid glöst worde. Im Gägeteil, jiz het me mit jedem Pulschlag erwartet, daß der Schlachtlärme hinder Dthmarsinge losgangi und Dampfwulke-n-überem Majegrünen usschtocke. Shtatt däm isch bald nam vierte Schuß hienache-n-Dthmarsinge-n-e Rüter uftouchet. Er isch im Galopp alli Gredi über Ächer und Matte cho z'schpränge-n-und het es wyßes Tuech gschwänkt.

„Aha da chunt er“, seit der Landvogt, „das isch der Herr vo Graviseth vo Liebegg; mer hei ne-n-usgschickt für z'erfahre, was der Werdmüller im Sinn het. Si sy nämlech dä Morge scho anenandere gsi, d'Bure-n-und di Eidgenössische, dert im Bruneggerwald äne. — Mer wei ga luege, was er bringt. — Halt, jiz hätt' i no bald dä sapperlots Ohrage vergässe. S'isch e förchterlechi Plag, aber, was wott me. — Sigt er rächt?“ — „Très bien Monsieur“. — „Ah pardon, also, s'il vous plaît“. Und dermit sy di Beide-n-abe, dem Burgtor zue, wo sech v der Kommandant und anderi Swunderigi vo der Bsatzig ungeduldig ygfunde hei.

Me het d'Chöpf zsäme gschteckt und sech gägesytig usgfragt, was ächt los sygi. Bald ghört me der Roßtrapp uf de runde Bschüßischeine vom Burgwäg. Unwillkürlech het sech der Kreis änger zsämezoge, und chuum het me der Roßchopf im Torboge n=erblickt, so brüelet der Liebegger i Hof: „Warum heit dr jitz scho gschosse?“

„Hätte mer öppe nid sülle?“ antwortet der Landvogt, währed der Oberscht ne=n=aluegt, wie wenn er wetti säge: „Sa=n=is nid gseit?“ Der Herr vo Gravisesch isch underbesse=n=usem Sattel gschprunge, het syni schtysse Wei gschtreckt und sech der Schtoub ab de Bluderhose gchlopfet. Er het Miene gmacht, mit sym Bricht grad uf der Schtell welle losz'lege. Aber das het dem Landvogt nid i Chram passet, und drum het er der Schloßherr vo Liebegg bim Arm gnoh: „Mer wei use“. I däm Dugeblick isch no öpper mit rotem Chopf dür ds Burgtor use cho z'flüge — vermuetlech dür di unerwartete Kanoneschütz ufgeschüücht — nämlech dem Landvogt sy Tochter mit ihrer Fründin, dem übermüetige Rättheli Willading, wo zum Verdruß vo syne=n=Eltere trotz de gefährleche Zytläufte nid vo Länzburg isch furt und hei z'bringe gsi. Di Beide sy wieder einisch trotz landvögtlechem Verbott usgschwärmt gsi und hei sech jitz hinder de Gwundrige düre=n=i ds Hus gschliche.

„Tüet mer de nume-n-abzöume-n-und gäbet ihm zwee Bierlig Haber. Der Sattel theut der druff la!“ rüeft der Herr vo Gravifeth dem Schtallnacht zue.

„Was heisch no im Sinn?“ fragt der Landvoigt.

„Nüt, nüt. Hei wott i de hütt no.“

„Du wirsch mer emel jiz nid mit dem lääre Mage welle dervo ryte.“

„Das nid, aber jiz vor allem wott i us däm Bruscht use“, seit der Liebegger und faht, sobald si i gwölbte, mit Hirschgweih dekorierte Gang use cho sy, a, d'Nieme vo sym Bruschtarnisch löse. Der Obercht het ihm ghulfe-n-und derzue gseit: „Wie möget Dir o bi der Hitz i däm Buuchschessi dasume-ryte; me darf's ja schier nid arüehre, so füürig isch es.“

Der Herr vo Gravifeth het sech nid gärn überflüssigi Vorsicht la vorha. Drum het er, sobald der Küras uf mene gschnitte Trog abgstellt gsi isch, dem Obercht mit mene-n-überlägene Blinze-n-i syne schöne, geischtvolle-n=Duge hinde-n-uf di rächti Achse geschlopset und gseit: „My Liebe, i weiß Eine wo vor Churzem froh gsi wär über ne Harnisch.“ Er het dermit agschpilt uf nes Erläbnis vom Schloßkommandant. Vor zweene Monete het däm nämlech Eine-n-us em Suhretal zum Dank derschür, daß er z'Artau unde d'Vuure zum Fride gmahnet het, der Halparteschaft uf em Rügge-n-abenandere gschlage.

„'S het öppis,“ lachtet der Herr Wendischag guetmüetig, „aber einschtwyle mögt' i ne gar no nid verlyde-n=und villicht nie meh.“

„Jä, schmürzt es no?“

„O ja, wenn i öppe chly ruuch dra chume. Und, was mer ds Unagnähmschte-n=isch, das isch e gwüssi Schtysi im Arm. I cha nümme höch ufzieh, nid wyters als e so.“

„Da müesset Dr Ech halt meh uf e Schtich verla.“

„Mer wei öppe hoffe, es gäb fürderhi weder z'schtäcke, no z'houe.“

„Hm—hm“, meint der Liebegger, wo si zsäme-n=i Saal gange, „de hättet dr de hingäge no nid fölle schiefse.“

„Ja warum jiz eigetlech nid?“ fragt der Landvogt, wo vora gange gsi isch.

„Will der Werdmüller juschtemänt dä Namittag mit de Buure ne Waffeschtilschstand abggeschlossen het.“

„Was?“ frage-n=erschtuunet di beide-n=Andere. Und der Herr vo Graviseth fährt furt:

„Also, si sy juschtemänt uf em Punkt gsi, enandere z'verhoue, da chunt der Pfarrer vo — vo Ametschwyl cho z'loufe-n=und offeriert dem Werdmüller, er well di Buure no zur Bernunft bringe.“

„Was het dä Schtürmi sech da dry z'mischle? Lueg dä zu syr Sach!“ brummet der Landvogt.

„Wie heißt er neue scho?“ fragt der Oberscht.

„Hämme, gloub.“

„E brave Ma, schynt's“, meint der Oberscht für sich.

„Ja nu, item. Also der Werdmüller isch druuf g gange, und me het e Waffeschtillstand bis morn am Morge=n-am sibni verabredet, und . . .

„Waffeschtillstand mit mene Rebällehuuse! Mer sy afange wyt cho“, underbricht ne der Landvogt wieder.

„Ma foi, Rebällehuuse! Es Heer, es großes Chriegsheer säge=n-ig ech. Um Dthmarsinge=n-ume=n-isch es Lager, so wyt me geht, alles voll Zwilchschittle=n-und Antlibuecherchnüttle. Und grobs Gschütz hei si o. Ohni dä Waffeschtillstand wär'i überhoupt nümme dahäre cho. — Ja nu, und wie mer mit ne hei abgrede gha und zrüggryte — mer sy no nid z'Mellige gsi — da ghört me bi'm tuusigsapperlot di Schütz vo Länzburg här.“

„Ja und jitz?“ fragt der Kommandant.

„Der Werdmüller wott jitz einewäg no warte bis morn, aber me cha natürlech fei Schtund wüsse, öb's nid losgeit.“

Mit däm isch ds Gschpräch für ne Momänt hgschlafe. Jede vo dene drei isch syne Gedanke nache gange, ohni öppis z'säge.

Ändlich seit der Landvogt mit mene fragende

Blick uf e Schloßkommandant: „Ja nu, mer sy hie parat.“ Bevor aber der Oberscht e-n-Antwort het chönne gä, chlopfet me-n-a d'Tür, und si geit uf, ohni daß öpper „hne“ grüest hätti. D'Dienerschaft isch agrücht und het ganz heimelig im Saal asah Tisch decke. Me isch's e so gwahnet gsi. Und wäre si einisch nid zur Zyt cho, so wär das übler agangen=als d'Schtörung vo irgedere=n-Audienz. Und daß me-n-im Saal Tisch dargleit het, isch z'fäktmal nüt z'verwundere gsi: Ds Hus isch voll Lüt gsi und der Platz rar. Di drei Herre hei vo der Dienerschaft nid Notiz guoh. Was uf em Tisch gläge=n=isch, isch uf ne Trog a der Wand gleit worde, und Riemer het sech drum gschore. Rume het me nüt meh vo de Tagesfrage grebt, so lang als d'Dienerschaft im Saal hantiert het. Der Oberscht isch mit de Händ uf em Rügge dagschtande=n=und het di große Tafel=n-a der Wand gschtudiert, wo d'Räme vo de früehere Landvögt vo Länzburg mit ihre Wappe sy ufmalet gsi. Halblut het er buechschtabiert und gläje: „Hans Fränkli, Gilgian Spilmann, Hans Heinrich von Balmos — Adrian von Bubenberg — was tuusigs, isch dä o hie gsi? — anno tuusiedvierhundertfibenefüzg bis einesächzg. — Ja, das isch halt scho=n=e-Chehr här.“

Der Herr vo Graviseth, eine vo de glehrtschte damalige Bärner und e syne Chopf, fragt der Oberscht: „Was weit Dr mit däm säge?“

„Daß mer leider keini fettige Lüt meh heige.“

„M, weiß doch nid.“

„Wie wär?“ fragt der Landvogt.

„Wie der groß Buebebärg, i meine dä vo Murte.“

„D villicht nid grad ganz e so währschafftige Hou-
däge, hingäge . . .“ wott der Liebegger yrede; aber
der Oberscht lat ihm nüt gälte=n=und seit mit Chopf-
schüttle:

„Mm — mm — nei, my Liebe. Sünsch gsäch
es jitz anders us z'Värn.“

„Was? — Wieso?“ frage die beide=n=Andere
gleichzytig.

„Zu ds Buebebärgs Zyte=n=isch weniger prakti-
ziert*) worde=n=als hüttigstags, d'Türe=n=isch wyter
offe gschande, me het meh la hne luege=n=und isch
weniger uf syne Pfruende gschält. Derby isch me-
n=eifacher gsi, het Andere=n=ihri Sach gönnt, und
drum isch es o Niemerem z'Sinn cho sech z'revol-
tiere.“

„Und der Tvingherrehandel?“ wirft da der Herr
vo Gravifeth derzwüsche.

„Das isch ganz öppis anders gsi. Und übriges
zeigt grad der Tvingherrehandel der groß Under-
schid. I will gar nid emal säge, daß di damalige
Politik viel größer und gschyder gsi sygi als di

*) Prattizieren nannte man die Umtriebe für die Wahl in
den Rat.

jibigi. Aber was der Unterschied macht, das isch, daß di Einzelne hüttzutag nume so lang und so wyt für ds Gmeinwohl uschtande, als es sich mit ihrem eigete Nuzge deckt. Sobald die beide Sache-n-usenandere gange, hört d'Wopferung uf. Und drum wott me-n-o alleini Herr und Meischter sy; Niemer sötti dörfe d'Nase zueche ha, und Keine darf öppis meh gälte-n-als der Ander.“

„Nemo nostrum excellat he he he“, lachet der Liebegger, „das isch ganz e gfunde republikanische Grundsatz.“

„Wie me's nimmt“, meint der Kommandant, „es excelliert de aber o Niemer im Guete. Alles blybt i nere halbbazige moyenne. Jede weiß, daß me vo ihm nid meh erwartet als vo jedem Andere. Und so plaget sich Keine hert; aber Jede luegt ussem Wenige wo-n-er z'verrichte het, müglescht viel für sich sälber usz'schindte. — Das git de heiteri Sol-date. Lueget nume, dir wärdet de no öppis erläbe, wenn mer einisch z'grächtem müesse-n-abwyße.“

„Wer wei de die scho manöveriere“, seit der Land-vogt.

„Ja“, fahrt der Oberscht furt, „das cha me nume, wenn me sich sälber i-n-Egi het und sich o öppis weiß abz'bräche. Aber äbe das het me juschtemänt verlehrt. Lueget de nume! Für üs isch es gar nid guet gsi, daß mer vom länge Chrieg im Ryck usse

so hei chönne profitiere. S'isch de Lüte nume z'wohl worde."

"Emel de Bure, schynt's", meint der Landvogt.

"Ja, 's het öppis", git der Herr Wendtschaf zue, „aber descht sorgsamer hätti me ne du sölle=n=übere hälfe, i di böseri Zyt. Si hei sech grüßlech verwöhnt, und wo du ds Gälde so schuderhaft abegheit ich, het's ne du gar hert meh ta. Me mueß se=n=äbe näh, wie si sy. Üsereine=n=isch erfahre gnue, für öppe chly z'schmöcke, wie's wott cho; aber si sy halt wie d'Chinder“.

„Grad äbe so het me se gnoh“, bhauptet der Herr vo Gravisetz. „Aber si wei halt sälber groß sy und sech nid la brichte. Sägert mer nid, daß me se schlächt behandelt heig. Üsi Herre z'Wärn kenne=n=ihre Vorteil viel z'guet als daß si nid vätterlech mit dem Volk umgienge.“

„Abe grad da hei mer's“, seit uf das der Oberscht, höumelet und nimmt der Liebegger bi mene Schnopf. „So verschteit me di Batterschaft, daß me=n=us Chummer ume=n=eigete Vorteil Sorg zue ne het.“

„Ja, was weit Dir de anders?“ lachtet der Herr vo Gravisetz überläge. „Das isch doch di wahrli Shtaats=Ökonomie. Ds Wohl vo der Regierung isch o wieder der Nuzge vom Volk. Die hei alle Grund froh z'sy über ne schtarki Regierung.“

„Aber es isch e kei — wie söll i o säge? — kei Liebi drinne.“

Uf dä letscht Wurf vom Oberscht hei di beide-n-Andere mit Achselzucke-n- und Chopfsschüttle g'antwortet, grad gnue, für im Kommandant ds Gfuehl z'wecke, daß me ne für chly ne kuriose Kärlä aluegi. Und drum isch er mit gsänktem Chopf und sctoberem Blick trotzig dagichtande, wo jiz d'Türe-n-ufgeit und d'Frou Landvöggti mit ihrer Tochter Marianne-n-und dem Kätheli Willading yne cho isch. Hinder ne här sy no-n-e Lütenant vo der Schloßbsatzig und der Adjutant vom General von Erlach cho, und währreddäm me der Herr d'Uclépens dem Herr vo Graviseth und dene Töchtere vorgschstellt het, isch ds Äffe-n-ufstret worde: e chüschtingi Suppe-n-und nach-här es währschafsts Bratis mit Salat. Das isch alles gsi. Aber derfür het me-n-us schönem Silbergschirr e guete Schluck derzue gnoh.

Di Töchtere hei jedefalls nid gha z'chlage-n-über d'Gjellschaft. Alles het ne schön ta; nume der Oberscht isch e chly schtill gsi und het meh mit der Landvöggti gredt. Sie und da het er mit syne dunkle-n-Duge ne verschtohlene Blick uf ds Kätheli Willading gworfe, wo der ganz Abe ds Gägghels gsi isch und de junge-n-Offizier d'Chöpf verdräit het.

Wo me der Tisch abgruumt het, isch es scho chly fhschter worde. Da scteit der Oberscht uf, etschul-

diget sech mit verständnisinnigem Blick bi der Landbögti und geit use. 'S het Niemer umegluegt, will me's gwahnet gsi isch. Mit liechtem und sicherem Schritt isch der Oberscht Wendschay d'Schtäge=n=uf, dür e dröhnende Gang hindere=n=und i syr Schlafstube verschwunde. Es isch keis anders Liecht ynecho als es letschts, schwachs Aberot und der Widerschyn vom Wätterlüüchte=n=us nere mächtige Gwitterwolke, die überem Jura gläge=n=isch. Der Oberscht het nid meh bruucht.

Am Fueßändi vo sym Bett isch syz Buebli i mene Ghinderbettli gläge, im süeziichte Schlaf. — Riesegroß isch der Oberscht dernäbe=n=a der Wand gschtande, so schtill, daß er ds Schnuuse vom Ghlyne het möge ghöre. Und wo=n=er so schtill da gschtande=n=isch und bald syz Ghind, bald ds Aberot agluegt het, da sy=n=ihm allerhand Gedanke=n=ufgschtige, und a Nächt het er dänkt, wo=n=er o so näbe mene Bett gschtande=n=isch und Atezüg verfolget het. Ach Gott ja, ds fältmal isch für ihn o=n=e milde Sunneglanz erlösch. Und hütt het er sy Einsamkeit wieder dopplet asah gschpüre. Der Liebegger, mit däm er's sünsch so guet chönne het und dä ne doch hätti sölle begryse, isch plöglech o zu dene=n=übergange, wo der Chopf über ihn gschüttlet hei. — Di Narre! Zorn isch i=n=ihm ufglammet und het ne gwörget, so daß es ihm schier gwöhlet het, wenn de albe wieder

ds Weh um sy jung verschtorbeni Frou d'Oberhand übercho het. Wär der Oberscht nid vo Ghindsbeinen=a duryne=n-es fromms Gmüet voll heiligi Ehrfurcht gäge=n-alles Überirdische gsi, er hätti sech mängisch i fettige wehmüetige Schtunde revoltiert gäge liebe Gott, will er ihm der einzig Müntsch, mit däm er eis Härz und ei Seel gsi isch, so gichwind wieder wäggnoh het.

I där Gmüetsverfassung het er nümme=n-i di heiteri Gsellschaft abe möge. Drum isch er, wo ds letschte rote Fläckli am Himmel erlösche=n-isch, i der Fänschternische=n-abgsässe=n-und i ds Schtuune versunke. Er het e Schtärn bewunderet, wo einsam über der Wätterwand het asah glikere=n-im dunkelblaue Himmel. Und derby isch ihm wieder ds Bueebärgwappe=n-i Sinn cho, der einsam silberig Schtärn im blaue Fäld über der feschte silberige Schicht vom undere Fäld. — Du schöne lüüchtende Schtärn, warum bisch du so allei?

Dunde, im Saal, isch es underdessa luter und lüchtiger zuegange. Ds Ässe=n-isch use gruumt gsi. Me het Liecht gmacht gha und isch heiter ume Tisch ume gässe. Wo si abgruumt hei, isch der Liebegger e Momänt näbe Schloßlütentant cho z'schtah und het ihm mit mene Blick uf ds Rät'heli Willading e fründschaftleche Bog Gä. „Das isch e zächefachi“, het er gseit und isch sech bedütsam mit dem Finger ume

Sals ume gfare. Der Offizier het ne verschtandene- und mit lächerigem Blick ihm danket. — Aber o der Herr d'Clépens het's ghört und begriffe. — Der Herr vo Gravisetz het mit sym Wink welle säge, d'Zumpfer Willading chönnti di gulbige Baretlichetti zächemal umlyre, wenn si wetti adütte, über wie mänge verwandte Ratszherre ihres charme regieri. Eigetlech verwandti Ratszherre sy hinderem Marianne Tribolet nid weniger gschande, aber es het se lugger i der Hand gha als sy Fründin. Di beide junge-n-Offizier hei sech zueche gla zum Rätheli, aber bald asah gschpüre, was syni wyt offene, heiterblauene-Duge-n-und di vornähmi, möhrig brocheni Falte näbe de Muulegge gseit hei: „Was weit Dir mit mir? Tüet ech nume nid z'hert gmüejje.“ Aber der Adjutant het sech nid welle pfüpfje, göb daß er nume ne-n-Alouf gnoh het. A däm Gsicht het er öppis gha z'schtudiere. Scho nume dä Huuse vo syhdige cheschtenebruune boucles! Me hätti ne Schtaats-Allonge-Perügge füre gröschte Fäldherr druus chönne mache. Wie schön das über di runde-n-Achse-n-abgflosse-n-isch, so weich und duftig! Und i der Farb hätt's das Gsicht mit der schönschte Rose chönne-n-usnä. Aber äbe, i de-n-Dugsbraue scho isch öppis gläge, wo Eine het gheisse-n-uspasse; si hei Bögli gmacht, wie-n-e Mörserwurf, und wenn ds Rätheli derna öppis gseit het, so het's dert obe zuckt, wie

wenn es Schängli derdür füehr. Nase, Muul und Chini sy übereinander bouet gsi, harmonischer nützi nüt. Also Alles i-n-Allem es schöns, gschyds Gsicht uf nere schtattliche Figur, e ganze Biz als Bärn. Das hätti no grad einisch a mene jede-n-hglüüchtet, am allermeishte-n-aber d'Varettlichetti, mit allem, was drum und dra ghanget isch. Aber für ne lueme Trappi, ne Längwyler oder ne Höfeler isch das nüt gsi, und mänge flotte Jäger isch vom Kätheli abcho mit der Überzüung: e chly minder wär meh. Der Ahang wär de Meishte lieber gsi als ds Kätheli sälber.

Was aber der Zuegang zu ds Käthelis Hätz bsunders schwär gmacht het, das isch sy merkwürdigi Doppelnatur gsi. Es isch ei Mönstsch im andere verschteckt gsi. Der üsser isch es übermüetigs, piquants und e chly trüegerisches Wäse gsi, der inner es liebs, ufrichtigs und zu allem Guete fähigs Hätz. Aber das het nume vo Lüte chönne-n-usglöst wärde, die i ihrem Charakter so unerbittlech wahr gsi sy, daß si uf ds aziehende Schynwäse vom Kätheli gar nid reagiert hei. Nume vor settiger Wahrheit isch de albe das verführerische Phantom verfluge.

Währeddäm der Adjutant under Konkurränz vom Schloßlüttenant mit dene beide Töchtere sech vertörlet het, isch bi de-n-Alte d'Schprach use-n-Oberscht cho. Es sygi doch e merkwürdige Chuz, het der Landvogt

gmeint. Aber sy Frou het nüt uf ne la cho. „Er het syhi Mugge“, seit si, „aber es Härz so groß wie-n-es Burehus.“

„Ender no wie-n-e Chilche“, meint der Liebegger.

„So groß wie d' Schwyz isch es“, schpottet der Landvogt, „di ganzi Republik het ja Platz drinn und no allergattig derzue.“

„Nu mynetwäge“ seit d'Frou Tribolet, und ihri Tochter het gmeint, si müeß o no öppis appartigs über das Härz säge, und hängtlet nach: „Und doch isch niemer drinne“.

Es isch halt gar gschpässig. Es git Fäll, wo me vo „Niemer“ redt, will me nid gärn zuegit, daß öpper umewäg isch, und das nume, will me nid sälber dä öpper isch. Ob das d'Frou Landvögti bi ihrer Tochter vermuetet het oder nid, jedefalls het si nüt berglyche ta und ganz harmlos gseit: „Es isch einisch anders gsi. Sy Frou het das Härz us-gfüllt. — Kei, wenn i danke, was das für nes Glück gsi isch! — Es chunt Ein hert a, z'gloube, daß e Frou ihrem Ma z'viel cha sy und daß si furt mueß, damit meh Lüt, wo's villicht nötiger hei, der-vo chönne profitiere.“

„A bah“, meint der Liebegger. „Wär profitiert jiz dervo? — Sy Bueb. Und wär' d'Frou nid gschtorbe, so gieng's däm no besser; und der Wend-schaf wär e-n-andere Kärl, 's isch schad für ihn“.

„Es isch ihm halt nid z'hälfe“, bhauptet der Landvogt. „Wenn me=n=äbe geng alles anders wott ha als alli andere Lüt, so mueß me sech de nid wunderere, daß me=n=a=n=alle=n=Orte=n=aschießt“.

D'Frou Landvögti het underbesse zum Zytvertrieb e Handarbeit füregnoh und vor sech abe gleit: „I weiß scho, wo's fählt. — Das chunt de scho wieder anders“.

„Eh, was isch das? — Lueget dert? — Brönnt's ächt!“ fragt da undereinisch ds Marianne=n=und zeigt dür ds Fänschter. Natürlich isch me=n=ufgschosse=n=und ga luege.

„Ja das sy d'Lagerfüür vo de Bure“, erklärt der Herr vo Gravisetz.

„He nu“, meint der Adjutant, „das schynt es schöns Hüüfli z'sy“.

„Ja, i cha=n=Es's säge“, fährt der Liebegger furt, „bi zwänzigtusjed wärde's wohl sy“.

„Hm, der Huuse macht's nid, im Gägeteil, wenn's mit der Disziplin haperet, isch e fettige Huuse gar nid z'dirigiere“, wirft der Landvogt h. Und der Schloßlüttenant ergänzt:

„Ja, und de hei si ja nüt als Schpieße=n=und Chnüttle“.

Da erklärt aber der Liebegger zum allgmeinen=Esse: „Grad ganz e so isch es nid. Si hei scho jitz öppis vo grobem Gschütz, und de rächne si äbe

druuf, de-n-Eidsgenössische no ihres Geschütz abz'jage, und de söll's de hie uf ds Schloß losgah“.

„Was? — Uf ds Schloß Länzburg?“ fahre-n-alli drei Froue da uf.

„Ja, ja“.

Me het sech wieder uf syni Schtüehl nidergla, und der Landvogt het mit vätterlecher Schträngi zu dene Töchtere gseit:

„Ja, jitz daß dres de wüßet: vo jitz ewäg wird de e keis Bei meh zum Tor use gla ohni usdrücklechi Permissiön vo mir oder vom Herr Oberst. — Verschtande, Herr Lütenant?“

„Ghorfame Diener, Herr Landvogt“.

„Aber m i lat dr doch no use?“ fragt schpöttisch der Herr vo Graviseth.

„Jä, i weiß nid“, gschpasset der Landvogt, „i gloub', i well di da bhalte. — Oder was meine di Dame?“

Mit Halloß het me-n-erklärt, der Herr vo Graviseth müessi über Nacht dablybe-n-und überhoupst e-n-allfälligi Belagerung dür d'Bure mit ushalte. Er dörf de nes Journal drüber führe-n-und es Heldenepos drus mache. Wo-n-er derglyche ta het, er well use, het sech ds Marianne vor d'Türe gschstellt und gseit: „Mit da! Mitgange — mitgange“.

„Ja“, lachet der Liebegger, „und de Dir, Zumpfer Willading? — Dir ghöret doch o nid zur Bfagig?“

„Wohl, wohl“, wehrt sich der Lieutenant, „si fasset morn e Harnisch.“

„Quelles bêtises“, protestiert der Adjutant, „nous conduirons Mademoiselle demain à Berne. — N'est-ce pas, Mademoiselle?“

Das Rättheli seit: „J'y suis, j'y reste, je ne crains rien“.

3 däm Dugeblick knallet duffe-n-e Flinteschuß, und mit Ohlingeles flüge d'Schärbe vo mene Buze-schybli i d'Schtube-n-yne. Alles schießt uf, wie vom Bliz gschüücht. D'Froue sy zum Tod erschrocke, und was Mannevolk gsi isch, het Huet und Däge gsuecht. Der Liebegger und der Adjutant sy a d's Fänschter gschprunge, und der Landvogt het der Trogdeckel ufgeschlage-n-und e Muskete füregnoh. I der ougeblickleche Schtilli ghört me-n-us der fysch-tere Tiefi use ne grobi Mannschtimm: „Fräset ech jiz no voll, dir Tyranne! — Morn z'nacht git's de Wassersuppe für die wo nid ungerem Schutt sy. — Jiz isch usgeregirt!“

„Ganget i d'Hoffschtube!“ het der Landvogt de Froue befohle. — „Wo isch der Oberscht?“ het's gheisse. Alles isch i Gang use, und wo me Liecht bringt, scheidet der Oberscht Wendischatz scho fix und fertig da und git syni Befähle. Bevor er sälber d'Schtäge-n-ab isch, het er der Frou Landvöggti ne verschtändnisvolle Blick gä und gseit: „Also, i verla

mi druuf, gället? Es ma de gä, was es will". — „Sich er erwachet?“ fragt si; aber der Oberscht isch scho d'Schtäge-n-ab gsi. D'Landvöggti isch uf der Schtell use-n-und het us Chummer, es gönnti no meh gschosse wärde, der Töldi Wendschaf abe gnoh. „Gäbet ne mir!“ het ds Rät'heli Willading afah äcke. Und es het nid lugg gla, bis es der Bueb triumphierend i syß Bett treit het.

I däm Dugeblick het es im Härz vom Marianne Tribolet öppis gä. Es isch sech sälber nid rächt klar worde, was. Bis dahi hei di beide Fründinne glychmäsig und einträchtig i di schöne melancholische-n-Duge vom Oberscht gluegt; jiz aber hets ds Marianne gmerkt, daß ds Rät'heli ne Vorzug suecht. Ds Galleseckli isch ihm übergloffte, und wenn es o nüt hätti welle derglyche tue, so het es doch no währed der Nacht Glägeheit gfunde, dem Papa vo „der dumme Komedi mit däm Bueb“ z'brichte. Der Landvogt het schynbar gar nid druuf glost; aber was dem junge, weiche Härz vo syr Tochter weh ta het, isch grad scharf gnueg gsi, für im herte Regäntehärz vom Batter d'Tribfädere zu mene tüfelsüchtige Schtreich usz'löse. Agseh frylech hätt' ihm's Niemer.


Im Hof unde-n-isch d'Mannschaft aträtte. Der Oberscht het se-n-im Schyn vo nere Fackle gmuschteret und uf ihri Poschte gschellt.

Der Herr vo Graviseth het la sattle-n-und hei

welle ga Liebegg. Me het sech däm widersezt, und wo's nüt ghulfe het, will er's nid het welle la druuf abcho, sy Familie für längerer Zyt im Schtich z'la, het me-n-ihm Begleitmannschaft abotte. Aber „nüt“, het er gseit, „die kenne der Wäg nid; aber mys Ross kennt ne. Heit nume nid Chummer.“

Da het der Oberscht Wendschay erklärt, jiz syg är Kommandant vo Länzburg und vor der Tagheiteri laj er Niemer use.





G. Et.

II. Kapitel.

Im Schloß het's no lang nid Ruch gä. Nid, daß me-n-öppe viel Lärme-n-und Glöuf ghört hätti. Wenn scho da und dert e schwäri eichigi Porte gschlegt worde-n-isch, so hätti Ein das dür di unerkannt dicke Muure düre nid möge-n-im Schlaf schtöre. Aber me het halt doch nid rächt gwüßt, was es öppe no chönnti gä, und isch me-n-ändlech trohdäm e chly ygnuckt, so isch vom Hof här e flüchtige Fackelschyn ufgange-n-und het der Schatte vo de Fänschterchrüz wie nes Gschpänscht über d'Dili gjagt.

Der Töldi het wohl gmerkt, daß öppis mit ihm geit, wo me ne züglet het, aber nid rächt was. Er het o Liechtshyn und Schätte gseh, aber syni Dugsdeckle sy wieder zuegfalle, göb daß er begriffe het, was los isch. Im Troum sy ds Büßi und ds Mädeli und der Chrissegglechrigel, Kanone=n-und Gvätterzüüg a=n-ihm vorby gange wie anderi Nächt o. Aber jiz, wo d'Tagheiteri i d'Schtube cho isch und's bald wär nachte gsi, für i ds Papa's Bett ufz'chlättere=n-und ne ga z'plage, da het der Töldi nid begriffe, wo=n-er isch. Schtatt der gwahnete Dili mit de bliemelete Träm het er es fychters Brätt ob sech gha, i mene Cabinetli vo Umhäng isch er gläge, und es frömds Dachbett het ihm d'Usicht gnoh. Hert näbe=n-ihm isch, e Madonna i der Nachthappe, ds Rätheli Willading gläge=n-und het mit majeschtätisch weiche Züge der Athe zoge. Der Töldi het's kennt, so guet wie di andere „Schloß-tante“, aber es isch ihm doch e frömdi Pärson gsi, und drum het er asah druuf sinne, wie=n-er zu sym Papa chömi, ohni daß si's merki. Gar nid ungschickt isch er dür d'Umhäng use gschloffte. Er düüßelet zur Türe, rekt sech, zieht mit Müej und Rot di schmidhsigi Falle=n-abe=n-und isch duffe. Ds Rätheli het wohl öppis ghöre chlepfe, aber es isch sech nid so gschwind bewußt worde, was gange=n-isch. Der Töldi het sech i däm Flügel vom Schloß nid uskennt. Er

isch mit syne blutte Füeßli über di chalte Schteiplatte pföselet, bis er e Schtäge gfunde het. Dert isch er ufe, will me ja zu ds Papa's Schtube-n-o geng d'Schtäge-n-ufgange-n-isch. Aber es isch halt e-n-anderi Schtäge gsi, und wo der Töldi dobe wieder i ne lääre, düschtere Gang chunt, wo Niemer als e-n-alti Flädermuus logiert het, het er sech schuderhaft afah förchte, isch d'Schtäge-n-ab gschtinggelet und het jämmerlech nam Papa gschroue. Das het du ds Rät'heli z'vollem gweckt, und jiz isch es gleitig der Ustryßer cho abfasse-n-und het ne wieder zue sech i di warmi Chesi gnoh. Aber der Töldi het nam Papa bäägget und sech lang nid welle schtill ha. Z'letscht het ds Rät'heli mit ihm afah z'bodeschtelle, so daß er für guet gfunde het, nahz'gä. Wo me du ändlech ufgschtande-n-isch, het's ihm du erscht gar nümme gfalle. Ds Rät'heli het gfunde, dä Bueb gsej verwahrloset us und het ne du trotz sym Schperze-n-und Wehre-n-anere gründleche Toilette-n-undworfe. Wo denn erwäg het der Töldi e Bumbeschpäkt vor der „Tante Rät'heli“ bhalte, und er het gar nüt derwider gha, wo sech es paar Schtunde schpäter d'Nachricht im Schloß verbreitet het, d'Tante Rät'heli welli verreije.

Mit däm Welle-n-isch das richtig so-n-e Sach gsi. Wie nächer der Ufruehr a ds Schloß ane cho isch, wie lieber wär ds Rät'heli dablibe, nid nume für

de daheim öppis chönne z'erzelle, sondere für z'grächtem öppis dürez'mache. Aber der Herr Landvogt isch ganz anderer Meinung gsi. Er het, ohni längs Fädeläsis z'mache, der Fründin vo syr Tochter erklärt, er sygß ihrem Papa, dem Herr Dütsch=Seckelmeischer, schuldig, se hei z'schicke, göß daß es losgangi; er heig mit dem Herr d'Glépens greßt, daß er se hei eskortieri, und d'Sach syg i der Drnig. Es git alti Herre, die vor mene enchantierende Blick us schöne, füechte=n=Duge dafustrohle wie=n=e Cheigel. Aber zu dene het der Landvogt nid ghört, es hätti o nid müesse=n=e Tribolet sy. Der Herr d'Glépens frylech het herrlech wohl gläbt a sym Uftrag, und wenn me ne gheisse hätti über Basel ga chehre, er hätti's unbsinnet gmacht. Me het übriges gar nid wyters gfragt, wäm's rächt syg. Dem Rät'heli het me neß großes läderigs Fällhyse bracht, für syni Sache=n=hz'packe. Der Sattler het e Damejattel zwäggmacht, und nam z'Mittagässe het der Herr d'Glépens Ufbruch befohle. Da chunt me=n=aber cho säge, me mangleti dänk wäge der Dame, wo mitsöll, no chly z'warte, es donneri. Was, donnerer tuet's?

Ja, es het neue Niemer derwyl gha, uf ds Wätter z'luege, sünich hätte si gseh, daß es brandschwarz us em Gäu ufecho isch. Ruuchi Luftschöpf hei der Schtoub im Schlosshof usgwiehlet und di

alte Linde gschtrublet, wo me d'Roß wieder i Schtall
gfuehrt het. E wüeschte gäle Dunscht het d'Luft
gfüllt. Di früsch vergulbete Wättersfahne hei glüüch-
tet wie Flamme, und der Wirbelschturm het se
z'ringsetum tribe. Tropfe, so groß wie Bärnpfund,
sy a d'Schybe gfahre, und ändlech isch Bliß über
Bliß dür ds Gwüch gschosse. Der Donner het no
güchtiger gchrachet, gwaltiger dröhnt als geschter di
fatale Kanoneschüz. Es isch allimal uheimelig gsi,
wenn's e so um das isolierte höchbouete Schloß ume
gwätteret het. Aber hütt het me's nid ungärn gseh,
will me dänkt het, es wärdi ds Bureheer a Schärme
trybe-n-und e chly abchüehle.

Aber, was gseht me dert uf der Schtraß vo
Dthmarsinge här cho? Z'mitts im schwärste Käge-
schturm chöme Lüt cho z'loufe, Wyber mit Ghinder
a de Händ und a de Ghittle, allerhand Volk mit
Sack und Pack, Wäge-n-und Vieh. Und Alles e so
ärchtig. Z'erscht sy si ganz verzatteret cho, du geng
dicker, ganzi Husshaltige mit Ghärre-n-und Gräbel.
Das het nüt guets la vermuete. Geng meh, geng
meh. Wie wenn ganzi Dörfer züglete, so isch es
derhär cho.

Der Landvogt isch bleich worde, der Oberscht
urüejig. „Es schynt doch welle losz'gah“, meint der
Schloßkommandant, „das sy Flüchtigi, si wei i
d'Schtadt.“

„Söll me-n=ächt la d'Tor zuetue?“ fragt der Landvogt.

„Nei, nei, me mueß ne Luft la, me mueß mache, daß si dürechöme.“ — Übriges sy das beidergattig Lüt; da wärde Lindi* o derby sy.“

U allne Fänschter und i de Schießscharde-n-isch me gschande, für däm Zug zuez'luege, wo sech i de tiefe Charrgleus dür Schturm und Räge düreg'arbeitet het.

„Rei di Arme!“ — „Lueget dert di Frou! Dri fergget si mit sech.“ — „Was git's jitz dert? — Es isch es Gschänd.“ „Si prüngle sech — oder was mache si? — Lueget! lueget!“ — „Es isch e Chue am Bode.“ — „S'wird öppe-n-e Wage-n-ygchrutet sy.“ — „Nei, nei, si schryße-n-amene Tier ume, lueget wie si's schtöpfe“. — „Dert macht Eine d'Fuuscht gäge ds Schloß.“ — „Dä Löl, mer chönne-n-emel nüt dertfür.“ — „Aber, was isch ächt o los?“ — „Warum chöme si?“

So het's im Schloß obe dürenandere gredt, währed ds Gwitter gäge ds Majegrüen zue sech verzoge het und di flüchtigi Caravane geng nächer cho, geng länger worde-n-isch. Gäge ds Biriibiet übere-n-isch es blauschwarz gsi, ds Schloß Brunegg het

* „Linde“ hießen die Parteigänger der Regierung, während die Bauernpartei sich die „Harten“ nannte.

glüüchtet wie-n-e Biz Fuulholz i der Nacht. Und i der Byti het's donneret, donneret ohni ushöre.

„E myn Gott!“ rüeft eini vo dene Froue, „lueget, es het ugschlage. Lueget dä Schyn obem Maje-grüen!“

Dem Landvogt sy z'viel Lüt umewäg gsi. Ungebuldig, uschlüffig und mit chaltbösem Gsicht isch er im Saal umetrappet und het der Oberscht mit schtumme Blicke-n-um sy Meinung gfragt.

„Mer wei se la cho“, meint der Oberscht, „oder weit Dr i d'Schtadt abe, Herr Landvogt?“

Dä schüttlet der Chopf. Da chunt ihm der Herr d'Eclépens under d'Duge. Di Froue sy amene Hüüfli i-n-ere Fänschternische gichtande-n-und hei bald truurig uf d'Schtraß abegluegt, bald verläge-n-ufe Landvogt.

„Je crois que la pluie cesse, le temps va s'aranger“, seit dä plöhslech zum Adjutant.

Der Herr d'Eclépens het begriffe-n-und isch dem Rät'heli Willading höflech ga säge: „Avez-vous le courage de partir? Il faudrait profiter du moment“.

Im Grund isch me froh gsi, dem Landvogt ab de Märve z'cho und het sech i Hof abe verzoge. Der Landvogt het dem Rät'heli höflech d'Hand gä, aber ihni Wort gschpart. „Whüet Ech Gott! Mes compliments dem Herr Seckelmeischer.“

D'Roß sy langsam, schier e chly gschtabelig us em Schtall fürecho. Der Herr d'Clépens het dem Rät'heli i Sattel ghulfe-n-und gluegt, ob ds Gepäck guet ufgeschnallet syg, und nachegurtet. Du isch er sälber mit elegantem Schwung i Sattel und het syne Dragner besohle-n-ufzsiße. Alles het ds Rät'heli bewunderet, wie-n-es comme-il-faut gässe-n-isch und mit heiterer Würdi adieu gwunke het. Bi der Uf-schtärne, wo ne der Landvogt nid het chönne gseh, isch der Oberscht gschande-n-und het i aller Schtilli dem Abmarsch zuegluegt. S'isch es prächtigs Bild gsi, dä Dugeblick. D'Abedsunne het der Schloßhof us mene Wulkeriß mit guldigem Liecht überschüttet. Uf Büsch und Böum het's glänzt und glizeret, und a jedem Dachtrouf sy Chettene vo Diamante ghanget. Di rote Röck vo de Rüter hei hälluuf gliüüchtet, und dem Rät'heli isch der dustig Sunneschimmer uf em schtolze Gesicht gläge. Syni schöne boucles het's i mene guldbrodierte Nepli undere mächtige Fäderehuet ufebunde gha, und mit wahrer Majeschtät isch der blau Rytrock über sy schtattlechi Figur und über d'Flanque vo sym Fuchslü abgfallene. D'Händ sy i gäle Schtulphändsche gschteckt. Ziß wirft's im Abryte der Chopf uf, luegt no einisch zrück, winkt es letschts adieu — me het nid rächt gseh, wäm — und verschwindet im sychtere Torboge, sy Eskorte hinder ihm här.

Mit großer Sorgfalt isch me-n-über d'Fallbrügg ab, mit gänktem Chopf dür di zwöi üssere Tor und uf der Morgesyte-n=um ds Schloß ume, für uf em grob bschossene Burgwäg i d'Schtadt abezcho. Sowyt isch Alles guet gange. Aber jtz schoßt di chlyni Cavalcade uf ne Huuse Länzburger Schtadtvolk, wo mit großem Beduure-n=und mit Etrüschung dem Dzug vo de Flüchtige zuegluegt und üsne Ritter der Rügge gchehrt het. Di guldigi Abedsunne het nid nume di schtolzi Gruppe-n-im Schloßhof obe belüüchtet, hie unde het si i di änge Gassen-yne zündtet und der ganz Jammer, wo sech da yne gflüchtet het, mit grällem Schyn überschüttet. D'Ratlosigkeit uf beidne Syte, bi de Schtadtvätter und bi de flüchtige Landlüte, het d'Schpißi vom Zug zum Schtillsichtah bracht, und vo hinde füre het sech ds Gländ zum Erbarme vo de Schtadtburger gschouet. Inschinktiv — wie wenn mit dem Magen=Alles z'gfschweigge wäri — het me Brot und Wy us de Hüjere bracht; di müede Wyber sy abgflässen=und hei gjammeret, d'Chinder sy zwüsche Wägen=und Viehwar dasumezwirblet, d'Chüe hei vor Hunger gmöögget, und was vo Mannevolch derby gfi isch, het erzellt und ufbegährt. D'Länzburger Schtadtmanne hei gschumpfe-n=und d'Regierung d'schuld gä.

Der Herr d'Gclépens het di ganzi Bschäärung

nid chönne-n=überluege. Was är gseh het, sy di gwunderige Schtadtlüt gfi, wo-n-ihm nid uswäg welle hei, will si ganz abgseh vo allem Chyb über d'Regierung und ihri Repräsentante nid ygseh hei, wie-n=e Rütertrupp dür das Gräbel dürecho söll. — „Attention!“ seit der Herr d'Eclépens zu de Nächschte, und wo ds Rätheli merkt, daß es Niemer uf sich bezieht, seit's zu bene Lüte: „E chly Platz mache söllet dr.“ — „Attention! S'il vous plait“, seit der Offizier no einisch und du scho chly herrscheliger: „Laissez nous passer! Allons, Messieurs!“ Dermit het er emel so viel möge-n=ermürke, daß d'Lüt jiz alli uf ihn und sy schöni Begleiterin gluegt hei, aber mit wettige-n=Duge! D'Gsichter hei dem Offizier verrate, daß me gar nid willfährig ufgleit sygi. —

Siz dänkt der Herr d'Eclépens, mit Wünsche-n=und Befähle chöme si hütt schynt's nümme ga zofige; er drückt syz Roß füre-n=und rüest nume no einisch: „Attention!“ Da flieh di Allernächschte, schoße-n=ihri Hinderlüt zrügg und trappe ne-n=uf d'Füß. Zum Troz chunt der Erger, und der Widerstand wird zur Abwehr. E-n=undersekte Gärbermeischter, wo juscht gseht, wie-n=es Chind gschtüpft wird und afaht hüüle, fällt dem Offizier i d'Zügel. Wie das d'Draguner gseh, wärde-n=ihri Schporre giechtig, und uf eis mal sy si mit de Roß z'mitts im

Huuse-n-inne. Es paar Lüt sy am Bode. Es wird gößset, brüelet, gfluechet. Dem Rät'heli sy Fuchs isch o gußlet worde-n-und fahf afah ghygampfe, so daß der Herr d'Ecclépens na syne Zügel gryft. Füüsch und Schtücke fastle-n-i der Luft ume; wär Platz het sech z'büeke, list Schteine-n-uf, und der Lärme verbreitet sech i d'Gass hne.

Dobe, im Schloßhof hei sech d'Lüt, wo di Gäscht sy abgritte gfi, uf d'Dichtbaschtion verzoge, vorwäge me het welle wüsse, was am Majegrüen äne gangi. Da me-n-aber im Dugeblick nüt appartigs gseh und d'Röti mit der Fyßchteri vo de Gwitterwulke-n-ab-gnoh het, so isch der Oberscht, uf di weschtlechi Baschtion übere gange, wo me so schön grad i d'Gasse vo der Schtadt abe gfeht, daß es Ein dunkt, me mögdi d'Lüt uf em Märkt mit mene Schteiwurf errecke. Ohni, daß er's g'achtet hätti, sy-n-ihm einzelni Lüt vo der Bsatzig, die der Gwunder gschtoche het, nachegloffe-n-und hei jiz mit großem Interesse-n-uf das Gsichtüchel abegluegt. Si sy büüchlige-n-uf der Brüschtung gläge, und wie meh, daß dunde brüelet worde-n-isch, wie wyter syne d'Duge-n-us em Chopf fürecho. Albeneinisch hei si e fragende Blick uf e-n-Oberscht ta, dä uf mene Tritt vo der Bruschtwehr höumelet und gar nid Notiz gnoh het vo ne. Aber d'Ufregung het me-n-ihm einewäg agseh — grad am ungeduldige Böumele. Jiz, im

Dugeblick, wo dem Rättheli sy Fuchs gredebolz uf-
 schteit und mit de Huese-n-uf di Lüt schynt welle
 z'drösch, dräit der Oberscht i verlägener Ungeduld
 der Chopf, wie wenn er sech fragti, wo-n-er über
 d'Flueh ab chönnti, da begägnat sy Blick däm vo
 syne Manne. Er winkt mit der Hand. Und hai,
 wie-n-e Hord hungerigi Wölf rochle si i länge
 Gümpe dem mittlere Hof und dem Tor zue. Aber
 chuun sy si-n-ihm us de-n-Duge gsi, so chunt dem
 Oberscht z'Sinn, das chönnti de läz uscho. Er
 dänkt a di Flüchtige-n-und a di gsährlechi Schtim-
 mung i der Schtadt unde. Vor allem, het er sech
 gseit, möcht är nid d'Schuld sy, wenn's de sötti
 Bluetvergieße gä. I-n-es paar Schprüing isch er uf
 der Südbaschtion, uf em überhangende Felse, wo
 me der Burgwäg guet überluegt. Dert passet er,
 und schier hätt' er no müesse lache, wo si um d'Oscht-
 baschtion ume ds Gäßli abcho sy. Wyt vorus der
 Chriseggtehrigel i länge Säße; d'Ermel het er no
 hinderegligt ob allem Schpringe-n-und chehium i
 d'Händ gscheut, zwänzg, dryßg Schritt hinder ihm
 di Andere-n-amene Huuse mit Lache-n-und Fuße, und
 z'hinderscht isch der Schtuckmeischer Hofer cho wie-
 n-e galoppierendi Ante: äpuh, äpuh, äpuh!

Erger het der Oberscht i sym ganze Läbe Niemerem
 d'Freud verderbt als jiz dene Soldate, wo-n-er se
 mit syr Donnerschtimm uf halbem Wäg zur wunder-

vollschte Schleglete gschteht het. Er het ne d'Töubi völlig a der Bewegung vo ihrne Filzdechle chönne-abläse. Er het ne befohle schön i Reih und Glib abe z'marschiere, und dem Schtuckmeischter het er zuegrüest, er söll dem Herr d'Eclépens der Wäg um d'Schtadt ume zeige. „Aber Niemer arüehre, göb's nötig isch!“ het er no aghänkt. Mit Müej und Not hei sech di Manne-n-ugschtellt und du sy si i mene Tempo eins zwei — eins zwei — eins zwei der Wäg ab, daß der Schtuckmeischter anschtatt vorus, geng zmitt's im Huuse-n-inne glosse-n-isch und i eim hne het müesse hindercha.

Underdessa-n-isch der Herr d'Eclépens so wyt i ds Gschtüchel hne gritte gsi, daß er het chönne z'grächtem i d'Gäß hne luege. Und wo-n-er gseht, was das für ne Märit isch dert inne, chehrt er um und schlat vo sich us der Umwäg um d'Schtadt ume-n-y. D'Schloßsätzig isch grad no zur rächte Zyt agrüekt, für z'verhüete, daß me d'Müter mit Schteine verfolget. D'Müler hei si aber der Burger-sami nid chönne schtopfe, göb daß si im Chorus brüelet het: „Göhnd nume, ihr chäibe Waadtländer-süffle!“

Der Schtuckmeischter het du dem Oberscht no chönne d'Nachricht bringe, daß di Lüt da unde-n-us Angscht vor em Bureheer d'Flucht ergriffe heige. Aber der Oberscht het nume mit eim Ohr glost.

Sobald, daß er ds Rät'heli mit syr Eskorte im Hardwald het gseh verschwinde, isch er wieder i Schtückgarte-n-übere-n-und het e keis Dug vom Majegrünen abgwändet. Ds Gwitter het sech z'vollem verzoge gha; aber donneret het's neue geng no dert hinde; nume chly anders tönt het's, und me het je länger bescht dütlecher chönne-n-underscheide, daß es vo grobem Gschütz cho isch. Derzue het sech ds Gwülk überem Majegrünen wieder röter gfarbt, und wo d' Sunne-n-undergange gsi isch, isch dert no lang es gruufigs bluetigs Aberot blibe.

Das isch kei schöne Fyrase gsi. Sit, het me gwüßt, isch di erschti schwäri Wunde-n-i Fride-n-und Wohlfahrt vom Bärnervolk gschlage, nid vo mene gemeinsame-n-üßere Zind, sondere vo Partee, die sech nümme verschtande hei. Und däm Mißverschtändnis het me vorläufig keis Änd gseh. Die Nacht no het es sech müesse-n-etscheide, ob der Uf-ruehr Meischter wird oder d'Regierung. Und jiz isch der Etscheid bi de-n-Eidsgenosse gläge.

Der Landvogt, und der Liebegger, wo geng no da gsi isch, vom Gwunder zrückhalte, hei's für sicher agnoh, daß es mit nere Riderlag vo de Bure-n-ändigi, und ghoffet, dermit chöm de Alles wieder i ds Greis. Daß d'Bure gäge ds eidgenösslich Heer nid uschöme, das het der Oberscht o vermuetet; aber i syne-n-Duge het das nume der Afang vo nere no

viel böjere Situation müesse wärde. Er het sy Regierung z'guet gkennt und wohl gwüßt, daß me z'Bärn mit Underlägene nid no lang geit ga märite. Aber äbe so dütlech het er's epfunde, daß dermit no kei Fride gschaffe wär. Er het ygseh, daß de Buren-öppis wehtuet, wo nid nume-n-Bildung isch gsi, und daß nume dä ds Vertroue vom Volk wieder het chönne gwinne, wo imschand isch, d'Ursach vo däm Lyde z'besytige. Und mit där Ysicht isch ihm o d'Gwüßheit cho, daß är äbe juscht der Ma wär, wo chönnti und sötti hälfe. Aber, wie gseit, er het se gkennt z'Bärn inne-n-und gwüßt, was e settige-n-Mouf choschteti. Das het ihm grusam schwär gmacht, und so isch er hinecht schier no trüebjäliger am Bettli vom Töldi gsässe-n-als nächti.

Me het du ändlech vernoh, es syg schtrub zuegange hinderem Majegrüen, ds Dorf Wohleschwyl sygi schtübis und rübis z'Vode brönnt und es syg viel Bluet gflosse, aber d'Sach syg no nid etschide. Di sälbi Nacht isch der Tüfel i ds Burelager gritte-n-und het dem Schybi Chriachte-n-agä, si sölle d'Eidsgenosse-n-im Fyhschtere-n-überfalle. Aber der Chlaus Leuebärger het nid welle. So hei si du z'morndrisch sech mit de-n-Eidsgenosse-n-vgla, und der Bürgermeischter Waser vo Zürich het e so guet gwüßt z'brichte mit dene Bure, daß si willig kapituliert hei. Druuf het me d'Findsjäligkeite-n-vgstelt und vor

Freud het me bis zum Abe gjuhejet und isch nah-ti-nah usenandere glosse. Keis Wunder, daß du d'Eids-genosse gemeint hei, der Zürileu bruuchi nume chly z'brüele, und de louf alles dervo; aber z'Wärn het me's anders agluegt, und es het du ganz anders sölle cho.

Der glych Abe nämlech, wo ds Dorf Wohleischwyl i Füür ufgange=n=isch, da het es z'Wärn i allne Junftschtube brönnt, und zwar e so z'Glanzem, daß me der Papa Willading mit andere Ratsherre=n=usgschickt het, d'Lüt ga betädige. D'Burgersjami isch dür di übermüetige=n=Erzässe vo de Bure=n=erboßt gfi und bfunderbar dür ds verwägene=n=Ufsträtte vom Leuebärger und ihne Lüte. Daß die's überhouppt gwaigt hei, e regelträchte Chriegszug gäge di altehrwürdigi Schtadt z'undernäh, das isch ne=n=über ds Bohnelied gange. Da druuf, hei si gemeint, hätti sech nüt anders ghört als daß me se mit bluetige Chöpf hei gschickt hätti. Aber d'Regierung het's verha. Si het frylech Hülfstruppe vo allne Syte zueche zoge, emel o viel Waadtländer und Neueburger. Aber einschtwoyle het si's no uf fridlechem Wäg probiert guet z'mache. Und so isch i der letschte Wuche vom Maje=n=uf em Murisfäld usse=n=e fridlechi Kapitulation z'schtand cho. Het's scho das de Burger nid chönne, so isch der Born no größer worde, wo me du äbe=n=a däm bewußte=n=Abe ver-

noh het, daß d'Bure-n-uf em Heimäg Mord und Totschlag verüebt heige, ja, daß si überhoubt no gar nid hei, sondere-n-i Aargau abe marschiert syge-n- und dert no wyters Muetwille trybe. No het me nüt gwüßt vo der Schlacht bi Wohlleschwyl. Aber natürlech het me däm Ufruehr im Oberaargau und um Aarau ume nümme länger dörfe zueluege, und so isch no i der glyche Nacht befohle worde, ufz'bräche. Scho z'morndrisch isch der Sigmund von Erlach mit dem Heer ufbroche, ohni der Bricht abz'warte, wo der Herr d'Eclépens het sölle bringe. Der Marsch isch über Landschuete uf Aarwange dirigiert worde.

Wo syr Tochter het der Herr Willading nüt anders gwüßt, als daß si hinder de dicke Muure vo Länzburg im beschte Gwahrsam sygi. „I cha nid gnue säge“, het er zur Frou Seckelmeischteri gseit, „wie froh daß i bi, daß das Meitschi i däm Länzburg unde-n-isch; me hätti aber einisch nid gwüßt, wo wehre mit dene Waadtländer Junker und allem däm Chriegsvolk.“

„I weiß de neue no nid“, het d'Frou Willading gmeint, „es sy doch charmanti épouseurs under dene Vaudois. Es dunkt mi e so-n-es Räbguet im Wälttschland“

„Sophie, was redsch! — Für so-n-es paar Räbschtücke-n-isch mer ds Meitschi nid feil. Die über-

chöme mir einschtwyle no uf anderi Manier. Und so wyt nache sy mer de no nid, daß me di Waadt-länder z'Wärn lat hnefize — nei, nei. I wott de ne gendre, wo öppis vorscheitelt, wo Relatione het und sech o lat bruuche."

„He nu“, süüfzet d'Frou Seckelmeischteri im Gedanke=n=a ds Rät'heli's Art, „das wird de no öppis chönne bi sym quant-à-soi.“

„Ja mira“, meint der Papa, „es bruucht sech nid hz'bilde, i gumpi de uf sy erschtbeschti démangeaison hne wie=n=e Frösch i ne Blungge.“

* * *

Am andere Tag het sech i der Gäged vor Narwange=n=under de Bure ds Grücht verbreitet, es ryti e verchleidete Junker dür ds Land uf; da schtecki öppis derhinder. Me müeß däm uf d'Schpur. Eigetlech het Niemer nüt rächts gwüßt. Aber will's gheisse het, es syg e verchleidete Junker, so het me=n=agnoh, es wär'di da irged e Hinderlich mit de Bure tribe. Me isch uf Kundschaft us, und am Abe=n=isch z'Narwange=n=es Küppeli Bure fychterlige zsämecho und het berate, was me well für'näh. Es isch Bscheid cho gsi, dä Junker syg als „Wghervolch“ verchleidet. Er heig neuis no ne=n=Offizier by sech und es paar Draguner. Si syge nächti uf Narburg cho und welle de morn uf Narwange.

Der Schuelmeischer Sägiffer vo Narwange, eine

vo de hertische „Herte“, het gseit, dä Schpion dörf me nid dürela. Me müeß ne-n-abfah, und wenn's e verchleidete Ma syg, so heig me ds Rächt ne chalt z'mache. Das gälti sech nüt, fettige Wschiß, das syg öppis usufers.

„So bim Donner“, het der Flüeckiger Ueli vo Rohrbach gseit, dä wei mer de d'Ar ab lo.“

„So jo, weder äbe, me mangleti de o z'wüsse, wär es isch“, seit der Lehme Bänz. Aber er het mit syr Vorsicht keis Ghör gfunde. Me het gwüßt, daß d'Värner über Ugeschtorf arüeke=n=und di Eids-genössische=n=über Hofige, und wie näher si cho sy, wie giechtiger isch me worde. Ds Änd vo der Beratung isch gsi, daß me dem verchleidete Junker a der Solothurnergränze well ga passe. Und de müeß er de erläse sy. Und der Flüeckiger Ueli het sech schier nid ebha z'juke=n=ob em Gedanke, wie=n=er de däm Herre-Fögel well ga ds Gloschli abeschryße. No i der Nacht isch me i mene Weidlig über d'Are, will der Landvogt Willading d'Brügg vo Arwange het la bseke. Änet dem Fluß sy si uf Fueßwägleni gäge d'Batteweid zue, wo sech e Hinderhalt gäbig het la yrichte. Me het d'Rolle verteilt. Öppe zwöi Doze het me=n=i Wald hne gschickt, und was verwägeneri Lüt gsi sy, het me=n=use=n=Uslueg hinder Böum und Büün gschickt. Die hei de mit Zeiche jölle=n-abüte, wodüre, daß d'Junker chöme. Eiget-

lech het keine rächt dem Andere trouet, und drum hei si sech no ds Wort abgnoh, es well de keine sech la i ds Bockshorn jage. Der Flückiger Ueli isch e chly wyter vorne linggs vom Wäg i ne Bohneplätz gschstellt worde. Er isch der verwägescht gsi, und drum isch er use wichtigschte Poschte cho. Der Sägisser isch rächts vom Wäg im Waldsoun gschanden- und het de vo dert i Wald hne sölle Zeiche gö. Es isch no früech am Morge gsi, so daß me sech a Bode gleit het, für sech nid unnötig z'ermüede. — Albe-n-einisch isch der Sägisser syri Vorposchte ga revidiere, bis daß er dem Flückiger Ueli afange-n-uf d'Kärve gö het. „Gang jitz hingere, Schueumihschter“, woulet er halblut us sym Bohneplätz füre, „du wirsch no weue, bis daß d'is verratisch.“

„He?“ macht der Sägisser.

„Söusch der Gring hingere ha“, chunt's us de Bohne füre.

„So jo, i wott ume go ge luege, göb si uspassi.“

„Do du die ume lo mache, die luegi de scho.“

„So jo, weder“

„Häb jitz hingere, du Schturm!“

Uf das hi isch der Schuelmeischter wieder i Waldsoun hne. Der Flückiger Ueli het i sym Bohneplätz gfügnäschtet, bis der Schuelmeischter ume gmeint het, er müeß cho luege, was es göbi.

„Was wottsch jitz aber? Du muesch doch dy Nase geng z'vorderischt ha.“

„He nu, so häb di schtiu!“

Wo der Schuelmeischter gfeht, daß der Flückiger vo zweene Schtichlige ne Gwehrschtüki macht und sy grüßlechi Radschloßflinte druuf gleit het, het er sech ändlech dry gä und isch wieder i Wald zrück.

Si sy emel drei oder vier Schtund parat gläge. Us em heiterblaue Himmel het d'Sunne=n-uf e Wald und di fastige, vom Lou versilberete Matte=n-abe gshine, und d'Vögel hei gjubilirt, so schträng si hei möge.

Mänge vo dene Bure het's bitter greut, daß er dāwäg het der Morge müesse la verschtryche, ohni a mene=n-Ort chönne Hand az'lege.

„Es isch my tüüri Seeu schad, e so ga der fuu Hung z'mache“

„Pst! — Pst! — Si chöme.“

Ne ghört Huesfchlag und grad druuf heiteri Schtimme=n-und Lache. Und richtig! Da rytet o scho ds Rätheli Willading hert am Bohneplätz vorby, und der Herr d'Eclépens luegt i d'Vöum use=n-und erzellt es luschtiges Güntli. Und hinder ne här chöme d'Waadtländer mit dem Soumroß, wo ds Räthelis Bagage treit het. — Si ryte vorby und sy scho ne guete Plätz wyt, da pläzet der Sägiffer füre: „Tuusige Donner! — Was isch jiz das?“ — Er schpringt zum Flückiger, und dä schnaagget mit syr Flinte=n-us de Bohne füre.

„Das sy se jo gsi“, schnauet der Schuelmeischter, „warum heisch se jitz verby glo?“

„He u du?“ git der Ueli ume. „Es isch jo es Wybervouch gsi.“

„He äbe, du Chue, das isch ne jo grad, der verchlihdet.“

„He nu, du hättsch au chönne luege. — Söu ihm no ihne gä, he?“ Und dermit macht der Ueli sy Flinte zwäg zum schieße.

„Jo jitz“, brummlet der Schuelmeischter, „jitz treit's nüt meh ab.“

Das het der Ueli sälber gloubt und ds Gewehr wieder abgschtellt.

„I ha's no däicht du dörfisch de nid“, chähret der Sägiffer.

„He jo“, säge di Andere, wo jitz o ufem Wald füre chöme, „i ha's wou däicht, das chöm de so.“

„Du heisch o geng der Gring am läge-n-Drort uf“, meint Eine.

„U de diser?“ git der Ueli ume.

„Weler?“

„He do vore, die wo hi söue ds Bihe gä? — Es het Niemer nüt berglyche to, davore.“

„Jo, 's isch wöhr.“

Jitz isch me zu de Vorposchte trappet. Und richtig der nächsch am Wäg, wo z'ericht hätti sölle-n-agä, ligt wie-n-es Pfund Schnitz hinder sym Boum und schnarchlet.

„Ge do!“ brüelet me ne-n-a. Aber er tuet e ke Want.

„Du, häb uf!“ Me git ihm e Schtupf.

Ändlech dräit er sech um, grännet i Boum use-n-und seit: „Ge?“

„Que au du Löu! Zit sy si jo verby.“

„I ha nüt gseh.“

„So i glube's, we me schloft wie-n-es Murmeli.
— Do mueß me de go schlofe, we me-n-uf em Us-lueg isch. Du bisch jit e fuule Hung du. — Zit sy si-n-is ertrunne.“

„So jo, dir heit guet fluehe. I ma's haut nid verlyde, söbli lang mit dem nüechtere Mage z'ligge. Wenn i öppis z'tüe oder z'treibe gha hätt, so hätt's mi nid gnoh.“

„Was wi mer iez?“ fragt der Sägisser, „mer dörfe nid am hitere Tag über d'Brügg hhe, emu nid all a eim Huuse.“

„I wott iez ase-n-öppis z'morge.“

„Ge so göh mer uf Baueu zum Chrischte“.

So sy si du mit ihrne Waffe-n-uf de-n-Achtle wieder dür Fueß- und Waldwäge gäge Bannwyl zue, und underwägs het der Flückiger Ueli zu sym Nachbar gseit: „S'isch wohr, där Zumpfere hätti my armi Tüüri nüt dörfe tue.“ Aber so ritterlech hei nid Ali epfunde.

Di heiter gluuneti Cavalcade isch ahnungslos am

Wald vorbygritte gsi, und weder ds Rät'heli, no der Herr d'Clépens het öppis anders vor sich gseh, als der vierschrotig Turm vom Schloß Narwange. I Gedanke sy si scho über d'Brügg gsi, und ds Rät'heli het sich im Schtülle-n-usgmalet, was Unggeln-und Tante für Gsichter wärde mache, wenn es da so mit mene Waadtländer Baron us em heiterblauwe Himmel i ds Schloß chöm cho yne z'schneje. Rüt het der Chrott e so wohl ta wie d'Berlägeheite, wo si ihrne Lüte mit fettige Schtreiche het chönne-n-ane-mache. Und am meischte het sich ds Rät'heli druuf g'freut, sy Unggeln, wo sit Jahr und Tag da unde residiert het, ghöre wältsch z'hacke.

Me het scho ds änere-n-Naruser zwüsche-n-Öpfelböume-n-und alte Schtroudecher gseh gligere, und im Dörfli Schwarzhüsere hei d'Hühner mit vernüegtem Chopfnicke d'Mischtgrebli abgsuecht. Aber wo di Wulke vo guldigem Liechtfinn, i dere si gritte sy, mit der nüechtere, härdige Rot- und Schweiß-atmosphäre vo däm arme Räschtli i Berührung grate-n-isch, da hett's müesse nes Wätter abseje. E große härbyßige Ma mit schtrubem Bart und verwahrlosete länge Haare schtellt sich plöcklech z'mitts i d'Dorfgaß nnd chlepft es paarmal unerkannt mit nere Geißle. Me het sy Absicht grad errate, und no het ds Rät'heli sich nid gfasst gha über di unbegryfliche Reschpächtlosigkeit, so chöme-n-under de

Schtroudecker füre no meh dere Kärlisse und zwar mit allerhand Waffe. Verworreni Fluech- und Schimpfwörter töne de Ryter etgäge. Im Schwick sy zwee, drei Wäge z'tromsig über d'Schtraß gschtoße worde, und hinderem Schuß vo der Barrikade het sech e Huuse Burelüt gsamlet. Die hei brüelet und ta wie d'Unghüür. Ds Kätheli isch chrydewyß worden=und het mit große fragende=n=Duge sy Bischüzer agluegt.

„Attendez“, het dä gseit, „je vais vous frayer le passage“. Das arm Kätheli het gar nid gfasst, was um ihn's här geit und het mit der einte Hand d'Zügel azoge, di anderi wie i mene Chrampf i d'Chammhaar vo hym Fuchs ghrallet, währed linggs und rächts vo=n=ihm Däge=n=i der Luft blißet hei und Roß i churzem, schprüzigem Galopp under mene Hagel vo Schteine=n=und Mischtfäße vorbycho sy. Szs Roß het z'ringsetum tanzet mit ihm und het sech bläit und d'Nase=n=ufggha und mit dem Biß gchleselet, daß es nüme schön gsi isch.

Im erschte Chlupf sy d'Lüt hinder de Wäge dervo gschtoße; aber sobald si gseh hei, daß der Herr d'Gélépens nid über d'Barrikade=n=übere chunt, hei si sech mit mene wilde Schpottbrüel wieder füre gla, und vo allne Syte=n=isich der Schteihagel erneueret worde.

Der Lüttenant git syne Draguner es Zeiche=n=um=

z'cheyre. Aber im Brückryte schtoße si uf e Sägisser mit syr Rotte, wo uf e Lärme hi gäge ds Dorf cho isch. Und jiz het di Sach afah bös usgseh. Da rüest der Herr d'Eclépens dem Rät'heli zue: „Suiuez moi!“ Dermit nimmt er d'Zügel zwüsche d'Zähnd, zieht mit der lingge Hand e längi Rüterpischtole-n-us der Halftere, süüret se-n-i Huuse-n-yne-n-ab, und mit chrestigem Schänkeldruck trybt er sjs Roß sytlige-n-i ds freie Fäld use. Jiz het's im Dorf inne-n-o afah chlepe vo Flinteschüß. Aber üfi Rüter sy i längem Galopp dem walddige Bärghang nah und bald i nere Höhle verschwunde.

Bis a-n-es paar ghörigi Mose-n-und abgschlagni Plätze sy si de no ungschore-n-erwägcho, derfür aber o vo der Arwangebrügg abgschprängt gsi. Und will ds Rät'heli gar kei Luscht na mene zwöite rencontre mit dene Schwarzhüsere-Bure gha het, so ijch me bald eis gsi, me well die Etappe-n-überschpringe-n-und grad uf Oberbipp ryte. Uf uchummleche Wäge, wo me mänge Hieb vo glimpfige Tann-äschte -n-i ds Gsicht erwütscht het, sy si düre Längwäld trabet, und erscht änenache, wo me d'Schtraß ga Riberbipp het chönne-n-überluege, isch Halt gmacht worde. Da erscht het me sech's gönnt, der Schweiß abzwüsche-n-und ufz'schnuuse. Der Herr d'Eclépens het dem Rät'heli usem Sattel ghulfe, und derby hei si sech gägehtig e so agluegt, wie wenn Jedes zum

Andere säge wetti: „Gäll, du bisch o froh, daß de mit ganze Glibere hie bisch, nid nume=n=i?“ Me het enandere d'Mischtsfläcke zeigt, wo fascht Jedes uf Huet und Chleider derbotreit het, und da drüber isch me wieder e chly zu Humor cho. Der Herr d'Eclépens het d'Roß gmuschteret und derby verschidene Schürpf und bluetigi Plätze=n=etdeckt. Sym gülleverschprüzte Schümmel het er d'Nase gschtrychlet und mit ihm grebt über ces cochons de paysans.

Im Wytterryte=n=isch dem Rät'heli du der Schnopf drüber usgange, warum der Landvogt vo Narburg, bi däm me het übernachtet gha, so übere=n=Uverschand vom Landvogt Tribolet gwätteret und warum er se so ydringlich vor Narwange gwarnet het. O der Herr d'Eclépens het vo Schwarzhüsere=n=ewäg sy Verantwortung dütlecher afah gschpüre. Wettige passe-partout er am Rät'heli gha het, isch ihm scho z'Zoffige=n=und z'Narburg klar worde, und daß er sech vo Schloß zu Schloß druuf het chönne verla, het er ganz sicher gwüßt. — Wlyn Troischt! Weles Tor wär nid vor der Tochter vom Herr Dütsch-Seckelmeischer Willading usgschprunge! Hätti eis nume chly g'gyret, so wär ds Rät'heli sälber us allne Wulke gfalle. — Das scho — aber jiz isch dem Cavalier der Duume=n=i d'Hand gfalle, daß dä passe-partout nume=n=uf Schloßpforte passet het, nid aber uf Burehüser und Dörfer. Und was d'Geogra-

phie vo dene Beidne gsi isch, so het wohl ds Rätheli gwüßt, wär uf de Landvogteie sibt, aber wo die lige, het ihn's nie öpper gnauer brichtet als öppe: Das isch bert äne oder bert unde-n-im Aargau oder im Oberland und so wyters. Hätt' ihns öpper vor Huttwyl gführet und gseit, das syg Wiedlisbach, a was hätt's d'Lugi sölle-n-errate? Landcharte het me ja ds sältmal nid gha. Aber juschtemänt da druuf het der jung d'Eclépens bouet, und wäre d'Bure nid gfi, so weiß lei Möntsch, uf welem Wäg di Zwöi no ga Bärn wäre, vermuetlech am liebschten-über Eclépens, vorwäge der jung Baron isch gränzelos verliebt gsi i ds Rätheli. Und sy galanti wältschi Art het dem Rätheli sy Trib, sed anders z'gä als es i Wahrheit gsi isch, i volli Gärung bracht. Es het d'Varetlitochter füregla, daß es mängisch ds Lache chuun het möge verha und bi mene Haar i Wald yne grüest hätti: „Wo isch ds Rätheli Willading? Seit drs niene gseh?“ So hei si enandere hüsch und hott am Bändel umegführet. Z'nacht, wenn si de vo-n-enandere trennt gsi sy, hei si de Beidi unerwünschi Schtimme ghört, är: „Que dira le général d'Erlach?“, ds Rätheli: „Wenn das der Papa wüßti!“ Und am Morge, wenn d'Sunne zum Fänschter yne gschine het, het es Jedes wieder dänkt, me syg nume-n-einisch jung und was für ne wytere-n-Umwäg ächt no müglech wär, ohni grad über d'Landesgränze z'cho.

Es Bytlang sy si bi lötiger Hitz näbe-n=enandere här gritte, ohni viel z'säge. Aber wo si ds Dorf Niderbipp passiert gha hei und der Bärig uf gäge ds Schloß Oberbipp gritte sy, het sech d'Väbeslust wieder gchündet. Si sy zwar zur ungschicktische Byt agrüct; vorwäge was vernünftigi, hushäblechi Lüt gsi sy, so hei die scho lang z'mittag gässe gha, und so z'mitts im Namittag inne het me nid mir nüt dir nüt wieder asah füüre. Der Landvogt Gatschet, e bhäbige, sünsch rächt gäbige Ma, isch juscht der Bärig ab cho und het üsi Lütli fründlech grüest, isch aber nid schlächt verwunderet gsi, wo-n=er ver-noh het, wohär si chöme und was si vor heige. Er het sy graue Chopf gschüttlet und e chly verläge der Chnebelbart gschtriche. Me het ihm agseh, daß ihm di Invasion fürchterlech uchummlech chunt.

„Tschja nu“, seit er, wo-n=er sech het ussbunne gha, „si vous voulez entrer“ und wyßt ne mit der Hand d'Richtung zum Schloß, „je vous suivrai.“

Si hei langsam näbem Landvogt här welle ryte, aber grad gmerkt, daß es ihm's nid cha, z'Fueß näbe ne här z'trappe.

„S'il vous plaît“ het er gwunke-n=und isch är-präß blybe shtah, bis d'Esforte-n=a-n-ihm vorby gsi isch. Da hei di Draguner uf de Shtoßzände glachet, si hei ne hinder sech ghöre brummle: „sacre double — sacre double — sacre double, daß wird

aber öppis chönne. — Willading — Willading? —
 Ja isch das am Änd dem Jean Rodolphe sy Tochter?
 — da git's halt nüt z'märte.“ Und undereinish het
 der Herr Gatschet e gleitigere Gang agschlage. Im
 erschte=n=Dugeblick vo der Begägnung nämlech het
 er nid di gringschti Luscht gha derby z'sy, wenn
 d'Frou Landvöggti di unglägene Gescht epfaji — si
 het äbe hütt groösi Wösch gha. Aber jitz, wo=n=er
 gwüßt het, wär di junge Lüt sy, het ihm der Ge-
 danke=n=a alli Eventualitäte der Schweiß füretribe.
 Da het er's nid welle la druuf abcho und isch dem
 Chrutgarte na di längi Schtäge=n=uf gchychet, für
 no vor ihne=n=i ds Schloß oder no besser zur Frou
 z'cho. Sobald er uf d'Terrasse cho isch, fragt er d'Meitli,
 wo da mit Wösch gfochte hei, wo d'Frou Landvöggti
 syg. Ds Ginte seit, si syg juscht zur Buuchere=n=yne.
 Uf das hi isch er alli Gredi i ds Wöschhus glosse;
 aber dert hei si ohni alle Reschpächt vor der Dbrigkeit
 uf gseifete Brätter Hemli brättschet, daß es wyt umen=
 andere gschprükt het. Chuum het me Zyt gesunde, dem
 Herr z'läge, d'Frou Landvöggti syg mit dene Töchtere=n=
 am „häiche“. Er het wohl gseh, daß da Niemer für
 ihn het welle loufe=n=und isch uf d'Matte=n=use, dem
 Seili nah, a däm bis fascht ga Rumisbärg übere
 Lilache gflatteret hei.

Uunderdessa=n=isch der Herr d'Gélépens mit sym
 Zug ygritte gsi. Uf ds resolute Begähre vom Rät'heli

hi, het se der einzig Mönstsch, dä nume-n-indiräkt a der Wösch beteiliget gsi isch, ds Thöchi, wo der ganz Tag für d'Wöschwyber het müesse choche, i di landvögtlechi Kanzlei gfüehrt. Und vo dert hei si zum Fänschter us gluegt und grad gseh, wie der Herr Gatschet der Hänki na glosse-n-isch und sy Frou gfluecht het. E Momänt sy si alli schtill gschtande, d'Frou Landvögti mit yglichtemnte Hände — si het e förchterlechi Hube-n-anne gha und es allmänds Fürtech. Di beide Töchtere sy bi nere Wöschbare gschtande-n=und hei d'Ohre gschpißt, wo der Papa mit energische Geste syni Wünsch abracht het. Grad druuf sy di beide Töchtere cho z'loufe, wie wenn si gschtohle hätte, und hei ob allem Schpringe d'Fürtech abzoge-n=und zsämegrollet. D'Frou Landvögti hingäge het der Chopf gschüttlet und isch hinder mene Lilache verschwunde. Der Herr Gatschet het e-n=Dugeblick Gattig gmacht welle z'cho, isch aber wieder blybe schtah, het hindere gluegt, und wo d'Frou nüt derglyche ta het, isch er o hinder däm Lilache verschwunde. Zit het me vo dene Beidne nume d'Füß und d'Chopfbedeckunge gseh. Der groß schwarz Schpißhuet vom Landvogt het sech ruckwys use-n=und abe, hindere-n=und füre bewegt, wäred di wyßi Hube meh so um di sänkrächti Achse vo der Landvögti vibriert het. Vo Zyt zu Zyt sy de dem Landvogt syni Händ no näbem Huet erschine,

und a de Füeß het me-n-es paarmaal gseh, daß er sech wott umchehre-n-und doch nid cha loscho. Der Luft het e keis Wort häre treit, aber me het a däm pas de deux einewäg alles errate, was verhandlet wird. Wäre nid di gwunderige Töchtere-n=i d'Schtube cho für afange cho d'honneurs z'mache, so hätte villicht d'Gescht no lang a däm Schpil sech ergözt. Ds Änd vom Lied isch gsi, daß me-n-usgezeichnet isch bemirtet und logiert worde-n-und daß der Landvogt für Bieri Komplimänt gmacht het, für d'Rumpel-surrigi vo syr Frou wett z'schla.

Aber gwohlet het's dem Herr Gatschet unsäg-lech, wo z'morndrisch der Herr d'Eclépens gseit het, si müesse wyters. Siz hei di Reijende sälber ds Gfüehl gha, es wäri afange Zyt uf di große Värnschtraß z'cho. Der Lütenant i sym Waadtländer-Viechtsinn wäri zwar parat gsi, Alles, o sy militärijschi Reputation dra z'seze, für sy Begleiterin erscht wieder usz'lifere, wenn er hätti chönne sicher sy, daß är by nere ne-n-unuslöschleche-n-Druck hinderlaji. Ds Rät'heli hätti müesse ne wüeschte Rhüme ha, wenn's das nid gschmöckt hätti, und na neue-n-unuslöschleche-n-Drücke het es sit Länzburg keis bsunders Begähre treit. Meh als Amüsement und Abetüür het's nümme gsuecht. Aber la merke hätt' es emel ja nit. Wo si gäge Solothurn zue cho sy, isch ihm du z'Sinn cho, daß me da nid wyt vom

Schloß Landschuet sygi, und het sym Cavalier afah
 düberle qu'on était toujours si bien reçu à Lands-
 hut. Das hätti frylech bi'm Herr d'Ecépens scho zoge.
 Wenn me-n-uf der Wurscht rytet, so ma's der Ryter
 länger verlyde-n-als ds Roß. Aber es het ihm däm-
 meret, Landschuet ligi a der Heerschtraß, und me
 chönnti de da dem General ungsinnet begägne. Das
 het er zwar nümme risquiert, vorwäge ds erschte,
 was si z'Landschuet vernoh hei, isch gsi, daß am
 Tag vorhär, wäred si z'Schwarzhüsere mit de
 Bure-n-i Konflikt cho sy, di bärnisch'i Armee hie
 vorby und uf Arwange zue marschiert sygi. Da
 het's du natürlech nüt meh gä z'wärweiße. Der
 Herr d'Ecépens het sy schöni Reiszgährti müesse
 dem Landvogt zu wyterer Dbhuet übergä und mit
 syne Draguner der Armee nacheryte.

Wo d'Abedsunne-n-ihre weiche Glanz uf e Schloß-
 grabe-n-usgschüttet het, daß d'Seerosenbletter wie Sma-
 ragde-n-uf mene Purpurmantel gschwumme sy, da het
 ds glatte Wasser mit der schteinige Brügg es schtatt-
 lechs Paar widergschpiegelt, e flotte Rüter, wo a
 nere Dame d'Hand glüht het. Es isch gsi wie ds
 Schlußbild vo mene-n-ertroumete Mährli. Sogar
 d'Bögeli hei e Romänt der Alte verha. Aber wo
 der Rüter di schmali Hand het la fahre-n-und der
 Schümmel mit ungeduldigem Huef uf em Brügge-
 pflaschter Fürtür gschlage het, isch e dicke Frösch vor

Ehslupf i ds Wasser plötscht, und d'Wälleringe hei di herrlechi Schpiegelung verrisse. Der Rüter isch derwo gschtoobe, und di schöni Dame=n=isch im Schloß verschwunde, so schtill und sittig wie d'Sunne hinderem Buecheggbürg.

* * *

Wo du a mene schöne Morge d'Gutsche vo Landschuet z'Värn a der alte Judegass vorgfahre=n=isch und ds Kätheli ganz unvermuetet syni Eltere=n=überfalle het, isch ds Erschtuune groß gsi.

„Sit ha=n=i gemeint, du sygisch z'Länzburg wohl verwahret“, het der Papa Willading gseit, und derby het ihm e schtille=n=Erger da drüber, daß me sech erloubt heigi, öppis z'undernäh ohni ne z'ersch z'frage, us de Muulegge gluegt. Vom Kätheli isch er zwar settigß gwahnet gsi, aber der Landvogt vo Länzburg!

„Aber so heit doch Freud, Papa!“ seit ds Kätheli und flügt ihm ume Hals. Das het dem Herr Seckelmeischter geng wohl ta; aber na der erschte freudige=n=Ufregung isch der Erger wieder obenuf cho, und der Herr Willading het ihm Luft gla. Er het asah inquiriere=n=über d'Gründ, warum der Landvogt dä Uverschand gha heig, sy Tochter i däm Dugeblick hei z'schicke. Ds Kätheli het's wohl gwüßt, sech aber wohl ghüetet, der wahr Grund z'fäge. Mit descht größerer Schadesfreud het es der Landvogt agschwerzt:


„Eh, i bi-n-ihm schynt's vürig gsi, es isch halt es Gschtürm gsi i däm Schloß, und si hei, weiß der Guggugg gemeint, was es no gäbi.“

Und du het natürlech der Herr Seckelmeischer wyters gfragt, mit wäm ds Rätheli greijet sygi und wodüre. Über alles das het es wahrheitsstreu Uskunft gä. Dem Papa igni Dugsbraue hei sech geng höher ufe boge.

„D'Uclépens? — Was isch das? — Wär heißt e so?“

Und wo ds Rätheli seit, das syg e charmante Waadtländer und so wyters, da isch dür ds vätterleche Gesicht undereinisch e Bewegung gange, wie wenn me-n-a mene Fuß uf ei Chlapf alli Fell-Läde zueschlekti. Nume di gnärveti Fuuscht het sech so eigets uf em Tisch umetröhlet, wie wenn si öppi suechti zum verchrose. Ds Rätheli het di Fell-Läde-Schlüß gkennt und wenn es o wohl gwüßt het, daß es di Fuuscht mit schtrychle hätti chönne löse, so het's hütt im Gedanke, daß si sech überem Landvogt vo Länzburg ballet het, se la sy und isch d'Mama ga uffueche.





G. St.

III. Kapitel.

D'Sunne=n-isch am Morge na der Schlacht bi Wohleschwyl no nid usgange gsi, so het der Oberscht Wendeschaf scho lei Rueh meh gfunde. Dem Buebli t'wäge het er ds Fänschter verhänkt gha, und so het er sech im Fyschtere descht tiefer i Sorge=n=und Gedanke verlore. Chuum isch er z'grächtem erwachet gsi, so het's ne=n-asah plage, ob er ächt nid dem Rättheli Willading hätti sölle=n-e chly dütlecher gä z'verschtah, daß es ihm nid glychgültig sygi. Und zu der Frag isch der Erger übere Landvogt i=n-ihm erwachet, dä ihm so ne perfide Schtrich dür syni

Plän gmacht het. Billicht heig ihm der lieb Gott das Kätheli übere Wäg gfüehrt, und jitz wüssi kei Möntsch öb er's je wieder wärdi gseh. Es fragi sech überhoupt wie die düre-n-Oberaargau uf cho syge bi däm Ufruehr. Der Zorn het ne wild usgrüehrt, so daß er usgschprunge-n-isch, für sech Lust z'mache. Aber, wie-n-er zum Fänschter wott, da fällt sy Blick uf e Töldi, wo da i sym Bettli gschlafe het, o mit ballete Füüschtli, aber so fridlech und lieb, daß me sech nüt als schöni Blueme-n-i di Händli het chönne dänke. Und dä Anblick het wie vo jehär im Oberscht ds Adänke-n-a sy sälligi Frou gweckt. „Ach nei“, het er sech gseit, „i brächt's doch eigetlech nid über mi, das Adänke-n-i de-n-Arme vo nere-n-Andere — und wär's di schönschti und herrlechschti Frou vo der Wält — Ia z'erlösche.“ Es isch ihm underem Druck vo de n'ungfreute Zueschtände, i dene-n-er jitz gläbt het, gsi, wie wenn alles Guete vo sym Läbe wyt, wyt hinder ihm läg. Ja es het ne dunkt, er müchti der Bueb us sym Bettli näh und mit ihm derwo loufe, a nes Ort hi, wo wyt und breit keini Möntsche wäre. Möntsche? — Ja äbe Möntsche, Volk! Sy nid Hunderti, Tuuseti um ne-n-ume gsi, dene-n-Alles verleidet gsi isch und die im Gedanke, daß si under d'Händ vo Usbüter verchouft syge, ihres Vatterland hei asah verflueche? Het nid es Meer vo Jammer, Verdruß und Not um dä Schloßbürg ume brandet?

von Tavel, Der Schtärn vo Buebebürg.

5

Mei, da hätti är, däm der lieb Gott wenigstes es Härz zur Abhülf gä het, nid dörfe flieh. Und de das Chind da. Das het doch no nes ganzes längs Läbe vor sech gha. Übermächtig und ungwüß isch d'Zukunft vor em Oberscht gläge, und i däm Gedanke=n=isch er vor em Bettli vom Tölbi nidergchneuet und het hättet wie=n=es verlasses Chind, um Rat und Wÿsheit, um Chraft und Geduld, für sich, für ds Chind und us ufrichtigem Härzesgrund für Volk und Obrigkeit, voväge=n=er het's dütlech gschpürt, daß di unglückleche politische Verhältnis wie=n=e giftige byßige Kouch i jedes Hus hne gschtriche sy. Derby sy di geschtrige=n=Erläbnis und bsunders di viele flüchtige Burelüt a=n=ihm vorbyzoge. Und wie meh, daß ihm ihri uverschtändige Flüech i d'Ohre gället hei, descht meh het's ne dunkt, er müeßi hinder dene verwünschte Muure für se=n=yschtah.

Sobald der Oberscht Wendschaß sÿs Härz het usgeschüttet gha, het's ne nümme=n=i der Schtube glitte. Es isch ihm gii, er müeß öppis fürnä, a mene=n=Ort hgrÿse, für hälse=n=Ornig z'mache. Er isch düre schwäre Fänschterumhang i di tiefi Nische gschloffenn=und het ds Fänschter usgriffe. Und da het sech di ganzi Bracht vo mene Summermorge vor ihm usbreitet. Was gäbs o schöner als dä unberüehrt Friden vor Sunnenufgang! Alles was d'Wöntsche trybt und jagt und plaget, schlaft no, und es isch

öppis i der Luft, wo Ein andächtig und doch heiter
schtimmt. Der sälb Morge=n=isch es bsunderbar schön
gfi, und de gar no dert obe, uf em Schloßbürg.
Im Gschtrüpp und i de Bäume=n=am felsige Nord=
abhang hei d'Vögel gwischperet und gjubiliert, und
sobald e rötliche Huuch über d'Gäged cho isch, sy
d'Verche=n=us de wyte, flache Fälder ufgeschosse, so
höch wie der Schloßgibel und no wyt drüber. Und
änet der Klare hei sech us em blaue Dufem di wal=
dige Huble=n=und Terrasse=n=am Jura hübscheli
afah abzeichne. A eim Ort het me d'Klare zwüsche
de Tanneschpizze vom Hardwald gseh glichere.

Rei Müntsch hätti errate, daß i der Gäged e
Bürgerkrieg syz wilde Wäse trybi. Dem Oberscht
isch es gfi, wie wenn er use sött öppis ga tue, für
dä Friede z'schütze. — Aber wo apacke? Willicht, so
het er sech gseit, wär's am beschte, vom Dugeblick
z'profitiere, für müglechschyt viel Lüt vo sym Regi=
mänt, das o vom Ufruehr usenanderegschprängt, ja
eigettlich ufglöst gfi isch, ga z'ramassiere=n=und under
sy sechti Hand z'näh, daß si allne böse=n=Hflüsse=n=
etzoge wäre.

D'Sunne=n=isch z'Glanzem fürebroke, der Tag
isch da gfi. Der Oberscht isch i Hof abe, het d'Lüt
ufgjagt und zwee treui Offizier vom Regimänt, der
Hauptme Hämmerli und der Lütenant Wikhan la
rüefe. Derna het er no Befähle für d'Schloßbürg

gha usz'gä, und so isch es sächsi worde, bis si hei chönne=n-abryte. Z'erscht het me sech i der Schtadt unde=n-umta, hie mit öpperem gredt und dert e=n-Uftrag gä, und du hei si der Wäg gäge=n-Dthmarfinge=n-hgichlage, für ga z'luege, was vo dert nache=n-öppe no z'erwarte sygi.

Wie si obe=n-am Schtuß alange, wo i ds Dorf abegeit, chunt usem Dorf use, vom Majegrüen här, e schtattlechi Cavalcade derhär, vorus e höche=n-Offizier i mene prächtig g'arbeitete Harnisch mit wallendem Fäderehuet und breiter Schärpe. Der Oberscht Wendischatz het grad errate, daß das der General Werdmüller müessi sy. Schön isch er nid gsi, e rötliche Ehnebelbart i mene wohlgnährte=n-und doch herte, verwätterete Gesicht und e Mähne vo grauem und rotblundem Haar. Aber schtattlech isch er gsi und imposant. Ds chriegerische Sälbsichtbewußtshet het ihm us allne Pore füregluegt. Dem Oberscht Wendischatz isch kei Wahl blibe; er isch uf ne zuegritte, het grüeft und gfragt, ob er d'Ehr heig, der General Werdmüller z'gseh. Schtatt aber sech la ufz'halte, rytet dä eifach zue und seit: „Zawoll“.

Der Wisphan und der Hämmerli, wo vo ihrem Oberscht a di höfleschte Forme sy gwahnet gsi, hei sech verwunderet agluegt. Aber, was hei si welle? Si sy uf d'Syte=n-usgwiche=n-und hei sech der Suite vom General agschlosse, währed der Oberscht Wend-

schaz gchehrt het und zur Lingge vom Herr Werb-
müller der Heimäg aträtte het. Er het sech, i der
Erwartung, meh Reschpäkt z'finde, vorgschstellt als
Militärbevollmächtigte vom bärnische-n-Aargau und
Kommandant vo Länzburg. Was het der General
g'antwortet:

„Bon.“ Und wyter gritte-n-isch er.

Das isch du dem Oberscht doch e chly z'schtotzig
cho. Er muschteret der General mit verwunderete
Blicke-n-und seit ihm: „Herr General, mer sy hie uf
bärnischem Bode.“

Der General het gar nid gschine das z'ghöre.

„Wo schtaht jez de Härr General von Erlach?“
fragt er. Und wo-n-ihm der Oberscht jiz v muß
afahrt antworte: „Weiß nid“, so meint er ändlech:
„Zä guet, dänn halt ich mich an Sie. — Händ
Sie Vollmachte?“

„I ha militärischi Vollmacht, der Ratscherr Im-
hof, Hofmeischter vo Chünigsfælde, und der Land-
vogt vo Länzburg hei Zivilvollmacht. — Wenn Dir
Sch weit uf ds Schloß gmüege, so cha me ja mit-
enandere rede.“

„Bon.“

Im Wyterryte fragt der General: „Wo händ
Sie Ihri Truppe, Härr Oberscht?“ E-n-unglägeneri
Frag hätt me-n-ihm i däm Dugeblick nid chönne
schstelle. Was het er fölle-n-antworte? Düre-n-

Ufruehr sy alli Verbänd verschprängt gsi. Zueverläßig sy bloß di chlyne Garnisone vo Aarburg, Aarau und Länzburg gsi, und i Wahrheit sy dem Oberscht nume di wenige Bärner im Schloß sicher zur Verfügung gschtande. Het er das dem Tagjagungsgeneral zuegä, so het er ihm o ds Rächt müesse zuegschtah, vorz'rücke-n-und uf bärnischem Bode cho yne z'regänte. Tief im Hätz isch ihm e Groll über d'Regierung ufgschtige; aber das hätt' er um fei Bryß welle la merke.

E-n=Dugeblick het er überleit, öb er well der Wißhan ventre-à-terre voruschicke, für Alles ga uf d'Bei z'schtelle-n-und dem General e Komedi vorz'schpile. Aber dem Oberscht sy gradi Natur het sich däm widersezt. Lieber schnuergrad dür alli Schwierigkeite, lieber zuegä, daß me nume-n-über nes paar bravi Soldate verfüegi. Und wenn o Bärn dür di Dffeheit i de-n=Duge vo der Tagjagung würd e-n=Abueß erlyde, es würdi doch der Achtung weniger schade-n-als e schlächt gschpilte Komedi. Und so het er dem General wahrheitsgetreu, aber so muß wie möglich g'antwortet: „I de feschte Plätze.“

Und syr Wahrheitsliebi het er o fei Gewalt ata — so hert es ihm weh ta het — wo im Schloß obe der General di chlyni Garnison vom Schtägefänchter us gseht exerziere-n-und fragt: „Isch das Alles?“

„Ja, Herr General, das isch Alles, was z'Länzburg schieht“, het er g'antwortet. Für das Gschändnis wenigsthes e chly z'mildere, dütet er uf di dicke Muure=n-und di wärschafte Kanone=n-abe.

Der General seit mit verschmittem Lache: „Scho rächt, aber mit Schießcharte=n-und grobem Gschütz eläigge chönned Si de Puure nüd nahlaufe.“

Sobald der Ratsherr Imhof und der Landvogt im Saal erschine sy, het der General syi Begleiter d'Oberichte Neukomm und Ulrich vorgstellt (di übrigi Suite isch im Hof blibe), d'Händsche=n-abzoge=n-und use Tisch gworfe.

„So“, het er resolut agfange=n-und i sym ganze Tue bewußt und hydrücklech der Sieger vo Wohlischwyl usgmacht, „iez schtaht also die Sach e so: ich han“

„Pardon“, underbricht ne der Landvogt, däm syz Bärnergmüet bereits het afah rurre, „wei mer es Protokoll führe, Herr General?“

„Das isch nüd nötig. Mer händ alles schriftlech. Ulrich, gänd Si de Vertrag her! — Da gsehnd Si, läset Si's nu!“

Der Obericht nimmt das Papier und liest's schynbar mit aller Seelerueh düre, währed syi beide Landslüt gschpannet syz Gsicht muschtere=n-und der General mit chrachiger Schtimm wyter peroriert:

„Also, ich han“

„Zä, sapperlot, Herr General“, underbricht ne jiz der Oberscht, „da sählt“

„Sappristi! Lönd S' mi doch emal rede! — Ich han iez die Rebälle ghörig bi de-n=Dhre gnoh. Si händ d'Pfyfe-n=yzoge, und iez häißt's 's Dse schmide, solang's häiß ischt. De Vertrag ischt underschribe vo allne Führrere, und iez müend mer bloß no desür forge, daß si deby blybid. Und wänn's nüd wänd guet tue, und so wämmer dänn wyter luege. 'S chunt iez bloß no druf a, daß Thri Regierig di Sach hilfst duretrucke.“

„Het d'Regierung vo Bärn Kenntniß übercho vo däm Vertrag?“ fragt der Herr Imhof. Das het's dem General gar nid chönne.

„Näi, bis iez nüd; wäge dem ebe chum ich ja grad daher. Ich ha doch nüd chönne warte, bis die gnädige Herre da inne drüber berate händ. A la guerre comme à la guerre.“

Der Oberscht het der Vertrag dem Herr Imhof gä, und dä het sech dry versänkt, ohni vo öppis anderem wyter Notiz z'näh. Für das Verfahre chly abzchürze, fahet der General a dem Landvogt der Inhalt vom Vertrag ufz'zelle:

„Bier Punkt hämmer dene Puure-n=abdruckt: Für's erscht händ's müesse globe, daß si sofort häim gönd und d'Waffe niderlegid; dänn händ's de Bun-

desbrief vo Huttwyl müesse widerruefe; dänn isch jedi wyteri Schryttsach de Grichte vorbhalte, und iez fölled's en neue Huldigungsäid läischte. Das händ's verschproche, und da debh müemmer's iez bihaste. Ich würd' Ihne=n=also rate, iez sofort im Name vo der Regierig di Huldigung usz'chüden=n=und dem Volk de=n=Äid abzneh. — Nu käi Zyt verläre!“

Schtatt e=n=Antwort z'gä, het der Landvogt vor sich abegichtuunet und geduldig gwartet, bis der Ratschherr der Vertrag drümal für sich het gläse gha, und du het är ne=n-o drü oder viermal gläse, und du het er ne wieder dem Oberscht passiert und dä het ne no einisch gläse=n=und ne dem Herr Imhof wieder gä, und z'letscht het ne der Landvogt no einisch überläse. Und du hei di drei Bärner enandere mit verschtändnisvolle Blicke=n=agluet und no nes Ehehrli nüt gseit, währed der General bald mit der lingge, bald mit der rächte Hand use Tisch trummet und mit erhüüchletem Gschmuet a d'Dili gluet het. Di beide zürcherische=n=Oberschte hei enandere mit de=n=Duge=n=aglachet und bald der General, bald d'Bärner gschouet.

Ändlech, wo du der General gemeint het, jitz wär's de nache zu nere=n=Usschprach, seit du der Herr Imhof afrage: „Die Sach wott überleit sy.“

Ziz isch dem General d'Geduld z'vollem usgange.

„Ja machet Sie käi Gschichte“, seit er, „iezet ick de guet Momänt, die Sach wieder is Bläi z'bringe. Wann Sie sich nüd etschlüüßit und so“

„Die Sach wott überleit sy“, seit der Ratsherr no einisch und dasmal mit bezidiertem Ton.

Druuf hei sech di drei Bärner, hochig vor Töubi, i d'Räbedschtube zrückzoge=n=und schön beidi Türe hinder sech i ds Schloß zoge. Der General ick uf-gfahre=n=und het brummlet: „Härrgott ye, di Berner-grind!“

Di drei Bärner hei nid fründlecher grede under sich. „E Schtandal ick es“, het der Landvogt agfange, „da schließt dä Kärl i nere Sach, die ihn chuun öppis ageit, e Kapitulation, ohni vorhär es Wort ga Bärn z'brichte, und i frage=n=ech, was ick das für ne Vertrag? Es Ghudel, es Gschtürm!“

„Ja“, meint der Oberscht, „jedefalls ick es ganz läß, daß er nid der chly Finger grüehrt het, für di Schuldige zur Rächeschaft z'zieh. Das ick e heiteri Justiz, eifach Alli la z'loufe.“

„He natürlech ick es dumm“, futteret der Rats-herr Imhof, „jiz sy si=n=is etwütscht, und es blybt is nümme viel anders, als uf dä lumpig Handel yz'gah und je sobald wie müglech neu i Eid ufznäh, so wird me=n=einisch fertig“.

„Was?“ — Der Landvogt ick ganz rot und blau uf-gloffe=n=ob däm Gedanke. „Die würde=n=is

schön uf d'Finger chlopfe z'Bärn, wenn mir jitz di miserabli Kapitulation däväg gienge ga sanktioniere“.

„Das cha scho sy“, meint der Ratsherr, „daß si=n=iz nachhär z'Bärn wieder dürtue, was mer hie mache; aber das iche de ihri Sach, und mir chönne de säge: salvavi animam meam.“

„So?“ brüelet der Landvogt, „das iche e heiteri Politik. Mir hei hie nid für üsi Annähmlechkeit z'sorge, dunkt's mi, sondere für d'Schtaatsraison. Sapperlot abenandere“.

Däväg hei di Beide=n=enandere no ne Byt lang d'Meinung gseit und sy derby geng wyter usenandere cho, und jede het der besser Bärner welle sy. Der Oberscht iche derwyle schtill da gässe=n=und het se=n=ihri Argumänt la erläse. Er het gseh, daß är der Schtichetscheid het müesse gö. D är het sech als ganze Bärner gschpürt, sech gäl g'ergeret über ds Vorgah vo de Zürcher, sech i d'Seel yne gschämt für sy Regierung, dere me ne settige=n=Affront gmacht het. D das het er sech gseit, daß si drei z'Bärn völlig wärde desabouiert wärde, wenn si vo sich us der Vorschlag vom Werdmüller anähme. Er het sech sogar ganz klar überleit, das ihm der Landvogt 's nie würdi verzieh, wenn er gäge sy Meinung würd etscheide. Weh ta het's ihm vor Allem, daß er nid ohni Wyters d'Ymischung vom Tag=

satzungsgeneral i d'Sach vo der bärnische Republik het chönne dürtue. Das het ihm fascht ds Härz umdräit, isch är doch der erscht und oberischt Vertreter vo Bärn im Aargau gsi.

Aber, aber — so het er sech müesse säge — i däm Dugeblick isch ihm d'Müglechkeit gä gsi, a mene gräpfeleche Bürgerkrieg es unbluetigs Änd z'mache. Und das, het's ne dunkt, dörf er nid vo der Hand wyse, o uf d'Gfahr hi, daß er dermit der schtränge Grächtigkeit i d'Arme falli und di Schuldige frei usgange.

Der Bärner und der Christemöntsch sy enandere-n-im Härz vo däm brave Ma wüescht i de Haare gläge, wenn scho di beide-n-andere Herre nid viel dervo gmerkt hei. Und ds sältmal hätti's bi nüne-nünzg vo hundert der Bärner möge; aber im Oberischt Wendischach het der Christ obenuf gschwunge, und so hert's ne-n-acho isch, er het der Uschlag zu Gunschte vo der Kapitulation gä.

„Mira“, het der Landvogt gseit, „es isch Eui Sach. Aber, was Dir dermit meinet z'gwinne, wärdet Dr nie düresege. Solang es Unrächt nit gfühnt isch, chunnt's nid zur Rueh; Dir wärdet's gseh. Und übriges macht's mer fei Chummer: „Si wärde sech das z'Bärn nid la gfall.“

„Ja nu“, meint der Oberischt, „so syg's de so. I für mi zieh ds odium vo der Regierung a mene verletzete Grüesse de no vor.“

„Dem odium vo der plebs, wei mer säge“ brummet der Landvogt hässig i sy graue Bart hne.

„Pardon, so verschtande=n=i de di Sach nid“, seit der Hofmeischter vo Chünigsfælde.

Der Oberscht het nid la merke, wie tief ihm dä hässig Schtich gange=n=isch. Er het di Beide la rede=n=und isch wieder i Saal übere. Zwüsche beidne Türe het's ne schier übereh. Das er jitz gar no vor em Landvogt als der schlächter Bärner, der minderere Regänt het sölle daschtah, das isch fascht gar über ds Mäß vo däm use gange, was er us höherem Epfinde sich sälber het chönne zuetroue. Aber er het sech zwunge, isch fescht und ärnscht vore General Werdmüller häregschande=n=und het ihm gseit: „Herr General, Eui Abmachung mit de Bure=n=isch zwar i üsne=n=Duge=n=e=n=unerloubte=n=und politisch verwärfleche=n=Ugriff i d'Kompetenze vo üser Regiernng, aber wenn's i üser Hand ligt, dem Chrieg es Änd z'mache, so söll däm sogar üfi Ehr nid ihm Wäg schtah. Mer wärde dem Volk Gläghheit gä, der Obrigkeit e neue Treueid z'schwöre.“

„Guet so“, antwortet der General, „rüefet Si's Volk zsäme. Bis es gscheh isch, wird' ich d'Grasschaft bseze la.“

Das het dem Oberscht e neue Schtich gä, und er het abgewehrt: „Das manglet's gar nid, Herr General. Mer wei di Hulldigung nid mit Gewalt büredrüeke.“

„Säb gahd mich nüt a“, fällt ihm der Werdmüller i ds Wort. „Ich bin der Tagfajig verantwortlich, und ehner as bis si den Aid gläischdet händ, wych ich nüd vom Platz.“

Der Oberscht het dem General nume no zu Gmüet gfuehrt, es wäri de uf alli Fäll besser, e Konflikt zwüschem Schtand Bärn und der Tagfajung z'verhüete; aber är, General, wärdi ja syni Instruktionne ha.

Druufsi het der General Werdmüller syne-n-Offizier Befähle diktiert und sech la Quartier uf em Schloß awyße. Natürlich het du der Tagfajungsgeneralischtab o no müesse-n-abgsuetteret sy, was i der landvögtleche Familie-n-und-er Wahrung vom bärnische-n-Ansähe, aber mit mügleschter Erschparnis a Grazie düregfuehrt worde-n-isch. Am liebschte hätti se der Herr Tribolet mit sym Waadtländer alli undere Tisch gschwemmt; aber er het ne greut, und drum het er's mit dem suurschte Jahrgang vom schattigschte-n-Margäuer probiert. „Und wenn's ne sött Rumpf i d'Därm gä, nu, so gschej de nüt böfers“, het er i Chäller abe grurret. Aber das Gsüff isch schtromswys dür di Manne vom Buri-See abglosse, me het ne nume nüt agmerkt.

Wie's der Landvogt vorausgeit het, so isch es du richtig cho. Sobald me z'Bärn vernoh het, was der General Werdmüller bi Wohlleschwyl mit de

Bure-n-abgmacht heigi, het d'Regierung Alles wieder dürta und di neuu Hulldigung für ungültig erklärt. Ds ganz Ghabe vom Tagsatzungsgeneral isch grüßlech übel agange, und nid viel het gfählt, so hätt's da no ganz bösi Händel gä. Di drei Bärner uf em Schloß z'Länzburg sy churzer Hand desabouiert worde, und der Oberscht Wendtschaz isch um ne Glägeheit rycher worde, sy Epfindlichkeit z'underdrücke-n-und ächte Patriotismus z'üebe.

I großem Zorn isch der General von Erlach vo Wange-n-ufbroche, het d'Bure bi Herzogebuchsi bluetig verhoue-n-und usenandere gjagt.

Und jiz isch di bärnische Justiz derhinder grate. Z'Zofige-n-isch es Chriegsgericht ygsetzt worde, und bald het under de gfangene Burefuehrer ds „rychtige Halsweh“ regiert. D'Gälge vo der Umgägeb sy uf gräßlechi Art dekoriert worde. Aber zu glycher Zyt sy zwüsche de Tagsatzungsgsandte-n-und der bärnische Generalität Fridesbedingunge-n-und Konzessione-n-a d'Bure-n-ufgstellt worde.

Für ds Schloß Länzburg sy ungfrenti Tage cho. Alli Bott het me-n-Insurgänte-n-nygliferet, und d'Chesine sy sälte läär worde. Ei Tag het der Oberscht sy Töldi erwütscht, daß er mit dem Bueb vom Torwart sech dermit vertörlet het, mit mene Ruetli dür ds Gitter vo nere Chesi hne z'gusle-n-und z'lache-n-über ds Samäntiere vom Insasse. Der Töldi het

du erfahre, wie läng daß der Papa syne Ohre het möge zieh. Aber vor Allem het me halt dene Buebe nid chönne sy. Wenn me d'Lüt im Schtrecturm ufzoge het, für se mache z'rede, so het me se halt mängisch düre ganze Hof ghöre brüele. Di Sache hei agfange dem Schloßkommandant sy Schtellung z'Länzburg verbittere, und vor allem het er sech vorgnoh z'verhüete, daß ds Gmüet vo sym Buebli under dene truurige-n-Ereignisse Schade lydi. Wo nie het er's so bitter epfunde, daß der Tölbi kei Mama meh het gha, nid z'rede dervo, daß e Frou ihm sälber über so mängs wägghulfe hätti, wo-n=er iße z'mitts under de Lüte ganz alleini het müesse vermorgge. Meh und meh sy syne Gedanke-n=uf ds schtille Grab vo syr Frou uf em Fridhof z'Dießbach gfloge und hei, i ds Schloß Hünige. Wie gärn wär er iße dert gsi under syne Lüte, wo-n=er na syne Gedanke het trüllet gha und die a=n=ihm ghanget hei wie Ghinder!

D'Frou Landvöggti het dem Oberscht z'lieb ta, was si öppe chönne het. Und wenn si ne=n=a mene-n=Ort mit schwarzglänzige-n-Duge het gseh schtah und schtuune, so het si probiert ne=n=ufz'chlepse-n=und ihm gseit, er söll nid geng a die danke, wo-n=er ja doch nie meh umegseji. Wo Zyt zu Zyt isch der Herr vo Gravifeth öppe cho und het vorgschlage, er well der Tölbi ga Liebegg näh zu syne-n=eigete

Ghinder. Das het aber der Oberscht nid welle. Er hätti ne ja chönne=n-uf ds Schloß Rued bringe, zu syr Schwöschter. Aber der Töldi het nid vom Oberscht und der Oberscht nid vo sym Bueb erwäg welle.

Underbesse het der Landvogt dersfür gsorget, daß me der Chriegszueschtand nid ganz vergässe het. A mene schöne Morge het me=n-ihm es Papier bracht, wo d'Soldate=n-unde=n-am Schloßbürg gfunde hei. Zu sym Erschtuune=n-isch es der Bricht vo der Regierung gfi, uf dä hi me synerzht di Signalschütz abgfüüret het. Uf der Schtell het der Landvogt Ver-rat gwitteret und nah=ti=nah di ganzi Dienerschaft. i ds Verhör zoge. Niemer het öppis welle wüffe, und je weniger me=n-usebracht het, descht mißtrou=ischer isch der Herr Tribolet worde. Wo=n-er du ändlech ngseh het, daß syni eigete Lüt uschuldig sy, wär er du gärn hinder die vom Oberscht. Vor allem us hätt's ihm Freud gmacht, wenn er der Chris=eggledrigel e chly hätti chönne la schtrecke. Das hätti däm verwändt guet ta, het er gemeint. Aber vor dene Lüte=n-isch der Oberscht gichtande, und dä het sech nid la uf d'Syte schiebe.

D'Wahrheit isch gfi, daß am Abe vor der Schlacht bi Wohlleschwyl der Landvogt sälber, wo=n-er es Gwehr us em Trog gnoh het, das Papier hinde=n-abegwüschet und daß schpäter es Meitli bi'm Ufruume, ohni öppis derby z'dänke, das Dokumänt zum Fänschter

us beförderet het. Das het frylech Niemer gwüßt, und drum isch di ganzi Gschicht dem Landvogt es Rätsel blibe. Under sym Argwohn hei nid nume d'Dienschte gha z'lyde, sondere bald o di egeti Familie, nametlech will der Landvogt mit dem Schloßkommandant je länger si meh überggs cho isch. D'Frou Tribolet und ihri Tochter hei ds Müg-
leche gmacht, für der Schade z'heile, aber si hei bi'm Landvogt nüt usgrichtet. Der Oberscht hei si mit aller Liebeswürdigkeit nume geng meh i d'Augi tribe. Uf der einte Syte het er sy Bueb welle=under de=n=Duge ha, uf der Andere het er nüt gwüßt als usryße=n=und flieh, wenn ds Marianne Tribolet ihm a jedem Egge=n=und hinder jedem Boum begänet isch und ganzi Tage lang der Töldi nid us de Finger gla het.

Und derby het d'Arbeit abgnoh. Ds Land isch schtill und schtiller worde, und d'Landarbeit het de Bure d'Ufschtandsgedanke geng meh us em Chopf tribe, was o liechter müglech gsi isch, will d'Regierung i gar mängem Schtück nahgä het. Der Oberscht het's je länger, descht meh blanget hei z'cho und z'gseh, wie's um Hünige=n=ume schtandi. Und de — wär weiß? — het er doch villicht no öppis anders gha, was ne nächer a d'Schtadt Bärn zueche zoge het.

Der Herbst isch cho. Di dürre Bletter sy düre

Hof gwirblet, d'Trübel am Schloßbürg hei gryset und d'Wälder z'ringsetum sy rot und röter worde, da ändlech isch Befähl cho, d'Schloßbsatzig uf e Fridesfueß z'schtelle, und der Oberscht het hei dörse.

Wie's Gim e so geit: me ma erläbt ha, was me will, a mene-n-Ort, wo me schträngi Arbeit und ärnächti Tage gha het, so chunt's Eine no e chly schwär a, wenn me de furt mueß. Und so het üse junge-n-Oberscht näbe der Freud hei z'chönne doch o chly nez wehmüetigs Gfüehl gha, wo-n-er zum letschte mal im Schloßhof ufgrässe-n-isch. Di große Linde sy scho ganz dürsichtig gsi, und e liechte Wätterluft het di dürre Bletter mit lysem Ehräschle dem Bode nah zu Hüüfleni und Zylete zsämegwünscht und se-n-albeneinisch i mene wanderluschtige Wirbel a d'Schloßmuure-n-ufe tribe. Rot und chraftlos isch d'Sunne dür verrisseni Wulkegwäb grollet und het scho z'mitts im Namittag längi Schätte la dür d'Matte-n-usloufe. A mene-n-offene Fänschter vo der Landvogtei isch der Herr Tribolet gschände-n-i sym wyße Mühlsichtheichrage-n-und het zuegluegt, wie Frou und Tochter vom Oberscht Abschid gnoh hei. Di beide Herre sy under sich fertig gsi. Si sy i der Drnig usenandere cho, aber ohni irged es Beduure-n-über d'Trennung.


„Poz, Töldi, jiz bisch du e große Rüter worde“, het ds Marianne gseit. Der Oberscht het ne vor

sech uf em Sattel gha, emel für e=n-Afang. Ds Bagage=n=isch uf mene Leiterwage nachgeföhrt worde, und der Chrißeggleschrigel het dem Oberscht syß zwöite Pfürd gritte.

Di erschti churzi Tagreis isch nume ga Liebegg gange, di zwöiti ga Rued, wo me=n-öppe ne Wuche blibe=n=isch. Wo dert isch me ga Trachselwald, zum Better vom Landvogt Tribolet, für öppis ga uszrichte vo Länzburg. Dä Tag isch der Töldi mit dem Bagage gfare=n=und het no däwäg gnueg übercho. Aber er het geng Längizyti nam Papa gha und's du zwängt, daß er ne=n-am letschte Tag wieder i Sattel gnoh het. Ds Wätter isch trüeb worde, und d'Sunne het nume falb dür schmalu Wulkerige gschine. Und fröschtelig isch es gsi. Aber das hätti no nüt gmacht. Was hingäge der Oberscht gschochet het, daß sy d'Gälge gsi mit de Ghänke dran und d'Chräje, wo sech drum zangget hei. A meh als eim Ort het der Oberscht sy wyte Mantel ume Töldi gschwunge=n=und ihm ds Gesichtli a sy Bruscht drückt, daß er's nid gseji. So isch der Töldi ändlech trotz der unkommode Lag hgschlafte=n=und het gar nüt gmerkt, wo ne z'Hünige ds Mühlkätthi abem Sattel gnoh und i syß altgewohnte Bettli tret het. Der Oberscht het sech geng meh gfreut gha uf syß alte hei, je nächer si cho sy. Und er het Alles i der beschte=n=Ornig gfunde. Si hei=n=ihm es guets

z'Nachtässe=n-uftritt und im große Saal es ghörigs
Kaminföür agmacht gha. Und mit unändlichem
Freudeghüül isch der „Tiger“, e große dütsche Schäfer-
hund, um sy Herr ume gschtriche. Aber wie der
Oberscht d'Schtäge=n-uf und düre länge fysztere
Gang a allne Schtubetiüre vorby gäge Saal zue
gange=n-isch, da sy=n-ihm d'Thräne cho z'schieße.
Ach Gott! Ja, daheim isch er wieder gfi, under
syne Lüte, i syne=n-eigete Sache, sy eigete Herr und
Meischter, d'Mühli näbena het gsurret und grumplet
wie albez — aber ds Härz vom Schloß het ja
nümme gschlage! O so hei cho und doch nid daheim
z'iy!





G. Et.

IV. Kapitel.

Z'morndrisch sy schwarzgrauu Wulke-n-über ds Ursellemoos cho z'flüge-n-und hei schwäri Rägetropf gäge d'Fänschterfchybe vom Saal gworfe, wo der Töfbi ungsorget mit syne grobgschnitzte Rößli und Chüeli gvätterlet het. Er isch gärn bi de Fänschter vorne blibe, wenn er allei gsi isch, vorwäge der Hindergrund vom Saal mit dem mächtige Sandschtei-Kamin isch ihm geng e chly uheimelig vorcho. Linggs und rächts vom Kamin sy di „hfige Manne“, zwo schöni alti Rüschtunge gschtande. Näbe der einte, i mene fychtere-n-Egge, isch di groösi Bibel uf mene massive Tisch gläge, wo der Papa schier all Abe

drinne gläse het. Im andere-n-Egge-n-isch es gheimnisvolles Türli im Eichtäfel gsi, wo dür nes fischer's Gängli i ne Schpycherbode vo der Mühli gfuehrt het. Der einte Längswand na sy gschneizti Schäft und Trög gichtande, und dert derhinder het me Tag und Nacht ds Gurr vo der Mühli ghört. Borne, z'nächst am einte Fänschter, isch e Türe gsi zu nere hölzige Schtäge, die i d'Halle-n-und zur Hustüre gäge Hof abe gfuehrt het. Us der Mitti vo der andere Längswand isch me dür ne Gang z'mitts dür ds ganze Schloß zur große Schtäge cho.

Dert, under der Gangstüre-n-isch jiz plöglech — e prächtigi Rembrandtfigur — im chumleche Tuechwams, i graue Schrümpfe-n-und breite Schnalleschueh der Oberscht erschine, di churzschäftigi Fahne vo sym Regimant uf der Achse, für se zwüsche Tür und Fänschter a der Wand ufzhänke. Er het se mit Wohlgsalle betrachtet und zwägzu pft, und nachhär het er no Waffe bracht, Pistole-n-und Däge, und alles schön i di alte Regel und Schrube ghänkt. Derby isch ihm der „Tiger“ um d'Bei umegfisset und het dem Töldi mit dem Schtil im Gsicht umegwadlet, bis dä ne dranne griffe het.

„E e, Töldi“ seit der Oberscht, „das chönntisch de einisch hüesse.“ Druuf het er der Schlapphuet ufgesetzt und isch düre Gang us verschwunde.

Under der Hustüre-n-isch er e Momant blybe

schtah und het dür d'Allee abgluegt, wo vom Schloß gäge Mittag bis zur Schmitte=n-abe gfuehrt het. E suure Luft het ds letschte Loub vo de Bäume grupft und übere Chiesebach uf d'Matte=n-use treit. Dem Oberscht sy erschte Gang het nid der Schmitte gulte, no der Sagi dernäbe, no der Mühli, sondere däm wo=n-er sälber gfuehrt het, der Landwirtschaft. Uf mene schmale Schtäg isch er über d'Chiese zur Schüüre=n-übere.n-und het mit dem Meischterchnächt d'Schtäll visitiert. Uf em Heiwäg begägnert er dem Huschnächt, dem Jakob, wo=n-ihm chunt cho säge, es warte verschidene Partee=n-uf ihn i der Halle.

„So?“ seit er, „chuum het me der Fueß wieder über d'Schwelle=n-hyne ta, fahrt das Gchähr scho wieder a. Wär isch da?“

„Der Garnbuechibänz und Cini vo Groß-Höch-schtette, Herr Oberscht.“

„Was het die z'Hünige verlore?“

„Es macht Gattig, si heig öppis z'chlage=n-übere Müller, si het emel der Umwäg um d'Mühli gmacht und isch vo hienache zueche cho.“

„Was wett ere der Müller z'leid ta ha?“

„O, es wär nid di Einzigi. Es isch mängs gange, syder daß der Herr Oberscht i Chrieg isch.“

Uf das abe het der Oberscht nüt meh gseit. Dem Jakob het er gwunke, mit ihm i Saal use z'cho und erscht dert fahrt er wieder a: „Sit wei mer z'erscht der Garnbuechibänz dra näh. Rüef ihm!“

Während der Jakob di chlyni Schtäge-n-abschpringt, rüeft der Oberischt i Gang ufe: „Kätthi!“ Und grad druuf erschynt ds Müllers schtattlechi Tochter, e schtolzi, schlanki Figur im eifachschte Chittel, wo me sech nume cha danke, aber suber und i der Ornig. I ihrem ender bleiche Gesicht und de blaue-n=Duge-n-isch ender öppis schwärmüetigs gläge. Ds chole-schwarze Haar isch i schwäre Büpfe-n-übere Rügge-n-abghanget.

„Lue mer zum Bueb“, seit der Oberischt, und der Töbdi isch dem Mühlikätthi agumpet und mit ihm ufe, ohni daß öpper derzue Lut gä hätti. Der Oberischt het ne wie verschtuunet nachegluengt, bis me-n=a di anderi Türe gchlopfet het. Da drob isch er schier e chly zämezuckt, obschon er ja druuf gwartet het. Er het der Hund a sy Platz gjagt und sech i ne große Fauteuil gsetzt.

„Yne!“

Der Jakob het es chlys schwummigs Mannli mit unghchlige Hangibacke-n-und nere wüeschte gschtabelige Mähne vo gräutschelig-bruune Haare vor sech zur Tür hne gschobe-n-und sälber hne welle. Aber der Garnbuuchibänz het scho uf der Schwelle ne schuderhafte Chragfueß gmacht, so daß ne der Jakob mit mene ghörige Mupf het müesse-n=i Saal hne schtoße.

„Was heischt aber, Bänz?“ fragt der Oberischt.
„Es pressiert schynt's, daß d'scho hütt chunsch.“

„Verzieht, gnädige Herr“, seit der Bänz, „es isch mer drum z'tue, z'wüsse, ob der Herr Oberscht guet ume hei cho isch.“

„He nu, das hesh jiz scho gseh, i bi ja gsund und zwäg.“

„Das walt' der lieb Gott!“ meint der Bänz.

„Dankeigisch, aber wäge däm hättisch Dr der Wäg chönne-n-erschpare. Läß wohl!“

Ziz dräit der Bänz d'Chappe verläge-n-i syne chrumme Chräbelfinger ume:

„Verzieht, Herr Oberscht, i ha . . . i ha . . .

Der Oberscht isch scho ufgschtande gsi und het dem Bänz d'Hand dargschtreckt. Da seit er: „Aha, das ha-n-i doch welle ha, du sygisch nid nume cho, für mer cho guete Tag z'säge.“

„Rei, nüt für unguet, gnädige Herr, i sueche nume, was me, Gott Lob und Dank, geng findt by-n-Geh, Rächt u Grächtigkeit.“

Uf ds Oberschts Schtirne het's urüejig afah zucke, aber das het der Bänz nid gseh.

„Es isch mer leid, Herr . . . gnädige Herr Oberscht, daß ig Geh so mueß Bschwärd mache. Aber wo gienge mer süscht hi? Der Gerächte mueß halt viel Lyde.“

„Füre mit, füre mit!“

„E nu, wenn der Herr Oberscht so güetig will sy, es isch äbe . . . der Schwander im Schlupf

hinde=n-isch mer es Zeisli schuldig für Gald, wo=n-
i sym Batter da di Jahr vorgschtrecht ha. Es wäre
bloß feuf Pfung, Herr Oberscht, was i z'guet ha
by=n-ihm. Und er wär willig mer's z'zahle; aber
jih wott er mer nume sibenedryßg un e haube
Bage gä."

"He nu, das macht ja di fuf Pfund."

Zih lachet der Garnbuuchibänz unglöubig, wie
wenn er wetti säge, das wärdi öppe dem Oberscht
nid ärnicht sy.

"Oder nid?" fragt der Oberscht.

"Da chäm i z'churz, gnädige Herr."

"Warum?"

"I ha=n-ihm di feuf Pfung etlehnt, wo ds Pfund
no zwöuf u ne haube Bage gulte het. Es isch grad
denn gsi, wo di gnädige Herre z'Wärn inne befohle
hei, der Thaler söu fufzig Bage gäute, schtatt nume
dryßg."

Dem Oberscht isch e Ton vo Erger etwütscht.

"Ja nu", seit er, "aber jih gilt halt ds Pfund
nume no sibe=n-und e halbe Bage. Da git's nüt
meh z'chähre."

"E aber Herr Oberscht . . ."

"I cha nüt dersür; aber das isch jih halt e so."

"Aber der tuufsig Gottswille, Herr Oberscht . . ."

"Emel jih cha=n-i nüt anders mache. Chum de
mynetwäge hütt über acht Tag ume. Und der

Schlupf=Sameli mueß de o cho, de cha me de luege, üb öppis z'mache-n=isch. Es mueß Beidne zum Rächt verhulfe sy."

"Das walt' der lieb Gott!" düderlet der Wänz, macht e große Chrazfueß und geit. I der Allee unde het er i heidne Sect d'Füüscht gmacht und i Gedanke ds Schloß und der Oberscht und di ganzi Obrigkeit zu Brosme verchnütschet.

Der wahr Grund, warum er grad hütt i ds Schloß cho isch, isch dä gfi, daß er der Chriseggelchrigel het gseh i d'Chriseggel gah. Solang dä umewäg gfi isch, het me ds Schloß gschoche, vorwäge dä het der Jurisdiktion vom Oberscht geng uf sy Art nachgehulfe, und da het's de gheisse: „Wer da hat, dem wird geholfen, und wer nicht hat, bleibe zu Hause.“ Me het ne gförchtet wie ds Unglück. Niemer als syne Eltere-n-i der Chriseggel-n=obe-n- und der Oberscht sy sicher gfi vor däm Kärl. Der Oberscht aber isch leider blind gfi gäge-n-ihn. Är het im Chrigel nume der Soldat gseh, und Soldat isch er e flotte gfi, und will er zwüsche-n=yne geng no zu syne-n=arme-n-Eltere gluegt het (meh us Abergloube-n=als us Liebi), so het sech der Oberscht erscht no la blände.

Us em glyche Grund het sech di Burefrou vo Großhöchschette grad hütt zueche gla. Ihre-n=isch es vom Schmid i der Schloßschmitte brichtet worde,

der Chrisegglechrigel syg dä Morge gäge Dießbach zue gloffe.

Het der Garnbuuchibänz uf em Heiwäg über d' Obrigkeit gfluechet, so het der Oberscht i sym Saal der Tag verwünscht, a däm d'Regierung i beschter Absicht, aber gwaltsam und ruuch der Münzfueß abegsetzt het. Währed dem dryßgjährige Chrieg is di große Galdsorte schuderhaft tüür worde. Für das usz'glyche het du d'Regierung minders Baßegäld la präge. Und jitz, nam Fridesschluß, het du plözlech ds große Silbergäld nüt meh gulte. Das het bsunders die troffe, wo öppis gha hei, aber doch nid gnue, für besseri Byte-n-abz'warte. Und was dem Oberscht bsunders z'Härze gange-n-isch, am meischte sy di brave schparsame Lüt dermit gschlage gfi, währed es de Liederleche glychgültig het chönne sy. Der Garnbuuchibänz zwar het ne nid hert duuret; er isch e schynheilige Ghzchrage gfi. Won-er zur Tür use gchraßfüeplet isch, het der Oberscht vor sech ane gseit: „Däm geit ds Huftgleich grütlech ring“. Und der Jakob het gemeint: „Ja, hie het er der Gring geng zwüsche de Chneue, aber um d' Garnbuuchi ume treit er ne wie-n-e Hung im Rogge, dä Hüngligürter.“

„So, mer wei mache, daß es rückt, rüef jitz dere vo Höchschette!“

Di Frau isch chuum zur Tür hne gfi, so het ere

der Oberscht alli demüetige=n=Meitunge=n=abgschnitte mit der Frag: „Wie heissisch?“

„I wär Fuhrima Schtüdi, vom Hingere Ghehr, u für's grad z'fäge dem Schmid z'Höchschtette d' Schweschter.“

Der Oberscht luegt verwunderet uf.

„Ja i chume nid wäge däm t'wäge.“

„Das wär jize wohl schpät.“ (Dä Schmid isch nämlech als Ufrührer vor Wuche=n=a Galge cho).

„Nei, nei, es isch wägem Müller da äne.“ Si het sech umgkehrt, wie wenn si wett luege, ob er nid öppe=n=amene=n=Ort der Chopf hneschtrecki, und du isch si ganz nach zum Oberscht und het halblut wyter gfare: „Weisch, er nimmt e so wüescht zwüsche=n=ufe.“

„Warum heisch ihm de z'mahle gä?“

„I ha drum gmeint, er nähm minger zwüsich use weder üse, z'Höchschtette=n=äne. Aber jiz trybt er's no viel verflüechter. Mer hei ihm di mal feufesibezz Mütt Dinkel brunge, u du het er is bloß ume=n=öppe feufesächzgi usegä, dä Gythung. U was bruucht dä sövel? Ds Wasser het er däich vergäbe. Es luft ihm ja vo=n=ihm sälber, er bruucht nit weder ufz'schütte=n=u öppe chly z'luege, u dernah cha=n=er sacke.“

U wo=n=ig ihm's gseit ha, het er mer ds böss Muul aghäicht u gseit, ds Haube syg Dräck gfi, wo

mer ihm brunge heigi — ja, selig schwärs Gwächs, wie das gsi isch. Da cha me wyt ume lufe, bis me so öppis gseht.“

„Ja und jiz, warum brichtisch mer das Alles? Was söll i mache?“

„E i ha gemeint, öppe chly z'Vode schtelle mit ihm.“

„Ja lue, das geit mi drum nüt a, i ha-n-ihm nüt dry z'rede.“

„He?“

„Das isch sy Sach, i ha-n-ihm da nüt z'befähle. Nr isch Müller.“

„E aber öppe chly“

„Ja, tue mer da nid lang schtürme. I ha dr's jiz gseit. 'S isch nid my Sach.“

„Nüt für unguet; aber i ha däicht, i well's emel cho ge säge. U de, wüffet Dr, gnädige Herr, das mueß de o gseit sy“ — und jiz isch si no nächer zueche cho — „wie das e wüeschte Hung isch, wie dä aube redt über d'Oberkeit — eh myn Gott im Himmel obe! Mei, we's no e Grächtigkeit git uf der Wält. Da isch de no gflattiert gsi, was üse Ruedi, der Schmid z'Höchstette, öppe gredt het. U dä hei si de“ Si het ds Fürtech vor ds Gsicht gha und d'Duge gwüsch und plöglech fahrt si los: „Dä da äne, dä hätte si sölle häiche-n-u verschrjße. Ja, dä hätti's verdienet, so wahr, daß i

da schtange, Herr Oberscht. Aber hinger dä hei si halt nit dörfe, so ne Schloßmüller.“

„E e, Froueli, bsinn di, was d'feisch!“

„Ja, miera, so isch's. Der Tüfel“

„Schwyg jih und gang, göb daß d' no öppis Dümmer's feisch! — Sä da.“

Der Oberscht het der arme Querulantin es paar Chronen-i d'Hand drückt.

„Dankheigit, Herr Oberischt. Der lieb Gott söll Der's vergälte!“

„Ds ander mal bring de dys Gwächs uf d'Höchschtette=Müßli.“

„Ja wäget, das tue=n=i“, seit si no im Usegah.

Di armi Frou isch düre pflaschterete Hof us. Luft und Räge sy vor der Hustür über se här gfallt, so daß si unwillkürlech der Chopf dergäge gschemmt und nid wyters um sech gluegt het. Mit eier Hand het si ds Chopfstuech feischer azoge, di anderi het im Bieter ds Almoose vom Oberscht chrampfhast zsäme-gha. Aber wo si vor ds Hofgatter use chunt, chehrt und du der Luft vo der Syte het, da lat si's la fahre. Der Müller het si gseh under der Türe schtah. Mit beidue Füüschte fahrt si i d'Luft und fluechet ihm ds Wasser ab de Neder und Ungsell i ds Hus. Was si gseit het, het Niemer anders ghört als der Schturmwind, wo's wie ne böfi Saat i di graue Wulke-n-ufe gwirblet und der Mißton dem blaue

Himmel zuetreit het. Aber gseh het me's i der Mühli und im Schloß, und dem Oberscht het di Pantomime=n=änet dem Gartehaag i ds Härz griffe. „Gange si Alli jo under mym Dach wäg?“ het er sech gfragt und isch mit usgeregte Schritte=n=im Saal uf und nider gange, bis syni Blicke=n=uf di usgschlagni Bibel falle. Er isch am Tisch blybe schtah, het afah blettere, aber nume d'Syte z'Doheteuys umegschlage. Er het nid rächt g'achtet, was druffe sichteit. I Gedanke het er geng di Frou im Kampf mit dem Kägelust gseh über ds Moos dervo loufe, vo Zyt zu Zyt sech umchehre=n=und d'Züüschyt mache. Und jedesmal, wenn der Lust dür ds Kamin ab brüelet oder d'Bugeschybe=n=a de Fänschter vorne=n=erhudlet het, so isch es ihm dür March und Bei gsfahre. Es isch ja nid bloß d'Chlag vo der Frou gfi, wo ne plaget het; er het scho lang gschpiirt, daß der Jammer vom Volk um ds Schloß ume tönt het wie ds Chute vom Wätterluft, dä a mängem Ort der Gruch vo däm i sech treit het, was i Bize=n=a de Gälge ghanget isch.

Wieder und wieder isch der Oberscht i länge Schritte vom Kamin zum Fänschter und vom Fänschter zum Kamin gloffe=n=und het geng nid chönne=n=eis wärde mit sech, was ne=n=eigentlich e so plaget, het er sech doch nid schuldig gwüßt a däm Gländ, und o di guete=n=Absichte vo der Regierung het er

yggeh. Je meh, daß er drüber gschstudiert het, deicht meh isch ihm jiz sy Einsamkeit zum Bewußtsh cho. „Wenn i nume mit öpperem rede chönnt!“ Es paar mal isch er plöglech blybe schtah, het sech e-n=Dugeblick bsunne, öb er nid zu disem oder däm Nachbar well. Aber — aber! Eine wie der Ander z'ringsetum isch anderer Meinung gfi als är, das het er scho lang gwüßt, und zu nere Dischputation isch er gar nid usgleit gfi. Ihm het nume-n=e Wöntich gfählt, wo-n=ihm e chly würd lose, es Härz, wo-n=ihm e chly hülf gschpüre, was är gschpürt het. Albeneinisch isch's ne-n=acho, er möchti eigetlech ga Bärn hne. Und nah=ti=nah het er sech's müesse-n=yggschtah, es wär ihm de drum z'tüe, öpper az'träfte, wo-n=er eigetlech sit der Nacht vor der Schlacht bi Wohleschwyl nümme het chönne vergässe, will er denn gmerkt het, daß di Pärson ihm mit Interesse zueglost het, wo-n=er vo de Buebebärge gredt het. „Und de . . . nu, das sy Üsserlechkeite!“ Wär i däm Dugeblick der Obericht agluegt hätti, wäri vom Lache-n=agschteckt worde, wo dür sy's Gsicht gfloge-n=isich und jedem Merkfige verrate hätti, was es gschlage het. Aber grad nachhär isch es wieder syichter und suur dür syni Züg gange. Ziz het er nümme ds Froueli vo Höchschette gseh, sondere-n=a jedem Egge-n=und under jedem Loubeboge vo Bärn underjekti Ratsherre mit schtynse Mühlisichteichräge-n=und herte Gsichter, die wie Schildwache-n=um sech luege.

„I däm Troum het ne-n-es lyjes Chlopfe-n-a der Saaltüre gschört. Ds Mühlkäthi isch cho säge, d' Suppe syg uf em Tisch. Da fahrt ihm e Gedanke diire Chopf. „Käthi“, seit er, „chumm los“, und dütet ihm, zum Fänschter füre z'cho. Schüüch het es e chlyne Schritt gäge-n-ihn ta, grad chuum soroyt, daß es nid widerspänchtig het bruuche z'schlyne. „Chumm nume dafür!“ seit der Herr vo Hünige, „i tue dr nüt“. Ds Käthi isch wieder um nes Schritkli nächer cho; aber wie der Oberscht ihns arede wott, so fahrt's mit mene-n-erschrockene Blick dür ds Fänschter zrüd. Dem Oberscht isch dä Blick nid et-gange; er luegt use-n-und gseht der Müller im Hof usse schtah.

„Mhm“, macht er und lat sech jiz nächer zum Käthi. „Los“, seit er, „hesch du öppe scho meh öppis gmerkt, daß dy Watter Händel het mit syne Chunde?“

„D bhüetis“, antwortet ds Müllers Tochter, „da wüßte mer öppis z'erzelle, d' Muetter un i. Sitdäm daß es e so böset het im Land ume, isch ase mängs gange. — Er gseht halt o so schwarz und meint geng, er mögi niene meh gcho. Er cha's äbe nid vergässe, wie's einisch gsi isch. Un usse-n-um möcht' er o nid der Name ha, daß es hinger ache gangi mit ihm, u drum isch er e so untane mit de Chunde. Mir säge-n-ihms ja geng, er tüej si nume schade dermit. Aber er löst is nüt.“

„Het er öppe=n-o mit dem Schmid z'Höchsttette z'tüe gha?“

Schtatt dadruuf z'antworte, luegt ds Rätthi uf d'Syte=n-und schwygt.

„Häb nume nid Chummer, i tue=n-ihm deßtwäge nüt z'leid.“

Der Dbercht het vergäbe=n-uf ne=n-Antwort gwartet. Dem Rätthi sy ni große blaue=n-Duge sy naß worde, und bald sy=n-ihm gliherigi Thräne=n-ufe ruuche Chittel abegfalle. Es nimmt ds Fürtech vor d'Duge=n-und schluchzet.

„Der tuusig Gottswille heit Erbarne mit ihm!“ bringt's ändlech mit Muej und Not füre.

Das isch dem Dbercht z'Härze gange. Mit fechttem Griff zieht er dem Rätthi d'Hand abe, luegt ihm voll Güeti i ds Gsicht und seit ihm: „I wott nid meh wüsse. Gang jiz, Rätthi, und häb nid Chummer.“

Ds Rätthi hätti dem Dbercht gärn gä z'verschtah, wie dankbar es ihm sygi, aber es het nid gwüßt, wie das achehre=n-und isch mit lutem Briegge düre Gang us glosse. Der Dbercht het sech überleit und begriffe, was im Hätz vo däm brave Meitschi vor sech gange=n-isch. Was ne ganz bsunders grüehrt het, isch der Gedanke gsi, daß das Meitschi, um das me sech no vor drüne Jahre griffe het, offebar nume ds Vatters Chummer und Erbitterung treit und

drob vergäffe het, wie viel äs sälber düre Nidergang vom Familienglück ybüeft het. „Es git doch albeneinisch no ne brave Mönksch“, het er mit wehmüetigem Lache halblut gseit.

Wo=n-er i d'Äßichtube=n-abechunt, gseht er uf e=n-erschte Blick, daß sech der Töldi am Bode mit syne Schachfigure vertörlet. „Wär het dir die gä, Töldi?“ fragt er. „Ha=n-i se gfunde“, meint der Bueb mit usschuldige Voll=Duge. „Ja, gfunde! Gib, das isch nüt für di, das sy myni Rößli.“ Me het dä Chram zsämepackt, und der Papa het wyters nid gschmäht, will ihm dem Töldi sy Schtreich der Pfarrer vo Dießbach i=n-Erinnerung bracht het. „I mueß doch zu däm, wieder eis ga schachzable; es dunkt mi, mit däm sötti no öppis z'mache sy.“

Am glyche Namittag no het der Oberscht Wendeschaz der Mantel umghänkt und isch z'Zueß gäge Dießbach zue. Der Räge het e chly nahgla gha, und der Luft het ds Gwülk verriße, so daß di breiti Flueh vom Schtockhorn ihre neue Schneechrage het chönne zeige. Troß dem usfründleche Wätter isch es dem einsame Wanderer wieder rächt heimelig worden-im schtille walldige Chiesetal, und er het sech greunt uf di verschtändnisvollli Gselltschaft vom Pfarrer.

Me het juscht dem Pfarrer Gryph Bscheid gmacht gha, es warti de Eine=n-i der Loube hinde, er heig es Anlige. Der Pfarrer hätti grad juscht derwyl

gha, ga z'luege; aber im Momänt, wo-n-er uffschteit, fällt sy Blick dür ds Fänschter uf e Chilchhof übere. „E der Tag und ds Läbe!“ seit er zur Frou, „lue jitz, da schteit wahrhaftig der Hüniger wieder uf em Chilchhof äne.“

„Ach Herr Zemerli“, meint d'Pfarrfrou, „gang reich ne-n-ynne! Du muesch ne nid da so la schtuune-n-und briegge.“

„Gi'mer ds Gwand und e jubere Ohrage.“

„Da.“

„Wo isch ds Ermelloch? — Nu.“

„E du tuesch jitz emel v ungschickt.“

„I cha nüt dertfür, daß mer alles z'äng wird. — Lüpf e chly! — So, jitz no der Ohrage! — Ai ai, du rupfsch mi.“

„E so häb e chly uf! Wie wett i o i däm Gschtrüpp inne chönne nes Hästli ytue?“

So wehmüetig es dem Oberscht am Grab vo syr Frou um ds Härz gsi isch, sy Schtimmung het umgeschlage, wie Aprilwätter, wo-n-er der Pfarrer gseht sytliche dür ds Chilchhofgatter ynechäse.

„E e, Herr Pfarrer, wenn das e so furtfahrt, so müesse mer bald ds Töri la wyter mache.“

Me het sech d'Händ gschüttlet, und der Pfarrer het der Hüniger welle mache z'erzelle vo Länzburg und vom Uffschand. Aber der Oberscht het grad gseit, da gäbs nid viel Gfreuts z'brichte. — S'isch

nid lang gange, so sy di Beide-n=i ds Pfarrers Schtudierschtube-n=am Schachbrätt gässe. Aber es het nid welle rücke mit der Partie, und der Pfarrer hätti bald afah gine.

„Nüt für unguet, Herr Oberscht“, underbricht er ändlech ds Schpil, „es dunkt mi neue, dir syget hütt nid bi der Sach, oder de heit Dr viel verlehrt. Sei si z'Länzburg e keis Zabelbrätt?“

„Es isch wahr“, seit der Herr vo Hünige, „i ha der Chopf voll anderi Sache, i cha mi hütt gar nid zlämenäh“.

Dermit schtrycht er sech di schwarze Boucles über d'Achse zrück und leit sech mit zlämezogener Schtirne-n=i sy Fauteuil hindere. Der Pfarrer chrauet i sym graurote Bart und heftet di graue-n=Dugli gwunderig uf e-n-Oberscht.

„Eigetlech ha-n=i öppis anders welle by-n=Gh, Herr Pfarrer.“ Und jiz het der Oberscht ihm ds Härz afah usschütte-n=über di truurige Verhältnis im Land ume-n=und wie's ne-n-eigetlech plagi, das da nüt z'mache sygi.

Der Pfarrer Gryph wär eigentlich es wackers Mannli gsi und hätti scho no Sinn gha für d'Not vo der Zyt. Aber uf der andere Syte-n=isch er ganz der Repräsentant und ds Ghind vo sym Schtand gsi. Ds sältmal hei d'Pfarrer kei Tägicht besser verschtande-n=als „Seid untertan eurer Obrigkeit.“ Si

hei sich sälber b'schtändig vorgha: „Kein Kriegsmann flucht sich in Händel der Nahrung (si hei's o nid nötig gha), auf daß er gefalle dem, der ihn angenommen hat.“ Hätti me d'Vüt gfragt, was der Unterschied zwüsche mene Landvogt und mene Pfarrer sygi, es hätt's Mänge nid rächt gwüßt z'säge. — Ehlche=n=und Schtaat hei dennzumal enandere jo fescht gha, daß es jedes gmeint het, es fiel um, wenn ds andere ließ la gah. Und so sy d'Pfarrer Handlanger und Trabante vo der Regierung gfi.

„Wyn Gott!“ het der Pfarrer Gryph uf ds Ehlaglied vom Oberscht g'antwortet, „i weiß es wohl, es isch wie Dr säget. Aber da isch nit z' mache. D'Houptsach isch, daß si wieder Vertrouen=i d'Regierung überchöme. Und drum mueß me halt d'Regierung underschtütze, wo me nume cha.“

„Mit däm isch es nid gmacht“, seit der Oberscht, wenn d'Regierung läß drinne=n=isch, jo mueß me se nid no ga im Irrtum underschtütze. Wenn halt di verschidene Schtänd unglychligi Läbeskonditione hei, jo gschpüre nid Alli glych. Mängisch merkt halt de ds Volk öppis besser als d'Regierung. Da säge si geng: salus populi suprema lex esto. Aber de mueß me de nid ga ds Volk nachenäh, wenn me=n=einisch läß regiert het.“

„Das isch scho wahr. Ds Volk gschpürt e jo öppis“, meint der Pfarrer lau.

Da hout der Oberscht mit der Fuuscht uf e Tisch und seit: „Und nid nume das. Es dänkt und überleit und wott öppis, ds Volk.“

„Ge he“, meint der Pfarrer mit mene Blick uf ds Schachbrätt, „jih weiß i nümme wo myni Vuure highöre.“

Daß der Pfarrer z'mitts i däm Gschpräch inne no a ds Schpil het möge danke, het der Oberscht g'ergeret. „Aber i weiß, wo si highöre“, brüetet er, wäit mit sym wyte=n-Ärmel us und wüschd mit eim Schtrich di ganzi Schachfiguregellscheft i d' Schtube=n-ufe. Verblüfft luegt der Pfarrer i ds zornige Gesicht vo sym Partner; aber er bringt keis Wort füre. Er wagt's nid emal, syni Figure ga ziämez'läse, wo der Oberscht ne völlig schpießt mit syne wilde=n-Duge=n-und furtfahrt: „Ds Volk wott nid nume Gesicht und Händ vor syr Regierung gseh, es wott ihres Härz für jech ghöre schla, und da het's es Rächt druuf, Herr Pfarrer. Es wott nid nume Pfleg wie öppe=n-es Chueli, es wott Liebi gschpiire, Liebi. Und es het es Rächt uf Regänte=n-und Führrer, die jede=n-Dugeblick parat sy, öppi uf jech z'näh, z'lyde für ds Wohl vom Ganze=n-und, wenn's nötig wird, o z'schtärbe für ds Volk.“ Der Oberscht isch ufgschtande=n-und het mit us-gschtrecker Hand erklärt: „Das hei äbe d'Vuebe-bärge verschtande. Das isch der Schtärn vo

Buebebärg, dä mueß wieder ufgeh und däm wott i folge.“

Der Oberscht isch da gschande wie-n-es Monu-
mänt, und der Pfarrer het sech e-n-Dugeblick z'gräch-
tem gförchtet vor ihm. Er het ob em Bann, wo
sy Gascht i däm Romänt uf ihn usgüebt het, di
gäite Schachfigure vergässe, aber o d'Wort und d'
Gedanke. Bewunderung isch über ihn cho, und
zletscht het er dem Oberscht d'Hand gä und gseit:
„Dir heit rächt, Herr Oberscht, hälf' Ech der lieb
Gott!“

Sitz isch's e-n-Dugeblick schtill blibe, da ghöre di
Weide-n-unde-n-inne grobi Mannschtimme zangge,
und derzwüsche-n-isch d'Schtimme vo der Frou Pfarrer
wie-n-e Murrelipfiff ihrem Ma i d'Ohre gschlosse.
„Verzieht, Herr Oberscht“, seit er und schiebt d'
Schträge-n-ab, ohni sech z'achte, daß der Hüniger
hinder ihm härchunt.

„Was git's?“ rüeft der Pfarrer.

„Chumm lue, di zwee da sy sech i d'Haar gfare.“

Breitschpurig geit der Pfarrer under di hinderi
Hustüre-n-und donneret use: „Friede sei mit euch!
„Das walt der lieb Gott, Herr Pfarrer“, antwortet
eine vo de Kampfahne schlagfertig, aber der Pfarrer
fahrt furt: „Was chunt euch eigetlech z'Sinn? —
Meinet dir ds Pfründhus sygi e Pinte, he?“

Mit güggelrote Chöpfe-n-und verchuzete Haare

sy der Garnbuuchibänz und der Schlupf=Sameli i der Loube gschande, und uf em Bank näbe der Hustüre-n=isch es tots Huehn gläge.

„Verzieht, verzieht, Herr Pfarrer“, saht der Bänz a, es isch mer leid, daß mer Ech dä Lärme da anegmacht hei, aber der Schwander het mer e so ds böß Muul aghäicht, u 's isch doch de gwüß o nid rächt

„Schwyg du, Flattierhung!“ fahrt der Schlupf=Sameli derzwüsche. „I ha dir nüt z'lid da. Hättisch du mi i Rueh gla

„So, Manne, jiz isch guet für hütt, so rede=n=i nid mit ech. — Es andersmal de. Bhüet ech Gott und heit Fride!“

Dem Pfarrer syni Wort hei Rueh gschaffe. Der Schlupf=Sameli, es schtrubs chlys Mannli, het d'Chappe glüpf und isch dervotrappet, het aber no gseh, wie der Bänz der Frou Pfarrer das tote Huehn mit undertänigem Chrazsueß darstreckt. Drum blybt er am Wägbord no einisch schtah und brüelet zrück: „Wart nume, i chume de scho no zu myn Rächt, wenn i scho nid e verreckti Gluggere darz'gheje ha.“ Ziz het der Bänz sech ufbläjt und uf sy Gägner los welle. Aber der Pfarrer het ne=n=am Arm gnoh und hinderha. Derna, sobald der Sameli verschwunde gsi isch und der Bänz no drü mal undertänigicht het versicheret gha, der Sameli

syg e-n-Erz-Lugihung, het me ne du o verichickt. Hätt er o no einisch zrückgluegt, so hätte er müesse gseh, wie d'Pfarrfrou mit fragende Blicke-n-ihrem Ma das Huehn unter d'Nase gha het. „Nei, nei“, het dä sachverständig gseit, und du isch di chlyni Gsellshaft im Pfarrhus verschwunde.

D'Ursach vo däm Lärme-n-isch gfi, daß der Bänz vernoh het, sy Schuldner schtüüri dem Pfarrhus zue. Uf das hi het er flugs a mene Huehn der Hals umdräit und isch gäge Dießbach zue. Und richtig het er dert der Sameli i der Loube vom Pfarrhus gseh siße. Scho zwo Schtund het dä arm Tropf dert gwartet, er isch ja scho vor em Oberscht cho gfi und het dem Pfarrer sys Leid welle chlage, so wie am Morge der Bänz dem Oberscht. Das het du dem Bänz nid Rueh gla, und er het probiert, ne ga z'verschüüche, isch aber a Läge cho.

Ds pfarrherrliche Paar het du der Fall no mit dem Oberscht erörtcret, und di beide Manne sy nid rächt einig worde drüber. Der Pfarrer het du sy Gascht no ne Biß wyt hei begleitet, und wo-n-er umecho isch, het er syr Frou haarchly brichtet, was er für ne-n-artigi Schachpartie mit dem Hüniger gmacht und was dä brichtet heig. D'Pfarrfrou het da ihri eigete Schluß drus zoge. Si het se resümiert im Say: „Im Schloß Hünige mueß halt wieder e Frou zueche, 's isch nume das. Dä Ma het Längizyti.“

„Du chönntisch öppis rächt ha“, het der Pfarrer gseit. „Wenn er di rächti fänd . . .“

No bündiger als d'Pfarrfrou het der Oberscht uf em Heiwäg syri Ydrück resümiert: „Also mit däm isch o nüt az'sah“. Er het natürlech der Pfarrer gmeint. Hingäge het er sech e chly mit dem Gedanke tröschtet, er chönnt ihm der Chnopf doch no usdrücke.

* * *

Es isch Mitternacht vorby gsi, und der Mondschyn het i de schwarze Wälle vo der Giese gflackeret, da seit der Pfarrer zu syr Frou: „I chume zu keim Schlaf hinecht. Dä Oberscht — dä Oberscht! — Lue, wenn du ne nume gseh hättisch, wie-n-er da i der Schtube-n-äne gschande-n-isch. Er macht mer Gedanke.“

„Mhm“, sürmet d'Frou und dräit sech uf di anderi Syte, „wenn is nume das Hueln nid dervolouft.“

Der Pfarrer isch ob der Antwort so touf worde, wie am Namittag der Oberscht über ihn. Zum Glück isch er du uf em andere-n-Ohr bald ygchlafte.





G. 51

V. Kapitel.

D'Sunne het so fründlech möge tue als si welle=
n=und chönne het, da het's vorusse nit meh gä
z'caressiere. Wenn v nid grad Alles underem Schnee
gläge=n=isch, so het doch nienemeh öppis läbigis,
farbigis us em gsfrorene Bode füre gugget. Und so
hei di schönheitsdurchtige Sunneschtrahle sälber
müesse=n=i di gheizte Schtube=n=hne schlüüfe für nes
würdigis Amüsement z'finde. Si hei nid alli glychs
Gfell gha. Aber ihreere paar bsunders luschtigen
Schtrahle sy vo der alte Judegass*) här z'Värn

*) Später Inselgasse genannt.

dür nes Fänschter yne gschürmt, und die sy nachhär nümme gsi usez'bringe. I der große, eichig täflete Schtube hei si e Maler a der Arbeit gfunde, und däm het müesse ghulfe sy. Si hei-n-ihm wohl welle, und drum hei si-n-ihm ihs Modell verguldet, villicht meh us Freud am Modell als us himmlischer Wohlmeineheit mit dem Maler. Und das Modell isch Niemer anders gsi als — ds Kätheli Willading i nere prachtvolle Toilette, smaragdgrüene Damast mit Marderpelz garniert. Das isch e Herrlichkeit gi! Chönnte d'Sunneschtrahle Tön vo sech gä, so hätti's gklunge wie-n-es Orcheschter. Eine het sech i di weiche brunne boucles verwigglet, e-n-andere het bald i de-n=Duge glizeret, bald di sammetige Backe gschtrychlet, bald isch er drüber abe gfloge-n-us di herrlechi Bruchst, wo ds Kätheli na der damalige Mode gar nid het gemeint müesse z'verschtecke, so daß di luschtige Schtrahle sehr für ds Zytgemäße sech begeischeret hei. Wieder e-n-andere-n-isch i d'Hand vernarret gsi, wo mit mene nachegmachte rote Nägeli gschpilt het, und der schüüchsch isch i de Fält vom Rock umegfahre, wenn er nid a nere guldige Brosche-n-oder Agraffe bhanget isch.

D'Mama Seckelmeischeri isch im Schatte gässe-n-und het mit der Regelmäßigkeit vo mene-n-Uhrwärt Tapisserie gmacht.

Der Maler het ds luter Wasser gschwitzt, er isch

de-n-Drücke schier nid Meischter worde, so daß er mängisch vor Schpannung vergässe het der Ate z'zieh. Aber no sünsch het er neue hütt trotz der wunderbare Belüüchtung sy liebi Not gha; nämlech mit dem Rät'heli sälber, wo uf mene-n-improvisierte Thron obe gässe-n-isch und vo dert über Maler und Muetter wäg het chönne zum Fänschter us luege, übere Garte wäg, uf di alti Judegaß, wo zwar ds jältmal nume Schtäll gschtande sy. Es het der Blick uf ne-n-Armlüüchter a der Sytwand sölle richte. Aber scho zum dritte mal het ihm der Maler jitz afange-n-aghalte: Un peu plus à gauche, Mademoiselle, s'il vous plaît. Fixez votre regard sur le candélabre, je vous en prie. — Seulement deux minutes encore". Aber ds Rät'heli het eifach e Mechanik im Ate gha, wo-n-ihm geng wieder der Chopf gäge rächt's dräit het. Oder het es sech einisch ebha, so sy doch d'Duge nid vom Fänschter abcho.

„Allons donc!" isch ändlech d'Mama dem Maler z'Hülf cho, „lueg jitz einisch, wo de sott!" — Das het aber o nüt gnügt. Erscht wo du d'Mama uf schtande-n-isch und agfange het i der Schtube-n-ume-fiegge, het du ds Rät'heli nahgä; aber jitz het's undereinisch Ameisse-n-übercho und nümme welle schtillsitzte. Es het es Schähr gä, i däm ds Rät'heli d'Oberhand übercho het, und du het's es o no zwängt, daß me no chly a d'Luft müessji. Me wärdi

ja ganz sichtig und gschtabelig, wenn me so ne-n-Ewigkeit da müessi shtill sitze-n-und leis Gleich dörfi rüehre. Und göb was der Maler etgägegga het vo günschtigem Liecht und so wyters, me het nüt meh abbracht, und d'Mama het wohl oder übel müesse ga d'Pelzbrämichappe-n-usseße, e so nes chlys Sammetchäppli mit nere riesige Wurscht vo Pelz, wo me vo eim Ohr zum andere zwäris übere Chopf treit het. Ds Rätheli hingäge het de ds Töchterebaretli uf syri wüelige Haar uspflanzen. Das isch es chlyses, sammetigs Zylinderhüetli ohni Rand gsi, öppis dümmers vo mene Suet het me nie gseh; aber wär hübsch gsi isch, isch's halt o unter dem Güpfi blibe. Natürlich het ds Rätheli o ne-n-andere Rock agleit. Mit syr Muetter zsäme het's gar verwändt es shtattles Paar usgmacht. Der Maler het me zu sym Verdruß bis zum Ässe gschickt ga Band houe.

Underdesse-n-isch a der Jubegaß hinde der Herr vo Hünige mit mene Kopfhandel fertig worde-n-und het jech use Wäg gmacht a d'Grächtigkeitgag abe, wo-n-er de bi Verwandte het welle ga z'mittagässe. Er isch di hindere Gasse-n-ab. Aber, wo-n-er dür d'Chrüzgag füre wott, isch jucht grad der Groß Rat usgange, und di Zwöihundert sy i dide Schwärme d'Rathusschtäge-n-ab und dür d'Chrüzgag cho. Ganz schwarz isch es derhärcho, es Gwimmel vo schwarze

Baret. Zu der Zyt het ds Ratsherrebaret d'Form gha vo mene-n-abgschtumpfte Schpißhuet. Es isch überzoge gsi mit schwarzem Sammet und verziert mit schwärguldige Chettene. Ume Hals het me der gfältlet Radchrage treit, derzue ne Radmantel, hurzi Bluderhose-n-und Schtrümpf mit Schnalleschueh. Natürlech het under jedem Mantel e währschafte Däge füregluegt. Das het Alles i-n-Allem sehr e reschpäcktable-n-Druck gmacht, bsunders bi fyrleche-n-Ufzüge. Aber hütt isch merkwürdig viel Läbe-n-im Schwarm gsi. Es isch viel und ufgregt brichtet worde. Me het viel Chöpf gseh sech schüttle, Händ i der Luft umefahre. Alli Bott isch da oder dert e Gruppe-n-i ds Schtocke cho; zwoe Ratsherre sy sech nächer trätte, hei gestikuliert, enandere bi'm Mantel zupft, sech abgwunke, gichtampset, der rot Chopf i Ucke gworfe, sogar mit der Hand uf ds Dägegfäß gchlopfet. U der Chramgaß het sech der Schwarm afah uflöse-n-und d'Bewegung het sech i einzelne Gruppe wyters furtpflanzt. Da und dert isch öppe-n-Eine-n-allei mit Chopfschüttle-n-oder Achselzucke dervogloffte.

Aber ziemlech e dicke Trübel isch dür d'Chrüzgaß grad gäge d'Sunkeregäß und d'Chilchgaß fürecho, und da drunder sy juscht vo de gwichsigste-n-es Paar gsi, mit bsunders läbige-n-Duge-n-und tief grunzlete Schtirne. Das het's du üsem Oberst

gar nid chönne, und er het, ohni sech z'binne, der Rückzug gäge Chilchhof aträtte, für dert z'warte, bis der Schwarm sech völlig verlosse heig.

Im glyche-n=Dugeblick aber sy d'Frou Seckelmeischer Willading und ihri Tochter juschemänt vom Chilchhof här cho, vermuetlech mit der Absicht, der Herr Seckelmeischer az'träfte. Der Oberscht het gschpürt, daß ihm e Bluetwälle-n=über ds Gesicht louft, was ne chly geniert het. Mit flottem coup de chapeau geit er uf se zue, und als Cavalier wo i frömde Lande glehrt gha het sech bewege, fuehrt er dene Dame-n=ihri Händ a d'Läfzge. Er het es luschtigs und freimüetigs Wiebergseh gsyret mit dem Rät'heli und der Mama gseit, wie-n=er sech glücklech gschägt heig, z'Länzburg d'Bekanntschafft vo ihrer Tochter chönne z'mache-n=und wie-n=er ihre Muet bewunderet heigi, daß si da so dür ds Land ufgritte sygi.

Da sy si no dranne gfi, wo der Papa Seckelmeischer i syr zürnende Majeschtät zue ne gschtoße-n=isch. Chuum het er ghört, daß si vo Länzburg rede, so plaket er los: „Ja äbe, di sapperlots Trible!“ Und jiz sy no anderi zueche cho, di Froue cho grüesse, so daß der Oberscht plöglech z'mitts im Willading-Clan inne gschtande-n=isch. Er het sech desse nüt gha z'beschwäre. Ne het sech merklech um ihn interressiert, und Eis het ds Andere-n=überbotte-n=i Höf-

lechteit gäge-n-Obericht. Hätt me-n-ihm Zyt gla zum Rachedänke, so wär ihm villicht di ganzi Liebeswürdigkeit ender chly unagnähm worde. Aber er isch so i ds Gschpräch hnezoge worde, daß ihm nid viel Zyt zum Philosophiere blibe-n-isch.

Der Herr Seckelmeischer het der Obericht absoluti zum Affe welle ha und het ne mit sech d'Loube-n-uf zoge. Di beide Froue sy vor ne här zoge. Zwce wyteri Ratsherre, e Cousin, Hans Albrächt Willading — me het ne-n-im Familienkreis Brächt gnennt — und e Schwager vom Seckelmeischer Namens Herbolt, sy hindenache cho und hei, so guet's gange-n-isch, sech a der Konversation beteiliget.

Der Papa Willading het sech usgredt und nah-ti-nah sy rüjigi Jovialität wiedergfunde. Bi'm Affe-n-isch der Obericht rächts näbe d'Frou Seckelmeischeri cho z'siße-n-und het ds Rätheli vis-à-vis gha. Im Afsang isch männiglech geniert gsi, di drei Ratsherre, wo der Chropf voll Politik gha hei, wägem Maler, der Maler sälber, will er das gschpürt het, ds Rätheli, will ihm fuf Pärjone z'viel am Tisch glässe sy, d'Mama, will si sech füre korräkte Verlouf vo däm Diner mit allne syne Räbenerichynunge verantwortlech gschpürt het, und der Obericht exakt us em gliche Grund wi ds Rätheli. Und du isch du der Ivorne cho, und du het's du Allnezjame glugget, ohni daß es ne grad bewußt gsi wär.

„Was säget Dr zu däm, Herr Oberfcht?“ fragt erwartungsvoll der Husherr und müßcht sech e guldigi Waadtländer=Thräne=n-us sym Patriarchebart.

„Nüt, Herr Seckelmeischter, da mueß me nüt derzue säge.“ Mit luschtigem Blinzle sezt der Oberfcht sy schöne Bächer a d'Väfzge=n-und bechtätiget dem Herr Willading syne Erwartunge mit mene länge, länge, behagleche Zug.

Di politischi Konversation het me=n-im Hinblick uf e Maler i de=n-unverfänglechschte Punkte wieder ufgenoh. Se ganz la z'blybe, wär na der hüttige Ratsfihung dene Herre nid wohl gsi zuez'muete. Der Oberfcht hätti se wohlfeil gä; aber juchtemänt ihu het me mache z'rede. Me het ihm erzellt, der Landvogt vo Trachselwald, der Sämi Tribolet, dä me wäge syr ungrächte Hertigäge di Undergäbene zur Verantwortung zuge het, heig sech mit sym Brueder, dem Jakob, drahi gmacht nachez'wyse, daß sy Amtsvorgänger, der jüzig Venner Früschtig 's no erger tribe heig, und jüz lige si im Prozäß mitenandere.

„Es isch doch es Glück“, meint der Oberfcht, daß me di Tribble bi de=n-Dhre nimmt. Dä vo Trachselwald het's emel verdienet. Dä söll nume schwyge, vowäge dert isch es äbe geng nam Grundsatz gange:

„Mach Misch,

Wyl daß d'Landpfleger bischt.“

„Es söll nid fähle, i bi=n-Ech guet derfür“, seit der Seckelmeischter.

Und jitz saht der Oberscht, ermuetiget düer d'Er-rüchtung vom Seckelmeischer über di herte Land-vögt, wo mit ihrem uvernünftige Gyz dß ganz Un-glück verschuldet heige, a, syri Ansichte loslege. Und wieder het er d'Vuebebärge=n-azoge. Di drei Rats-herre hei d'Ohre gschpißt, der Papa Willading het finned der Bart gschtriche, und dß Rät'heli het be-geischereti Blicke=n-uf syß vis-à-vis gworse. Dß ersichte byfällige Zuenicke vo de Tischgnosse het dem Oberscht wohl ta, aber nah-ti-nah, wie meh daß er dß Gfüehl übercho het, er tüej offeni Türe=n-grönne, het er a innerer Freudigkeit ybüest. Er het schwäre Widerschpruch erwartet gha, und jitz het's ne dunkt, er ryti über läärs Fäld, und das unagnahme Gfüehl, het er gförchtet, tüej ne de sälber etwaffne. Das um so meh, als er ganz dütlech gmerkt het, daß di ganzi fridledji Überychtimmung nume=n-uf Miß-verständnis gsueßet het und daß di drei Herre=n-alles läz usgfasset hei.

— Er het under anderem bitter drüber gchlagt, daß d'Willkür vom Samuel Tribolet dß Zuetroue=n-i d'Regierung undergrave heig und daß me jitz müeß Opfer bringe, für das Zuetroue wieder härz'schstelle.

„Ja“, het der Seckelmeischer druuf g'antwortet, „es isch sedch wohl derwärt, öppis derfür z'opfere. Für üs Alti zwar luegt ja nüt meh derby use, aber der Säge vo de Ghinder isch doch dß schön'schte Dänkmal.“

„O wenn nume“, fährt der Hüniger fort, „für ds Landvolk jiz wieder öppis use luegt. Geit's ne wohl, jo chunt de ds Vertroue ganz vo sälberem.

Der Herr Herbolt het sech o mit däm hverschande=n-erklärt und derzue gseit: „Ja nu, si hei jiz gieh, wohi=n-es führt, wenn me wott gschyder sy als d'Regierung. Di Lägge wird ne no lang gä z'dänke.“

„Das scho“, meint der Oberscht, „aber si sötte drüber chönne vergässe, was zu der Lägge gfuehrt het, i meine d'Verbitterung“.

„Das wärde si jiz de scho, me het ne ja groösi Konzessione gmacht. Me het ds Trattegäld ufghobe, me het d'Handwärlszünft uf em Land abgschaffet, me het d'Kompetänze vo de Landbögt reduziert und de Grichte derfür meh gä, me erloubt ja jiz jedem Schlußi ne Däge=n-umz'hänke. Was weit Dr meh? Uf das abe tuet der Seckelmeischter e=n-usgiebige Schluß us sym Bächer, wie Eine, wo dänkt, e so=n-e gäbige Meischter heig sy Schoppe verdient.“

„Ja“ probiert der Oberscht wyter, „es isch nume schad, sy si nid ringer derzue cho. Leider Gottes vergißt me Wohltate liechter als Unrächt. Under üs gseit, hei si=n-is eigetlech das alles meh oder weniger abdrückt, und mit däm chunt ds Zuetroue nid wieder. Me sött ne jiz no chönne bewyse, daß me nes Härz für se het, daß si Ein eigetlech lieb sy“.

„Ma foi“, byschtet da der alt Herr Willading und lachet. „Loset, guete Fründ, das isch e chly viel verlangt uf ne settigi Gschicht abe.“ Und der Brächt meint, das gäbs de einisch im tusedjährige Ryck, aber einschtwyle bring me ne Hund i der Dressur mit der Pöitsche wyter als mit Tätzle. Da leit ihm sy eltere Better d'Hand use=n-Arm und lachet ne=n-us: „Aber e Hund tuet de o nid zinsē. — Nei, der Herr Oberscht het etschide=n-öppis rächt, das gibe=n=i zue. Me mueß ne jik wieder e chly chüderle. Das wird ganz am Platz sy und villicht Wunder würke.“

Dem Oberscht isch es uf das hi fajcht verleidet; aber no einisch seht er a: „I fürchte, mit däm sygs nid gmacht. Me mueß dütlech bewyje, daß Liebi im Regimänt sikt. I meine, wär dem Volk mit der Tat bewyßt, daß er öppis cha uf sech näh für ds Gemeinwohl, dä gwinnt syß Vertroue.“

„Sehr richtig“, seit der Herr Willading, „aber es wird Niemer beschtrytte, daß mir viel uf is nähme für ds Gemeinwohl. Es isch öppe kei Schläck, was mer das Jahr düre hei müesse=n-uf is näh, für di ganzi Souerei wieder i d'Ornig z'bringe. Nume=n=isch es schwär, das de Lüte begryfleh z'mache.“

„Am beschte verstande si's, wenn me=n-o syß Läbe=n=i d'Schanz schlat für se“, seit der Oberscht, „Pärse“, beschätiget der Herr Willading, „pärse.“

Da drüber het me sech übrigens z'Wärn nie gha z'beklage.“

„Und no dä Summer“, meint der Brächt, „het mänge vo üsne Lüte für di gueti Sach i ds Gras bisse.“

Das isch du mit mene=n=allgemeine Glächter beantwortet worde. „D o, Brächt“ het ds Rät'heli derzwüsche gworse, das wird de Bure mächtig imponiert ha! Da chönnte si ja ds Glyche säge“. „E ja“, git der Brächt e chly piquiert ume, „am Änd sy die, wo a de Gälge hange, o für ds Gemeinwohl gschtorbe.“

Der Oberscht seit schtill für sich: „I gwüssem Sinn wohl“ und verschteckt sy Nase=n=im Wäcker. Im Schtulle het er Gott danket, daß ds Ässe scho lang fertig gsi isch, und daß me het dörfen=n=uffchtah. Für hütt het er vo der Politik gnue gha. Und wär nid ds Rät'heli da gsi, so hätt er preffiert für hei. Aber so lang das unewäg gsi isch, het der Oberscht niene chönne nei säge, und so isch es schpät worde, bis er sech losgriffe het, für s'ys Roß ga la z'sattle.

„E nu“ het der Herr Seckelmeischter bi'm Abschied gseit, „Dir heit mer e grossi Freud gmacht mit Guer Visite. Es tuet eim wohl, mit Lüte chönne z'brichte, mit dene me sech so guet verschteit. Au plaisir de vous revoir bientôt.“ Und der Brächt het dem Oberscht ungheiße verschproche, er chöm de bald einisch ga Hünige.

Wo der Oberscht ändlech d'Schtadt ab grittenisch, het's scho asah fyschtere, und a eint- und anderem Fänschter het me Liecht gseh. Der Hüniger het viel gha z'dänke-n-und weder linggs, no rächts gluegt.

Ihm hei d'Erläbnis vo däm Tag ender Thummer gmacht. E-n-Andere hätti a sym Platz sech nid gwüßt z'fasse vor Freud, het er doch gseh, daß er nume d'Hand bruucht i usz'schtrecke, für mit nere schöne, piquante, ryche Frou ne sichere Sitz im Rat, e-n-yflußrychi Verwandtschaft und was weiß i no was Alles yz'heimse.

Der Oberscht Wendschay hingäge hätti sech es Schwärt gwünscht, mit däm er ds Rät'heli us syr Verwandtschaft hätti chönne-n-usehoue, vorwäge das het er dütlech usg'schpürt: Wär sech dert i d'Verwandtschaft ynegla het, isch kei freie Ma meh gfi. Und het er a d'Lüt vo syr Herrschaft dänkt, so het er sech gseit, jiz müeß er dene läbe-n-und dert zeige, wie me sech ds Volk verpflichti, sünsch chönnt me-n-ihm mit Rächt vorha, er machi schöni Wort und läbi sälber nid derna.

Zum Rät'heli aber het's ne mit unbändiger Gewalt zoge.

Und derby het er de no nidemal gwüßt, was er, ohni nume dra z'dänke, bi'm Rät'heli erwürkt het. I der Familie het me bis jiz nüt anders

gwüßt, als daß es e Modenarr gsi isch und sech vo allne junge Lüte het la der Hof mache, für eine nam andere-n-am Bündel ume z'führe und se de uf di uverschantischti Manier bi erschtbeschter Gläglichkeit la z'flädere. Und jitz hütt, wie der Hüniger uftouchet isch, isch es duuch und vernünftig gsi, wie i syne Ehinderjahre — eifach wie-n-e-n-ungkehrte Händsche. D'Familie Willading het e guete Tag gha und sech no meh settigi gwünscht.





G 5t

VI. Kapitel.

Kei Frag, der Obericht Wendischaz isch Hätz und Seel vo Hünige gsi, ja e so ganz, daß o denn, wenn er einisch e Tag, zwee, furt gsi isch, ds frid-
leche Läbe-n-im Schloß und drum ume nid erlöche-
n-isch.

Wo-n-er i der sälbe Nacht uf halt-glikerigem
Schnee ds Bollholz ab gritte-n-isch und pressiert het
für hei, nid bloß für sech im warme Bett ga z'
schtrecke, sondere für wieder i däm Hei z'sy, wo-n-
er mit syr manneleche Härzesgüeti heimelig dürwärnt

het, da het d'Treui i zwone Gschalte gwachet, im Mühlikäthi, wo näbe ds Tölbi's Bettli gschpunnen- und albeneinisch es lyfes Gsätzli gsunge het, und im Hund. Dä isch vor ds Oberschts Schlaifschtube gläge, het der Chopf uf di grad vor sech gschtreckte Talpe gleit gha, d'Ohre schpiß ufgeschellt und mit grünen-schillerige-n-Duge düre schtocksyfchtere Gang usglegt. Und wenns ganz müüslischstill gsi isch, so het me d'Mühlschteine hinderem Saal ghört rumpfe.

Öppe zwo Ehtund späeter isch der Hund urüejig worde, d'Echtäge-n-ab düüffelet und het i der Halle-n-unde-n-afah süüne, will er der Hueschlag vor em Echall ghört het, und sobald öpper d'Hustür ufta het, isch er mit lutem Wälle düre Hof us gschosse. Ds Käthi het sy Poschte nid ender verla, als bis der Oberscht cho isch und ihm erloubt het z'gah, und währed der Wachtablösung het de albe der Tölbi, ohni 's z'ahne, im süefischte Schlaf über sy Batter gwachet. S'isch nid unnötig gsi, voräge-n-e-n-Offizier vo anno dennzumal het gewöhnlech nid d'Duge züchtig nidergschlage, wenn er so nach a nes schönß jungß Meitschi cho isch.

Am Morge hei der Tölbi und der Hund gwett-yferet, für der Oberscht ga z'moleschtiere, emel im Winter, wenn's e kei Grund gä het, früech ufz'schtah, so emel o z'morndriich na däm Ritt ga Bärn. Aber

hütt isch dem Papa sy Geduld um öppis früecher erschöpft gfi als sünsch. Er het syni Blaggeischer bald use gmuschteret, und wo-n-er am Fänschter sichteit und de Ehräje zueluegt, wo im Näbel uf de blutte Bounchrone dasumegfäcklet sy, isch ihm d'Wält schuderhaft grau vorcho. Der Wyluun isch verfloge gfi und het fascht nume d'Gedanke-n-a misratene politische Meinungsustuusch vom vorige Tag hinderla. Und nid lang isch es gange, so isch der ericht Wittsteller dem Haag na dem Schloß zuegschliche-n-und het gluegt, öb der Chrisegglechrigel niene-n-umewäg sygi. Es isch ja kei Tag vergange, wo nid irged öpper dem Oberischt isch cho ds Härz lääre, und hätt er erscht gwüßt, wie mänge lieber daheim blibe-n-isch, als dem „Undervogt“ ab der Chriseggle-n-i d'Händ z'falle, es hätt ne no z'vollem z'bode-drückt.

Gäge Mittag sy emel du o der Garnbuuchibänz und der Schlupfjameli agrückt. Der Oberischt het se zitiert gha und hütt ihri Händel welle zu fridlichem Ustrag bringe.

Mit g'ölete Sätz und Redesarte het der Bänz syni Aschprüch no einisch vorbracht, und der Oberischt het sech i Geduld gfasst. Sich das scho ihn ordlech schwär acho, so isch es de der Gägepartei gar über ds Mäß vom Erträgleche-n-use gange, so daß der Schloßherr meh als einisch der Finger gäge Sameli ufgha und gseit het: „E e!“

„So wär also die Sach“, het der Bänz syz Plaidoyer gschosse, „üse gnädige, güetige Herr wird ja wohl ygseh, daß i ds Rächt ha, di sächzig Baze vom Schwander yz'fordere; di feuf Halbbaze, wo-n-i no z'guet hätti, will ig ihm ja erla, emel für das Jahr.“

„Dräck — sächzig Baze! — Wodüre sächzig Baze? Feuf Pfung bi dr schuldig u lei Chrüzer meh; da heisch je, u derna la mi i Rueh!“ Mit dene Worte zieht der Sameli es gruusigs, schmierigs Seckli vo nere Söublattere füre-n-und zellt sibenedryßg und e halbe Baze-n-ufe Tisch.

„Das macht sibenedryßg u-n-e haube“, dhähret der Bänz, „sächzig mueisch füremache. Gib ume, gib! Du heisch ja no meh da!“

„Feuf Pfung, so hei mer's abgmacht, u fertig!“

„Feuf Pfung, du dumme Hung! Feuf Pfung macht zwöiesächzig u ne haube.“

„Aber nid z'fälbisch, wo mer mitenangere-n-abgmacht hei.“

„I hätti scho farn meh dürfe heusche. Wenn i nid us chrischtlechem Erbarme nes Psäche mit dr gha hätti“

„So“, seit der Oberscht, „vorläufig weiß i jitz gnue. — Lue, Sameli, du bisch halt läz brichtet. Di füf Pfund sy der Zins vo hundertfüezwänzg Pfund, wo dy Batter vom Bänz ufgnoh het, und

das isch i baarem Gald uszahlst worde, nid nume-
n=i Pfund ufem Papier. Und will z'fälbisch ds
Pfund zwölf und e halbe Bage gulte het, so het
also dy Batter hundertfüfezwänzg mal zwölf und e
halbe Bage, das macht — wart jik — tuufig fünf-
hundertzwöiefächzig und e halbe Bage=n=übercho,
dänk i gröbere Sorte, aber item, und jik muesch
Du halt das verzinse.

Dem Sameli isch es ganz trümmelig worde=n-ob
dene Zahle. D'Duge sy=n-ihm schier us em Chopf
use cho, wo=n-er der Oberscht gschouet.

„Das wird Dr däich öppe nid ärscht sy?“ macht
er ändlech und zieht jns Muul zu mene verlägene
Lache so wyt usenandere, daß di rote Bartschtuffle
schier Längizyti nanenandere=n=übercho hei.

„Ja wohl wäger, Sameli, jo isch es.“

„Wo isch de das Gaud hicho? I ha nie sövu
binangere gfeh.“

„He das schteckt halt im Heimetli.“

„Heeh, däich wou; es nähm mi o wunger wo.“

Der Oberscht het uf all Wys und Wäg probiert,
dem Sameli di Sach klar z'mache, aber es het ihm
nid yne welle. Und z'letscht, wo du der Schloßherr
afe bald d'Geduld verlore hätti und der Sameli
gmerkt het, daß es halt doch ärnischt syg und daß
er fächzig Bage müeß zinse, schtatt sibenedryßg und
e halbe, het er ds luter Wasser afah pläre.

„Fiat justitia!“ het der Oberscht syclech gseit, „mach füre, Sameli!“

Und der Sameli het dür Thräne düre wyteri zwöiezwänzg und e halbe Baße vorzellt, und bi'm letschte het er e böse Fluech verschlückt.

„So“, seit der Oberscht zum Garnbuuchibänz, „da hättisch dy Sach. Wottsch ihm di zweeunde-halbe schänke?“

„Ja, gärn, gnädige Herr. Der lieb Gott süll Ech Eui Grächtigkeit vergälte“, meint der Bänz.

„Aber jiz chunt öppis anders“, fahrt der Oberscht zum Etjeze vom Bänz wyters. „Lue, das cha nid jo wyters gah. Du gsehst ja, der Schwander verma's nid, däwäg z'zins. Und du vermasch es, schynt's o nid, dys Gäld e so la z'schtah, wie-n-är's vermöchti 's z'verzins.“

„Wäger, wäger nid, gnädige Herr.“

„Genu, so tuestch du mir dy Gült abträtte. I zahle der's zum verbriefete Wärt zrück, und derna isch d'Sach myni. — Ist's ech Weidne rächt so?“

Di Beide sy mit Freude druuf hgange, der Bänz, will er so sy's Gäld unegseh het, der Sameli will er bi'm Oberscht meh Barmhärzigkeit het z'erwarte gha als bi'm Garnbuucher. D'Sach isch i ds Bleicho, und wo der Hüniger di beide Manne verschickt het, het er zum Sameli gseit: „So, jiz bistch myne, über ds Jahr wei mer de luege.“ I sy Zinsrodol

aber het der Oberscht nachhär zu däm Guethabe gschriben: „Bis uf Anbruch besserer Zeyten, id est bis Rät und Burgere ze Bern der Stern uf Buben-berg wieder usgangen — ohn Zins.“

Füre Schloßherr vo Hünige=n=isch mit däm der Handel erlebiget gsi; aber hinder sym Rügge het er i aller schtille Schändlechkeit der Inchtanzezug hindertsi gnoh und das bi beidne Parteie. Dem Schwander hei di tuusedsüfshundertzwöiesächzg und e halbe Base, wo i sym Heimetli hei sölle schtecke, fei Rueh meh gla. Z'erscht het er syß Hüsi schier z'underobe grüehrt. Es isch fei Schpalt und keis Muusloch verschonet blibe. A alls tuusigs het er jech jiz wieder welle bfinne, wo sy Vatter uf em Toddbett no söll gseit ha. Frou und Ghinder hei ihri Hirnschädle müesse läz mache, für hälfe nachez'finne, und wo dert drinn o nüt meh het welle fürecho, so het me du ds Bschüttloch gläart bis e fei Fingernagel voll Ruumi meh isch drinne gsi. Und zletscht isch me no zmitts im Winter bi Nacht und Näbel düre Toppwald i Wildeneygrabe hindere zu nere Wätterhär ga frage, wo me sött grabe. Und du het me glochet und wieder glochet. Was öppe no Gröuktß im Chemi ghanget isch, isch nah-ti-nah im Wildeneygrabe mit Appetit verzehrt worde, und derwyle=n= isch im Schlupf der Hunger Ghuzme worde. Gält isch nid nume keis fürecho, sondern, d'Söublateren=

iſch um und um gchehrt worde, und kei Chrüger het meh welle drus füregheje. Dem Schwander Sameli aber iſch es chaßangſcht worde, wenn er a Hüniger dänkt het und a Zinſtag. Und wenn er albe=n-im Schlaf giſchtöhnet het: „Ziſ biſch myne, het er gſeit“, ſo hei ſi gmeint, er gſej ganz e=n=Andere. Da hätti du der Pfarrer Gryph zueche ſölle, aber ſitdäm me zur Wildeneyſchwümlere gloſſe=n=iſch, het ein dß Grwüſſe nümme zum Pfarrhuß zueche gla.

Änet der Chieſe, i der Garnbuuchi, iſch me neue=n-o nid zur Rueh cho. Natürlech het der Chriſegglechrigel Alles vernoh gha und iſch dem Bänz uf de Färfere gſi und het derglyche ta, är Chrigel heig ihm bim Oberſcht z'beſcht gredt. Mit dß Tüfels Gwalt het er dem Garnbuucher welle nes Trinkgäld abſchlemme. Es iſch ihm nid grate.

Aber wo der Garnbuuchibänz geng und geng wieder het Chuder i de=n=Dhre gha, iſch es du wenigſchtes zu öppiſem cho, wo ganz Frymettige dem Bänz im Echtille gönnt het. Der Chrigel het einiſch Mittel und Wäg gfunde, mit dem Bänz z'louſe, wo=n=er a mene=n=Abe gäge d'Garnbuuchi zue gange=n=iſch. Der Bänz het jech gförchtet, wie wenn es Doße Röuber hinder ihm här chäme. Der Chrigel het um d'Schtube giſchlage, und der Bänz het jech vor Angiſcht aſah überlege, üb er ächt nid am Änd giſchyder tät, ändlech z'begrhyfe. Über däm iy

si zur Garnbuuchi cho, und der Ehrigel het gmerkt, daß er für hütt no einisch mit lääre Hände-n=uf d' Chriseggge müessi. Das het ne müge, und wo der Bänz mit erliechteretem Härz dem unerwünschte Begleiter guet Nacht seit, packt ne dä mit syne Landschnächtetöpe-n=a syne länge ryschtige Haare, hudlet ne, daß Gott erbarm, und seit ihm: „Gang schnuuf' uf dyne Gädseck, du Basechlemmer! Aber z'erscht muesch mer no einisch dys Schprüchli säge. Säg schön: „E ruehsami Nacht, Christtian, das walt' Gott! — Säg schön!“ Derby het er ne-n=am Schopf gha, wie-n=e Gejer es Lamm. Der Bänz het vor Angscht halt gschwißt und gseit: „Guguguguetnacht, Christtian . . .“ — „Nunu, wyter! Wie seisch albe?“ — „Das wawawawawa . . .“ Wyter isch der Bänz nid cho. Der Ehrigel het ne-n=erhudlet und dasusgschosse, daß er halb schturm uf ds Hus zue zwirblet isch.

Das het e schöne-n-Ufruehr gä, wo der Vatter mit ihm verchuzete Heuel und totebleich i d'Chuchi isch cho z'ichieße. Ds Schtüdi het schier d'Pfanne la trohle-n=und na der Muetter brüelet, und no göb der Bänz wieder rächt zue sech cho isch, het sech di ganzi Pfazig vo der Garnbuuchi um ds Chuchifüür ume versammlet gha. Us allne Löcher isch es cho z'räble, und wär scho z'Sädel gsi isch, isch bluttfüeißlige d'Leitere-n=ab cho z'tätichle. Ds Schtüdi

het d'Pfanne=n-abgschtellt gha und dem Batter mit mene Ehenschpah'n i ds Gsicht zündtet. Er het nume bruuche z'jäge: „Der Chriseggler“, so het scho Alles errate gha, was gange sygi. „Sit' bi'm Züüner mueß dä Uhung z'bodebättet sy“, het d' Muetter gseit, „u=n=i tue's nid anders.“ — „Gät' jit' afe dem Batter es Brönnts, es isch ihm ja no ganz gschmuecht.“ — „Schtüdi, ds Bättbuech!“ — „Es schticht drum nüt e so drinn, i ha ja scho di mau gluegt, wo=n=is Hörle-Gödu ds Wasser ver-reijet het.“ — „Däm Uflat tät me ringer e chly der Gring verfaube.“ So isch erhitzget durenandere gredt worde, und ds Änd vom Lied isch gsi, daß me=n=um ds Fүүr ume=n=isch blybe hoche=n=und daß der Inhalt vo der Brönnts=Guttere=n=ordli gminderet het. Di Andere hei drum du o no grad e Schluck gnoh füre Chlupf, nid nume der Batter.

„Seh, wär het der Zapfe?“ seit ändlech der Bänz, „machit jit, daß dr ungerer chömit.“ D'Muetter het der Zapfe geng no i der wüetige Fuuscht gha. Wo si ne wott uf d'Fläsche tue, seit si: „Das isch si ja nümme derwärt“ und läärt ds Glüggli i ihre vergallete Mage=n=abe. Me het sech du zletcht no gfragt, öb me nid zu de Kapuziner uf Schüpshaim sött oder am Änd zur Wildeney=Schwümmlere, für di ganzi Chriseggler la z'verblijge. Aber me het du dänkt, das tüej enandere doch nüt und syg alls der glych Dräck. — Guetnacht!

Und z'morndriich isch es Jedes syr Arbeit nachge gange, und wo der Chrissegglechrigel mit verschmittem Gesicht a der Garnbuuchi vorby dem Schloß zue gwanderet isch, het ihm Niemer d'Freud gönnt, der Erger la z'merke.

Underdesse het der Pfarrer Gryph, wo vo dene Nachschpil no nüt gwüßt het, Glägeheit gfunde, syne = n = Amtsbrüeder vo de Nachbargmeinde dem Oberscht ins Lob z'singe. Er isch rächt warm worde derby, und di Herre mit Usnahm vo mene = n = alte Griesgram, sy eis worde, zum Hüniger müeß me Sorg ha und ne dür Predig und Seelsorg underschtüge, da chönnti öppis guets drus wärde. Voller Freud het der Pfarrer Gryph das bi der nächste Schachpartie dem Oberscht brichtet, und sit langer Zyt isch dä nie meh so glücklich heigritte wie denn. Das wär jiz no öppis, het er sech gseit, wenn me dür d'Pfarrer chönnti e früsche Zug i ds Land bringe.

Aber er het nid mit der Schtaatskluegheit vo de Pfarrfroue grächnet gha. Die z'Dießbach het bhertet, z'ericht müessi z'Hünige = n = e Frou zueche, de wärd' es sech de ericht zeige, ob der Oberscht nid uf anderi Gedanke chömi. Di andere Pfarrfroue hingäge hei ihrne Manne zuegredt, si wärde doch nid öppis Dumms e so ga aschtelle = n = unds mit der Obrikeit ga verchachle. Me syg ja wohl däwäg. Der Zähnte

chöm scho so mager gnue, gschwyge de, wenn me de Bure no gieng ga d'Chöpf groß mache. Und verderbi me's de gar no mit de Zunker, so chönnti der Schmuß bald mindere. „M'm, Mandli, da wei mer nid öppis ga verschperze.“

So isch du im nächschte Rendez-vous vo dene Pfarrherre ganz e-n-andere Luft gange, und dä alt Griesgram het liechts Schpil gha, darz'tue, daß es gefährlech wär, däm guete-n-Oberscht Wendischaj bi syne-n-idealistiische Pläne ga z'handlangere.

Unds Horner isch Eine ga Hünige cho, wo am Äffe bi ds Willadings chuum ds Muul ufta, derschür aber d'Duge-n-offe gha het: der Maler. Mit nere große-n-abgeschabete Lädermappe-n-isch er agrückt und het dem Oberscht im Saal obe ne chlyni Copie vo ds Kätheli's Portrait uspackt. Dem Oberscht jyni Duge hei usgflammet; aber gseit het er nid vil derzue. Im Gägeteil, er het sich so rumpelsurrig wie nume müglech gschstellt. Aber e schlächtere Komediant het's nid liecht gä; d'Berliebtheit het ihm völlig us allne Pore-n-use gluegt. Der Handel isch bald richtig gsi, und der Maler het sich nüt gha z'beklage. Grad nachem Maler isch o syz Wärf verschwunde; der Maler isch ga Luzärn wyter greijet, ds Portrait i ne Schaft. Nume dem Tüldi het's der Oberscht zeigt und ne gfragt: „Weisch no, wär das isch?“ — „Das isch d'Tante Kätheli vo Länzburg“, het er

grad errate, aber er het gar nüt derwider gha, daß me di hoffärtigi Tante=n=i ne Schaft ygschperret het. I ds Töldis Gedächtnis isch si unzertrennlech verbunde gfi mit allerlei unerwünschte Toilettechünscht. D'Tante Kätheli wär jedefalls bi'm junge=n-Erbherr vo Hünige bald i Vergässeheit grate, hätt der Oberscht nid alli Gott a däm Schaft umetürlet. Aber dür das isch der Bueb uf d'Idee cho, das Portrait müeß öppis wichtigs und schöns sy, und drum het er nid Rueh gha, bis ds Mühlikäthi di ybschlosseneni Tante het glehrt kenne. Es het nüt derglyche ta, ds Mühlikäthi; aber jobald einisch der Herr mit dem Bueb usgange=n=isch, het es der Schaft im Verschleifte=n=ufta und ds andere Käthi e chly z'grächtem gschouet. Es nähm ihns wunder, wär die syg — e Länzburgere na däm, was der Töldi vo nere gseit het. Zletscht und am Änd het es halt o dänkt, so lang si da inne=n=ybschlosse syg, tüej si Niemerem nüt. Aber äbe, daß der Oberscht se so verschteckt het, das het dem Mühlikäthi nid rächt welle gfalla, und es het vo däm Tag erwäg uf e=n-Oberscht unwillkürlech mit nere gwüsse, ängschtliche Schpannung Achtung gä. Es isch ihm z'Sinn cho, daß es sy argwöhnische Batter mit dem Gheimnis vo däm Schaft chönnti beruehige; aber es het sech nid rächt trouet, ne=n=yz'weihe, und bi der Muetter het es di uvorsichtigi Zunge gschochte. So isch ds Gheimnis syz blibe.

Ei Tag isch der Seckelmeijster Willading z'Hünige=n-erschine=n-und het lang mit dem Oberscht gredt. Daß e so=n=e=n-eltere, höchstestellte Herr i där Fahrzjt ga Hünige=n-ufschömi, isch ufgefalle, und me het sech so syni Gedanke drüber gmacht. Der wahr Zwäck vo der Visite het aber Niemer anders errate=n-als der Pfarrer Gryph, wo di beide Herre het gseh i ds Schloß Dießbach gah. Aha, het er dänkt, es rückt gäge=n-Dichtere, d'Burgerbsazig isch umewäg, und da wird öppis müesse praktiziert jn. Der Pfarrer het sech vorgnoh, bi der nächschte Schachpartie der Hüniger z'sondiere.

Der nächscht hölzig Burechrieg, wie si ihrem Schpil gseit hei, het sech du i der letschte Wuche Merz im Saal z'Hünige=n-abgschpilt. Di erschi Partie isch bald us gsi; der Pfarrer het sech na nes paar uffallend ungschickte Züge la matt sehe. Er het sech das uf em Wäg zwüsche Dießbach und Hünige vorgnoh, für jtz der Oberscht chönne=n=a=z'bohre: „Herr Obercht, i hoffe Dir wärdet am Dichtermäntig z'Bärn äbe so glänzend obsiege.“ — Über ds Pfarrers Gesicht isch derby e liechti Verlägeheitsröti gsfoge, so daß der Oberscht grad gmerkt het: er redt mit Überlegung. — „Was?“ fragt er. „Wie meinet Dr das?“

„I meine, es wär es Glück, wenn der Herr Oberscht Wendischach Glügeheit überchäm, syni An-

sichte-n-i der Regierung z'verträtte, und wär's o nume vor dene Zwöihundert. — Und wenn i nid läß brichtet bi, so isch es drum z'tüe, ihm di Glägeheit z'verschaffe.“

Der Oberst het dadruuf nid diräkt welle-n-antworte. Er het scho us em Gschpräch, wo si vor em Schachschpil zsäme gsüehrt hei, gmerkt gha, daß der Pfarrer vo syne-n-Amtsbrüeder wieder na ihrer Idee isch ygseifet worde, und drum het er ihm z'ericht d'Nase dadruuf welle sichte.

„Und jike“, fragt er, „woranne sy mer jike mit Eune Herre Kollege, Herr Pfarrer? — Sei si üfi Astronomie begriffe?“

„D'Astronomie hätte si wohl begriffe, Herr Oberst; aber Euem Schtärn z'folge, passet ne nid i Chram. Und i mueß Ech offe säge, i gloube sälber o, mir Pfarrer tüeje-n-einschtwyle besser . . .“

„Bi de Fleischtöpfe-n-Agyptens z'blybe.“

„Nei, aber begryset . . .“

„Das ha-n-i scho lang begriffe, Herr Pfarrer.“

„I weiß wohl, daß Dir rächt heit, Herr Oberst, und i wett nüt lieber, als daß Dr rächt vieli Anhänger würdet finde.“

„Nume möchtet Dir nid grad jucht der erscht sy, he?“

„Herr Oberst, Dir wüßet, wie-n-i danke-n-und daß Dir mi vollkomme-n-überzügt heit; aber gäbet

mer zue, daß es unerhört schwär isch, under Amtsbrüedere=n=a nere neue=n=Idee Bahn z'bräche, bsunders, wenn e so eminent praktischi Frage“

„Wie der Pfruend=Ankehase“

„Keini Bosheite, Herr Oberscht! Wenn e so tief ligendi Interesse“

„Wie der Wyhäller“

„Herr Oberscht, i möcht' Ech hätte ha“

„Tüet Ech nid überlüpfe, Herr Pfarrer, das isch mir Alles durchus verständlech.“

„Nu also, de müesset Dr mer aber o zuegä, daß es vil zwäckmäßiger isch, wenn Guereine — und zwar grad am rächte=n=Ort — der Ton agit. —

„Videant consuläs ne quid detrimänti capiat räs publica! — Consuläs! — Consuläs! — Non äscht sacerdotis. — Und drum Herr Oberscht, wär's der ercht Schritt zum Zil, wenn Dir i Rat chämet.“

„He nu, Herr Pfarrer, es söll Ech na däm, was Dr mer da säget, völlig klar sy, wie schwär es isch, d'Rolle vo nere wyße Chräje=n=under de schwarze z'schpile. Und drum wärdet Dr mir jiz o müesse rächt gä, wenn i d'Wahl rundewäg vo der Hand wyße. Es isch absolut no nid nahe für mi. Gäb' i jiz der chly Finger här, so wär' i e verlorene Ma. Für mi heißt es hie z'Hünige hic Rhodus, hic salta.“

„Herr Oberscht, Dir gseht e chly z'schwarz. Es

wärde doch gwüß z'Värn o Lüt sy, die Euch so guet verstante, wie=n-i."

„Wär's e so, so würd' i mi la wähle. Aber i weiß ganz guet, wie's schteit. I ha mit es paarne gredt, und es sy gwüß nid di leidichste gsi, gloubet mer's nume. Hätte si mer opponiert, so hätt's mi nid erschlüpft. Aber wo ds Verstantnis fählt, isch nüt z'welle. Nume=n-eis Byshpil: Wo=n-i gseit ha, me sötti dem Volk zeige, daß es eim lieb syg, het's gheisse, ja frylech, me müeß ihm jik chüderle! — I frage=n-Ech, Herr Pfarrer, chüderle! — Si wette ja alles mügleche guete für ds Volk tue, aber alles nume mit dem Zil, se willfährig z'mache zum Trab im alte Charrgleus. — Da ha=n-i mer gseit: Jik blybsch i dym Hünige=n-und lasch nid lugg, bis daß D'ne=n-am Muschter vo dym chlyne Herrschafftli zeigt heisch, was regiere heißt nam alte Värnergeischt, wo Herr und Ghnächt vo sälber am glyche Seili zieh. Da bi=n-i jik dranne, und i meine, weder Dir, no sünscht öpper het es Interesse dranne, daß i mi i ds Garn vo der herrschende Meinung hne verwiggle. — Vo Euch, Herr Pfarrer, verlange=n-i gar nüt anders, als daß Dr se zur Wahrheit leitet.

Und lueget, liebe Fründ, jik säge=n-ig Euch no öppis, wo=n-i ne z'Värn inne no gar nid ha chönne säge: Wenn i vo mene Schtärn vo Buebebärg rede, so meine=n-i äbe, me sött Höch und Nider derzue

bringe, sech a kei vergänglechi Regierung z'binde, a kei schtärbleche Müntschi, sondere-n-es söll es Jedes derzue cho, z'erchenne, was dem ganze Volk zum Heil dienet. Si hei doch wahrhaftig di öschtrychische Bögt nid verjagt und der Burgunder z'Murte nid gchlopfet und z'Loupe di chlyne Deschpote nid usem Sattel glüpfet, für sech nachhär sälber wieder under ne-n-unwürdigi Ehnächtschaft z'schtelle. — Verschtandet mi wohl, i bi geng für nes chrestigs Regimänt, aber ds Regimänt mueß eis sy mit dem Regierte. Mer wei se nume so lang a üs binde, bis si glehrt hei der Chopf usha, wie-n-es sech für ne Schwyzer schickt; aber derna müesse mer se über üs wäg leite. Si sölle-n-us allne Ehräche füre-n-und vo allne Bärge-n-abe-n-uf Bärn luege, aber uf i hres Bärn, uf das Bärn, wo nume-n-uf ihrne-n-Achfle groß isch.

Für mi begähre-n-i nüt meh als öppe zfrideni Gsichter um mi ume. I ha hinder mer, was sünsch d'Lüt schtolz macht. Es isch mer guet gange duffe, wo-n-i dienet ha. Und was sech e junge Ma schöns und liebs cha wünsche-n-uf der Wält, das ha-n-i ja gfunde-n-a myr Frou. Und daß i se wieder ha müesse gä, vom Bueb erwäg — o myn Gott! — das isch gwüß nid für nüt gsi. — Das söll jiz Vielne z'guet cho. Aber i wott nüt derfür. — I gloube-n-i heig der Sinn vom Läbe begriffe, Herr Pfarrer. I rede sünscht nid liecht vo fettige Sache. Aber Euch

säge-n-is: Was het üse Heiland für sich anders gha als der Himmel? Und da sötti üserene meh welle? — Sit wüßet Dr, wie-n-i d'Wält aluege-n-und wie Dir mer chönnet under d'Arme gryfe."

Der Pfarrer isch übernoh gsi und het schtill vor sich abegluegt, bis ihm der Oberscht beidi Händ dar-schtreckt und seit: „Aber eis, Herr Pfarrer! Mer müesse-n-allei blybe, mer dörfe nid Ringelreihe mache mit dene, wo kei Sinn hei für fettig Sache."

„Dir trybet mer ganz d'Schamröti i ds Gesicht. I ha myr Läbtig nüt e so ghört vo Euergattig Lüte. Wenn jibe nume myni Kollege das ghört hätte, i gloube, Dir brächtet se-n-v wieder uf anderi Gedanke."

„Die Gedanke hätte ne-n-äbe nie sölle-n-abhande cho. Aber gseht Dr, Dir heit eifach i der Schwyz z'lang gueti Tage gha, wäreddäm mir duffe gchrieget hei. Me het's hiez'land vor luter Wohlfahrt verlehrt Schpysgott z'bätte. — Aber jib, wie gseit..."

„Heit nid Chummer, Herr Oberscht, i gloube jib sälber v, es syg besser, Dir blybet hie. — Rei, Dir dörjet nid im große Huuse-n-ufgah."

Di Beide hei sich zu nere neue Schachpartie häregsetzt, da chunt ds Mühlkätzi mit dem Töldi der Oberscht cho userüefe. Me het der Bueb gheisse der Herr Pfarrer grüesse-n-und het di Beide-n-alleini gla. Der Pfarrer het probiert öppis mit dem Chlyne

z'brichte; aber dä het der Schüüchbüntel gmacht und nüt welle vo sech gä, bis ihm plözlech di hbschlossni Tante z'Sinn chunt. Mit dere het er sech gärn interessant gmacht, er schtoft e Schämel zum Schaft und gogeret use. „Lue da“, seit er zum Pfarrer, „öppis schöns.“ Er tuet d'Schafttüre-n=uf und gseht natürlech der Effäkt nid, wo d'Tante Kätheli use Pfarrer macht.

Dem Pfarrer isch das Gsicht vo Bärn und vo ds Käthelis glägetleche Visite-n=im Schloß z'Dießbach här bekannt gsi. Für sech wo möglich no z'vergwißere, fragt er der Tölbi: „Wär isch das?“ Und der Tölbi het mit Freude syni Kenntniz zum Beschte gä: „D'Tante Kätheli vo Länzburg.“

Der Pfarrer schlat sech mit der Hand vor d'Schirne. D'Tante Kätheli — also doch — drum d'Visite vom Herr Dütsch-Seckelmeischer zu der ungewahnete Zyt! Und vo Länzburg! Also mueß vo dert nahe-n=öppis gange sy. Dä guet Pfarrer isch e so übernoh gsi, daß er gar nid g'achtet het, mit weler ugattleche Behemäng der chly Junker d'Schafttüre wieder zuegschmätteret het. Der Bueb het dem Pfarrer sy konsternierte-n=Usdruck für unermäßlechi Bewunderung guoh und gseit: „Gäll, schöni Helge?“

„Ja“, seit der Pfarrer, „das isch e schöni Helge; aber warum bschließt se der Papa so η?“

„Das isch drum dem Papa syni Helge“, antwortet der Tölbi ichtolz.

Dem Pfarrer isch nid nume=n-es Liechtli usgange, sondere scho ender es Chuze=Füür. Vor wenige Minute=n-erscht isch vor syr Seel der Oberscht zu mene=n-Ideal agwachse. Er het no mit däm Ydruck nid gwüßt sech abzünde, und jiz di Etdeckung, wo=n-ihm der Blick ufta het i ne krasse Widerschpruch! Het er nid grad vori gseit, vom Läbe=n-erwarti är wyters nüt meh? — Was dem Pfarrer am meischte z'tüe gä het, isch der Argwohn gsi, wo jiz i=n-ihm gäge d'Ufrichtigkeit vo ds Hünigers Rede het welle=n-uscho. Es het doch alles e so ehrlech und hätzlech tönt. — Kei, wenn das Alles jiz nume lääri Deklamatione wäre! E=n-ergeri Ettüüschung chönnti's gar nid gä. Der Pfarrer het sech redlech Müej gä, zu mene=n-andere Resultat z'cho, was gar nid nötig gsi wär, voväge di bloßi Erschynung vom Oberscht, wo jiz wieder ynecho isch, het ihm mit eim Schtrich sy ganze böse Verdacht wieder dürta. Aber das Portrait isch ihm all Dugeblick wieder i Sinn cho, wo si jiz zsäme sy ga z'nachtässe. Was da derby gredt worde=n-isch, het der Oberscht i ds Pfarrers Duge no höher gmacht z'schtyge, und je länger descht meh het der Pfarrer sech erwärmt füre=n-e Ettschluß vom Oberscht, sy Wäg i der Einsamkeit, wenn o z'mitts under de Lüte, z'mache.

Wo si fertig gsi sy mit ässe, nimmt der Oberscht syz Buebli, drückt's a sech und git's dem Mühli-

käthi, für's ga i ds Bett z'tue. Und druuf abe sy si e-n=Dugeblick ganz schtill da glässe, der Oberscht mit melancholischem Blick.

Da seit der Pfarrer: „Er cha's emel guet mit dem Käthi, das isch es Glück.“

„Ja äbe“, meint der Oberscht, „aber es isch halt nid e Muetter. I weiß und gschpüre's wohl, daß i däm Ehind öppis anders schuldig wär. — Aber, das het halt syni Häägge. Wenn i di rähti Frou fänd, wo-n-i de sicher wär', daß si mi nid vo myne Zile würd abwändig mache. . . . aber wo die finde?“

„Da heißt es frylech Achtung gä, Herr Oberscht. Aber es wird wohl a mene-n=Ort Eini für Euch gwachse sy.“

„Henu, villicht findet Dir mer Eini, Herr Pfarrer. Säget mer's de, wenn Ech Eini übere Wäg louft.“ Mit däm het der Hüniger dem Gespräch gluegt e heiteri Wändung z'gä. Der Pfarrer het dä Wink wohl für Gschpaß gnoh. Aber im Gedanke-n-a di ybschlossni Tante het er sech gseit, es wär doch nid läz, wenn me-n=öppe chly sech umtät. Villicht ließi sech da öppis Ungschickts verhüete.

Uf em Heimwäg isch er meh gschprunge-n=und gschtolperet, als gloffe, will er nid het chönne warte, für syr Frou ga z'brichte, was er gieh und ghört heig. D'Frou isch sey e chly erschrocke, so usgregt isch der Pfarrer heicho. Wo si du aber no ghört,


daß der Oberscht chönnti a ds Rätheli Willading dänke, da het si d'Hand obem Chopf zsämegschlagen-und gseit: „Das wird er is öppe doch nid anemache. Die gheiti ja ganz Hünige z'underobe. Rei e fettige Modenaff! Und de isch si de no herrschelig, daß es Niemer näbe nere cha ushalte. — Rei, dä arm Ma!“

No di sälbi Nacht hei der Pfarrer und sy Frou d'Landvogteie-n-und Güeter z'änetum afah erläse, und no vor Mitternacht sy si z'Chiltberf ebhanget. Dert, het es ne gschine, wär Cini, wo verwändt guet zum Hüniger passeti: d'Frou Vogteß, es gfrents Wittfroueli, heiter und währschafft. Und es guetz Härz hätt si. „Nume schteit ere ds Muul nie schtill,“ meint der Pfarrer. „E das macht nüt,“ tröschtet d'Frou, „er isch ja a ds Gjurr gwahnet, wenn me so ne Mühli am Hus anne het.“

Der Oberscht hingäge het's um die Zyt scho greut, daß er dem Pfarrer öppis gseit het. Er isch i nere-n-unerträgliche Chlemmi gsi. Wie meh, daß er syne politische Plän nachegjunne het, wie meh het's ihm gruuset vor mene Zsämhänke mit der Familie Willading. Er het ganz klar gseh, daß die Verwandtschaft ihm Alles würd umschtoße, isch er ja scho chürzlech mit dem alte Seckelmeischer über nüt cho. Si ließe-n-ihm ja doch kei Rueh, bis er ga Bärn hne chäm, i Rat, für a ihrem Trom hälse z'zieh!

Er isch am Kaminfüür gässe=n-und het d'Nacht über syne Sorge la verrünne. Du chunt's ne=n-undereinisch wieder a, er müeß ds Rätheli ga aluege — nume no einisch. Und er geit zum Schast, nimmt ds Portrait use=n-und versänkt sich i di Züg. Bald het's ne groue, 's la z'fahre, bald het er sich wieder ygredt, es chäm doch nid guet. „Abah,“ seit er ändlech halblut, „i überla's dem liebe Gott, i wott frei sy.“ Er bschließt ds Portrait wieder y, tuet der Schast wieder uf und luegt — lang — lang. Und du drückt er d'Türe sorgfältig zue, bschließt, nimmt der Schlüssel und geit mit dür di chlyni Tür gäge Mühlschpycher, und dert wirft er ne=n=i d'Chiese=n=abe, grad underem Mühlsirad, wo ds Bachbett tief usghöhlt gsi isch. Druuf abe=n-isch's ihm e=n=Dugeblick liecht und wohl worde, wie's Ein wird, wenn me sich so vo mene quälende Gedanke het chönne los mache. — Aber bald isch es ihm wieder a ds Härz cho z'schlyche, und er het gmerkt, daß d'Chiese nid tief gnue isch gsi, für sy Zug zum ybschlossene Schaz furt z'schwemme. Ändlech aber hei ds Gurgle vom Wasser und d'Mühlsieder ihm doch es Schlaflied gwüßt z'singe, däm er nid het chönne=n=uf d'Längi widerichtah.





VII. Kapitel.

Und di glyche Wälle, wo hie däm plagete Härz
 es Schlaflied gfunge hei, si hei sech bloß es paar
 Schtund zur Ruch gleit im Schtouwehr vo der
 Hüniger Sagi, gäb daß si mit übermüetigem Schprung
 über d'Brütsche-n-ab wieder uf d'Wanderschaft sy,
 für z'Dießbach unde der Pfarrer Gryph ga z'wede.
 So Frühligswälle trage Läbe-n=i ds Land, und
 Läbe wott Liebi. Drum hei si vor em Pfarrhus
 düre gjubiliert so schträng si hei möge, für dä uf-
 z'gusle, wo sech jiz uf d'Schtrümpf gmacht het, für
 öppis ga az'bändige. Der Pfarrer het sy Hirteschtab

dem Hälfser übergä und zum Wanderschtab griffe, und d'Frou het ihm e schröcklechi Täsche vo rot und wyß tschäggetem Chalbsfäll a mene breite Rieme mit möschige Schnalle-n=und Ringge-n=umghänkt und drübery allerhand gueti Rät zur Bändigug vo syne-n=Eigeligkeite mit use Wäg gä. Nid daß der Pfarrer öppe-n=apparti gärn gloffe wär, aber e chly uf und dervo, het sogar d'Frou Pfarrer gmeint, chönnt ihm nume guet tue. Vo Afang a ick si der Meinung gsi, es wärdi bi däm Argonautezug meh für ihre Ma use luege-n=als füre Herr vo Hünige. Und de chönnti me de ändlich einijch d'Schtudierstube z'grächtem usruume.

Es ick für Fahrglägeheit gforget gsi. E Buur het ga Wimmis um ne-n=Erlebachermäre-n=us welle. Und wenn ds Wägeli o ghozlet het, daß dene beide Manne d'Konture vo der Landschaft i de-n=Duge geng drü= vierfach erschine sy, so het das ihre Luun nid hert möge schädige. Ds sältmal het me d'Zädere no i Fleisch und Rügg=Grat gha, schtatt uf de-n=Achse. Und d'Heiteri vom Himmel, der Glanz vo de Schneebärge-n=und di läbige Fruehligsluft hei underem Hoze ja nid glitte. Nid viel het gfählt, so hätte di Beide no afah singe zsäme. Je meh si i früsche-n=Alte vom Schtöckhorn cho sy, descht meh het's der Pfarrer dunkt, er heig im Talschessel vo Dießbach vergässe, was doch da z'ringsetum für ne

schöni Wält usbreitet sygi. Fascht het er drüber di wichtigi Mission vergässe, wo-n-er sech sälber het uftreit gha. Aber d'Mittagsunne-n-und der läär Mage hei ne du a d'Nächti vom hüttige Reiszil gmahnet, und da het er sech du gfeit, es würdi sech besser mache, wenn er z'Fueß arückti. „Die Gibeoniter kamen mit List in den Bund,“ het er dänkt, und so het er bi'm letschte Wirtshus vor Chiltderf sym Fuehrme ne Schoppe zahlt und het nachhär mit syne breite Schnalleschueh alli Schtoubhüüfli uf-gschtüpft, so daß er mit tubwöge Schtrümpfe z'Chiltderf ymarschiert isch. Hätt er nid sy Schtücke so würdig ufgschtellt und bi jedem Schritt mit der rächte Hand e Kreis beschribe, wie wenn er der Schpiß wett i Ärdmittelpunkt ynebohre, so hätti me gemeint, es chömi e Müllerburisch dahär.

Di luschtigen Wittwe z'Chiltderf het geng es offes Dug gha uf d'Landschtraß, und sintemal das e kei ougemörderischi Beschäftigung isch, het si der Wanderer vo Wytem erchennt und isch ihm a ds Gartetöri etgägegange.

„Eh, Herr Pfarrer! Wo us? — Wo us? — Chömet e chly zueche. — Heit Dr nid Zyt zu mene Täller Suppe?“

Das het sech guet agla. Und der Pfarrer het nid lang Komplimänt gmacht. Di heiteri Chatelaine het under hälletm Lache mit mene Rysbäse-n-ihre

Gascht gschöuppet und dermit het si ahnungslos syß
Härz, wo sech z'underscht i di hochwürdige Pluder-
hose het verschloffe gha, wieder a sy rächtmäßige
Siz ufegjagt. Bis nam Äffe het me vo allerhand
brichtet. Nachhär isch me vor ds Hus a di warmi
Sunne ga siße, und dert het du der Pfarrer di
ganzi Notlag vo Hünige der Wittib a ds Härz gleit.
Si het alles gschine z'begriffe, nume nid, daß es
a ihre wär, der Oberscht vor nere=n=ungschickte Hürat
z'bhüße. „Nei lueget,“ het si gseit, „hürate=n=isch
guet für einisch, i wett das Gschär nid no nes zwöits
mal ha, und vo mym Ghiltderf gange=n=i i däm
Läbe nümme wäg, es isch mer z'wohl da. — Aber
i wüßt Ech Rat, Herr Pfarrer. Der Landvogt Ragor
z'Zinterlache het charmanti Töchtere, so viel Dr weit.
Und i müeßt mi wüescht trumpiere, wenn er nid
beidi Händ na so mene=n=épouseur usschtrekti. I
gloub', es wär ganz e so öppiß füre Herr Oberscht
Wendschaf; er risquierti emel de nid, daß ihm der
beupère tät uf de=n=Agerschtenouge=n=umetrappe.
Wenn Dr weit, i gibe=n=Ech e Rekommandation. E
so=n=e course dert ufe tät Euch ganz guet.“

Es het nid viel Überredungschunschit bruucht, für
der Pfarrer uf dā Vorschlach mache=n=hz'gah. Und
so isch er no am Abe ga Thun gfare, het dert bi
sym Amtsbrueder übernachtet und sech z'morndriicht
na nere Fahrglägeheit umta. Es isch e Schiffme

vo Neuhus dagſi, wo no ſo gärn öpper mitgnoh het. „Mier fahren füſcht mit Chalber,“ het er gſeit, aber mier nähñ v ander Lüt, wenn's grad gäbig iſch.“

D'Fahrt der See uf iſch läng gſi, aber ſo ſchön, daß es dem Pfarrer rächt erboulech z'Muert worden-iſch. Es het ne völlig dunkt, er fahri düre Himmel, wenn ds Schiff e jo glatt dür di herrlechi Schpielung vo dene Schneefälber im blaue Waſſer gange-n-iſch. Di nächſtchi Nacht het er im Pfarrhus z'Underjeen paſſiert. Gſchlafe het er nid juſcht herrlech, d'Rächti vo de Bärge-n-iſch ihm uheimelig gſi, und er het am andere Morge Gott danket, daß ſi nid über ihn här gſalle ſy. Für alli Fäll het er ſech vorgnoh, ſech nid länger i däm Cheſſel z'verſuume als grad nötig. D'Zungfrou het er ſchouerlech ſchön gfunde.

Der Landvogt het üſe Wanderer z'erſcht e chly halt agla; aber wo-n-er du ghört het, um was es z'tüe ſyg, iſch er je länger, ſi redſätiger worde. Am Namittag iſch di ganzi groẒi Familie mit dem Pfarrer gäge-n-Uchpunne gſchpaziert, und er het di beſchtī Glägeheit gha, di füf Töchtere lehre z'kenne. Berwändt nätti Meitſcheni ſy's gſi, eis wie ds andere. Und wo ſi bi mene Halt vorem Dgang i ds Luterbrunnetal alli füfi eis gjodlet hei wie Chüejerbuebe, da het er ſech vor Bewunderung ſchier nid gwüßt z'hälfe. Das müeſſe frohmüetigi Mönſtche ſy, het

er sech gseit, emel är vermöcht sech nid, e so ga z'singe, wo me doch jede=n=Dugeblick müeß erwarthe sy, daß di allmänds Schteihüüße da obe=n=i ds Rüttsche chöme.

Am Abe, wo der Pfarrer und ds landvögtleche=n=Elterepaar allei gsäße sy, wott der Herr Gryph der Landvöggti es Komplimänt über ihri Töchtere mache=n=und seit: „Si sy charmant, eini wie di anderi, i chäm i di gröschti Berlägeheit, wenn i us=z'läse hätti.“

Da fallt ihm der Landvogt derzwütsche=n=und seit, offebar zur Wägleitung füre=n=Dberscht Wend=schaz: „Me git se vorewäg, dem Alter na.“

Das het sehr bezidiert tönt, rächt landvöggtlech; aber derby het der Herr Ragor nid nume=n=ohni der Dberscht grächnet, sondere=n=er het o no vergäße gha, daß der vereint Wille vo syne Töchtere ne groözi Macht dargsteltt het. Bald gnue na ds Pfarrers Abreis isch es im Schloß z'Znderlache=n=uscho, daß der Papa ga Dießbach well zu sym neue Fründ, für Hünige vo Nachem ga az'luege, und daß er im Sinn heigi, ds eltschte, ds Charlotte mitznäh. Und du het es sech du erscht rächt zeigt, daß ds Charlotte und ds Louise und ds Elisabeth und ds Jakobée und ds Judith anenandere ghanget sy, wie Nagelstueh, und daß da geng ds Prinzip gulte het: Alles oder nüt. „Ja nu“, het sech der Landvogt

tröschtet, „i überla's de dem Oberscht, dä Chlump
z'verhoue, für was isch me Soldat?“

* * *

Am Tag, wo der Pfarrer Gryph füre-n-Oberscht uf d'Gschouf uszoge-n-isch, het der Müller ds Wasser abgischteht und mit sym Mahlnächt ds Wasserrad undersuchet, für z'luege, ob's nid öppe vor der Schneeschmelzi uf de-n-Ammetalerbärge no müeß usbesseret sy. Am andere Bort vo der Chiese hei ds Käthi und der Töldi zuegluegt. Da gseht undereinisch ds Käthi a der Muur vo der Mühli e Schatte-n-ustouche. Es het nüt derglyche ta, aber gmerkt het es doch, daß es der Chrieggelchrigel gsi isch, wo nüt anders im Sinn gha het, als so rächt vor de-n-Duge vom Müller, ds Käthi mit syne Caresses cho z'verfolge. Aber dasmal isch er ganz a di Läzi cho. Ds Käthi het der Schatte-n-im Dug bhalte, der Töldi uf sy linggi Syte gschobe, und wie-n-es der Chrigel hert hinder sech gschpürt, macht's blitzgschwind rächtsum, fasset ne mit dem rächte-n-Arm über ds Gnic, stellt ihm ds Bei und — platsch! isch der „Udervogt“ chopsvora i der Chiese. — Öppis e so vo Schade-freud wie i däm Dugeblick isch no gar nie i ds Müllers Gsicht zfümegrunne gsi. Ziß wohl, jitz het er wieder einisch chönne lache, zum erschte mal z'grächtem sit dem große Chrieg. Ds Käthi hingägen-isch wie-n-e Hirz dervogschtohe, so daß es dem

Chrigel syni uflätige Soldateflüech nümme ghört het. Dä Chäzer het aber gar nid pressiert für usen Schlamm use z'cho. Troß der Gschwindigkeit, mit dere-n-Überfall und Schtraf vor sich gange sy, het sich dä grübnig Lump scho uf ne Nach bsunne gha. Er trappet i der chalte Blungge-n-ume, gryst i Sack und tuet derglyche, er heig öppis verlore. Er dänkt, dem Müller well er ds Lache scho verleide.

„Sit chasch aber luege, daß i my Galdseckel ume-n-überchume, süsch will dr's de htrybe,“ seit er zue-n-ihm.

„Que du sälber!“ antwortet der Müller, „wäge dyne zsämegschtohlne Chrüzer versuume-n-i mi nüt.“


Aber der Chrigel het nid abgä mit dröje, bis daß der Müller dänkt het, er well dä Uflat nid no giechtiger mache, süsch wüß me nid, was er ihm de no areiji. So hei si-n-ihm du beidi, der Müller und der Chnächt, no ghulfe sueche.

Si hätte richtig bis Martistag chönne-n-im Bach umegulfe, vorwäge der Chrigel het gar keis Gald by sich gha. Aber was du fräsch und glänzig zum Vorschn cho isch, das isch der Schlüssel gsi zur Chesi vo der Tante Kätheli. Der Müller het ne syr Tochter gä, das wärd wohl eine vom Schloß sy, emel är kenni ne nüt. Ds Käthi het ne-n-am Griff ume-gkennt, aber begriffe het es nüt dranne. Sit wär nüt eifacher gsi, als der Schlüssel wieder ga z'schtecke.

Daß er fählt, het's überhoupt ersicht jiz gseh. Nume het du ds Rätthi der Gwunder gschtoche, wie-n-er i d'Chiese cho syg, und drum het's welle luege, was der Oberscht für nes Gsicht machi. Aber, wie's de geit, wo-n-es ne dem Oberscht bracht het, het's ihm du nidemal rächt dörfe-n-i d'Duge luege. Hingäge het's ihns doch dunkt, der Oberscht heig e chly öppis ungwahnets i der Schtimm, wo-n-er seit: „Wie isch jiz dä dert abecho?“ Er het ihm der Schlüssel ender ruuch us der Hand gnoh, ne verwunderet agluegt und gseit: „Dä ghört a ne Schast im Saal. Gang schteck ne!“

Für sich aber het er gseit: „I gseh scho, di tuusigs Här wirde-n-i nümme los. Das wird schynt's e so müesse sy.“





G. W. C.

VIII. Kapitel.

Es wär e herrliche Früeligstag gsi. D'Hüser i der Stadt Bärn hei dür di offene Fänschter d'Mittagsjunne nume so ygsoge; aber albe=n-einisch sy es paar Buzeschybli us ihrne lugge Bleireise gschprungen-und d'Gass ab g'rollet, wenn si überhoup nid scho bi'm erschte-n-Uffschla z'Schärbe gange sy. E=n-unberähebare Wätterluft het i de Gasse syni Flouse tribe=n-und de=n-uvorsichtige Lüt d'Hüet abem Chopf griffe. Aber zwüsche de bländig wyße Wulkeschtock isch der Himmel blau gsi, schöner nützi nüt. So het me der Zuges müesse rächt gä, wenn si nid länger

meh mit sech het welle la mäerte. Der Dschtermäntig isch ds sälb Jahr nämlech e so schtrib usgfalle gsi, daß me der Feschtaufzug vom Uffere Schtand het müesse verschiebe. Und so sy di prachtvolle Costüme-n=i de Trög und Schäft blybe lige, bis me du gloubt het, jiz heigi ds schön Wätter ygsetzt und me chönni das erfähnte Fescht uschünde. Es het zwar elteri Lüt gnue gä, wo gfunde hei, uf di färndrige-n=Er-eignis abe sötti me fettige Gugelfueg underwäge la. Derfür sy-n=ere-n=aber gnue gsi, wo ds Gägeteil verfochte-n=und gseit hei, me dörf doch nid warte, bis daß ds Gras höch syg und me niene meh düre dörf. Für hütt wärd's es öppe scho no ebha. Und so isch du vom früeche Morge-n=a bürschtet und griblet und gschtriglet und gwichset worde. D'Freund isch vo Schtund zu Schtund gwachse, und nume di allerglychgültigschte Trochebrötler hei sech Zyt gnoh, i der Drnig z'mittagz'ässe. Der Gwunder het sech uf der Südsyte vo der Schtadt ygnischtet, wo me-n=uf ds Chilchsfäld übere het chönne luege. Dert äne, am Grypfehübeli, hei si no a nere Feschtung bouet, die am Namittag het sölle-n=erjchtürmt wärde. Me hätti zwar vo dert o chönne gseh, wie schwarz der Himmel hinter Chüniz gsi isch; aber wär het dert übere gluegt?

Ändlech — ändlech het's zwöi gschlage. Ganz Bärn het sech, emel wär nid Fänschter a de „vordere“

Gasse gha het, under de Loubeböge-n-ufgstellt. Es isch nümme lang gange, so het me vom Wybermärit här schnarrendi Trumpeteschöpf und dumpfi Trummle ghört. „Aha,“ het's gheiße, „si chöme, si chöme,“ und mit Hascht isy d'Vuebe-n-uf Chischte, Fesser, Gländer und Brunnetrög ufegogeret. Natürlich het Eine Mittel und Wäg gfunde, d'Chramgafß dür ne Plumps i Simsonsbrunne z'amüsiere, und nid wyt dervo isch a mene-n-ehrsame Burger es Söuli us em Chrume vorem Hus ertrunne. Aber Söuli hi, Söuli här — underem Gwölb vom Zytglogge het's afah tuute-n-und dröhne, und über d'Chöpf vo de Lüt erwäg het me blixendi Hälme, Fahne-n-und Fäderbüsch langsam gseh arüeke. D'Lüt isy no druuf zue gschprunge, wie wenn si dem Zug wette der Wäg ga verschperre. Roschöpf mit rot, gäl und grüne Fäderechtrüß hei sech e Gafß bahnet, und under der chindleche Bewunderung vom Volk, under ah! — oh! — eh! isy si dahär zoge, i unbeschryblichem Schtolz, di junge Herre, wo sech zu Schtaatsmanne-n-und Fäldherre beschciniert gschpürt hei. Und wo Baretli-Töchtere gwohnt hei, da hei under Fäderehüet und Hälme wackeri Duge füreblihet, isy Hüet und Fahne gschwänkt worde. Da und dert isch es Büscheli Gloggeblueme-n-oder Bejeli obe-n-abe gfluge, nid fälte vo gschickt gfüehrter Dageschpißi ufgsaffet. Wie-n-e Troum isch di chriegerischi Herr-

lechteit a de Lüte vorbyzoge. Chuum het me-n-ei Gruppe rächt i ds Dug gfasst gha und Bekannti drunder usgefunde, so isch scho e neuu daggi, me het nid gwüßt, wo luege. Rot, gäl und grünen gschtreifeti Läufer mit glänziger Bique, Bannertreger i glährige Costüme, Hoboißte-n-und Trummler mit länge, rot und schwarz gflammete Trumme, Musketierkompagnie-n-und schtattlechi Rütergschwader, abetüürlechi Junftinsignie — wahri Unghüür — es het nid welle höre. Aber der Inbegriff vo allem Schtolz, vo jugedlecher Ehrast und Schönheit sy doch di Ratsherrli und Chargierte vom Uffere Schtand ggi. Der Schultheiß, e junge vo Watterwyl, isch mit syr glänzende Suite wie-n-e Triumphator dahärzoge, Triumphator jedefalls über vieli Härz. Är, der „Landvogt vo Habßburg“ und der „Generallieutenant“ hei gwettyferet i der Pracht vo ihrne Rüschtunge: bläuti oder damaszierti Harnische mit verguldete Leuechöpf und Riete, eleganti Hälme mit üppige Fäderbüsche. Jedi Waffe-n-isch es Chunschtwärk ggi. Und uf alle Dägellinge-n-und andere blanke-n-Armaturschücke-n-isch d'Devise vom Uffere Schtand ygraviert ggi: *Imitamur quod speramus**. Das het me ja frylech nid chönne-n-abläse, wäherd sie vorbyzoge sy. Aber es isch unzwöidütig o uf allne dene jugedleche Gsichter gschriben ggi. — Churz, e schönere Muschterig über d'Jungmannschaft het's nid chönne gä.

* Wir ahmen nach, was wir erhoffen.

Da der Zug nume di vordere Gasse=n=ab isch, hei jech natürlech di Gwunderige, wo anderswo gwohnt hei, müesse zu Verwandte tue oder sünscht e Platz sueche, wo me=n-öppis het chönne gseh. Bi ds Herr Willadings het das pärse viel gä z'rede, vorwäge ds Rät'heli het nid nume=n=Alles und Jedes welle chönne gseh, es het vor allem us o sälber welle gseh sy. D'Frou Seckelmeischteri het gfunde, me chönnt bi de Cousine=n=a der Chramgaf zueche schtah. Aber bhüet'is, bhüet'is, da isch si bi ihrer Tochter a di Väsi cho. Der Herr Seckelmeister, wo sälber o no gärn ehrerbietigi Grüef ygheimset het, isch bsunders gnädig gsi. Er het sy kolossali Reisgutsche, so=n=e=n=Art Gartecabinet uf Reber mit viel Zierrat, la früsche male=n=und het gseit, me fahri de dermit zum vierröhrige Brunne,* wo der Zug müessi abschwänke; dert gsej me's de am längschte=n=und am schönschte. Aber das isch no einisch nid na ds Rät'helis Chopf gsi. I dä Chaschte=n=hne siße? M'm.

As het nid welle hinder der Mama füre gügele. Si het zwar gar ta, wie wenn si de ihns welli vorne la siße. Aber das kenni me wohl, het ds Rät'heli dänkt, der Gwunder tryb se doch de füre. und de gäbs es Schäs, und de da e so verzworaget

* Dieser Brunnen stand bei der Einmündung der Junkerngasse in die Gerechtigkeitsgasse.

däsiße — nei, lieber nid. Und de überhoupt, bi so öppisem di ganzi Zyt d'Duge vo der Mama über de-n-Achfle z'g'schpüre, das verderbtu Eim ja der ganz G'schpaß. Whüet'is nei, ds Rät'heli het sech ganz öppis anders usdänkt gha. Für was hät'ti me glehrt ryte? Es het uf nes Roß use welle und zwar uf eis, wo me het dörfe zeige. Und de wärs emel de o sicher gfi, daß me-n=i h n s g'säch.

Der Herr Seckelmeischer isch z'erstcht süürtoub worde-n-ob der Idee und het über d'Extravaganze vor ihr Tochter höllisch usbegährt, houptsächlech, wäge der Gringischätzung für ihr Gutsche. Er het gseit, jedes Andere würdi sech d'Finger schläcke, wenn es dert dry dörfti siße; es heig afange gar e fei Art und fei Gattig meh mit de-n-exigeances vo däm Meitschi. Aber ds Rät'heli het gwüßt, was es verma und het nid lugg gla. E-n-etschidene-n-Umschlag het's du gä i ds Papas Ansichte-n-über di Sach, wo-n-er vo Hünige mit dem Bscheid heicho isch, der Obericht Wendischatz begähri nid i Große Rat. So öppis het me-n-eigetlech no nid erläbt gha, und der Herr Seckelmeischer isch drüber nid minder erbost gfi als über d'Berachtung vor ihr früsch verguldetete Gutsche. „Dene junge Lüte vo hüttzutag isch i Gottsname nid z'hälfe“, het er gseit, „da offeriert me ne d'Nomination fix und fertig g'hüechlet, und de tüe si de no wunderlech“. Das Generalisiere het

der Herr Willading im Bruuch gha; gwüßt het er ganz guet, daß der Oberscht wyt und breit der einzig Bärner isch gsi, wo däväg d'Nomination usschlaj. Jiz het er jech du gseit, well er nid i Rat, so bruuch er o nid z'meine, me schpar ihm ds Meitschi, bis er jech anders bsunne heigi. So het du der Herr Seckelmeischter o gar nüt meh derwider gha, daß ds Rätheli bi'm Uzug vom Uffere Schtand rächt en vue chömi. Willicht finde jech de dankbareri und länkfameri prétendants. Und jiz het me-n-a nüt em gschpart. I Allem het me der Prinzessin ihre Wille ta, und z'gueterletscht isch Niemer meh i se vernarret gsi als der Papa sälber. Ds Rätheli het's fertig bracht sjs Baretli e so usz'pflanze, daß es ganz flattos usgseh het. Frylech hets mit nere prächtige Bärleschnuer gwüßt nachez'hälfe, die jech wunderbar dür di sydige Haar gwunde het. Sy schpländide Nytrock vo schwärem Silberbrokat mit hsehuetblauem Fond, schwarzem Pelz und herrleche Schpiße wär a nere Fürshti wohl agschtande, nid z'rede vo der Halschetti und de-n-Agraffe, wo blihet hei wie-n-es Füürwärk. Aber jogar sjs rötlech tüpflete Schümeli het no Sattelzüüg vo blauem Schtuff mit silberigem Zierrat übercho. Der Brächt het's natürlech no so gärn übernoh, sy Cousine als Ehrecavalier z'begleite, und a Eleganz het's o ihm nid gfählt.

Wie no anderi Patrizierfamilie hei ds Herr

Willadings i der Brunnadere-n-uffe nes Summerhus gha, und me het dra dänkt, na de Manöver uf em Thilchefeld mit es Paar junge Lüte dert usse ga z'vieri z'näh. Zu aller Vorsicht het der Herr Seckelmeischer dem Lächema duffe la Bscheid mache.

Ja nu, jih isch me du also mit der Gutsche zum vierröhrike Brunne-n-abe-n-und het dert, obehär dem Frienisbärgerhus use Zug gwartet. Da ds Rätheli d'Gutsche verachtet het, het me no ne-n-übelghörige Better Tschachtlan und syz Töchterli mitgnoh. Ds Rätheli und sy Begleiter sy no chly d'Gass ufgritte, bis me d'Musik ghört het, und du hei si sech, vo der Zueschoueremängi agschtuunet, hinder der Gutsche-n-uspflanzet. Mängi Huldigung us em Zug use het der Schönheit vom Rätheli gulte. Albeneinisch het es sogar Schtürunge gä, wenn öppe-n-Eine-n-us em Glid use nächer zueche gritte-n-isch, für cho z'grüesse. Wär aber da ne bösi Schtund erläbt het, wenn er scho nid sech dertfür het welle ha, isch der Better Brächt gsi. Däm syz Roß — er het halt äbe-n-o nid nume so nes abgraggerets welle ha, het gar kei goüt gfunde-n-a de Fahne. Die hei hütt im Luft e so ghnatteret, und das het däm Rößli angicht gmacht. Meh als einisch het es mit mene-n-unerwartete Gump gchehrt und schier jedesmal e harmlose Zuschouer überschosse, so daß d'Lüt asange-n-umirsch worde sy und gseit heit: „Seit doch dä

Gablung am Boum, gäb daß er no nes Ehing vertrappet!“ Ds Uffschla vo de Huefe scho het allimal e=n-Ufregung i d'Masse=n-yne bracht. Und der Guggler het's gseh, 's isch grad gsi, wie wenn alles, was e Fahne treit het, grad juschtemänt uf di Gruppe zue hätti müesse. Der sogenannt Groß Huuse=n-isch so z'säge scho vorby gsi und het i d'Junkeregäß hgschwänkt, für wieder d'Schtadt uf und i ds Marzili, da etwütscht's plözlech der Frou Willading: „E mon Dieu, der Hüniger!“ — Und in der Tat: da rytet uf mene Prachtsgoul, salb mit wyße Füesse, der Oberscht Wendschag als Kommandant vo der Rüterei am Schluß vom Großen Huuse. So schön uspußt wie hütt het me ne no nie gseh gha. E bluetroti Casaque het er treit, ne schwarz damaszierte Brustharnisch mit Guldbverzierung, e prächtige wyße Schpißeckrage=n-und e gwaltige Filzhuet mit prachtvolle rot und schwarze Fädere=n-und mächtiger Agraffe. Di glänzendi Amazone het er scho di ganzi Schtadt ab gsuecht. „Au revoir, uf em Chilchsfäld!“ het er nere zuegrüest, wo si sy Grueß mit dem Däge mit fründlichem Winte beantwortet het. Der Herr Willading het sedch müesse säge, er sygi doch eine vo de währschastliche Cavalier gsi vom ganze Zug, und er hätti ne gärn no chly besser gschouet. Aber di hschwänkende Harnischrüter hei ne de Blicke=n-etzoge. Und jitz isch der sogenannt

Chly Huuse cho, wo zur Verteidigung vo der Schanz am Fueß vom Grypkehübeli isch bestimmt gsi. Nid minder prächtig als der Groß Huuse, isch dä Zug no gleitiger vorby gsi und der Schtalde-n-ab über d'Hydeggrügg use.

Dene hei sech ds Herr Willadings i mene Schtrom vo andere Gwundrige-n-agsschlosse, für uf em Grypkehübeli d'Schlacht und d'Erchtürmung vo der Schanz ga az'luege. Währeddäm me da der Murischtalde-n-uf gritte, gfare, glosse-n-und grochlet isch, het sech der Groß Huuse-n-im Marzili uf Schiff la über d'Mare seze. Was alti, präschthasti oder kommodi Lüt gsi sy, so hei die vom große Chilchhof und uf andere Terrasse-n-i der Stadt vo Wytem dem Schpektakel zuegluegt. Aber Alli het's dunkt, me sötti e chly preßiere, es chönnti jünsch de no ne Schütli gö uf alli di schöne Sache. Am gröschte-n-isch d'Ungebuld uf em Chilchhof gsi, wo di Alte dasume träppelet sy, für sech dermit e chly d'Füef z'werme. Dene-n-im Marzili unde hei nume d'Fähr-lüt nit gleitig gnue chönne mache.

Uf em Grypkehübeli het sech nah-ti-nah es schtattlechs Vöckli z'sämegefunde. Sy d'Gutsche ds jältmal z'Bärn no-n-e vari Sach; gsi, so het's nit-deschtweniger e Wagepark gö vo allerhand Fuehr-wärk. Es sy ordlech viel Lüt cho ab em Land, nid viel Bure zwar, aber Herrschastslüt. Im zwöite

Träffe sy d'Proviantwäge gichtande mit Borräte für nes lufchtigs Lagerläbe. Was Herre gfi sy, so sy die meishtes zu Pfärd cho. Me het alti Fründe- und Verwandti us abglägene Landvogteie troffe, sech gägesytig d'Roß abegmacht, alti Güntli uftischet, de Froue flißig der Hof gmacht, da und dert o öppe Regierungsjorge-n-erörteret. Und zwüsche-n-allem däm farbige Wäse, wo bald warmi Frühligsunne-blicke, bald tschuderigi Wulkeschätte drüber gfloge sy, het sech es Heer vo Chinder umetriben- und e Meut vo allergattig Hünd. Es isch viel gicharmänzlet und komplimäntiert, aber o viel brüelet und bället worde, und albeneinisch het e hässige Chlobe vo mene Bagageroß sy Gichpane bisse, so daß o d'Fuehlüt ihri säldmäßige Redesarte hei chönne-n-abringe. Di einzelne-n-Abteilunge vom Chlyne Huuse hei under viel Kommandiere-n- und Schwadroniere d'Schanz bjezt, ihri Kanone, Muskete-n- und Wallbüchse glade. Und derby isch der Waadtländer und der Neue-ichtadter i zinnige Channe-n- und Bächer scho zimlech üppig gflosse. D'Offizier hei sech vielfach ds Bord uf verzoge, d'Varetlitöchtere hei ds Bord ab Etgäekomme bewise. Churz und guet, d'Schtimmung vor der Schlacht isch rächt ungsorget gfi. Ändlech isch e Kommandoruef ertönt. Under Trumpete-n- und Trummle-n-isch di bereits verlottereti Schlachtornig wieder härgstellt worde. Am undere-n-Änd vom

Chilchefäld sy bližendi Reihe vo Schpieße-n-ustouchet. Fahne hei im heitergrüne Fäld gflatteret. Rüter sy dasume galoppiert. Alles het um so schöner und farbiger gschine, als über Chüniz e verdächtige graue Räbelschleier dahärcho isch und der ganz Hindergrund verdunklet het. Über ds Fäld sy Sunneblicke-n-und Wulkeschätte-n-und silberig glänzigi Graswälle gfloge. „Ziž sötte si de aber cho,“ het me-n-ufem Gryppehübeli gseit.

Da! Bravo! E Füürblich und e wyssi Dampf-
wulke hei sech malerisch vor em dunkle Gwülk ab-
zeichnet. Hienache, i der Schanz, tönt es Kommando,
und ds „Schnufflenüni“ — eis vo de gröschte Schanz-
schtück — donneret sy Antwort. — Me het sech gfragt,
ob öppe der Schutz hinde-n-ufe syg, vorwäge der
Knall het under de Zuschouer e fürchterlechi Wirkung
ta, die jiz no verheerender worde-n-isch, wo di
andere Schtück i der Schanz unde-n-o losgange sy,
alli mitenandere, und der Rouch i versäzete Schwade
ds Bord uf isch cho z'flüge. Wär es Leitseil oder e
Zoum i de Händ gha het, het natürlech nid chönne-n-
uf e Nachbar luege. Aber nam erschte Chlupf und
Gebrüel het me nes Chrousimoussi vo Roß und
Möntsche gseh, us däm einzelni Rüter uf und nider
ghopjet sy wie Schiffli uf bewegter See. Eint und
Andere-n-isch nid meh als drümal i d'Höchi cho und
de im Trubel verschwunde. Dersfür sy de hinde-n-es

paar lääri Roß mit flügendem Schtil us em Knöuel use gschosse-n-und, verfolget vo Chindergeplärr und ganze Schwade vo Besänstigungsrüef und Flüech, dem Große Schtalde zuegschtohe. Druuf het es allgemeins Halloh und Glächter d'Luft erfüllt. Und im Momänt, wo d'Frou Landbögti vo Loupe mit nere früsch dustige Grasmutte-n-uf em neue Roß und verschidene Biße vom Grypfehübeli i Gsicht und Haare ihre Ma wott zur Gutsche-n-us müpfe: „Me sött ga säge-n-uf z'höre mit Schieße,“ git's e zwöiti Décharge und e zwöiti Zablete-n-under de Bierbeinige. Aber jiz het's scho weniger meh gmacht, will di nid Sattelfeschte bereits bi der erschte Prob sy usgeschoubet worde. Jiz het me du o chönne frage-n-und luege, wär nümme-n-im Sattel gsi isch. Ds Rätheli, wo bekanntlech no viel subtileri Wäse-n-als nes Roß het gwüßt z'bändige, isch, vor Übermuet schtrahlend, uf sym Schümeli gäffe. D der Brächt isch no im Sattel gsi, frylech nümme-n-a ds Räthelis Syte, sondere bi der Liebegg äne, wo-n-er mit sym Roß am Ygang zum Große Schtalde wie läz z'ringsetum gfahre-n-isch. Mit Vischt und Swalt het er's i mene faltische Galöppli wieder uf ds Hübeli fürebracht; aber nid für lang, vowäge, währed der Herr Seckelmeischer, wo chly ds Bord ab trappelet isch, i heiterem Gschpräch zum Befählshaber vom Chlyne Huuse juscht seit: „Ja, ja, dir machet eiget=

lech schöni Gschichte, dir vom Uffere Schtand, under euer Devise quod speramus imitamur e fettige Ehrieg ga ufz'führe," chunt es scho ganz schtrib vo Chüniz här über d'Nare-n-und zwar gleitiger als di arückendi Phalang vom Find. Und grad druuf falle Nägetropfe.

„Es git es Aprille-Schütteli," het me gseit. Und wär chönne het, isch i d'Gutsche-n-und under d'Böum gschloffe, die zwar chuun es paar grüeni Blettli hei tribe gha. D'Rüter hei wohl ober übel müesse darha.

Aber mit däm graue Schleier isch e-n-hschhalte Luftschtoß cho. Us em Schütteli isch e Schütti worde — und das e tolli. Brätset het's, und z'schuufletewys isch Rißel über di ganzi Herrlichkeit cho z'flüge. D'Roß hei vo sälber ds Hinderteil dem Wätter zuegkehrt, d'Chöpf abegha und afah ghympfe, so daß Eint- und Andere ganz unvermuetet i ds nasse Gras pürzlet isch. Und wo me gluegt het, ob's nid grad vorby well, isch es je länger descht schtriber cho. Me het nümme heiter gseh, und plöglech isch e wahri Panik usbroche. Ds junge Volk isch dervo gichtobe, und Rüter und Wäge sy i mene regellose Schwarm dem Schtalde zue gflüchtet. Me het d'Roß schier nümme möge bha. I der Willading-Gutsche-n-isch der Rißel scho z'hampfelewys gläge, und währed geng no meh derzue cho isch, het me sech gägehtig agschnauet und nam Rät'heli gschroue. D'Frou Seckel-

meischteri het rächts der Chopf ufe gschtreckt und dem Gutsdner befohle: „Ga Brunnadere, Hans!“ Und der Herr Seckelmeischer het linggs ufe brüelet: „Fahr i d'Stadt!“ „Aber nei!“ het d'Frou ufbe-gährt, „warum jiz? — Wie dumm! — Und de ds Rätheli? — Ehre, Hans, ehre!“ — „Ja, da wird me jiz chönne ehre!“ brummet der Hans uf em Bock, „wenn me niene fei Platz het.“ Und so isch mit allem Ufbegähre-n-und Lamäntiere-n-im Schtrom vo der allgmeine, wilde Flucht di neu verguldeti Arche vo ds Willadings mit furtgschwemmt worde. Vo halte-n-oder ehre-n-isch nüt meh gsi, vorwäge hinder däm Trubel här isch der chly Heerhuuse sälber a eim tusedbeinige Schlumpe dahärcho. Daz o der Brächt irgedwo i däm Gschtüchel het mit müesse, cha me sech danke. Er het wohl gschporret und porzet und dem Roß ds Muul verrisse bis schier a d'Ohre-n-ufe. Aber das het glatt nüt gnügt. Ob füretsi oder hindertsi, es isch alls der Schtalde-n-ab.

Aprilleuun und anderi Zuefäll hei scho mängs z'schtandbracht. Aber ericht, wenn de no e scharke Wille se weiß usz'nütze, chunts guet. Es hätti hütt möge-n-obenabe mache, was es hätti welle, Sunne-guld oder läbige Chaze, i beidne Heerlager isch öpper gsi, wo hüt öppis het welle. Dem Rätheli isch der ganz Ufjer Schtand mit allne Prätendente Schnupf gsi, es het nüt anders gsuecht i der erwachende

Frühligslandschaft als dä groß Falbtäschäg mit de wyße Fieß und was druff gässe=n=isch. Und da=n=es dä uf em findleche rächte Flügel etdeckt und i der Rägewulke het gseh az'galoppiere mit syne Rüter, het es alli Chraft zsämegnoh, für sy Schümel wenigstes a d'Queue vo der flüchtige Masse z'bringe. Es isch arg i ds Gschüchel hne cho, vorwäge=n=im chlyne Heerhuuse=n=isch mänge Parlitout gsi, wo gemeint het, es mögi syß Schümeli nümme baschgen=und es gäb Glägeheit, ga Ritterdienichte z'leischte. So het der Oberscht Wendschaz, wo=n=er, syne Manne wyt z'vorus, uf em Gryphenhübeli aglangt isch, ds Rät'heli z'mitts i nere dicke Cavalcade=n=inne gfunde. Er isch erschrocke=und het e=n=Dugeblick überleit, ob er nid well abbiege. Aber der ganz chriegerisch Trubel und di gueti Glägeheit zu mene flotte Rüterschüchli hei ne=n=ufgeschlepft, und so het er, unbekümmeret drum, ob's der eint oder ander Gägner mitsammt dem Roß i ds Gras legi oder nid, ds Schpil wyter gschpilt. Mit kavallerischter Wucht isch er i Huuse=n=hne, der Falb het es paar schmälere Kößli uf d'Syte drückt, und mit grober Fuuscht het der Hüniger di versilberete Zügel vom Rät'heli packt. „Gfange!“ het er grüeft.

Di abgschprängte Cavaliers hei jech welle zur Wehr seze; aber underdessa sy dem Hüniger syne Rüter i chlobigem Galopp cho az'flotische, so daß

wär nid het welle=n=überraönt sy, wohl oder übel het müesse ds Fäld ruume.

Der Oberscht het häll ufglachet. „Deus afflavit et dissipati sunt!“ het er zum Rät'heli gseit. Das het aber nit druuf glost, sondern gseit: „Filons!“ Es het gäge d'Brunnadere zeigt, und du sy si i scharfem Tempo, begleitet vo de Harnischrüter, über ds Lindesäld us trabet, geng no im byßige=n=Iß=nadleräge. Scho vo wytem hei si di mächtige Linden=und derzwüschte di wyße Muure vo ds Herr Willadings heimeliger Summerresidänz vor seth gseh, und i schnuergrader Linie sy si druuf zue gritte. I wenige Minute sy si dert gsi. Der Oberscht het syr Gsangene=n=us em Sattel ghulfe=n=und d'Mannschaft mit allne Roß under ds Schüüredach gschickt. Gim vo syne Manne het er, sobald me gseh het, daß Niemer meh dahär chunt, der Ustrag gä, i d'Schtadt z'ryte=n=und dem Herr Seckelmeister ga z'brichte, wo meh syg. Druuf het me bi'm Lächema d'Schlüssel gheusche, und ds Rät'heli het sy Häscher i Wohnschtock gfuehrt. Einisch am Schärme, het ds Rät'heli mit mene halb truurige, halb übermüetige Blick sy Rytrock usgeschpreitet und zum Oberscht gseit: „Das isch e schöni Gschicht.“

„Wie schab!“ meint der Oberscht. „D'Hauptfach isch aber, daß es Euch nüt tuet. Wüßet Dir was, es isch chalt da inne, mer wei Füür mache.“

Ds Rätheli isch grad druuf ygange, und si sy beidi der Rächti na i d'Chuchi. Der Oberscht het Holz gsuecht, Füür gschlage-n-und es Höllefüür agmacht.

„Machet Ech zueche,“ het er gseit, „et vous me permettez . . .“ Dermit het er sy Bruschtarnisch glöst und ne-n-uf e Chachelbank gschstellt. Sobald er nüt meh z'tue gha het, isch er näbem Chuchikamin uf nes Holztütschi gsässe-n-und het dem Rätheli zuegluegt, wie-n-es under hället Lache mit syne schmale wyße Händ d'Nessi us der Pelzgarnitur und us de Schpiße vo sym Chleid uspreßt het. Das het Gä z'brichte-n-und z'lache; aber nächher, wo ds Rätheli sy Nitroß gäge ds Füür breitet und, vo der Bluet rot übergosse, dä silberig Schtoff i de-n-anmuetigichte Bewegunge hi-n-und här zoge-n-und sech langsam bald lings bald rächts dräit het, so daß sy schtolzi, gschmeidigi Figur zu voller Gältung cho isch, da isch der Oberscht schtill worde. Ds Rätheli het o nüt gseit, aber es het triumphierend Blick-n-uf ihn gworse, die syne Gedanke verrate hei. „Gäll,“ het es sech gseit, „du heisch gemeint, du heigisch mi gfange, aber i weiß besser, wär der Gfange-n-isch.“

Dusse het's dürenandere gschneit und gränet. Und im Oberscht het's gschtürmt.

Und ds Rätheli het ihm's agseh und ohni öppi derglyche z'tue, syß Chleid wyter tröchnet.

No einisch sy alli Bedänke vor em Oberscht düre-
zoge. E Schtimm, wo-n-er nid het chönne mache
z'schwinge, het ihm gseit: „Dänk a dy Freiheit! Dänk
a Schtärn vo Buebebärg, wo so allei im Blaue
glänzt.“ — Er gschpürt dem Rätheli syni fragende
Blicke. Er schlat d'Duge-n-uf, und gseht wieder vor
sech schtah — es Bild us Roseduft und flüssigem
Guld — e troumhasti Schönheit. — Da het's ne
gnoh. Er schieit uf, leit unwillkürlech d'Hand uf
ds Härz — di anderi isch uf em Dägegriff gläge —
und seit: „Rätheli, Dir heit errate, was i uf em
Härz ha.“

„Was?“ antwortet ds Rätheli mit liechter Caprice
und tuet e Schritt zrück, „Dir lueget so truurig
dry . . . was . . . söll i da druus . . .“ D'Schtimm
het ihm nümme rächt welle folge.

„Blaget mi nid! Dir wüßsetz.“

Ds Rätheli geit no ne Schritt wyter zrück, ohni
Lut z'gä.

„Rätheli, gäbet mir mys verlorne Glück ume.“
Er isch ob däm Usdruck fascht sälber erschrocke; aber
im Wirbelschturm vo syne-n-Epfindunge het der
Oberscht nume no sym Offensivgeischt nahgä und i
däm dunkle Drang ohni wyteri Überlegung furt-
gahre: „Dir syd der einzig Mönstsch, wo das cha.
E glänzendi Position cha-n-ig Ech nid biete, aber
villicht isch Ech doch es Härz voll Liebi meh wärt —
oder nid?“

„Was wett i meh?“ seit jiz ds Rät'heli, will's es doch nid länger über sech bracht hätti, dä Ma z'fede, wo=n-ihm no jedesmal dür di usdrucksmächtigi Wahrheit vo sym Wäse=n-alli Floufe=n-ustribe het.

Ziz fasset der Oberscht sy Brut bi heidne Hände, zieht se=n-a sech und drückt se mit lyser Gewalt a syz bidere Soldatehärz. Und nachhär nimmt er dem Rät'heli sy herrleche Chopf i beidi Händ und drückt ihm mit warme Lippe ds Insigel vo syr Liebi und Verehrung uf d'Schirne.

Wo si sech wieder hei la gah, sy dem Oberscht Freudeträne=n-über ds Gesicht ab glosse. Er het Wort gsuecht und keini gfunde. Der inner Ufruehr het dä sünsch e so scharf Ma völlig übernoh, so daß du o ds Rät'heli — es nid gwüßt, warum — het afah briegge. Und di heidsytige Träne hei Beidi wieder gmacht z'lache. „Mer sy doch Babeni,“ seit der Oberscht, und du hei si sech zum erschtamal d'Träne furtgmüntschet und vo Neuem sech umarmet und glachet.

Der Oberscht het jiz glücklich es Fadenändi us em Ghürsch vo syne=n-Epfindunge=n-und Gedanke=n-erwünscht und, wenn o chly chrousimoufi, dem Rät'heli afah ds Härz lääre. Wo Hoffnunge=n-und Sorge, vo altem Weh und neuufgangener Freud isch es ihm überglosse. Ganz frei und offe het er syr Brut dargleit, was ihm Chummer gmacht und was ne so

lang no hindercha heig, sech wieder z'verhürate. Ds Rät'heli isch uf Alles ygange, und wie Ghinder hei si agfange sech es Herrschafsidyll über Hünige-n-uszschpinne, daß es d'Wüüs i de Wänd vo der Chuchi gluschtet het, a ds Bord vo der Ghiese-n-usz'wandere.

„Aber wüßet Dr“, het der Oberscht gmeint müesse z'befenne, „Dir wärdet Ech de no über mängs etseje, vorwäge-n-um ds Schloß ume gseh's de no schtrub us, und o drin inne wärdet Dr d'Schpure vo der Junggfelle-n-oder Wittligwirtschaft finde. — Eigetlech söttet Dr nid usecho, bis i chly Ornig gmacht ha.“

„Nüt da“, reklamiert ds Rät'heli, „jushtemänt das macht mr di gröschti Freud. — Das isch grad ds Rätte, so ne chlyni Wildnis i d'Finger z'näh und e chly der Zouberer z'mache.“

Der Oberscht lachet guetmüetig und fahrt wyter: „Ja, das begryse-n-i. — I hoffe nume, Dir wärdet Ech de o zwägfinde mit de Dienschtlüt und mit myne Bure. S'isch halt da mängs e chly eigets drunder, und i möchti nid, daß . . .“

„O, das macht mr nid Chummer“, underbricht ne da ds Rät'heli, „i will de das Züüg scho erläse.“

Daß es dem Rät'heli i däm Dugeblick fei Chummer gmacht het, isch dem Oberscht liecht verschtänd-

lech gsi; aber ihm sälber het di „Erläsete“ schwärs Bedänke verursacht.

Ob allem däm Plänle-n=und Uschpinne hei di Zwöi nid g'achtet, daß ds Wätter sech wieder ufta het. E zuefällige Blick dür ds Fänschter het ne jiz aber zeigt, daß im junge saftige Gras es Schüümli Schnee gläge-n=isch. Es hätti Ein chönne-n=e Tschuder acho ob der Etdeckung, aber di Beide da inne sy numme dem Zouber vo ihrem sälige-n=Erläbnis zuegänglich gsi, und i däm sy si o nid wichtig gschört worde, wo jiz mit schwärem Chnarre d'Willading-Gutische-n=i Hof fahrt und dem Herr Seckelmeischer sy gwaltige Bart zum Vorschn chunt. Arnscht und breitschpurig isch er uf e Wohnschtock zuecho. Mit höchufgriffene-n=Duge-n=erschynt er under der Chuchitüür. Im Bart chräbelet sy runzlige Hand, und er weiß nid rächt, wele Ton, daß er wott aschla. Hätti nid ds Ufbegähre vo syr Frou über di unerhörte sottise vom Kätheli ne zum Widerschpruch greizt, so wär er gwuß mit mene Donnerwätter i ds zarte Gschpinnscht vo dene Zuekuntströume gfahre. Aber der Herr Willading het ja gmerkt gha, was es gschlage het, und Fride-n=und heitere Luun sy-n=ihm o öppis wärt gsi. Und wo-n=er di Beide da so glücklich a der heimelige Fүүrschtatt gseht siye, het d'Freud i-n=ihm obenuf möge. Müt anders het er füebracht, als nes vätterlech guetmuetigs: „So — so!“

Whter wär er überhoupft nid cho, vorwäge ds Rättheli flügt ihm ume Hals.

„Was machet dir da?“ seit er druuf mit schwacher Verſchtellung.


Uf die Frag iſch der Oberſcht gſaffet gſi, und er antwortet: „Quod speramus imitamur“.

Dem Herr Seckelmeiſchter ſy Wiſheid het du z'vollem verrate, daß er uf Alles iſch gſaffet gſi. „So ſygß!“ het er gſeit. „Es freut mi vo ganzem Härze.“

Siz het du d'Freud ihres Panier i der alte rueßige Chuchi uſpflanzen und d'Zunge glöst. — Der Herr Willading het trocheni Chleider für ſy Tochter mitbracht gha, und währed ſi ſech überoben-iſch ga alege, het er mit dem Oberſcht allerhand verabredet.

So het du der Herr Seckelmeiſchter doch no di großi Gnuegtuung gha, daß di ſchöni Gutsche zu mene höche-n-Chredienſcht cho iſch. Wie-n-e Triumphantor iſch er a der Syte vo ſyr Tochter z'Wärn yzoge, und der Oberſcht iſch näbezueche gritte, und hinde het ſech d'Rüter-Eſkorte-n-agſchloffe. Und iſch o der Himmel nümme ganz heiter worde, ſo het doch e guldige Schtreife vom Chünizbürgwald här e herrleche-n-Abedglanz über ds ſaftiggrüene „Schlacht-fäld“ und über di ſchtattlechi Cavalcade gworfe.





IX. Kapitel.

Zwee Tag druuf — di flüchtige Sunneblücke hei di erschte Söublueme verführt, sech usz'tue — isch bhäbig und wohl zride mit sech sälber der Pfarrer Gryph vo Bränzikose här gäge hei zue gwanderet. Würdiger als je het er sy Schtücke-n-usgschtellt, und di möschige Ringge-n-a der rottshäggete Reistäsche hei so luschtig glüüchtet, wie wenn si gwüßt hätte, daß si hälse nes landvögtlechs Oberländer-Chäsli heitrage, wo der Pfarrer syr Frou heigchramet het. Scho vo wytem het ds Chilchezyt vo Dießbach dem

geichtleche Herr syß heimelige Wimbam etgägegshicht. Eigetlech sy di Tön dem Pfarrer ender e chly unagnähm gsi, hei si ne doch us syr Wanderluscht use zur alte Pflicht gmahnet. Aber ds Gfüehl, daß düß syß Ygruse d'Herrschaft Hünige zu nere-n-edle tüechtige Frou wärdi cho, zu nere Muetter in Israel, het der Pfarrer so ghobe, daß er mit Freude der Pfrüend zuegshüüret isch. Es het wohl churzi Dugebliche gä, wo ne d'Angscht acho isch, der Oberscht chönnt ne de z'gueterletscht no abrüele wäge der Ymischung i syni intimschte Privatsache. Aber wartet nume, het er dänkt, wenn er se de gseht i ihrer luschtige Natürlecheit, so wird er nid wüsse, söll er mir oder ihre-n-ume Hals fälle.

Mit dene Gedanke-n-isch er d'Dorfgaß abcho. D'Frou Pfarrer het ne vom Fänschter us gseh cho und isch ihm am Gartetöri begägnat. Pos! het si dänkt, 's isch guet Wätter, so het er lang nümme drygluegt. Und fascht het si nid füre dörfe mit ihrer Botschaft — aber use müesse het's doch. — „Weisch ds Neuische, Mandli?“ het si-n-ihm under der Hustüre gseit. „Der Hüniger isch verschproche.“

Da blybt der Pfarrer schtah wie-n-e Bildjüüle.

„Du bisch nid gschyd. — Mit wäm?“

„Ge, mit wäm ächt? Mit där Willading.“

„So?“ — Der Pfarrer schießt sy Schtücke düre ganze Husgang hindere. Bald isch er chrydewyß

worde, bald rot wie-n=es Chirsi. I syne-n=Duge-n=isch i däm Dugeblick würklech e ganze Biß Wält zjämetrohlet. Alli Hoffnunge, wo-n=er use Güniger het bouet gha, sy undereinisch verfloge gsi. Aber ds Allerfatalische-n=isch dem Pfarrer i däm Momänt doch der Gedanke-n=a Landvogt vo Interlache gsi. Er isch daglichtande wie-n=e Türlichtock, bis ne d'Frou i d'Schtube-n=hne zoge-n=und uf ne Fauteuil gschobe het.

„Was söll i jitz mache?“ — Das isch na längem Bsinne syß erschte Wort gsi.

„He, was wettisch?“ meint d'Frou, „du mueßch ne halt la mache. Es mueß am Änd e Jede sälber luege, wie-n=er sech bettet.“

„Natürlech“, meint der Pfarrer, „aber das isch jitz Räbedsach. — Aber der Landvogt z'Interlache!“

„Ja, was isch mit däm?“

„He, er chunt — er chunt.“

„Wär isch das? Was wott er?“ So fragt d'Frou, und jitz het der Pfarrer müesse-n=uspacke. Er isch derzue i der Schtube-n=ume grönnt und het d' Händ verworfe. Z'erscht het d'Frou Pfarrer sech nid gwüßt z'fasse. „Um ds Himmels wille“, het si gseit, „was isch di acho, öppis e so ga az'reise?“

„Ja, jitz hesh guet chräje. Du hesh ja gwüßt, um was es z'tüe isch. Tue jitz nid derglyche!“

„Hättisch du nume nie d'Finger da dry gha — i ha geng dänkt, das chöm de no läß use.“

„Warum heisch es de nid gseit?“

Der Pfarrer isch je länger, si wüetiger worde. Sy Frou het ne la ustobe, het si sech doch müesse-n-ygischtah, daß si ihrem Ma äbe nid soviel Under-nähmungsgeischt het zuetrouet gha. Si het dänkt, d'Houptsach syg, daß er es paar Tag us em Hus chöm, so chönni si einisch z'grächtem usruume. Niemale-n-isch ere z'Sinn cho, daß der Pfarrer us syr Wärbung füre-n-Oberscht Ärnscht würdi mache. Sit hei mer der Prägel, het si sech gseit, und me mueh luege, wie me sech mit dem gringschte Schade drus zieht. Glücklecherwys isch si du druuf verfalle, der Pfarrer dermit z'tröschte, daß der Hüniger ihm jit alli Verantwortung abguoh heigi. „Dänk doch o, wenns de läz usecho wär, du hättisch ja fei rüejigi Schtund meh uf Ärde gha. — Sit, wenns de z'Hünige chieret, so bisch du de drus und dänne, du channsch ihm sogar de säge: Lue, hättisch mir glost!“

Ob däm Yfall het sech der Zorn vom Pfarrer wieder e chly gleit, und ganz z'hinderscht i sym Gmüet het e dünni Saite ds Lob des tugedsame Weibes gflurret. Und wie-n-e Schtoß Byslust dür ne-n-Aolscharfe-n-isch es bald druuf dür ds pfarrherrleche Härz gfare, wo d'Frou ne zum äffe gnötiget het. Und du isch du no der Chäs us der Täsche füre cho, woruuf sech der Schturm völlig gleit het.

Aber uf ds Ässe-n-abe het sech der Chummer wieder ygstellt. — Der Landvogt vo Zunderlache!

„I mueß ihm halt wieder etgägereise“, het der Pfarrer erklärt.

„E warum nid gar“, meint d'Frou, „schryb ihm doch e Brief!“

„Was nützt das, wenn er scho underwägs isch? — Und wär sötti dä Brief trage?“

Der Pfarrer het nid nahgä, und schließlich het sy Frou gfunde, si laj ne lieber la loufe, als daß er sech vor Erger und Angicht no hinderfinni. Und so isch er no z'morndrisch i aller Früechi wieder ga Thun gfare-n-und het sech na mene Schiff umta. Dazmal isch es nid so liecht gange wie wo-n-er z'erschtmal ga Zunderlache-n-isch. Nid daß es a Schiff gfählt hätti, aber ds Wätter isch, wie alli di Tag, ungwüß gsi. Für Gald und gueti Wort het sech du ändlech doch Eine chönne bezidiere, scho düre Vormittag abz'fahre, schtatt erscht z'morndrisch. Es isch e Frachtbock gsi, mit allerhand War glade. Der Schiffme-n-und sy Chnächt hei grüßlech bychtet und bärzet dür d'Nare-n-uf, für dür ds Pfarrers Härz e Druck uf sy Galdseckel usz'üebe. Dr Pfarrer het's wohl gmerkt und het welle hälfe ruedere, aber si hei ne gheisse sech schtill ha „vo wägem Ugleichgewicht“. Sobald si du chly vor d'Shadou uscho sy, wo ds fältmal no es chlyses alts Schlößli mit

schpißigem Turm ohni Garte gschtande-n-isch, hei si du müesse rächts ha, für mit dem Luft i ds G'reis z'cho. Es isch e-n-uflätige Schtockhorner gange, so daß bald d'Wälle gar unerkannt a ds Schiff plötscht sy und mängisch sogar drüber hne gschprüht hei. Me het es Sägel usgmacht, für vo däm Luft z'profitiere-n-und di eigete Ehräst e chly z'schone. Der Schiffme het gschtüüret und der Ehnächt het zum Sägel gluegt. Im Anfang isch es no rächt flott gange. Aber nah-ti-nah isch der Luft geng unwatlicher worde, so daß si hei müesse Wasser schöpfe-n-und vom Überschprüge naß worde sy. Der Pfarrer het sech im Echtille bsägnat und a underschidlechi Gschidte-n-us em Neue Teichtamänt dänkt.

Der Schiffme het gmerkt, daß es dem Fahrgascht nümme rächt heimelig isch und daß er gäge di schwarze Wolke-n-am Schtockhorn luegt, für z'wüsse, ob no meh z'erwarte sygi. Er söll nume nid Chummer ha, seit er zue-n-ihm, si heige ja der Luft im Rügge; da syge de die übler dranne, wo ne dert etgäge chöme. Da het der Pfarrer gluegt, und richtig chunt es Schiff dahär i mene Schuumchranz. Höch, höch hei d'Wälle dervor usgschprüht. Und d'Kuederchnächte hei sech hert voryne gchrümmt, für möge z'gfahre. Der Schiffme seit zum Pfarrer: „Es syn de no Wybervölcher druffen, guggit eis!“ Das het me dem Pfarrer nid zwöimal bruuche z'säge; er

het gugget, so schränk er het möge. Und du het er dem Schiffme der Gottswille-n=aghalte, si sölle so nach wie möglich uf das andere Schiff zueha.

„Das isch nid möglich, Herr“, het der Schiffme brüelet, „iiz müessen mir wie der Schtockhorner wott, sücht chjennts denn es Ungfäll gän“.

Der Schtockhorner aber het alli Gredi gäge d' „Nase“=n=und ds „Wydeli von Dschtrych“ zueblaset, und der Pfarrer Gryph, däm z'letscht und am Änd ds Läbe=n=o no chly lieb gsi isch, het müesse=n=ngseh, daß nautischi Experimänt i däm Dugeblick meh als risquiert wäre. So het er sech mit der Beobachtung vom andere Schiff müesse begnuege. Mit ateloser Schpannung isch er ufgerichtande, het mit beidne Hände der Huet use Chopf drückt und sech la verschprüke, ohni druuf z'achte. Bis uf öppe hundert Schritt sy di beide Barke=n=anenandere cho, wo si sech gchrüzt hei, und das isch grad nach gnue gsi, für daß der Pfarrer het chönne ne Herr und fuf Töchtere=n=underscheide, die, mit Tücher über de Chöpf vor de Ruederchnächte, z'mitts im Schiff a mene Hüüfli grupet sy. Es het der Pfarrer völlig dunkt, er ghöri se jodle, trozdam ihm der gsund Wöntscheverschand het gseit, i däm Schturm, wo si wider sech gha hei, müeszt sogar a nere=n=Änte ds Guagge vergah, und daß di verwäite Tön nüt anders syge=n=als ds Hüüle vo de Wassergeisther,

wo mit däm Schtockhorner um ds Schiff zangget hei. Es suuset und pſyft und brätſchet und platiſchet und ſchprüht, und unuſhaltſam trybt ds Schiff ſy Wäg. Und ſcho mueß der Pfarrer rückwärts luege, für das andere Schiff z'verſolge. „Und gwüß ſy=neſ ſe“, ſeit er, „eſ müeſſe ſe ſy!“ Und i ſyr Verzwyhlung rekt er unwillkürlech d'Händ i d'Höchi, für dem Landvogt abz'winke. Da flügt ſy ſchöne Suet i ds Sägel uſe und vo dert ewäg wie=n-e Schtürmvogel dem Schiff vora, der See uf — da het der Pfarrer Gryph lang chönne Capriole mache=n-und nacheluege. Über Alles hne=n-iſch eſ du no cho rägne und zwar nid warm, ſo daß me gtschabeligi Finger übercho het. Under ſyne naſſe verpätſchete Haare het der Pfarrer gſtudiert und grächnet, wie lang ächt der Landvogt bruuchi biſ ga Thun und biſ ga Dießbach. Und underdeſſe het der Schtürm ihreſ Schiff nächer und nächer a d'Naſe tribe. Eſ iſch allne drei chagangſcht worde. Der Schiffme het etgägegħa, ſo ſchträng er het möge, und o der Pfarrer het jiz müeſſe Hand alege. Mit Müej und Rot ſy ſi am „böſe Rat“ vorby cho, und mit der letſchte Chraſt hei ſi ändlech um d'Sundlouene=n-ume möge, ſo daß ſi du i ne gſchützteri Bucht hei chönne=n-hne ſchtüüre=n-und ländte. Vor em Schtürm wäre ſi jiz grettet gſi; aber a neſ dümmereſ Ort hätti der Pfarrer nicht liecht chönne grate. Ds fältmal iſch

d'Sundlouene vo der Wält besser abgsönderet gfi als e Trappischt. D'Wäge sy am ganze Battebärg ume so rar und so böös gfi, daß nume Geißbuebe sech druffe zwäggsunde hei.

Was dä guet Pfarrer no für Irrfahrte gmacht und was er alles erläbt het, bis er wieder ga Dießbach cho isch, isch gar nid z'säge.

Wie=n=e bschüttete Pudel isch er daheim aglanget. Er het doch du würklich sy Frou duuret, so daß si sech vo Afang a uf ds Tröschte verleit het. Daß aber underdesse der Landvogt Ragor mit fuff Töchteren=agrückt und i ds Schloß use syg, ohni z'erischt im Pfarrhus vorbz'cho und daß der Hüniger no am glyche=n=Aben=i ds Schloß use sygi — dank für syß Verlöbniß ga z'brichte — het si=n=ihm natürlech nid chönne hinderzieh. Und dä arm Pfarrer het öppis usgichtande vo Angsicht und Verlägeheit, bis me=n=ihm du isch cho erzelle, dä Herr, wo im Schloß obe gfi sygi, syg mit syne Töchtere Bärn zuegfahre, und si heige giunge=n=und gjodlet wie d'Chüejerbuebe. Warum hätte si nid sölle? Si hei ja kei höhere Wunsch gha, als alli füfi binenandere z'blybe. Und jitz het der Pfarrer o gjuzet wie=n=e gichpaltne Hase=deckel, und der Herr im Schloß z'Dießbach isch zfride gfi, und der Hüniger o, und über allem däm Jubel isch der Maje dür ds Land gange.

* * *

Ds fältmal isch es vermuetelech nid der Bruuch gsi, daß Herrschafte-n=ihrer Dienerschaft es Verlöbniß oder sünscht e so öppis fyrlech azeigt hei. Daß si's hei müesse wüsse, isch ja klar, hei si doch d'Veränderung i der Hushaltig müesse hälfe düreführe. Z' Hünige hingäge-n=isch das e chly anders gsi. Uffert dem Töldi isch vo ds Oberchts Verwandte Niemer i der Rächti gsi. Dersfür isch di ganzi Dienerschaft dem Herr näher gschande-n=als anderswo. Dem Töldi, wo am allermeischte vom große-n-Ereignis het sölle profitiere, het der Obercht gseit: „Bueb, jitz überchunsch du de ne Mama, e liebi, schöni. Lue was si dr da schickt. Gäll, das isch e liebi härzigi Mama?“ Der Töldi het Güeki und Gvätterzүүg gnoh und isch zfride gsi.

Echo e chly schwärer isch es dem Obercht worde, dem Mühlkätthi z'säge, daß es juscht syni vor-nähmschte-n=Obligeheite bald wärdi müesse-n=i anderi Händ übergä. Es gwüßes Beduure mit däm bidere treue Meitschi isch i der große Freud vom Obercht nid so ganz undergange. Rүүcher als nötig, het er ihm's nid welle säge, und so het du di hbschlossni Tante müesse hälfe. Der Obercht het ds Portrait vor ihr Brut im Saal ufgeschteilt, und ds nächstmal, wo ds Rätthi hnecho isch, zeigt er ihm's und seht: „Lue da, Rätthi! Was siegisch derzue, wenn die da einisch dy Meischtersfrou würdi?“ — Was

ds Mühlikäthi dänkt het, hets nid dörfe säge: Die blybt nid lang my Weischtersfrou. Es het sech im Gägeteil zsämegnoh, für ja nid la z'merke, daß es ds Portrait scho gseh und mit der Müglichkeit, daß das d'Frou vo Hünige wärde chönnti, längschtes grächnet het. So isch es du der Frag usgwiche-n- und het gseit:

„Das wird Ech öppe nid ärscht sy, Herr Oberscht?“

„Abewohl“, het der Herr g'antwortet, „es isch mer ärnscht. Du channsch jiz de bald gseh, öb si da guet troffe-n-isch oder nid.“

„He nu“, seit du ds Mühlikäthi no, „i bi froh, chunt e Frou i ds Hus, so hei si mer de nüt meh fürz'ha i der Mühli äne.“ Druuf isch ds Käthi wie geng syne Pflichte nachegange-n-und isch no schwygfamer worde-n-als bis dahi. Der Oberscht het's wohl g'achtet, aber nüt derglyche ta. I ds Härz gschnitte het ihm aber ds Käthis Chummer doch e chly, und er het sech vorgnoh, ihm de bi syr Brut z'bescht z'rede.

Chuum isch der Oberscht na däm churze Gschpräch zum erschtamal zum Hus us, so hets e chlyni Volksversammlung im Saal gä. Eis hets dem Andere gseit, und bald sy nid nume d'Meitli, der Christeggleschrigel, der Jakob und d'Müllerslüet zsäme-gloffte. Us der Schmidte, us der Sagi, us der Schüüre-n-und zletscht o us em Dorf hets es Glouf

gä. Jedes het di neu Frou welle cho gschoue. Di meischte hei nid meh gseh dranne=n=als di rychi Bshleidung. Nume d'Mülleri het sech nid chönne=n=ebha z'säge: „Boß Tüüner yche, die lüpft ds Käsi.“

Gseit het ne ds Portrait nid viel, und o sünsch het eigetlech Niemer nüt gwüßt vom Kätheli Willading. Nütbeschtweniger het me bald unter de Borschärme=n=und a de Brünne=n=allerhand gwüßt z'brichte vo der neue Frou; 's isch grad gsi, wie wenn's us em Bode tät errünne. Und so isch d'Schpannung vo Tag zu Tag größer worde, bis sech ds Grücht verbreitet het, morn chöm si jiz, si tüeje bove=n=im Schloß.

D'Hojschte sy i der wunderbarichte Bluescht gschtande. Ds Sunneliecht het wie dür ne Brutschleier düre=n=i ds fastige, höchufgeschossene Gras under de Bäume gschine, wo d'Willading=Gutsche vo Münsige=n=use=n=übere Hubel vom Schtalde cho isch. D'Lüt vo der Schüüre, vo der Sagi und vom Dorf sy bi der Schmidte hinder de=n=Alleebäume gschtande, d'Dienerschaft het i Schloß und Garte no z'tue gha, und d'Müllerslüt sy bi der Mühli ufem Fahrwäg usse gschtande, hei di flachi Hand über d'Duge gha und vo Wytem d'Gutsche betrachtet. Si het groözi Bewunderung gfunde, weniger d'Roß: die syge nüt nuß für öppe rächti Arbeit, nume so „schmal gschueneti Zäberlihüng“. Mit majeschtätischem

Chnarre=n-isch d'Carrosse dür d'Allee yne cho. Der Oberscht isch im schönichte=n-Ufpuß, mit bländig wyßem Schpißechrage=n-und ganz neue, chöschtlech bsekte Schtulpeichtifel, a Schlag cho, het dem Rät'heli und syr Mama ufeghulfe=n-und ihri Händ a d'Läzge gfuehrt. Nachhär het er der Töldi zuehezoge=n-und ne gmacht d'Hand z'gä.

„Grüßti, my chlyne Härzchäfer“, het ihm ds Rät'heli gseit und ne zu mene Müntschli glüpf, „b'sinn'sch di no a mi, hm?“

Der Töldi hat schüüch ta und sech hindere=n-Oberscht verschloffe. Ds Rät'heli hätt' ihm no gfall'e; aber vor der Frou Seckelmeischteri het er sech eifach gfürchtet, wo si so groß und syrlech dahärcho isch und ihri wüetig großi Pelzbrämichappe=n-uf em Chopf langsam und syrlech bewegt het, wie=n-e Pfau sy's Rad.

Der Oberscht het glüüchtet wie=n-es Chind, wo=n-er sy Brut i ds Schloß gfuehrt het. Der Seckelmeischer und sy Frou sy mit zimlech kritische Blicke hindenache cho.

Im Bestibüle=n-isch d'Dienerschaft parat gschtande=n-und, sowyt nötig, der zuekünftige Herrin vorgstellt worde. Da hei sech du di beide Rät'heli zum erschtamal gseh. Ds Rät'heli Willading het dem Mühlkäthi d'Hand darg'schtreckt und ihns fründlech grüßet. Di Herrschafte sy di chlyni Schtäge=n-uf, i

Saal, und im Vestibüle-n-unde het me-n-agfange, syni Dbrück ustuusche. Di Jungi gieng de no, hei si fascht Alli gmeint. Herrschelig usgseh tüej si scho; aber das syg no nid ds böschte, me wüffi emel de o, wora me syg. Aber di Alti, die blib de besser z'Wärn inne, süsch mög de der Oberscht nid gfare.

Es chly widerwillig het der Oberscht syni Gäscht schpäter uf em Schloßguet umegführt. Er hätti mängs, wo nid grad am beschte-n-usgseh het, gärn z'erjcht no chly i d'Ornig ta. Descht meh het er verschproche, was de no sy müessi. Über mängs het ds Rätthi müesse der zuekünftige Frau Oberscht uskunst gä, so emel o übere Tölbi und sy schröcklech primitivi Garderobe. Da het's du gmerkt, daß e neuu Ornig föll uscho und daß es abermals um ne Rucl wyter abe wärdi cho. Di rychi Müllerstochter vo ehmale het fölle zum eigetleche Ghindemeitli degradiert wärde. Ds Mühlikätthi het aber der Tölbi und sy Batter gärn gha, und ihne z'lieb het es welle-n-Alles uf sech näh. Näbe däm het es ja o wohl gwüßt, daß es i der Mühli bösi Tage müest erläbe, wenn es sym rumpelsurrige Batter ohni beschtimmti Arbeit vor de Füsse-n-ume trappeti. Und amene-n-andere-n-Ort ga diene, das hätti's einscht-wyle no nid über sech bracht. Es hätti doch syh Trögli mit de schöne Sache vo ehmale, wo so

mängs Andänke-n-a schöni Tage gweckt hei, nid chönne vergässe.

Me begrüßt, daß ds Mühlikäthi hütt e böse Tag gha het. Wo di Herrschafte-n-am Abe verreiset gi sy, isch es zum große Schtouweiher abe glosse, es het sälber nid rächt gwüßt, warum. D'Einsamkeit und di große Schatteboom hei's azoge. Es het sech dert vergässe, bis me's gsuecht und ihm grüest het. Du isch es hinder der höche Gartemuure-n-usseglosse, für hindenume-n-i ds Schloß z'cho. Es het frylech nid dänkt, daß es de dert grad der Muetter i d'Finger loufi. Die isch mit nere Latärne-n-us der Mühli cho und het ihm i ds Gesicht zündtet.

„Was heisch z'pläre?“ fragt si ruuch.

„D nüt,“ seit ds Käthi.

„Seh, füre mit, i wott wüsse, was d'heisch?“

„Du chasch mer glych nid hälfe. 'S chunt jiz halt, wie's föll. Weder es duuret mi emel e chly.“

„E ba, du bischt es Babi. I glube jiz de bau, du higisch der Herr im Gring gha.“

Uf das hi het sech ds Käthi ulydig umgkehrt und mit dem Fürtech d'Duge gwüschet.

„Gang, mach du dy Sach'. Du muesch nit settigem Züüg nachesinne, du Babi. Du heisch di ja nüt z'chlage. Lue du de wie du mit der Frou uschunisch. Es mueß öppe-n-es nieders einisch unger düre. Bis du froh, chauscht fouge. Mi versünget si däwäg minger,

weder we me geng der Gring uf het wie-n-e Hung im Rogge. I ha no angers düre müesse, wo-n-i dahimme gsi bi. Gang du u tue nüt derglyche.“

Ds Rätthi het der Muetter guet Nacht gseit und isch gange. Aber d'Müllersfrou, so ruuch sie grebt het, isch chuun i ihrer Chuchi gsi, so isch ihre du ds Dugewasser o cho, und si het sälber müesse luege, wie si's vor ihrem Ma het chönne verschtecke.

I der Rißchtube het im heiterichte Luun vo der Wält der Oberscht mit sym Bueb ryti ryti Rößli gmacht, wo ds Mühlikätthi hne cho isch. Es het ihm der Töldi abem Chneu gnoh und ne-n-i ds Bett bracht. Und sobald der Oberscht ghört het, daß es fertig und usegange-n-isch, geit er o i d'Schlafschtube, für dem Töldi guet Nacht z'jäge. Da sägnäschtet der Töldi i sym Bettli, sikt uf und fragt: „Papa, warum isch es de nümme ds Glyche, wenn de d'Mama chunt?“ Der Oberscht schtellt ds Öllämpli, wo-n-er mit hne-bracht het, ufe Tisch und seit verwunderet: „Wär het gseit, es syg de nümme ds Glyche?“

„Ds Rätthi. Gäll, es darf mi de glych no i ds Bett tue?“

„Wenn's d'Mama erloubt, wohl. Mer wei se de frage; aber jit häb di undere, du sott nid blüttle. Bätt jit schön.“

Der Töldi folget und seit: „Du liebe Heiland, Jesus Christ, där du zur Rächte Gottes bischt, bhüet

üs die Nacht schön allizame und mach is sälig
einischt, Ame. Aber gäll, wäsche-n-und alege darf
mi de am Morge=n-albe ds Rätthi?“

„Schlaf jitz. Guet Nacht.“

Der sälb Abe het me der Oberscht no bis schpät
ghöre-n-im Saal uf und nider loufe. — Ob es de
würklech nümme ds Glyche wärdi sy? Die Frag
het ihm e Schtich gü, wie-n-er no sälte-n-eine
gischpürt het. Natürlech wärdi mängs anders wärde
— öppe hoffetlech. Aber es söll Niemer reue. Mit
däm Vorsatz isch er hinecht ygschlase. Er isch ne nie
meh los worde, und er het ihm vo da-n-ewäg für
syß Läbe geng wieder z'dänke-n-und z'sorge gü, so
daß er mängisch i schtille Schtunde möge hätti, dä
Gedante wär' ihm nie z'Sinn cho.





X. Kapitel.

Der Oberischt und ds Kätheli hei z'Värn i der Große Chilche Hochzyt gha und sy-n-es schtattlechs, schöns und glücksäligs Paar worde. D'Hochzytreis isch z'morndrisch pär Willading-Gutsche-n-über Mün-sige ga Hünige gange. Der schwigervätterlech Marschtalldiräkter het me mit mene guete Tringtäld und mene tolle Ruusch hei gschickt. Und jiz isch me da gfi, i sym Schlöfli, i sym Chünigruch! Wettigs Glück! Sunneschyn dinne-n-und duffe, blaue Himmel bis uf d'Värge-n-abe. Z'ringsetum hei fi gheuet. Schtarchi Ros und schwäri Chüe hei di riesige Fueber

underem Fußeje vom junge Volk über weichi Matte-
n=i d'Schüüre zoge. Alli Bott het ds donnerartige
Rumple=n=ufem schwarze Schlund vo=n=ere=n=Vfahrt
usgchündet, daß wieder es Fueber am Schärme sygi.
Und wo d'Sunne gäge ds Ballebüehl zue gange=n=isch,
het sech a mängem Ort ds junge Volk mit Pürzel-
böum über di letschte Schöchli a d'Chieje gschtürzt.
Wasd het's im dunkle Schatte vo de himmelhöhe-
n=Vsche=n=und Eiche bim große Mühlweiher und
wyter usse=n=am Bach platschet und göiffet. Und du
sy si suber und luschtig dem Schloß zuegwanderet
mit Blueme=n=und Meje, hei der junge Frou ghul-
diget und sy im Vestibüle=n=a di länge Tische gässe,
wo der Oberscht a Vorässe, Bratis, Förnli und
Hamme het la uftrage, was d'Tischbei hei möge
trage. Sobald es im volle Gang isch gsi, isch der
Oberscht mit mene prachttvolle guldige Bächer er-
schine=n=und het gseit: „Liebi Lütli! Dir wüßet,
daß es i der Gschrift heißt: Freuet euch mit den
Fröhlichen und weinet mit den Weinenden. So isch
es vo Alters här der Bruuch gsi z'Hünige, und so
söll es blybe, so lang, daß i hie z'befähle ha. Dir
Alte dert obe=n=am Tisch, dir syd im Schloß y und
usgange, gäb daß i worde bi. Dir heit myne=n=
Eltere dienet i=n=eifaltiger Treui und syd nid gwiche,
wo der Schwarz Tod ygchehrt isch und Batter und
Muetter mir vo der Wiegle=n=ewäg furtgnoh het.

Dir heit ghulfe se=n-i ds Grab lege näbe=n=eune=n-
 Eltere, Gschwüschtert und Ehinder, wie si der Reihe
 nah dra cho sy. Scho ds sältmal hei mer im
 gemeinsame Leid briegget. Under eune=n=Duge ha=n-i
 hie myni erschte Zuegdjahr verläbt. I ha=n-ech gseh
 arbeits=n-i gfunde=n=und böse Tage. I ha=n-ech gseh
 dem große Wasser wehre. Und wo=n-i us der Frömbdi
 umecho bi, ha=n-ig ech wieder zu treuem Dienischt
 parat gfunde. Dir syh Züge worde vo mym erschte
 Glück und syh by mer gsi, wo=n-i's ha müesse be-
 grave. Und du isch ds böse Jahr cho, wo der Fride=n-
 im Land verschtört und ds schtulle Glück und ds Ber-
 troue=n-i d'Obrigkeit drus erwäg gfuehrt het. Und jtz
 schtrecke=n-ig ech d'Hand dar, für der Fride wieder
 härz'schtelle. I mücht ech zu Züge mache vo mym
 neue Glück, mys Glück söll o eues Glück sy, eues
 Glück my Freud, eue Thummer my Sorg, eue Ber-
 druß mys Leid. Lueget nid z'ringsetum uf di
 Andere, lueget o nid allei uf mi, lueget uf Jhn,
 den Gäber aller guete Gabe. Mönstche chöme,
 Mönstche gange, aber Gottes Liebi blybt i=n-Ewig-
 keit. D'Liebi söll der Schtärn vo Hünige sy.

Da schteit my Frou, die mer hälfe wott, euch
 zum Glück fuehre. Gütt gilt's ihre und uf ihres
 Wohl söllet dir mit mer trinke."

Der Oberstcht tuet e tiefe Zug us sym Bächer
 und bringt ne dem eltischte Gascht, a mene silber-

haarige Burema i mene subere Zwilchmittel, und wäreddäm daß dä der Ehretrunk tuet, wott der Chrisegglechrigel, wo's dunkt het, me sötti dem Oberscht antworte, zeige, daß er öppis glehrt het i der Wält usse. Er schteit uf und brüelet mit syr ruuche Schtimm:

„Üsi allergnädigschti, fürnähmi, schöni und edli Frou Herrschaft, d'Frou Oberschti Wendischazin pfifat hoch!“

Di Andere-n=Alli hei ne verwunderet agluegt und use Bächer gwartet. Und wo=n-er der Chehr um di ganzi Tischete gmacht gha het, isch d'Oberschti Wendischazin vo Gim zum Andere gange=n=und het mit ne Gsundheit gmacht. Es isch wohl e feschtlechi Schtimmung gsi a däm Feschtässe, aber derby isch es meh als ehrbar zuegange. We het schtillvergnüegt uf e Tisch gluegt und mit nere gwüsse Fyrlechteit gässe=n=und trunke. Sobald du di letschti Platte=n=abgässe gsi isch, hei d'Musikante, e Gyger, e Klarinettischt und Eine mit mene gschpässige, gwundene Horn, müesse ne Marsch blase=n=und i Hof use marschiere, und zwar dür e Husgang und um ds Schloß ume. Der Töldi und vier anderi Buebe hei Fackle vorus treit. Hinder de Musikante=n=is ch ds herrschaftleche Paar cho und hinder däm di Andere=n=ungsfähr dem Alter nah. Der Chrigel het der Zeremoniemeischter gmacht. Meh syrlech als luschtig sy

di sältfame Tön vo der Musik i di mondhälli, heu-
duftigi Nacht usgafahre, wo si langsam und wohl-
gnährt ume-n-Egge cho sy. Und fridfälig wie dür
ds Paradies sy si gwandelt die vom Schlupf, die vo
der Garnbuuchi, die vo der Schmidte, vo der Sagi,
vo der Mühli, vo der Schüüre, vom Schtulle, vo
der Chriseggeln-abe. O wie schön isch d'Wält, wenn
ds Heu am Schärme, der Mage voll gueti Sache-n-
isch und si voruus tuduru, tädätä, gyrigägäggä
ufmake, daß es Gim nume so d'Füß lüpf!

Im pflaschterete Mühlihof hei d'Buebe-n-ihri
Fackeln-am Haag gäge Stöckgarte-n-ufgschteckt,
d'Musikante sy uf d'Mühliachtäge gschande, und du
isch Paar um Paar pfurrättä — pfurrättä — chumm-
wiefyngeludichummdättä — chumnumegeng — rund-
umedrum — pfurrättä — pumm! über ds groß-
plattige Pflaschter gwalzet. Gäge ds Vestibüle-n-
isch d'Hustür offe gsi, so daß me zwüsche-n-yne geng
wieder het chönne mit Schpys und Trank ga nache-
bessere.

Undereinish het me du gmerkt, daß ds herr-
schaftlech Paar und der Löldi nümme da sy, und
dermit isch ds Tempo vo der Musik läbiger, ds
Ufchlepf vo de Schueh uf em Pflaschter luter worde,
und albeneinish isch e losgschprängte Zuger wie-n-e
Raggete-n-über d'Dächer usgafahre. Ds Herr Oberschts
hei ihri Schtube gäge Morge-n-ufe gha und sedch nid

drum gkümmeret, was hinecht hinderem Hus gange-n-isch. Si hei o nie verneh, daß der Chrißeggle-Chrißel, wo-n-er sy Widerschstandschrast dem Bacchus bis uf ds letschte Brösmeli g'opferet gha het, vo de-n-andere Gäschd underem himmlische Gaudium vom Garnbuchibänz i Brunne dünklet und mit underschidledje Schtüpf regaliert worde-n-isch.

Ds Rätheli isch nid nume-n-e Schönheit gsi, a dere der Oberscht z'zytemys schier zum Narre worde-n-isch, es het o ds Bedürfnis gha, alles um sech ume mit der Schönheit i Harmonie z'bringe. Daß es verschtande het, sech a'zlege, wüsse mer scho. Aber sy herrliche Forme-n-und Farbesinn isch uf der Schtell mit Allem i Konflikt cho, was nid suber, nid i Harmonie gschande-n-isch. Ds erschte-n-Dpfer — wenn me so darf säge — vo däm Schönheitsfenn isch der Töldi gsi. Ds Mühlkäthi het doch gemeint gha, es heig ne so suber gha wie mügledj. Aber jiz isch das Alles schynt's nüt gsi. Damit der Oberscht ja kei Vorwurf gäge sich drinne gschpüri, het d'Frou Rätheli mit ihrer Töldi-Schtriglete gwartet, bis der Herr Gemahl im Sattel gsi oder sünscht über Fäld gange-n-isch. Aber vo däm Momänt erwäg isch es de unbekümmert um alles Behegeschrei übere Töldi härge — übriges nid zu sym Schade. Wär aber o mit weniger zarter Rücksicht als der Oberscht behandelt worde-n-isch, das heißt unverblüemti Kom-

plimant über ds Töldis mangelhafti Süberlechteit, syß Ghotsch und syni schlächte Maniere g'ärntet het, isch ds Mühlkäthi gsi. Das het ds Käthi gwurmet, aber derglycheta het es nüt. Im Gägeteil, vom Dugeblick a, wo-n-es gmerkt het, wär jih Meischter isch i der Hushaltig, het es vernünstigerwys agfange, der Bueb zur Folgsamkeit und Artigkeit gäge sy Schtiesmuetter z'ermahne. Das isch ja o i ds Käthis egetem Interesse gsi, vorwäge di neue Ehleidli hei sech mit de-n-alte Gwohnheite vom Töldi schlächt vertreit.

Es nimmt Ech villicht wunder, ob d'Frou Kätheli nid o a ihrem Ma Verschönerungsversueche gmacht het. Se nu, a syr Pärson isch nüt gsi z'verschönere. We mueß nid vergässe, daß der Oberscht syni Lehrjahr under de-n-Duge vom französische Hof gmacht het. A Maniere-n-und Gattig het's ihm nie gfählt. Modischi Extravaganze het er mit de Ehinderschueh abschtreift gha, und sy groözi natürlechi Wahrhaftigkeit het ne nid nume vor ridicule Zuemuetunge gschützt, sondere-n-ohni alle Lärme-n-o d'Frou Kätheli etwaffnet, und scho i de-n-erschte vierzäh Tage het si ganz guet begriffe, daß e Modegäuggel nid ga Hüenige passet het. Aber sowyt sech Eleganz mit der schlichte-n-Art vom Oberscht vertreit het, isch si duldet und pflegt worde; ja, dem Oberscht hätti's e Sünd gschine, syr Frou der richtig Rahme zu ihrer Schönheit und ihrem vornähme Wäse z'versäge.

Und zu däm Rahme het o ds Schloß und sy Umgäbung ghört. Was dert der Zouberschtab vo der Frou Kätheli agrichtet het, isch dem Oberscht gar nid z'wider gsi, obschon er mängisch schier gförchtet het, sogar sy Galdseckel chönnti sy unästhetischi Tölle gäge ne-n-eleganteri Schmächtigkei vertuusche. Di erschte Neuerunge hei nüt gchoschtet: es sy verschideni ganzi und nümme ganzi Häfeli vo Fänschterfimsen-und andere Plätzli verschwunde, wo si ohni herrschaftlechi Ufethaltsbewilligung ganz wohl gsi sy. Möbel sy verschstellt worde. Schäft hei ihre vergässene-n-Inhalt — Grümpel, zum Teil no us der katholische Zyt — müesse-n-a ds Tageslicht gä, und nah-ti-nah isch Alles a sy rächte Platz cho, mängisch mit Getschäder und Ehlinge. Nachhär sy di brochene Schtuehlbei, abgschlagene-n-Egge, verroschtete Niglen-und so wyters a d'Reihe cho. A verschidene-n-Orte het nach Jahre zum erschtemal d'Sunne wieder ynegschine. Für die Sache het scho der Tischmacher uf d'Schtör müesse.

Und jitz isch der Garte-n-a d'Reihe cho. De Hüehner, wo überall dem Schloß nah Hårdgrüebli hei agleit gha, isch e beschtimmti Reservation agwisse, dem Töldi unumschränkti Polizeigwalt über ds Fädervieh übertreit worde. Dersfür isch du d'Eierproduktion im nächschte Monet um öppe sibezig Prozänt abegange. D'Gäns hei sech zur Wehr gießt, sy aber

halb mit grobem Gschütz hindere große Weiher zrücktribe worde. Di schöne grüenglänzige-n=Ante-n=einzig hei Gnad gfunde vor em Töldi, wäge de Fädere, die=n-er bi Glägeheit als Schportle zoge het, o bevor si „fällig“ gsi sy. Schpäter isch du, für d'Landschaft z'beläbe, a Platz vom hüürsche Fädervieh es Pfauepaar i Garte gla worde.

Bis dahi sy am Schärme vom Schloß Brätterbygete, Schtöck und Boumschtämm, ja sogar ganz ordinäri Schyterbyge=n=aglähnt gsi. Da het du Mannevolk zueche müesse, und der ganz Vorrat isch i nes Holzhus gwanderet. Um ds Hus ume=n=isch e subere Wäg und e Bluemebande=n=agleit worde. Du isch es über d'Chiese hargange. D'Bord sy abgschtoche, z'plägewys sogar usgmüuret worde. Wägen=und lujchtigi Brüggl i hei sech mit de Bindunge vom Bach verschlunge, und a mängem Ort sy Rosestöck und anders Gschtrüch gseht worde. Dert, wo der Läärlouf vom große Weiher mit rüejig breitem Wasserspiegel der Garte gäge ds offene Fäld abgränzt het, isch es Miniatur-Wasserschlößli erschtande. Pflanze=n=und Zierboom het me vo wyt ume zuechegschleipft, und am Änd vo jeder Wuche het's z'Fünigen=öppis neus gä z'bewundere.

Jede Morge, wenn der Oberstcht ds Fänschter ufta het, isch ihm ihs hei schöner vorcho, und mängisch het er sech gseit, er heig doch bis jik gar

nid gwüßt, was er dranne heig. Vo allne Herrschafftssitze=n-i der Nachbarschaft sy d'Lüt cho luege, und so viel Komplimänt wie jiz i eier Wuche het der Obercht i syne beschte Zyte nid i mene Jahr g'ärntet. Sy Bewunderung für ds Rät'heli isch geng größer worde. Bald isch er soroyt gsi, daß er ihm ds unmügleschte Verlange nümme hätti chönne= abschla. Mängisch het er sech gfragt, was eigetlech o gange sygi. Wenn jiz d'Lüt ga Hüenige z'Visite cho sy, so hei si Alles grüehmt, sogar Sache, wo vo jehär da gsi sy und wo früecher Niemer nüt dranne gfunde het. Meh als einisch het er Lüt zu syr Frou ghört säge: „Was heit Dir für famos Dienschte, so distig, fründlech, comme-il-faut.“ Und doch isch keis Bei neu agschtellt worde sit der Hochzyt, nume daß me=n-eint und anders Meitschi us der Gäged meh beschäftiget het als früecher. Ob allem däm het er sech geng vorgworfe, ihm syg doch o gar nüt z'Sinn cho.

Ei Tag isch der Dießbacher mit syr Frou agrückt, was sälte gscheh isch, will er eigetlech no im fran-zösische Dienscht gschande=n-isch und de i syne=n-Urlebszyte z'Dießbach gnue Arbeit gfunde het.

Di beide Paar sy nam Ässe=n-i ds Wasserschlößli ga sitze=n-und hei sech chöschtlech underhalte. Der Herr vo Watterwyl isch grüeslech hälluf gsi und het eis Güntli über ds andere vo Paris zum Beschte

gä, und bi ein etwütscht es ihm z'äge, däm und däm Freiwärber syg's schier gange, wie „üsem Pfarrer“.

„Was isch däm passiert?“ fragt der Oberstcht verwunderet.

„Was? — Du weisch das nid?“

„Wohär jött i? I ha ne so lang nümme gseh.“

D'Frou vo Wattewyl trappet ihrem Ma mit sanftem Druck use Fueß, für ne dra z'mahne, daß si sech vorgnoh heige, Niemerem nüt z'äge vo ds Pfarrers Abetüür. Aber jitz isch ds Geheimnis scho z'vorderscht am Fürethrohle gsi, und d'Frou Kätheli isch uf e Dießbacher los, daß es nid liecht isch gsi, sech z'wehre. Wohl het er no probiert und gseit: „Nei, nei, wenn Dr's no nid wüßet, i wott nid d'Schuld sy, daß es uschunt.“ Aber z'letscht het's doch use müesse. „Wenn dr mer Weidi verschprächet, daß dr's für euch bhalte weit, so mira.“ Und du het er di ganzi Gschicht erzellt, wie der Landvogt vo Zunderlache=n=ei Tag agrüdt syg mit syne fuf Töchtere=n=und so wyters. Ds Wasserichlöfli het dröhnt vom Lache. Und si hei nid chönne höre. Der Töldi het's ghört anet der große Gartemuure, wo=n=er trotz dem schträngschte Verbott g'choslet het. Ganz ungsorget chunt er cho z'loufe, i der Hoffnung, es gäb öppis luschtigs. Daß er vo obe bis unde voll Grasfläcke=n=und Charrefelbi gsi ijch, het er gar

nid gmerkt. Chuum isch er aber unde=n=am Schtägli vom Wasserchlößli erschine, fahrt d'Frou Obersicht uf: „Du Erzgusi! Wo chunsch du här? Weisch nümme, was i dr gseit ha?“ Der Tölbi isch vor Angscht und Chlupf wie agnaglet blibe, wo d'Mama ds Schtägli ab chunt cho z'rueche, und no göb er zue sech cho isch, het er d'Etdeckung gmacht, daß di syne schmale Händ vo der Frou Rät'heli merkwürdig feishti Konfischtäntz gha hei. Er het sech nachhär gfragt, warum ächt albe d'Herre der Mama Müntschi uf di Händ gäbe, wenn si se grüesse und öb's ächt öppis abtreiti, wenn er's künftighi o miech.

So schön dä Tag, so luschtig d'Underhaltung hütt gsi isch, am Abe=n=isch me=n=allgemein nümme ganz à son aise gsi. Der Tölbi zwar isch no am gleitigschte mit dem Schicksal usgsöhnt gsi. Hingäge ds Mühlkäthi het es Gwitter erlăbt, wie no feis sit der neue=n=Ornig. Ds Ehepaar vo Watterwyl isch übere Verrat am Pfarrer verschtimmt gsi und het sech Vorwürf gmacht. D'Frou Rät'heli het gfunde, ihre Ma syg monoton. Der Obersicht het zwar albeneinisch no ne heitere=n=Uflug gha, wenn er a di Hischtori vom Pfarrer dănkt het; aber er het's doch nid găr'n gha, daß ds Wasserchlößli so uf Chöschte vo mene=n=alte Husfründ isch ygweih't worde. Eigetlech het er sech g'ergeret übere Pfarrer und gfunde, es g'ichej ihm rächt; nume bruuchte nid

ander Lüt drum z'wüsse. Er möchti de trotz allem nid über der dumme Gschicht no mit dem Pfarrer i ds Ungreis cho. Er het sech jiz undereinisch wieder druuf. bsunne, daß eigetlech der Pfarrer wylume der einzig Mönstsch sygi, wo uf syri Idee-n-ygange-n-isch. Jiz het er sech o chönne-n-erkläre, warum er so lang nümme cho sygi. Ob er jiz am Änd us Schüüchi vor em Rät'heli gar nümme sech wärdi zuechela?

Ds morndrisch isch der Oberst über Land gritte, was gwöhnlech nid der Schtraß nah, aber o nid i gedankelose Jagde-n-über Matte-n-und Ächer gseh isch, sondere mit Zwäck und Bersthand. Er isch de Lüte nachegritte, ga luege, was si trybe-n-und was si brichte. Sy si de mängisch höh'n worde-n-über ihn, will er alli Gredi dür nes Fäld us gritte-n-isch und di tiefe Huesstritte nid zellt het, so isch dä Schade rychlech usgliche worde dür sy Uffsicht, wo alli Lüt gnötiget het, flyßig bi der Arbeit z'sy. Der Oberst het trotz aller Bewunderung und Liebi chuum sy Frou gfragt, ob ihre rächt sygi, was er machi, gschwyge de syri Udergäbene. Und das isch mit voller gründlecher Überlegung gseh. Ist er i de große politische-n-Anschouunge syr Zyt wyt vorus gsi, ja, möcht säge, ganz drus use gschprunge, so isch er i allem Einzelne doch es Ghind vor syr Zyt gsi. Regäntewysheit het er nume sich sälber

zuerkennt; die aber isch ihm de öppis Heiligis gfi und nid öppe nume-n-es Kuehbett. Sorge-n-und dänke het er welle für Alles, was im Bann vo der Herrschaft Hünige dasumegloff-n-isch.

Hütt isch der Oberscht übere Schtalde oder, wie d'Bure gseit hei, übere Schtulle gritte. Da trifft er der Schtulle-Hans-Ueli, eine vo dene Bure, wo vor em Thrieg feiß worde sy, wo i Trög und Schäst sogar Silbergschirr gha hei, wie-n-es i dene-n-un-sälige guete Jahre-n-uscho isch. Ziß sy si da gläge, di Kredänzbücher, hei uf besseri Zyte gwartet und einschtwoyle-n-ihrne Besißer Groll und bösi Schtunde verurfsacht.

„Wie geits, Hansueli?“ fragt der Oberscht, währed der Falbtshägg, schwarz vo Brähme, schtampfet und rangglet.

Der Bur schnydt am Haag es Rütli und wehrt dem Hof d'Brähme.

„D“, meint er, „es mueß es e so tue. Weder es isch o derschür gsorget, daß me nid übermuetig wird“.

„Was gits de z'chlage?“

„Ge wäge de Hase. U de brichte si neuiz da vo're Wildsou im Glaschholz äne. — Luegit, wie's da usgseht!“

Der Hansueli geit es paar Schritt wyter mit dem Oberscht und zeigt ihm Pflanzpläge, wo vo

Chabis und Chöhlichöpfe nüt meh da gsi isch als d'Schtorze. — Schandtate vo ds Oberschts herrschaft-
leche Hase.

„Wenn isch das gscheh?“ fragt er.

„D, das gihet jiz scho lang e so.“

„Ja, warum seit mer de Riemer nüt? — Und di Sou? — Het se=n=öpper gseh?“

„I wiß nid, si hei neuis da di mau gha dervo; Schlupffami het weue ha, si hihg ihm ds haub Himetli verhergget.“

„Aber zum I, warum seit me mer de o nüt?“

Ziz blinzlet der Schtulle-Hans-Ueli mit syne graue=n=Dugli und zieht syni schmale Lippe=n=unde-
rem graue schtrube Bart i d'Breiti und seit: „Si troue si haut nümme zueche.“

„Warum?“

„D vorwäge“

Im Oberscht hetz afah choche. Er schüttlet der
Chof und rytet myters.

Der Freuderuusich vo dene letschte Wuche het der
Oberscht nid la merke, daß di Duerulante=n=und
Hüllfuechende=n=im Schloß abgnoh hei, je meh, daß
der Garte sech i nes Paradies verwandlet het. —
Ziz isch ihm uf eis mal da drüber es Liecht uf-
gange. „S'isch wahr“, het er sech gseit, „sit der
Hochzyt isch egetlech nid Mänge meh by mer gsi,

und di letschte vierzäh Tag iich kei Einzige meh cho. Chummlecher wärs ja scho gsi däwäg; aber uf d' Längi het das nid so dörfe wyter gah. Ob em Heiryte-n=iich dem Oberscht wieder z'Sinn cho, was ds Mühlkätzi gseit het: es syg de nümme ds Glyche. Dä Schtich het er no geng gschpürt, und jiz iich scho-n-e zwöite dernäbe glässe: si troue sech nümme zueche. Und das, nahdäm er ne doch a der Hochzyt no so zuegredt und verschproche gha het, es blybi de Alles bi'm Glyche, ja, es jöll no besser wärde.

Der Oberscht het gschtudiert, was er chönnt aschtelle, für d'Lüt wieder zuetroulecher z'mache. Frylech, der Gedanke, was de d'Frou Kätheli derzue wärdi säge, wenn si de wieder alli Tag mit drätige Schuehne-n=und Schtalldüste-n=i ds Schloß chöme, het sech nid so liecht la underdrücke. — Und doch het der Oberscht um kei Brys welle ds Gfüehl i sech la ufcho, daß sy Frou und syri Prinzip sech nid jötte zsäme vertrage. „Das cha und darf nid sy, und 's i sch eigetlech o nid“, het er sech mit halbem Gloube tröschtet.

Wo denn ewäg het der Oberscht mit mene Gschpänscht gfochte: mit der Angscht, syz Ideal, für das ihm der Schtärn vo Buebebärg ds Sinnbild gsi iich, chönnti ds Glück vo syr Frou schtöre. Um jede Brys het das müesse verhüetet sy. Was er dankt, was er gsunne, was er besohle-n=und verbotte het, iich under

däm Gesichtspunkt überleit worde. Und so het er, ohni sech desse bewußt z'hy, Tag für Tag es Hämpfeli vo hym eigete schtille Glück furtgnoh und uf das vo syr Frou ta. Und ds Rätheli het's gnoh und sech nüt anders dänkt derby, isch heiter, glücklech und schön blibe, so daß äs allei je länger descht usschließelech dem Oberscht sy's Glück und sy Trofcht, der Oberscht geng meh sy Gfangene=worde=n-isch. Di Sorg um ds Räthelis Glück het's du mit sech bracht, daß sech der Oberscht Alles schwärer und komplizierter gmacht het als nötig. Im Grund sy di Beide ja i ihrne=n-Ansichte gar nid so wyt usenandere gsi. Der ganz Underschied isch dä gsi, daß ds Rätheli vo der Vorussetzung usgange=n-isch, ds Wohlergah vo der Herrschaft Hünige bedüti ds Glück vo de=n-Untertane, währed der Oberscht ds Projepiere vo Allne, die syr herrschaftleche Fürsorg avertrouet gsi sy, für sy's Ideal gnoh het.

Als Wittlig het der Oberscht albe befohle, so und so wott i und het Niemer gfragt, öbs kommod sygi. Zis het er sech geng e chly länger bsunne — nume für sech z'überlege, uf weli Manier er sy Wille der Frou am agnähmschte chönnti mache. Und i de=n-allermeischte Fälle=n-isch es de viel ringer gange, als er erwartet het; ja gewöhnlech isch si so gschwind und liecht druuf hgange, daß er sech gseit het: si merkt nid, was drinne schteckt, si nimmts vo der

läße Syte. Wie hätt's o anders chönne ga? Welle hei si egetlech ds Glyche, nume hei si nid di glyche Motiv gha.

So isch es emel o gange, wo der Oberscht vom Schtulle-Hans-Ueli hei cho isch. Er het sech no bsunne bis am Abe, und erscht wo ne d'Abendsunne-n-uf em Glöckgartebank so rächt heimelig i ds Gesicht zündtet het, isch er ufegrückt mit syne Sorge. Es syg doch o-n-es tuufigs Büüg mit dene Lüte, het er gseit, er syg ne drüber cho, daß si us Schüüchi sech nid zum Schloß welle zueche la, und doch sött me sech ihrne Sorge-n-und Laschte-n-anäh.

„Das macht nüt“, het d'Frou Rät'heli gemeint. „Bis du froh, wenn si dr nid uf de Füëß ume-trappe. Si sölle wäge däm glych nid z'churz cho. Die, wo eim geng uf der Türschwelle sihe, sy so wie so nid di brävchte. I will die scho finde, wo's nötig hei, daß me zuene luegt; me gseht de o grad, wie si daheim hushei.“

Das het dem Oberscht du no yglüüchtet, und er isch erliechteret zu däm übergange, was ihm der Schtulle-Hans-Ueli vom Gwiltshade brichtel het. Da gumpet di jungi Frou uf: „Das isch ja herr-lech! Mer mache ne Jagd. Famos! Famos! Mer lade nes paar Jeger y, der Brächt und syne Fründ. E grofi Jagd und e Meigelbeizi!“

Der Oberscht lachet schtillvergnüegt vor sech abe.

Nid daß er apparti Verlange gha hätti nam Brächt und syne Fründe — aber z'letscht und am Änd . . . warum nid? E chly z'grächtem het me ja doch hinder das Gjeg müesse, und wenn me dermit doch no öpperem het chönne ne Freud mache! — Di Idee isch ne-n=i d'Bei cho, und si sy Arm i=n=Arm büre Garte gschpaziert. „Weisch was?“ meint der Oberscht, mer chönnte der Liebegger mache z'cho, der Herr vo Graviseth, dä hätti gwüß e Mordsfreud. Es paar Tagreise schüücht dä nid, wenn's e flotti Jagd git.“

„Bravo! — Ja, dä mueß häre, das git e lusch-tigi Gsellstest.“


„Aber weisch, vo Reigelbeizene gits de hie nüt. Wo nähm me d'Reigle här? Da müeßti me scho i ds Münsigemooß abe. — Aber me chönnti's sünscht mit nere Vogelbeizi probiere.“

Der ganz Räschte vom Abe hei si du Plän gschmidet, grächnet wägem Platz im Schloß und i de Schtälle, was me no vo Hünd und Rosß sötti ha, was me für Lüt well aschtelle zum Trybe, wo me Jagdsalke här nähm und wie me-n=am beschte dem Liebegger chönnti Bscheid mache.

D'Vogelbeizene sy dennzumal eigetlech us der Mode cho z'Bärn, will di wenigste Lüt ds Gäld und d'Gedulb derzue gha hei. Der Oberscht Wend-schätz het im Schtülle dänkt, eigetlech syg es dumm,

öppis eso ga az'schtelle; aber er het syr Frou di Freud nid welle verderbe, und was ne o no chly derzue agmacht het, isch äbe d'Bewunderung für ds Rät'heli gsi; er hätti's gar z'gärn einisch als Falknerin zu Pfärd gseh.

So het me sech du uf d'Suechi gmacht na mene Falkner und mene Vogel. Mit Hülf vom Liebegger het me=n-ändlech im Margöu unde so nes Tier uftribe unds mitsamt dem Ma, wos dressiert gha het und allem Gruscht ga Hünige la cho. Halbtage lang het du d'Frou Obersichti dä Vogel imene=n-yssige Ring müesse dasume pantsche=n-und fuettere, damit er sech a se gwöhni. Di erschte Tag het sech di ganzi Hushaltig nume no um dä Vogel dräit, wo mit syne böse, schlaue=n-Dugli drygluegt het, wie wenn er di ganzi Gsellschafft wetti zum Marre ha. Einisch het der Töldi, wo der Vogel vor Dressur und Hungerkur asange schier läß worde=n-isch, a syne Finger z'gspüre=n-übercho, für was so=n-es Tier e chrumme Schnabel het. Na der Dressur uf ds Fuetter, isch du d'Dressur uf d'Hand cho. Me het dem Vogel es Hübli oder, besser gseit, e chlyne Halm mit mene Fäderschtrüfli übere Chopf gschteckt, und es Schälleli a nes Bei, und du het ne d'Frou Rät'heli z'erscht z'Fueß, schpäter zu Pfärd, ufem dicke läderige Fuuscht'händsche schpaziere treit. Luschtig z'luege=n-isch es de richtig gsi, di schöni Frou uf mene=n-elegante Roß und mit däm uspukte Falk uf der Hand.



XI. Kapitel.

Vom Hütligewald gäge Hürnbärg isch e dicke
Näbel über ds Urfellemoos gschtriche, so daß es Ein-
dunkt het, es welli hütt nid tage. Me het o nid
viel Lüt gseh uf em Fäld usse. Nume-n-nderem
Schärme vo nere Turbehütte het sech öppis grüehrt.
Es isch der Schlupffameli gsi mit syr Frou und
driüene Chinder, wo da für ds Schloß Turbe byget

hei. Es isch Alles under mene silberige, ryfartige Thou gläge, und d'Lüt het's scho rächt a d'Finger gfreore.

Dene Chinder vom Schlupf isch es neue hütt nid hert um ds arbeite gsi, si hei öppis anders im Chopf gha, het me doch gwüßt, daß no dä Vormittag di groösi Jagd söll losgah. Der Sameli het mit ne gchähret, will si geng schreg tischet hei, so daß eis Bygetli nam andere gchieret het und bi'm lysiichte Müppli zjämetrohlet isch. Es het gar e-n-erwünschi Underbrächung gä, wo uf em Fäldwäg gäge Tägert-schi es Froueli mit nere Hutte-n-us em Räbel fürecho isch.

Sameli's Mädi het's z'erscht gseh, ja, möcht schier säge gwitteret. „Hasli-Anni schpringt o scho“, seit es, und sobald, daß es ihns mit syr Rääggischtimm het möge-n-errecke, rüeft's ihm zue: „Wo us, Anni? — Chumm los!“

„S bi pressiert“, antwortets vom Wäg, „i mueß für ds Schloß uf Münsige-n-abe-n-u mangleti scho ume da z'hy, göb daß es nume möntschemüglech isch.“

„So, so, mueßch du iez no dert ahe luffe? Es düecht mi, si sötti Roß u Mannevolch gnue ha im Schloß.“

„Wyn Gott ja“, meint ds Hasli-Anni, wo der Allerwältsbott vom Schtälbe gsi isch, aber die hei

iez anger Sache-n-im Gring. Da meint e-n-iedere, er dörf nid abem Blazg. Weder i mueß gwüß schpringe, süsch gits de groß Uhge bi der Frou. Die merkt's geng, wo me si ame-n=Ort versuumt het. Es nimmt mi nume wunger, wie si's o aschtellt, aber der Guggler sölls näh, si wiß geng alls."

„Abe“, seit ds Schlupf=Mädi, „das isch e Regierung, dänk iez nume“

„Schwyg, Mädi, schwyg“, mahnet der Sami; aber Mädi hätti hütt e böse Tag gha, wenn's nid hätti chönne der Chratte lääre.

„Dänk iez nume“, fährt es furt, „vor dreine Wuche, wo-n-i Ghindbettere gfi bi, chunt die unger-einischti i d'Chuchi“

„Aber nid bi euch.“

„Wou, wou, i bi grad am füüre gfi — i bi my Tüüri hochabode fascht i ds Äscheloch yhe gheit, wo-n-i die gseh, i cha drs säge. I ha nume nid der Whyu gha re guete-n=Abe z'wünsche, so macht si scho (und iez het ds Mädi probiert, di sonori Schtimm vo der Frou Kätheli nachez'mache, der Chopf uf-z'ha, wie ne d'Frou Oberschti treit het, und syß verfoßlete Gloschli lüpfts mit de verchnüderete Turbe-finger, für d'Frou Wendischaz nachezmache): „So — so, Mädeli, bisch du scho wieder uf? Du söttisch di no chly schtill ha. Das isch nid guet, so gleitig wieder dasumez'schpringe.“ — I ha re du richtig

gihet, öb üfereis derwyu hihg z'lige. Aber was wißß doch so-n-e Pfau vo wärche?"

"Was het si de welle?"

"Los iez nume: Si het mer du zuegrebt. Nu 's isch mügli, si hets nid so böß gmihnt, si het mer neußs gä da — so Ruschtig — u gihet, i söu es Ehing düre schide, für ga Fleischsuppe z'reiche-n-i der Schloßchuchi. Aber was chunt du no, göß daß si wieder furt isch. Ungerem Dachtrouf usse macht si du no zue mer u zänglet mi a: „„Aber iez, Mädeli, sötti's de ds Letschte sy; we me so grüßli gnue tue mueß . . .““ — Ja, gwüß mäger. Was gihet das seje-n-a? — Settig Lüt hi guet bäägge. — Die gah-n-i emu de gwüß nid go ge frage."

Das und no mängs anders het ds Schlupf-Mädi zum Beschte gä und o ds pressierte Hasli-Anni het allerlei gwüßt. Es het, ohni d'Schlängge-n-ab-z'ichtreise, sy Hutte-n-uf ne Zuunschtäcke-n-abgschtellt und sech mit tiefinnerstem Behage där Dampete higä. Der Sameli hingäge het gwärchet und gschwige. Zwar het er grad no zur Echund nid begriffe, wo ds Vatters Gäld hicho isch, aber der Oberstet het er gfürchtet, verehrt und eigetlech gärn gha, ungfähr wie-n-er der lieb Gott hätti sölle gärn ha. Sobald daß ds Hasli-Anni wyters gi isch, seit er zu syr Frou: „Du bisch es rächtß donnet Babi, du, du wirsch no weue, bis daß im Schloß usgchramet isch,

wie du der Frou ds böß Muul ahäichsch. Si het dr ja nüt z'lihd ta. — U de dernah, wie gschwing chönnts de fähle? Si bruucht ja nume-n-eis druber z'gheje, daß mer Gäud vom Obericht hei.“ Natürlech isch ds Mädi kei Bscheid schuldig blibe, und ob ihrem Gschähr hei si sech gar nid g'achtet, daß der Näbel dünner und dünner, d'Tagheiteri wärmer worde-n-isch, bis daß undereinisch der Thou häll uf-glikeret und der heiterblau Himmel über de rötliche Waldbörder glüüchtet het. Da isch es aber us gsi mit der Arbeit. — „Eh lue, Muetter, lue dert!“ hei d'Chinder grüeft und sy ds Bord uf gschprunge, für's besser chönne z'gseh.

Ë prächtigi Cavalcade-n-isch vo de Schloßschälle härcho cho und i wytem Boge-n-um d'Mühli ume gritte, vorus e bhäbige Herr uf nere bruune Schtuete — 's isch der Liebegger gsi — hinder ihm isch näbe mene jüngere Herr d'Frou Rättheli cho, und uf ihrer rächte Hand het der Weizivogel gfäcklet. Und i un-glychlige-n-Abschtände het me der Obericht uf sym schwäre Falbtschägg und no anderi Herre gseh cho. Eine vo de schönschte-n-isch dä vom Schloß z'Dießbach gsi. Schier syrlech sy si bald hinderem Kompär vo de Schloßgebäude verschwunde, und me het nüt meh gseh glikere-n-als der Schpiß vom Turm, wo syß Fähnli hoch über di bruune Boumchrone gschwänkt het. D'Hünd sy offebar hgschperret blibe,

met het se ghöre hütle-n-und bälle wie ds Hürschte-
gieg. —

Der Sameli het syni Ghinder la loufe. „Miera
jag' si!“ het er gseit und syni Turbe wyter byget.

D'Ghinder sy gäge ds Hünige-Dorf zuegschprunge-
n-und bald mit nere Kuppele-n-andere-n-uf Schwande
zue pfoflet. Am Bärghang z'ringsetum hei d'Lüt
sech uf ihri Ghärscht gschtemmt und uf ds wyte Fäld
hinderem Schloß abegluegt. Roß und Chüe het me
la verschnuuse, Pflüeg und Egge la schtah und der
Beizivogel uf der Hand vo der Frou Oberschti mit
gwunderige Blicke verfolget.

Siz hei si schtill. Der Liebegger chehrt um und
schynt mit de-n-andere z'rede. Er gestikuliert öppis.
D'Frou Oberschti lat der Zoum falle-n-und niffelet
öppis am Vogel. Si schtreckt Hand uf. Der Vogel
säcklet es paarmal druffe, und plöglech schwäbt er
glatt und sicher i der Luft. Höcher und höher flügt
er. Rüter und Zueschouer hei d'Händ über de-n-
Duge-n-und dräje d'Chöpf unwillkürlech, mit de
Bogechehre vom Vogel, wo z'momäntewys nume no
wie-n-es Pünktli schynt. Mit jedem Flugboge-n-
isch d'Schpannung gwachse — da — der Vogel
schynt e Momänt schier fixiert i der Luft obe —
ffist — schießt er bolzgrad abe — wyt uffert der
Guetsgränze, uf ds freie Fäld. Me gseht öppis
usenandere flattere. Da schwänkt der Rütertrupp

ab, und im wachsende Galopp flügte si über ds Fäld, dasmal der Oberscht vora, der Liebegger wyt hindere. Dert wo der Vogel nidergange-n=isch, chöme si wieder a nes Trüppeli. Me het nid möge gseh, was er erjagt het. Das isch du schpäter uscho, und wenn me scho dennzumale nes Tierli meh oder minder nid zellt het, so isch es doch du wie-n=es Louffüür vo Hof zu Hof gange: e Tube hei si erjagt — di ganzi donners Schwadron. Und jede Bur, wo jitz no oder einisch Tube gha het, isch überzügt gsi: das isch myni.

Me cha sech dänke, daß der Oberscht nume mit halbem Härz bi däm Jagdbergnüege gsi isch. Wo si usgritte sy vom Schloß, i dä herrlech Herbschtmorge-n=use, alli so luschtig und heiter, jedes Glied vo der Gsellshafft es Schouschtück, da het er o Freud gha dranne. Sys Soldatehärz het höher gschlage. Aber scho der erscht Mißersfolg het ne-n-im Schtulle g'engeret. Gseit het er zwar nüt. Wär hätti's begriffe, wenn er gseit hätti, er well de Bure nid es Ergernis gö? Obs e Tube=n-oder e=n-Igel oder e Schärmuus breicht het, isch ja ganz glych gsi. Di ganzi Jagd het doch nüt anders sölle sy als es Rütterschpil.

Item, me het der Falk wieder under sy Hälm ta und isch über d'Schtuffelfälder wyters gritte. Bald sy si ume Waldegge bi'm Schtuß verschwunde, und

d'Lüt uf de Fälder hei wyter g'arbeitet und jech ihri Sach derby dänkt.

Es isch gäge Mittag gange, d'Lüt sy hei, und so het jech Niemer g'achtet, ob d'Jeger umechöme. Hinder der Mühli isch dem Töldi syz grüenglänzigen-Antepaar, so glüchfälig wie Philemon und Baucis es Chehrli ga mache-n-und het jech mit breitem Schnabel Jugederinnerunge-n-erzellt. Da suuset öppiz us der Luft — e Schatte — und di gueti alti Ante ligt mit verrissenem Hals im Gras. Der Anterich isch bsinnungslos dervo gflatteret; er het zum Glück nid gseh, wie der Falk sy Läbesgfährtri tryschaagget het, und wo-n-es bald druuf wie-n-es Ärbäbe mit Donnere-n-und Rumpfe dahärdhunt und Rosß um Rosß über d'Chiese setet und Mutte-n-i d'Luft schprängt, het er z'vollem gemeint, d'Wält gheji um. — Es isch aber nüt „gheit“ als eine vone junge Herre vo Bärn — i d'Chiese nämlech.

Der Töldi het jech übere Mißgriff vom Weizvogel la tröschte. Der Anterich Philemon hingäge het na nes paar Tage-n-us Gram o ds Zytliche gägnet.

Ds Schloß het us allne Fänschter vo Bratis gschmöckt, wo di Rüter i Hof zrück cho sy. Und bald het me bi luschtigem Bäckerklang d'Abetiür vo däm Vormittag erschüschtet. Der Liebegger het ds Füllhorn vo syne Jegergüntli usgschüttet, und

's isch so heiter zuegange, daß sogar der Oberscht vo ganzem Härze mitglachet het. Rütdeschtminder het er d'Duge=n=offe gha, und 's isch ihm nid etgange, daß di jüngere vo syne Gäscht es bsunders Gfalle gfunde hei am Mühsitätzhi. Zwar, so lang'si under de=n=Duge vo der Frou Rätheli gsi sy, het keine dörfe ne Mug mache. Aber der Oberscht het viel z'guet gwüßt, wie liechtläbig ds sältmal ds junge Mannevolk gsi isch und wettig große Schpiträum der Übermuet gha het. Das fählti sech grad no, het er sech gseit, daß si mer jitz da o no gienge ga dummi Schtreiche schpile. Er het sech vorgnoh, ne nam Äffe ganz ghörig z'säge, was er de vo ne=n=erwarti.

Er het vor gha, am Namittag, mit dene Herre gäge Hütliche=n=use z'schpaziere, für di eigetlechi Jagd, wo z'morndrisch het sölle=n=afah, mit ne z'be=rate. Ds Äffe=n=und der Wy hei aber ihri Würkung bereits ta gha. Si sy alli suul gsi, und Keim het's preßiert, mit dem Oberscht über Land z'gah. Was er doch o well dert obe, di paar Hase wärdi me de z'morndrisch öppe scho finde, het's gheisse. Di Fullänzerei isch aber dem Oberscht e Greuel gsi, und er het o nid welle, daß syne junge Gäscht, halbi Tage lang dasume lige wie d'Hünd a der Sunne. Er het se haranguiert, bis er se duffe gha het. Aber wie si vor d'Älee usschöme, geht der Oberscht sy

Fründ, der Pfarrer vo Dießbach, ahnungslos vo Frymettige-n=abe cho. No het sech keine vo dene junge Herre g'achtet gha — der Liebegger het syß Namittagschläfli gmacht, der Dießbacher isch scho hei gritte gsi — da fragt sech der Oberscht, was er jibe söll. Der Pfarrer uf syr Syte het richtig bald ggeh, daß er hütt läz trohli und sech vorgnoh, er well nüt derglyche tue, eifach grüße-n-und vorby geh. Aber der Oberscht het ne nid vorby gla, er het di junge Lüt gäge Hüttlige voruzgschickt und dem Pfarrer am Änd vo der Allee gwartet, und wo dä sech verschnäpft het, daß er eigetlech i ds Schloß welle heig, het er nid lugg gla, bis er ne het überredt gha, ynez'cho. Zuschemänt wägem Liebegger, mit däm me-n-o no nes vernünftigs Wort chönnti rede.

Bis zum Erwache vom Herr vo Graviseth het's grad no ne Partie Schach möge gä. Aber der Oberscht isch wieder einisch nid rächt derby gsi, so daß sech der Pfarrer im Schtille g'ergeret und jib synerjhts o dänkt het: „I g'seh scho, es isch nümme ds Glyche wie albez; am Änd bi-n-ig ihm vürig.“ Eigetlech isch der Pfarrer sälber e chly d'Schuld gsi a der Weisheitsabwäseheit vo sym Fründ, het er ihm doch gseit — grad wo-n-er cho isch, — es sygi di allerhöchschti Zyt, daß si chöme cho jage. Zwüsche Schlupf und Garnbuuchi schieße-n=Em d'Hase nume so zwüsche

de Weine düre, uf de Pflanzplätze gäb's scho lang nüt meh als Shtorze-n-und d'Vure mache d'Zuucht im Sack. Daß es Hüser gäbi am Shtalde-n-und der Ehiese nah, i dene me nid nume-n-alli Schuld uf d'Frou Oberschti schiebi, sondere gredi use säg, si heig der Hüniger verhäret, het der Pfarrer frylech für sich bhalte. 'S isch o gar nid nötig gsi, das z'säge. Der Oberscht het's de Lüte scho längschtes ab de-n-aberglöubische Gsichter gläse.

Item, si hei langsam und ungschickt wyter gschpilt, und jede Schpiler het dernäbe sy Sach dänkt. Es isch ja villicht hütt e-n-Usnahmstag gsi, aber es isch würklich nümme gsi wie albez. Scho isch im Schloß und drum ume nümme di Grabeschtilli gsi wie je d'Schachschpiler ja gärn hei. Und es wär ja da no einisch nüt z'säge. Fridleche Lärme geit no. Aber albe-n-einisch sy de o no anderi Tön lut worde, so emel o z'mitts i der urüejige Partie. Wo der Ähschtube här het me ne Ohlaf und es Ohlinge ghört, giedtig-luti Froueschtimme, ds Göße vo mene Hund, es Türeschleße. Und grad druuf het der Pfarrer zum erschtamal d'Schtimm vo der Frou Oberschti im Gang usse ghört. „E-n-Orgele tönt anders“ het er dänkt, „aber im Verdruß git's fälte süezi Musik.“ — Du — es Ruusche vor der Saaltüre, und plöblich scheidt d'Frou Kätheli da, am Schachtisch — e zürnendi Göttin mit nere bittere Ohlag uf de Läfzge. — Aber si schwygt.

Der Pfarrer merkt: oha i bi nid kommod. Ihn isch es weniger liecht gange, dä Gedanke z'verschtecke als der Frou Oberscht i ds plöckleche Verworgge vo ihrem Verdruß. Me het no ne leidlech artigi Begrüßung zsämeplähet, so daß der Pfarrer sech het müesse säge, er begryfi der Oberscht. So schön het er sech d'Frou Rät'heli nid vorgschstellt gha und namentlech nid so gwinnend vornähm im Wäse.

„Was het's gä?“ fragt jiz der Oberscht, wo doch gärn e-n-Erklärung vo der gwitterhafte-n-Underbrächung gha hätti.

„I will drs de hinecht säge,“ seit d'Frou Rät'heli und verschwindet, für em Herr vo Gravijeth Platz z'mache, dä jiz under der Türe-n-erschine-n-isch. Es isch nid lang gange, so sy di drei Herre z'mitts i der Politik inne gsi und hei zu allsytiger Freud etdeckt, daß si sech verwändt guet verstante. Hätti me se chönne bi-n-enandere la, es wär gwüß dem ganze Land z'guet cho. Aber ds Unglück het's welle, daß fettigi Lüt sech geng nume näbenusse troffe hei. Und allimal, wenn ihri Alouf gäge Rat zue sech hei welle Bahn bräche, so het me se vo dert här als e-n-unerbätteni Ymischung epfunde. D di große Politik isch gschtreift worde, und der Oberscht isch mit dem Liebegger ganz eis gsi, daß es über churz oder lang mit de-n-Innerschwyzler wärdi müesse zure nere böse-n-Abbrächung cho. Z'Bärn het — und es

isch wohlöppe ds Beschte gsi, was di Jahr bracht hei — ds Mistroue gäge Frankrych mit jedem Tag e chly zuegnoh. Di Franzosefründleche hei sech je länger, descht meh müesse schtill ha. Descht meh aber het's verdrosse, daß di katholische-n-Innerschwyzler, bsunders d'Luzärner Frankrych zuegheltet hei.

Über dene Gschpräche-n-isch es Abe worde. Der Pfarrer isch hei, und zu syr Freud het ne der Herr vo Gravijeth begleitet bis uf ds grüene Bödeli vo der Garnbuuchi, wo me so schön gäge ds Schtockhorn übere gseht. Underwägs het der Pfarrer dem Liebegger sy Chummer wägem Yfluß vo der Frou Rät'heli avertrouet und gmeint, me sötti dem Oberscht e chly der Schtaar schtäche.

„Um ds Himmelswille, Herr Pfarrer,“ seit der Liebegger und blybt e Momänt schtah, „heit d'Nase dänne! Lueget, di Frou mueß ustobet ha, und cha si's nid hie, mit ihrem Ma zsäme, so schtillet si ihre Läbesdurcht uf anderi Manier. Leut se mache, leut se mache!“

„Wenns nume d'Lüt besser verschtüende!“ seit der Pfarrer, „aber Dir gloubet nid, was di Frou schadet.“

„Das geit d'Lüt nüt a, Herr Pfarrer. I säge-n-Gsch, di Frou isch grad exakt, was der Oberscht het müesse ha und welle ha. Si isch vo gueter und gfunder Rasse — i kenne se vo Länzburg nache — aber si isch jung. Leut se nume chly jeute-n-und houdere.“

Das chunt de Alles ume guet, viel besser, als wenn der Oberscht so ne Ziehsäcke-n=ergatteret hätti. Aber no einisch, Herr Pfarrer, heit d'Nase dänne!"

Mit däm hei si sech trennt. Der Pfarrer het uf em Heimwäg dänkt: „Da hei mers wieder. Üser-eine sötti gäng d'Nase dänne ha, göb wie me gseht, daß es läz chunt, und dernah sött me de doch ga der Gschirrhester mache.“ Der Liebegger het schtill vor sech ane glachet und dänkt, es syg doch o guet, daß eine sy Frou sälber dörf usläse. Emel der Oberscht heigs nid schlächt breicht. Er sygi ja ganz e-n= andere Ma worde.

I där Schtimmung isch es ihm du bescht meh usgfalle, wo-n=er bim Brückho i ds Schloß merkt, daß nid guet Wätter isch. D'Frou Kätheli isch wie-n=e Surrfliege-n=im Hus umegschosse-n=und het d'Dienschte gkuranzet, währed der Oberscht — wyt vom Gschüg — dem Bach nah glosse-n=ischt und de Fische zuegluegt het. Erschrocke-n=ischt der Liebegger nid öppe. Im Gägeteil er het sy schtilli Freud gha a där Dublete-n=und isch mit dem Troscht, d'Liebi well bekanntlech zangget ha, de junge Herre-n=etgäge, wo mit übermüetig lutem Gred vom Schtalde här heicho sy.

Es isch scho wahr, gfährlech isch es mit dem Huschrieg nid gfi; aber der Oberscht het sech us luter Liebi meh drus gmacht als nötig gfi wär. Losgange=

n=isch es über ds Oberschts Hund, dem „Tiger,“ wo äbe scho lang nienemeh hätti sölle sy. Früecher isch er Tag und Nacht nid vom Oberscht gtwiche. Me het gar nüt anders gwüßt, als daß, wo der Herr isch, der Hund o umewäg syg. Wo der neue-n=Drnig het du natürlech niemer weniger begriffe-n=als dä arm Hund. Het me ne vom herrschaftleche Schlafgmach usßschlosse, so het er i syr Treui solang a der Türe gchrauet, bis er mit handgryfleche-n=Inschtrukcione belehrt worde-n=isch, me heigi hie kei Wächter nötig. Und wie's de-n=e wohl dressierte Hund het: d'Ähänglechkeit isch ihm nid ufgez'chlopfe. So isch er du bald überall im Wäg gsi, im Schloß, will er wüeschtli Täplli a Bode gmacht und ordinäri Düft verbreitet het, im Garte, will me syne Schpure-n=i de früsch agsäite Groups und Gazons gfunde het. Wo du di Jagd-gsellshcft vo Bärn agrüct isch, het der „Tiger“ o nid begriffe, was di Invasion söll und het halt i guete Treue-n=eine vo dene mitbrachte frömdе Schnufflihind erhudlet. Und so isch bald alli Tag öppis Ehrumms gscheh. D'Frou Kätheli, wo ohni Hustier ufgwachse-n=isch, het sech häb=chläb Schwyge-n=uferleit, will si gmerkt het, wie der Oberscht a däm Hund hanget. Är, der Oberscht, het dänkt, d'Frou wärdi sech de scho dra gwahne-n=und het dem Schade mit der Pöitsche gwehrt, so guets gange-n=isch. Aber hütt het halt Niemer Zyt gha, dem „Tiger“ z'wehre,

wo di guete Bratisbüft ne wieder und wieder i ds Schloß glöckt hei. Und so het halt ds Unglück müesse cho. Bim Wägruume vom Gschirr het der „Tiger“ mit sym länge Schtil e wunderbari venetianischji Glascoupe-n-us em Mailänderfäldzug vo mene Trog abegwüsch. I d'Berantwortung für das Unglück hei sech du der „Tiger“ und ds Mühlkäthi dörfe teile. Der größer Teil isch uf ds Käthi cho. Dä Totsch, hets gheisse, hätti der Berschtand o für e Hund sölle ha, es heig ja gwüßt, daß er nid im Schloß söll sy, und so wyters.

Hätti d'Frou Kätheli jitz dem Oberscht offeni Borwürf gmacht und begähr, daß er sy Hund us der Wält schaffi, so hätt er sech ganz sicher für sy vierbeinige-n-alte Fründ gwehrt, villicht probiert, dem Handel e lächerleche Drä j'gä und öppe gseit, me merki halt doch, daß es j'Hünige nümme sygi wie albez. Aber ihm isch äbe grad das zu mene Punkt worde gsi, uf däm er scho gar kei Gschpaf meh verschtande het. Es het nid dörfe-n-und nid sölle wahr sy, o nid im Ehlynchte, daß der alt heimelig und fründlech Ton irgedwie mit dem Wohlsh vom Kätheli nid gygi. So isch dem Oberscht kei Wahl blibe, der treuisch Fründ us syr Wittlig=Zyt het uf e-n-Altar vom eheliche Glück müesse-n-und zwar ohni, daß es Wort drüber verlore gangi, ohni daß o nume-n-es Dug drüber aloufi. Es hets womüglich gar Niemer sölle

merke, daß dä Hund verschwunde syg. D ihm, dem Oberscht, het Riemer öppis sölle-n-amerke.

Im Dugeblick, wo di Andere zum z'nachtäffe zuechegfässe sy, het der Oberscht gseit, er chöm grad ume, isch zur Türe-n-us, het der „Tiger“ am schtacklige Halsband gnoh und hinder de Schtäll dem Chriseggleschrigel zur Exekution übergä. Es het natürlech dem Oberscht fascht ds Härz abdräit, wo der Hund ahnungslos um di beide Manne-n-umegfisset isch, sy längi roti Zunge het la ushange-n- und mit glänzige-n-Duge-n-ane-n-ufegluegt het. Er het probiert über sy Sentimentalität z'lache. Und würklich, wo-n-er i ds Hus zrückgange-n-isch und dem Tier het der Rügge gchehrt gha, isch öppis vo däm wohlthuende Gfüehl über ihn cho, wo Ein alben-achunt, wenn me nes Dpfer über sech bracht het. Und wo-n-er am Tisch syr übel gluunete Frou e so höflech, heiter und sieghaft begägnert isch, het sech der Liebegger gseit, er syg doch e facile Bursch, dä Wendeschak.





XII. Kapitel.

Di nächschte Tage sy wieder nüt als Luscht und Sunneschyn gsi. Di ganzi Mannschaft isch gäge d'Hase=n=i ds Fäld zoge, über Hüttlige, gäge ds Glasholz, bis zum Ringgis, bald im Revier vo Hünige, bald i däm vo Dießbach, und je na der Gäged, wo gjagt worde=n=isich, het me=n-im Schloß z'Dießbach, z'Hünige=n-oder o uf sunniger Bärghöchi im Freie g'ässe. Luschtigi Fanfare hei vo Bärge zu Bärge tönt, und wäri der Maler umewäg gsi, er hätti nid gwüßt, wo asah, wo ushöre. Wenn albe

d'Frou Rät'heli als Diana mit dem Troß uf irged mene luschtige Bödeli zwüsche rotlüüchtende Waldsöume=n-agrichtet het und de di Herre cho sy mit lüüchtende=n=Duge, voll Ungebuld, sech gägesytig chönne=n-ufz'zieh, di tschäggete Hünd mit de länge, vo de Dörn verchrißete Lampiohre sy der Bärq uf cho z'lälle=n-und d'Jagdchnächte ganzi Schtange voll Gwilt zueche treit hei, das isch es famos es Luege gsi und no luschtiger, 's sälber mitz'mache. Tief unde=n-isch d'Chiese=n-i hundert Chrümmunge dür ds Tal ab grunne, zwüsche weich grundete Hüble düre, wo feissi Chüe mit heimelige Treichle=n-am Hals ds bescht Gras usgläse hei. Vor de schwarzbbruune Buurehüser mit vermieschete Decher het ds glüejig rote Loub vo silberschtämmige Chirsböum glüüchtet. Us em Gnisch vo hableche Buurehüser und wüehlige Hofstete het sech der schpißig Chilchsturm vo Dießbach ufgrecht, und dert äne, wyt hinder der Aare, isch im blaue Dufem ds trozige Sctockhorn ghoeket, wie=n-e verschteinerete Hirt. Das sy herrlechi Tage gsi, Tage=n-oder emel vieli Schtunde voll säligem Bergässe=n-und harmlosem Liechtfinn. Frylech, mit dem Herbst fahrt d'Behmuete dür ds Land, aber gsundi jungi Lüt hei keini Dhre für se.

Ei Abe, wo d'Jeger hei cho sy, isch ne d'Frou Rät'heli dür ds Hünigedorf uf etgägedo. Der Oberscht isch bi de=n-erschte Hüser zrückblibe gsi, und het, wäh-

red der fröhlech Schwarm vo de Jeger sy vielbewundereti Gajchtgäberin mit schöne Komplimänt umgähet, mit mene Burefroueli öppis verhandlet. D'Frou Rätheli het d'Jeger hei gschickt und isch langsam wyters gange, für ihre Ma ga z'grüesse, wo i däm Dugeblick dem Burefroueli öppis i d'Hand drückt — nid juscht mit dem allerfründlechschte Gesicht. Mit mene Gmisch vo verworrgetem Erger und usschtrahlender Liebi uf sym Gesicht het er i zärtlichem Etzücke der Arm um syß Rätheli gleit und isch so mit ihm der Wäg ab gange. Aber erscht uf em freie Fäld zwüschem Dorf und de Schloßgeböud antwortet er uf syni fragende Blicke-n-und zwar mit lächerigem Rure: „Di donners Tube! — Sitß han-i se scho zum dritte mal zahlt. — Aber was wott me, es cha e Jede säge, es syg syni gsi. Widerrede git böses Bluet, und wäge dene paar Baze ma-n-i nid es Gchähr ha, wenn i scho däväg der Löl im Schpil bi.“ Di schier verschmizt heitere Blicke, mit dene d'Frou Rätheli di Schmählete-n-ufgnoh het, gäbe dem Oberscht Grund, wyter z'frage: „Hesch du se-n-öppe-n-o scho zahlt?“

Da lähnt sech d'Frou Rätheli ganz fescht a ihre Ma, leit ihm ob allem Wytergah ihre vo der Abedsunne-n-aglüüchtete Chopf uf d'Achse, luegt ne mit schelmehafte Blicke-n-us ihrne große herrleche-n-Duge-n-a, ohni öppis z'säge. Rume di wyße lachende Zähnd

het si=n-ihm zeigt, wäred si=n-ihm die liecht gschlosseni Fuuscht vor d'Duge het. „Lue!“ seit si nume=n-und schtreckt e Momänt alli füf Finger uf, und du macht si ds Glyche no einisch, und zletscht schtreckt si nume no der Duume=n-i d'Luft.

Da blybt der Oberscht sctah und seit mit nid gar ärnscht gemeinte Runzle=n-uf syr schön gwölbte Schtirne: „Du wirsch mi doch nid welle mache z'gloube, du heigisch di Tube=n-endlev mal zahlst?“

Schtatt mit nere Verteidigungsred z'antworte, leit ihm d'Frou Rät'heli d'Hand uf ds Muul und lachet no meh.

„Nei — nei, also das wott i de hingäge nid, weisch!“ meint er. Aber öb drümal oder endlevmal, was het das gha z'säge? Und im Grund isch es ihm doch lieber gsi, sy Frou sygi z'guet gäge d'Lüt, als z'hert und z'ravouzig. Si hei der letscht Biz vom Wäg abgschnitte=n-und sy über d'Matte zu mene Brüggli, wo vom Fäld i Garte gfuehrt het. Dert seit er: „Dy Weizivogel macht mi no zum Gschpött. Da mueß e Bueß sy, weisch? Di vierzäche Tube choschte de vierzäche vo de beschte Müntschi.“

„Also hättisch nüt derwider, wenn i no meh Tube zahlsti?“

Sitz lat der Oberscht sy Frou la fahre. — Si sy under de Fänschter vom Schloß gsi. Er seit nume no mit usgschtrecktem Finger: „Nimm di wohl i-n-acht!“

I däm Dugeblick gseht d'Frou Kätheli im trochene Härdb vo mene Rosegrupp alti vercherteti Schpure vom „Tiger“. „Apropos“, seit si mit triumphierendem Schelmegsicht, „wo isch eigetlech der „Tiger“ hicho?“

Ziñ isch e Schatte=n-über ds Oberschts Schtirne gfloge. Er het welle derglyche tue, er heig nid glost; aber mit feschem Griff het d'Frou Kätheli ne bi'm Arm gnoh: „Wo isch er hicho? Du seisch mer's? — „Wär?“ — „Der Hund, der „Tiger““.

„Aha“, seit der Oberscht, „dä schlat jedefalls jiz feiz Gschirr meh abe.“

„Hesch ne töt?“

„I ha ne nid töt.“

„Aber du hesch ne gä z'töde? — D weisch hingäge — das isch jiz schtark.“

„Ja, hätt' i de nid sölle?“

Schtatt e-n-Antwort z'gä, fahet d'Frou Kätheli afah duble=n-und macht es Mouggerli.

Ziñ nimmt er se bi'm Arm und seit: „Allons! Ansichtatt jiz zfride z'is, daß i dem Übel es Änd gmacht ha . . . , was hätti de sölle?“

„Du weisch wohl, daß i's nid so gemeint ha.“

Me isch underdessa=n-im Hus aglanget gsi, het offeni Türe näbe sech gha und Lüt i de Gäng. Da isch natürlech der Diskurs abbroche worde.

Wirklech, d'Frou Kätheli het nid dänkt gha, daß der Oberscht ihri Schlag so ärscht nähmi und der

Hund ohni wyters us der Wält schaffi. Si het wohl gwüßt, daß ihre Ma a däm Hund hanget und nie i ihrem Läbe — so het si emel jiz welle ha — hätt si's über sech bracht, ihm es settigs Dpfer zue-z'muete. Daß der Oberscht 's e so gnau nähmi, daß es ihre nid emal sötti erloubt sy öppe-n-e chly ufz'begähre-n-und z'töubbele, ohni daß grad bittere-n-Arnscht drus wärdi, das het se z'grächtem höhn gmacht, und si het i der Schlasschtube mit dem Fueß ufgschtampfet und gseit „Nei gwüß!“

Mit überlägener Miene-n-isch der Herr Gemahl nächer cho und het syr zürnende Frou d'Hand under ds Ghini gha, wie me's öppe-n-amene Ghind macht, wenns dublet. Aber wolle! Wie-n-e Bliß isch der Frou Kätheli ihri närvigi Hand zur Parade da gfi, und der Oberscht het sech nid bsunne, daß er je sit syne Buebejahre so eis uf d'Finger erwütscht hätti. Das het ne gmacht z'lache und no meh d'Frou Kätheli, wo jiz uf ihrer Syte dröit het: „Wart nume!“

Und im Dugeblick, wo si das gseit het, isch ere der Plan vo ihrem Gägezug scho ganz klar vor Duge gfi. Ihre Luun het sech drüber bald ufgehiteret, und i der beschte Schtimmung isch si zum Nachtäffe cho.

Es isch a de-n-Abede scho chuel worde, so daß me gwöhnlech nam Äffe-n-im Saal blibe-n-isch und

feh dert um d's Kaminföür ume gädlet het, so emel o hinecht. D'Frou Kätheli isch cho und gange=n- und het zwüsche=n-hne mit de Dienschte z'tue gha. Da profitiert d's Mühlikäthi vo mene=n-Dugeblick, wo=n-es d'Frou alleini erwütscht, und seit schüüch und verläge: „I hätti d'Frou Oberschtli möge frage, öb i nid zur Muetter übere dörft ga schlafe.“

„Warum? Isch si chrank?“

„Nei.“

„La gschoue, lue mi a! Was isch los? Warum wottsch nid i dyr Chammere blybe?“

„Der Vatter und d'Muetter heis halt nid gärn.“

„Warum?“

„Nüt für unguet, Frou Oberschtli, nume so lang di junge Herre vo Bärn da sy.“

„Was?“

„Der Vatter het halt geng e so Chummer; es isch ja gwüß gwüß nüt uguets gange, aber der Vatter wott's halt nid ha.“

„I will de mit dem Herr Oberscht rede=n-und mit dem Vatter o. Hinecht blybsch jiz emel no da.“

Dermit isch für hinecht d'ä Handel erlediget gsi. Aber z'morndrisch het der Oberscht mit dem Müller gredt und derby gmerkt, daß es houptsächlech gäge Brächt isch gmünzt gsi; nume het me nid usebracht, warum egetlech. Der Oberscht het dem Brächt di übermüetigschte Schtreiche zuetrouet und het ne z'Red

gischstellt, aber nume=n-overschante, uswyhende Bischeid übercho. Und wo du d'Frou Rät'heli ihrem Better o no ne ghörige Lätze gmacht het, isch du ganz hübscheli der Verleider under d'Jagdgesellschaft gischliche. Der Brächt het gmugglet, er gangi ume hei, wenn er da nid rächt syg, und will Niemer hert hinderha het, isch d'Heireis verabredet worde.

Der Liebegger het ohni das z'morndrisch welle verreise. Aber der Oberscht het sech widerseht. Und will du am andere Morge bsunderbar schöns Wätter und di ganzi Gesellschaft i ds Schloß Dießbach zur Jagd isch hglade gsi, isch me du no binenandere blibe. Ufe Wunsch vom Dießbacher het me der Beizivogel mitgnoh, und im Hiryte het der Oberscht zu syr Frou gseit: „Hütt cha de der Dießbacher d'Tube zahle.“ Si hei glachet und sech gägeshtig ufzoge. Aber d'Frou Rät'heli het gluegt ds Gschpräch abz'länke. Si het gwüßt, daß dem Oberscht di Vogelbeizene=n-e Dorn im Dug gsi sy, und är het sech hbildet, sy Frou hangi grüslech dranne. Nu, es isch a Weidem öppis gsi. Und drum het d'Frou Rät'heli beschlosse gha, si well dem „Tiger“ ihre Vogel nachschicke. Zwar für ne z'töde=n=isch er doch z'chöschtlech gsi; aber er het hisölle, wo=n=er härcho isch, und so het si heimlech mit dem Liebegger verabredet, er söll ne mit hei näh, was du z'morndrisch o gscheh isch.

„Wo isch der Vogel?“ fragt du der Oberscht na der Abreis vo sym Fründ. Het ne-n-öpper usgla?

„Er isch dem „Tiger“ nachegflog“, antwortet mit schtrahlendem Triumph d'Frou Kätheli. Der Oberscht het der Chopf gschüttlet, verläge glachet und ere z'letscht d'Hand dargschtreckt: „So sy mer quitt.“ Aber im Grund het er's nid gärn gha, daß ds Kätheli so mit ihm grächnet und nid ihn ganz eifach het welle la der größer sy.

Item, am glyche-n=Abge sy du di Bärner Herre-n-o verreiset mit ihrne Roß und Hünd und allerlei Jagdtrophäe, houptsächlech aber mit mene Schatz vo luschtige-n=Erinnerunge-n-a di schöni Hüniger Jagdzyt. —

Im Schloß het's gschtillet, und me isch wieder zur Bsinnung und zu syne-n=alte Gwohnheite zrück-cho. Dem herrschaftleche Paar hets ender gwohlet, daß der Better Brächt gäge Bärn zue isch; me het di ganzi Zyt müesse-n=Angscht ha, er tüej Gim i sym wilde-n=Übermuet öppis dumms areise. Me het no geng nid gwüßt, warum eigetlech der Müller sy Tochter nümme-n=im Schloß het welle ha.

Wo z'mondrisch der Oberscht mit syr chlyne Familie bi'm Dejeuniere sitzt — es isch e chalte Käbel-räge nidergange, so daß me kei Grund gha het, z'pressiere — chunt der Jakob cho brichte, dem Herr Brächt syß Roß sygi dä Morge, wo's no schtod-

fyſchter gſi ſyg, mit läärem Sattel, vor em Schtall aglanget, eine vo de Mühlichnächte heigs ſcho lang ghört dasume hüſchtere, aber er heig nid gwüßt, was es ſyg und heig ſech nid trouet ga z'luege.

Der Oberſcht und ſy Frou hei ſech mit groÙe-n=Duge-n-agluet. „Um ds Himmels wille!“ ſeit d'Frou Kätheli, „hets ächt es Unglück gä?“ Der Oberſcht iſch ſcho zur Tür uſe gſi. Er het ſe-n-offe gla, wie wenn er erwarteti, daß d'Frou ihm nachechöm. Im Hof unde het me-n-ihm der verriffe Boum zeigt; ds Roß hingäge het gar kei Schade gha. Es paar Minute nachhär ſy der Oberſcht und der Ehrigel im Sattel gläÙe-n-und uf verſchidene Wäge gäge Bärn zue gritte. Dem Oberſcht iſch uſgfalle, daß a mene-n-Ort zwüſchem Schtalde-n-und der Lymgruebe-n-e Zuun früſch broche gſi iſch; aber Schpure het me-n-i däm muß gweidete naſſe Gras nid chönne-n-er-chenne.

Der Näbel iſch truurig übere Bärn ab ghanget und zwüſche de Tannesſpize-n-umegſchtriche. Me het niene nüt Lävigs gſeh, und dem Oberſcht iſch es vorcho, wie wenn ſech alles verſchteckt hätti, für nid müeÙe-n-Uſkunſt z'gä. Di naſſe mieſchige Schtroudecher hei uſgſeh, wie wenn ſi hütt tiefer über d'Fänſchter vo de Burehüſer abezoge wäre, daß emel ja Riemer chönnt yncluege. Gäge Mittag ſy di beide Rüter z'Bärn wieder zjämecho, ohni öppiſ et-

deckt z'ha. Der Oberscht isch uf der Schtell de Kamerade vom Brächt nachegange. Der erscht, wo-n-er gsuecht het, isch scho wieder über Land gsi, der zwöit isch no nid uf gsi. Underdessa-n=isch er zum Dritte, und dä het nüt gwüßt z'säge, will er de-n=andere vorusgritte-n=und z'Worb bi mene Vetter ygchehrt isch. So sy si zläme wieder zum zwöite gange. Dä isch du ändlech füre gschnaagget gsi, het aber o nid viel gwüßt z'säge. Dä, wo hütt scho wieder furt syg — er syg i ds Fryburgbiet zu mene Fründ ga jage, — wüßti am beschte Bscheid, er syg mit dem Brächt hindenache gritte-n=und heigi neue gseit, der Brächt sygi ob Münsige wieder umgchehrt oder sünsch zrückblibe, er heig wahrschynlech z'Sünige-n=öppis vergässe.

Siz het aber dem Oberscht sy Geduldsfude lagah. Mit scharfem Hieb isch sy Rytpöitsche-n=use nächstete Tisch gfare, und zündtigrot vor Löubi donneret er syni Jagdgäsch a: „Dir syd mir suberi Kamerade, dir! Da rytet me z'vierne höch hei und merkt nidemal, wenn's Gim öppis git. — Syd dr eigetlech bsoffe gsi? — Me chönnti's bald meine. Schäme föttet dr ech, däväg heiz'joggele-n=und ech e so nüt unen=andere z'kümmere.“

„Der Brächt isch gar e-n=eigelige Kärl. Er het's e so im Bruuch, undereiniisch syner Wäge z'gah,“ meint du eine vo dene junge Herre, dene richtig d'Schamröti i ds Gesicht cho isch.

„Zuscht deschtmeß luegt me zu so Gim, wenn me doch weiß, daß er fettigs im Bruuch het und derzue nid e bessere Mütter isch als der Brächt. — E Schkandal isch es, daß Dr's nume wüßet. Das han=i no gar nie gseh, daß me sech under Fründe därwäg im Schtich lat.“

Di beide-n-abpublete Kamerade, wo halt nid ufem chürzische Wäg vo Hünige gäge Bettehuje gritte sy, so wenig wie der Brächt, hei Chazejammer gha und sy nid bi'm nötige Geischt gsi, für sech vor em Oberscht irgedwie chönne z'rächtfertige. Si hei d'Zuuscht im Sack gmacht und sech anerbotte, der Brächt cho hälfe z'jueche, es wär ne doch grusam leid, wenn's ihm würklich öppis gä hätti.

„Ja, das, dunkt mi, syg de ds allerimindschte, wo dr chönntet tue für ne,“ het se der Oberscht agschnouzt, und du isch er furt und eis Gurts mit dem Chrigel heigritte. Er het jiz emel gwüßt, daß zwüsche Münsige-n-und Hünige-n-öppis müeß gange sy. Öppe-n=e halbi Schtund späeter sy du di zwoe Kamerade vom Brächt o abgritte. Der Ritt im chalte Herbstträge-n-isch ne für ne gueti Kur gange.

Wo si gäge di vieri z'Hünige-n-aglanget sy, pflätternaf, verschprügt bis i ds Gsicht use-n-und durschtig wie-n-es Bluemegschirr, hei si der Brächt im Schloß gfunde, aber i mene Zueschtand, daß er no gar e kei Uskunft het chönne gä, ganz verhoue-n-und

verschundte. Me het natürlech alles, was Bei gha het, uf d'Suechi gschickt gha, und ds Sagers Chinder hei ne du i mene Turbegrabe gseh lige. Der Schlupf-Sameli het ganz nach derby mit zwöine Meitscheni Turbe byget, ohni öppis vom Brächt z'ahne. So het me=n-erzellt. Dem Brächt het a syne Habfälligkeit nüt gfählt, worus me het chönne schließe, daß er us Rach oder sünsch mene Grund sygi mißhandlet worde. Daß di beide Kamerade vom Brächt, die sech i meh oder weniger unwahrschynleche Vermuetunge=n-und Verdächtigunge=n-ergange hei, o gar allerwänts nüt Positivs hei chönne — oder wie du nachhär d'Dienschtliut vom Schloß under sich gseit hei, hei welle säge, het d'Verschtimmung no verschärft. Und zu der Lähge vom Oberscht hei si du no ne=epfindlecheri vo der Frou Rät'heli erwütscht. Für ds allgemein Interesse vo der unrüehmleche Rolle=n-abzänke, die si bi der Gschicht gschpilt hei, hei si du dem Oberscht welle Wägleitung gä, wie me de Täter chönnti uf d'Schpur cho. Alli ihri Vermuetunge hei uf d'Mühli hizilet. Aber der Oberscht het nes mit scharfe Worte=n-usgredt und ne gseit, Züge wäre meh wärt als unerbätteni Uundersuechungsrichter. Uf das hi hei di Beide gfunde, mira söll i di Bett wo mene z'Hünige grüschtet het, lige, wär Luscht derzue heig, und sy ga Bärn gritte, wo si z'Mitternacht cholderig, naß, dräckig und verfrore=n-über d'Brügg

hne gritte sy. Natürlech het's du dert no ne böse-n-Uftritt gä mit dem Torwart, wo sünsch um die Zyt Niemer hnegla het. Und das het du o no derzue bytreit, daß z'morndrißch der Überfall uf e Brächt sech no gschwinder i der Schtadt verbreitet het.

Ziß isch es du grad gsi, wie wenn me mit mene Schtäckli i mene Mutthuuse guslet und ds Füür Luft überchunt. Alles, was Willading gheisse-n-oder sünscht über sibe Hääg übere mit ds Räthelis Familien-öppis z'tüe gha het, isch übere-n-Oberscht, über sy „verrückti Republik“ z'Hünige-n-und übere Müller, „dä Redliführer vo färn, wo überhaupt nume dür nes Hindertürli dem Galge-n-ertrunne sygi,“ här-gfalle. Es syg doch e hälli Schand, daß der Oberscht syr arme Frou zuemueti, mit mene fettige Möntsch völlig under eim Dach z'wohne, mit mene Kärl, dä überhaupt längschtes nümme sy sötti. Verschideni jüngerer Lüt het me jiz jede Tag chönne ghöre säge, es syg sünd und schad für ds Rätheli Willading, aber da gsej me grad, wie d'Liebi ein blind machi. Ja no meh hei d'Lüt gwüßt. Me het sech dem Oberscht sy unbegrifflechi Geduld mit däm falsche Müller dür d'Pärson vom Mühlikäthi erklärt. Churz, di böse Müller vo der halbe Schtadt sy ab der Chetti gsi, und doch het männiglech gwüßt, daß der Brächt e Rätnuß isch gsi, dä di ganzi Ufregung gar nid verdienet het.

Einschtwyle het das G'wäber der Oberscht nid möge-n-errecke. Het er's nid im Bruuch gha z'frage, was me z'Bärn derzue sägi, so het er sech descht meh Müej gä, im eigete Hus Liecht z'mache. Vor allem us isch ihm dranne gläge gsi z'wüsse, ob würklich der Müller öppi mit der Sach z'tue heigi oder nid, und sobald der Brächt wieder z'grächtem het möge ds Muul uftue, het er ne-n-uf all Wyz und Wäg usgfragt.

„Los, Brächt“, het der Oberscht gseit, „i wott jiz wüsse, was gange-n-isch. Du channsch mir das i allem Vertroue säge.“

„Aber i säge dr, i weiß es nid, i bi ja erscht hie wieder zue mer cho.“

„Ja, ja, aber wie isch es cho, daß dyne Kame-rade nid sy derby gsi?“

„He . . .“ — Der Brächt richtet sech halb uf i sym Bett und luegt i-ne-n-Egge, wie wenn er sech z'erscht no müeßti bsinne —, „wohl, si sy halt vorus gsi, vo Afang a, scho vom Schtall erwäg, und du, änet der Lymgruebe, ha-n-i halt müesse nachegurte. D'Schabrake-n-isch mer grütscht, und wo-n-i wott der Gurt löse, isch mer du ds Roß dervo pächiert und du bi-n-ig ihm halt nach.“

„Bis wohi?“

„Emel bis . . . i weiß nume, daß i wieder a der Lymgruebe vorby gsi bi.“

„Bisch dem Wäg na cho?“

„Solang i ds Roß ghört ha, wohl; aber du bin-i du gradus, wo sech der Wäg gäge Schtalde-n-ghrümmt.“

„Über ds Moos?“

„Nei, ob em Moos düre, gradus gäge ds Schloß, und dert obe bi dene Hüser, weisch, grad dert wenn me vom Schtalde gäge Konolfinge geit, mueß es gscheh sy, afin, 's isch halt sychter gsi . . .“

„Aber was isch du gscheh?“

„He, uf mi los cho sy si — i ha nid Zyt gha, mi z'wehre. Wyter weiß i nüt meh.“

„Gm. — Heisch du i der Zyt, wo de by-n-is gsi bisch, irged öppis ungrads gha mit de Lüte vom Dorf?“

„Was wett i mit ne gha ha?“

Dä Bscheid isch nid ganz e so gleitig füre cho, wie-n-es gscheh wär, wenn der Brächt di vollen Wahrheit gseit hätti.

„Heisch irged e Verdacht?“

„I kenne ja Niemer als Dyni Lüt und der Müller.“

„Ja, meinsch, der Müller chönnt öppis dermit z'tue gha ha?“

„Zuetroue tät ig ihm's.“

„Aber derby gsi isch er nid?“

„Nid daß i wüßti. — Aber dä Mönstsch macht e so Hinde-n-ume-Gattig. I troue-n-ihm Alles zue. I

cha gar nit begriffe, daß dir mit so eim möget under eim Dach sy.“

„Ja nu, das isch my Sach.“

Wie mängisch, daß me der Brächt no i ds Gebätt gnoh het, meh isch nid gsi us ihm use z'bringe. Der Oberscht isch ds Gfüehl nid los worde, sy Better chönnti meh säge. Aber er het vo eim Verhör zum andere geng überleiter g'antwortet und der Rigel geng feschter gschine vorz'schiebe.

So isch du halt der Verdacht blybe schtah, der Überfall uf e Brächt syg e-n-abgcharteti Gschicht vo mißgünstige Lüte gsi, vo „Herte“, und der Müller heigi d'Händ im Schpil gha. Das isch dem Oberscht gränzelos zwider gsi. Es het möge gange sy, wie's welle het, so het er drus müesse der Schluß zieh, me heig o ihm sälber welle ne böse Schtreich schpile, und ds Vertroue vo de Lüte, wo-n-er so viel dersfür het ta gha, syg wieder zerschört. Het er zrück dänkt, mit was er das chönnti uf sech glade ha, so isch er natürlech auf d'Jagde cho, vo de Jagde-n-uf syni Gäscht und vo de Gäscht uf sy Fr. . — nei — nei — nei! Mängisch het mene gseh irgedwo underwägs, wenn er allei gsi isch und der Chopf i Gedanke het la hange, daß er plöcklech ufgschtampfet het und mit der Hand über d'Schtirne gfahre-n-isch, wie wenn er syni Gedanke möchti furtwünsche.

Und wens no bi däm blibe wär, wenn me ne

hätti la mache! Er hätti der Sach trotz allem no welle Meischer wärde. Der Winter isch ja im Azug gsi und het Bletter und Blueme-n-abegrupft und mit der Summerlucht d'Lüt vo Bärn us em Schloß verschüücht. Er hätti ungschore wieder chönne schalten-und mache. Mit der Zyt wärs de wohl a Tag cho, was eigetlech gange-n-isch und wär der Schuldig syg. Aber jiz isch unglücklicherwys der Lärme ga Bärn cho. Di beide junge Herre, die d'Vorwürf vom Oberscht no nid hei verdouet gha, hätte's zwar o lieber gha, wenn nid wyters wär es Wäse-n-us der Sach gmacht worde — si jedefalls hei derby nit gha z'profitiere —, aber si hei sech dermit tröschtet, daß jiz der Oberscht Wendeschak sy Bschärung o kriegi. Der dritt Kamerad, wo am meischte gwüßt hätti, het für guet gfunde furtz'blybe.

Sa, der Oberscht het sy Bschärung gha. Da me no nid gwüßt het, ob es sech um ne Mordverjuech, um Roub oder um öppis anders handli, het der Herr vo Hünige Befähl übercho, alli irgedwie verdächtige Lüt yz'schperre-n-und z'verhöre. — So wyt isch es jiz glücklech cho, daß er synei eigete Herrschafstslüt het müesse-n-uzieh! Das sy trüebi Tage gsi. Nu, er het sech dermit tröschtet, es gäb' ihm e neuu Glägeheit, dür Güeti und Grächtigkeit juscht wieder ihres Vertroue z'gwinne. Zu allne Berhör het er sy Fründ, der Pfarrer Gryph, mache z'cho

als Ratgeber und Zügel. Natürlich het's i der ganze Herrschaft ume-n-es großes Brüel und bösi Gefichter gä, wo me der erscht Verdächtig het i ds Schloß gfuehrt, für ne mit dem Brächt z'konfrontiere. Ufcho isch derby nüt, göb wie der Oberischt syne Gfangene zuegrebt het, si sölle doch rede, sünscht müesse si de ga Thun uf d'Schtreck. Er het grad gmerkt, daß si sech ds Wort gä hei z'ichwyge. Nume-n-eis het me chönne festschtelle: daß alli, uf bene der Verdacht isch blybe chläbe, zuefällig oder nid zuefällig zur Partei vo de Herte ghört hei.

Und jiz der Müller! Wo me däm gfeit het, er müeß halt o cho Red und Antwort schtah, isch er i ne settigi Wuet hnecho, daß sech der Verdacht gägen-ihn nume no vermehret het. Der Oberischt het sech jiz sälber gfragt, öb er nid irgedwie d'Zinger drinne gha heig. Und doch het er ihm's nid rächt zuetrouet.

Z'gueterletscht isch der Hüniger ga Bärn gritten-und het's düregfekt, daß me d'Undersuechung sistieri, emel bis me der dritt Kamerad vom Brächt verhört heig. Z'Bärn het kei Möntsch Bedürfnis na neue Malefizprozäße gha; d'Regierung het uf ihri Art nid minder ds Bertroue vo der Bursami wieder gsuecht als der Oberischt Wendschag. Und will men-agnoh het, der Brächt chönnti würklich di Gschicht provoziert ha, su isch du der Handel vorläufig nider-gschlage worde.

Somyt wär der Oberscht zfride gsi mit dem Resultat vo syne démarches zum Beschte vo syne Herrschaftslüte. Aber eis isch halt nid gsi dürz'tue: der Verdacht gäge Müller. Hätt er sech nid im Burechrieg, wäred der Oberscht z'Länzburg gsi isch, mit de-n-Umtribe vo de „Herte“ scharf abgä gha, so hätti me villicht jitz nüt gseit. Aber vo dert nachen-isch halt öppis uf ihm blybe lige.

Der Oberscht het das wohl gwüßt gha, aber ericht jitz het er du z'grächtem gmerkt, wettigs Mißtrouen-i der ganze Verwandtschaft vo syr Frou gäge dä Müller vorhande gsi isch. Er hätti zwar däm no einisch nid nahgä, hätt er sech nid müesse-n-überzüge, daß d'Frou Rät'heli sälber keis sähnlechers Begähre gha het, als daß dä Müller vo Hünige furchömi. Gseit het's dem Oberscht Niemer, aber er het's völlig mit de Hände chönne gryse, daß es näbe der Pärson vom Müller syr Tochter, dem Mühlkät'hi, gulte het. Das isch halt eifach z'lang im Schloß gsi vor ds Oberschts Hütrat. Es het z'viel Vertroue gnosse gha, und hätti me-n-ihm das Alles no vergä, so het's halt doch nid dörse sy, daß d'Frou Rät'heli mit dem Mühlkät'hi sech müeß i d'Liebi vom Töldi teile. Das isch scho lang dem Oberscht uf em Gmüet gläge, bald wie-n-e trüebi Näbelschicht, bald wie-n-e Gwitermulke. Hundert- und aber hundertmal het er sech's überleit gha, wie di Sach z'löse wär, ohni der

Müller vo Hus und Hof z'trybe; aber er het kei andere Wäg gfunde.

Zit isch er nume druuf usgange, der Handel e so dürez'fuehre, daß es Niemerem meh weh tüej als absolut sy müeß. Er het nid sy Frou dür nes neus Opfer welle beleidige, und drum het er se gar nid welle la merke, daß er ihre z'lieb öppis undernähmi, wo abermals der Erfüllung vo syne herrschaftliche-n-Ideale ne schwäre Schtoß gäbi, vorwäge heilig über Alles zsäme-n-isch ihm ds Glück vo syr Frou gsi.

So isch der Oberischt schpät im Wintermonet no i ds Aargäu abe gritte, für im Bezirk vo sym Regimänt Inischpaktione z'mache. So het er z'Hünige gseit, und es isch kei Grund gsi, ihm's nid z'gloube. I Wahrheit isch der Houptzwäck vo syr Reis gsi, für sy Müller e Mühli z'fueche. Am beschte gfallt het ihm die z'Othmarfinge, wo sit der Schlacht bi Wohleischwyl verwaist gsi isch. Hilb gläge, gueti Wasserchraft, e gwirbige Chundschaft und es bravs Burewäse derby, das sy Vorzüg gsi, wo na ds Oberichts Meinung sy Müller rych etichädiget hätte.

I der erschte Wuche Chriechtmonet isch er wieder hei cho, und du isch er grad z'morndriech i ds Mühli-schtöckli übere-n-und het nam Müller gfragt, er heig neuis mit ihm z'rede. Na allem, was gange-n-isch, isch der Müller ob der Chündigung nid hert erschlüpft. Hätt er gwüßt wohi, er wär scho grad nam Bure-

chrieg gange. Was het ihm das Läche no gulte, wo jede Zuunschtäcke für ihn es Erinnerungszeechen-a vergangeneni gueti Tage gfi isch? — Daß der Oberscht sech d'Müej gnoh het, ihm es anders Läche z'sueche, isch guet agange. Der Müller het wohl gwüßt, daß nid liecht e-n-andere Bsitzer so öppis gmacht hätti. D'Müllersfrou het dem Oberscht sogar danket, was ihre Ma nid über sech bracht hätti. „Me wär jo gärn do blibe“, het di bravi alti Frou gseit und mit dem Fürtech d'Duge gwüßcht, „myn Gott ja, aber was wott me! Es isch haut nümme ds Glyche.“ — Si het kei Ahnung derwo gha, wie ungärn der Oberscht das Wort ghört het. Göb was er welle, gseit und gmacht het, so hets us jedem Egge-n-ufe tönt, es syg nümme ds Glyche wie albe.

Aber jiz hets doch e chly besseret mit der Schtimung, so hets ne-n-emel dunkt. Sobald der Wetter Brächt ga Bern verreischt gfi isch, hets verschidene Gmüeter glugget. Bald het der Schnee d'Lüt i d'Hüser hne tribe, und du hei sech der Winter düre nume no die gseh, wo sech nid us irged mene Grund uswäg gange sy. Der Pfarrer Gryph isch wieder meh ga Hünige cho, und me het am mächtige Kamin, wo größeri Möcke drinne brönnnt hei als hüttigstags d'Burgerschpälte sy, gar mänge heimelige Halbtage und Abe verdampet. Uf d'Frou Oberschti het d'Chündigung vo der Mühli e guete-n-Pluß gha. Dasmal

het si sech am Obericht nid anders gwüßt z'revan-
chiere, als mit dem guete Wille, geng artig und
geng glychlig z'sy, was bekantlech hundertmal
schwärer isch als es Opferli, wo me bald verschmäzt
het; es het scho lang vordäm gheisse, Ghorsam syg
meh wärt als Dpfer, und égards besser als ver-
schicktü Weizivögel. Wo Nachem gluegt, isch de frylech
viel ehelechi Zärtlichkeit drinne gsi, wo der Obericht
nid minder derschür chönne het als d'Frou Kätheli.
Aber item, i der winterleche Schtilli vo Hünige-n=isch
si emel du wieder z'grächtem under sym charme
gschtande, was i der Jagdsaison z'pläzewys nümme
so ganz der Fall gsi isch.

Im Obericht sälber isch meh und meh wieder
d'Hoffnung uscho, der Schade vo däm Herbst glychi
sech de underem Winterschnee wieder us, und di
agnähmi Rueh im Schloß het ihm gschine rächt z'gä.
Daf es chönnti e Schtilli vor em Schturm sy, het
me nid dänkt, will me sech nid ganz klar isch gsi
über di wahre-n-Ursache vo der Schtilli. Aber der
Winter het nid vorby sölle, ohni daf dem Obericht
no chly d'Duge-n-ufsta worde sy. Ands Horner isch
er einisch der Schtalde-n-uf und findt der Schtulle
Hans Ueli vor sym schtattleche Hus. Mit trotziger
Schtirne-n=und verbissenem Muul isch er dageschtande,
wie wenn er sech zwägschtelle wetti, für sy Hof gäge-n=
Obericht z'vetheidige.

„Wie wott's ustage, Hans Ueli?“ fragt der Oberischt.

„Weiß nid, wo's öppe no use wott. Süscht het's ein öppe-n-ender vor em Winter möge Chummer mache; weder dä Rung“

„Was? Wo fählt's?“

„E nu, wenn es si jitz grad so git, i hätt richtig scho öppis uf em Härz. Wenn der Herr Oberischt öppe-n-e-n-Ugeblick wett i d'Schtube-n-ghescho . . .“

„Guet“, seit der Oberischt und geit dem Hans Ueli vora dem Hus zue. Tief het er sech müesse hüefe, für ohni Schade dür d'Hustüre-n-ynne z'cho. Der Hans Ueli het ne dür di ruezschwarzi Chuchi i d'Schtube gfuehrt, wo-n-e förchterlechi Schticklust vo Ehleider, die überem Dse ghanget sy, ihm schier der Alte gnoh het. Aber no meh het ne d'Schtimmung drückt, wo uf em Hans Ueli gläge-n-isch. Dä het nid gwüßt, wie-n-er wott asah, bis ihm der Oberischt zwägghulfe het: „Du luegsch suur, Hans Ueli. Bischt nid zfride, he?“

„Nei wäger, Herr Oberischt, u das bi-n-i nid.“

„Warum?“

„He, fürs graduse z'säge: vo wäge, daß der Schwager vo der Mühli surt mueß. — Das isch doch ase my armi Tüüri kei Grächtigkeit meh.“

Der Oberischt luegt mit verwunderete Blicke-n-uf e Hans Ueli, wo wyterfahrt:

„Nei, Herr Oberscht, und das isch's nid.“ Und derby schlat er mit syr grobe chnochige Hand use Tisch.

„Ja — geit er de nid gärn? — Mir het er neue nüt derglyche ta, daß es ihm öppe hert z' Härze gangi.“

„Vor zwöine Jahre wär er ring gange, u's cha sy, daß es ihm i der Erscht i no nid so Chummer gmacht het, nadäm ihm e so böse isch nahgredt worde. Weder jiz, wo=n-er si bsunne het u gschpürt, wie's weh tuet, we me so vo Hus und Hof dänne mueß, wotts ihm schier ds Härz abdräje. Ja, me wißß haut nid, was me het, we me so i syr Sach cha hocke=n-un ein Niemer plaget.“

„Hans Ueli, Hans Ueli! Wär het dy Schwager plaget?“

„Ißch das öppe kei Plag Herr Oberscht, we me=n-uschuldig mueß darha für anger Lüt? Chrischte het so wahr, daß i hie schtange, Niemerem nüt z' Lid da. Das ischt Wahrhit, Herr Oberscht, ja wäger. Es isch nid rächt, daß me ne nachenimmt für ne Sach wo=n-er nie nüt dermit z'tüe gha het.“

„Bisch sicher?“

„Ja wäger, das bi=n-i.“

Der Oberscht het mit Müej und Not sy Töubi gmeischeret. Mit hertem Usdruck isch er dagschtande, und uheimelig hei syni Duge glüüchtet, wo=n-er jiz

der Hans Ueli uf der Bruscht a sym halblinige
Chittel fasset und seit:

„Warum het mir das Niemer gseit, wo's no
öppis abtreit hätti?“

„Nüt für unguet, Herr Oberscht“, antwortet der
Hans Ueli und wehrt mit der Hand, „der Chrischte
hets ja gseit, aber daß nid guet isch, de Herre
d'Wahrhit z'säge, isch nüt neus.“

„So, Hans Ueli, so? — Gilt das öppe mir? —
Hets di scho einisch düecht, i mögi d'Wahrheit nid
erlyde?“

Der Hans Ueli probiert sech us em Griff vom
Oberscht z'löse=n-und seit: „Se nu, so säge=n-i jib
o, was mi düecht, we's Ech rächt isch: Wenn e
Burebueb z'Chilt geit und derby rächt tou Schleg
uberchunt, so chrät e ke Hahne derna. Gscheht ihm
rächt, seit me=n-öppe, 's isch schad für was dernäbe
gange=n-isch. Aber wenn de so=n-es übermüetigs
Zunkerli meint, es chönne da o ga mitha, so sött
me=n-ihm de no ga dankheigisch säge. Wenn Eine
wo i Sammet u Syde=n-ufgwachse=n-isch de unger-
einisch unger di Haublinige wott, so mueß er de
d'Rüüchi o i Chuf näh. — Aber da brüelet me de
hurti na Rad u Gauge. Es hangere haut schyntz
geng no nid gnue.“

„Se se, Hans Ueli, nid dadüre!“ warnet der
Oberscht. „Du wirsch mer doch nid säge, der Zunker
Brächt heig sech hie mit so Sache=n-abgä?“

„Wie me's nimmt, Herr Oberscht. Was er der säub Abe weue het, wiß i nid; aber di Herre hei gnue Uebermuet tribe mit dene Meitscheni. Ei Tag hei si emel dß Bähni-Bänzes Eiji uf eme Ross obe gha u sy dermit dasumegschprängt, daß es nume so i eis Loch nye brüelet het u bau no ungfellig worde wär. Da nimmts eine haut nümme wunger, daß üser Bursch du ase tube worde sy und sech verschwore hei, we si eine vo dene Junker am rächte-n-Ort verwütsche, so müeß er de syß Müßi ha. U we de scho Müller-Chrischte ne nid gwehrt hätti, so chönnti me's emu begryse. Er isch di ganzi Bnt düre geng i eim Chummer gfi wäge sym Meitschi. Siß chüt Dr miera däiche vo mer, was Dr wit, Herr Oberscht. Gseit ha-n-is iez. — Weder dumm sy söttig Sache. Solang daß der Uebermuet bi de Herre si sürelat, solang schwynet o d'Giechti bi der Bursami nid.“

„Aber los jitz“ seit der Oberscht, „du weisch doch, wie-n-i mi gmüejt ha, mit allne Lüte Fride z'mache. Warum seisch mer de jettigs nid?“

„So lang, daß es mi nüt agange-n-isch, ha-n-i mi nid dertfür gha. U jitz ha-n-is ja gseit.“

„Es isch halt o nid liecht z'gschirre mit euch Burelüte. I cha doch nid meh weder säge-n-und lose. Aber wenn e Keine wott dß Muul uftue . . .“

„I ha-n-Echs ja scho einisch gseit, Herr Oberscht: fi schüüche der Chriseggler. Solang daß dä Luuz-


hung — daß i no so säge — um ds Schloß ume der Bogt macht u de Lüte ds Bluet unger de Regu füredrückt, troue si si haut nümme zuehe.“

„E das isch nid so gefährlech, dä het gwüß no Keine töt.“

„Ja ieh! I cha o nid me weder säge. Dir hit ja d'Weli 's z'glube-n-oder nid. — aber wie-n-i's säge, so isch's, i chönnt e-n-Eid druuf tue.“

Der Oberscht het du dem Hans Ueli versprochen, er well ihm nüt nachtrage, er sygi ja froh drüber, daß ihm ändlech öpper graduse grebt heigi. Sit wüß' er doch o ender, wo daß er müeß agryfe, für Ornig z'mache. Hingäge mit dem Müller=Chrischte blyhs derby, da syg nüt meh z'ändere. Uenandere müesse si, wenns im Schloß söll Fride gä.





XIII. Kapitel.

Z'Hünige-n= isch der Frühling Meischter worde. Di erschi Chirzbluescht het sech füregla, und wenn me rächt gluegt het, so isch es wie-n=e grüne Huuch uf de Buechewälder gläge. Sunnehalb sy uf de Matte scho d'Soublueme-n=agrüct, und der ganze Chiese nah hei d'Bachbumele-n=ihri glänzig gäle Wärmle-n= über di läbige Wälle-n=hne gschtreckt.

Im Schloßgarte-n=isch flüßig umgschoche worde, und d'Frou Kätheli isch de härdduftige Wandeli nah ga luege, ob ihri Roseschtock guet überwintere heige.

Wär irged d'Nase zu mene Fänschter use gschtreckt het, isch gueter Luun worde-n=ob däm lang ersähnte=

n-Usschla i Fäld und Wald. Aber völlig usem Hüsi isch der Töldi gsi, nid wäge de Söublueme-n-und Tulipa, sondere wäge de Soldate, wo jitz jede-n-Dugeblick hei sölle-n-arücke. Ja, ganz chriegerisch het's hütt im Schloß sölle wärde. Es halb Doze-n-Offizier und anderi Manne sy scho nächti vo Bärn här cho, und hütt hei sech di Usghobene vo der Umgäged im Schloßhof zur Muschterig sölle schtelle. Zur verabredete Schtund sy si cho, ds meischte jungi Bursche-n-i ihrne halblinige Chittle-n-und zwilchige Plunderhose. Aber zu ds Töldis Verdruß hets weder Musit no Trummelschlag gä z'ghöre. 'Sisch ganz e schtille-n-Marm gsi. Sobald alli bi-n-enandere gsi sy, het me se-n-im Kreis ufgschstellt, und du isch der Oberischt Wendischaz cho und het es Mandat vo der Regierung verläse.

Da het es under anderem drinne gheisse: „. . . . erachten, es seie in Ansehung des Mordanfalles, so verwichenen Herbst an dem Haubenberg ob Hünigen auf einen Burger hießiger Schtadt geschehen, wohl an der Zyt, unter denen Vagabonden und sonstigem Geschmeiß, so in M. g. H. Landen sich umtreibet, eine Landjegi vorzunehmen und was etwan unlufterer Gefellen und Dieben uffgetriben, ohn Saumnuß uber M. g. H. Gränzen ze schaffen. . . .“

Bi dene Worte het der Oberischt sech agschträngt, rächt syrlech z'läse; aber er het sechs gönnt, plöglech

e Blick übere Brief erwäg uf di junge Burſche z'tue, und richtig — ihrere paar hei ſech verſtändnis-volli Blicke zuegworfe-n-und es Lache-n-i de Muul-egge gha.

Item, der Oberscht het nüt derglyche ta, fertig gläse-n-und erklärt, daß es ſech um ne Landjegi handli. Sit dem dryßigjährige Chrieg iſch i der ganze Schwyz unzähligß Bagantegschmeus dasume gſchriche, und für däm Meißchter z'wärde, het me de vo Zyt zu Zyt e ſogenannti Landjegi agſtellt. Me het ganzi Gägede ſorgfältig abgſuecht und alles fahrende Volk über d'Gränze gſchaffet. Es iſch e Wohlthat gfi und e Plag zuglych. Ziſ het äbe du dem Better Brächt ſys Abetüür vom Herbscht dene Herre z'Wärn d'Idee gä, es würdi nüt ſchade, dß Landgricht Konolfinge-n-und dß obere-n-Ammethal chly la z'erläſe, was de junge Burſche vom Schtalde nume rächt het chönne ſy. Di Alte frylech hei under ſich ufbegährt, was das jiz wieder für ne-n-Uverſtand ſyg, im Dugeblick, wo me di Burſch bi der Arbeit ha sötti.

Na der allgemeine-n-Inſchtruktion iſch der Büchje-meißchter cho und het d'Lüt usgrüſchet und brichtet, wie ſi d'Sach ſölle-n-umhänke, und du het me ſe-n-hteilt i unglychligi Schtreifrotte, je nam Uſtrag, und jede-n-Offizier het eini dervo übernoh, näbedſi gfühert und inſchtruiert.

Di der ganze Mobilisation het natürlech der Chrieggge-Chrigel sech chrutig gmacht. Er isch Zügwart, Instrukter und Inspäcter zuglich gsi, het überall ghulfe-n-und grate, mit uflätige Wäge welle Echtmung mache-n-und mit Uslache-n-und Abrietele di schüüchere Lüt vertöubt. Alles isch schtillschwygend der Meinung gsi, d'Landjegi sött im Schloß asah und der Chrigel wär der erscht, wo über d'Gränze ghörti.

Di einte Schtreifrotte sy no am Namittag uf Linde-n-und Röthebach marschiiert, di andere z'morndrisch bi Schtarneischyn vo Hünige-n-ufbroche. Der Sammelpunkt het Signau sölle sy. Der Oberscht isch use-n-Abte dert hi gritte, für der Fang ga z'erläse. Es isch allergattig uchummlechs Volk härebracht worde, wo me-n-i einsame Hüseni und Heuschoberli us de letschte Schtrou- und Fuetterhüüfeleni füregrüblet het, verhudleti, verluuseti und präschthasti Figure, die fei irdische Machthaber zu syne Lüte zellt het. Mänge harmlose Bättler isch vo de Säßhafte de Schtreifrotte zum Schueb übergä worde, und a mängem Ort het me-n-am Abte gseit: „Es het fei gsüberet“. Si hei emel gemeint, was zrückblibe-n-isch, sygi alls süber. Aber z'morndrisch hei si gfluechet, will der Oberscht alles wieder heigschickt het, was nid gfährlech usgseh het. Das isch natürlech du o wieder nid rächt gsi.

Am dritte Tag isch me dür ds obere-n-Ammetal und het gäge Truebschache zsämetribe. Alles i-n-allem het me nes halbs Doze ganz Bösi über Ehröschebrunne-n-a di luzärnisch Gränze gschickt. Dert het der Oberprofoß vo der Chrißeggte syni Manne mit gladene Muskete-n-ufggestellt und de Bagante gseit, er zelli bis zäche und de wärd gschosse. Und du sy si dervogschtoße, di einte-n-i peinlecher Erwartung mit de Händ uf em verhudlete Sitzläder. E zytlang het me du no Böschte-n-ufggestellt gla und öppe no ne Schtreifzug undernoh, für z'berhüete, daß si grad wieder umechöme.

Einisch dahinde, het der Oberscht Wendischag grad vo der Glägeheit welle profitiere, für syni Alpweide-n-ufem Bärgrügge vo der Rißisegg ga az'luege. Er het alli Mannschafft underem Befähl vo mene Bärner-Offizier heigschickt und isch z'morndrißch allei der Bärge uf gange.

Was er i der letschte Zyt alles erläßt het, isch wenig gfreut gsi und het ne-n-i d'Schtilli tribe. Aber er het se niene rächt chönne finde. Es het ja um Hünige-n-ume gnueg einsami Wäge gä, aber härzwenig Punkte, die nid der Oberscht a irged e Sorg us syr Herrschafft gmahnet und syni Gedankengang gichtört hätte. Descht lieber isch es ihm jiz gsi, allei dür ne ganz möntschelääri Bärgegägeb z'wandere. Wohl isch es ihm du da klar worde,

daß eigetlech di ganzi Urueh vo Hüniqe nume=n-e Bewys derfür isch gsi, daß är für öppis i der Wält syg und nüglicherwys öppis z'trage heig. Aber wenn Gim e so im Gschtürm vom tägliche Läbe schier der Alte wott usgah, so blanget me de na mene Schnuufhalt.

Uf schlächtem Ziggzagg-Wägli isch der Oberischt dür schtotzigi Grebe=n-us, z'plägewys isch i tief ngfrässene Bachbette no-n-es Hämpfeli Schnee gläge. Nachhär isch es über muzi bruuni Weide gange, gägem Grat zue, wo uf der Gränzscheidi es mächtigß Holzchrüz gschtande=n-isch. Das het er zum Zil gnoh. Na nere halbe Schtund isch er bi däm Ehrüz uf e Grat cho, wo plözlech der Bärq i schtotzige Runse=n-und schmal zuegschpißte Tannewälber tief abfällt, i ds Äntlibuech abe. I graublauem Dufem isch das Tal zu syne Füeße gläge, so schtill, daß me vo wyt här ds Wasser het ghöre ruusche. Und änet dem Tal sy di große Bärge=n-ufgschtige, matt-blaui Schteiwäll mit Schneefläche=n-und verwitterete Gräte, da und dert e broncefarbige Schimmer uf nere morgewärts usem Dunscht usragende Flueh. Und derhinder, wyt änet dene viele tiefe=n-Abgründ und verrissene Felsewäll, dert, wo me nie hicho isch, sy di ewige Schneebärge=n-am bleiche Frühliß=himmel gschtande, troumhasti blaui Firnsälber. Und uf de höchschte Kante het d'Sunne=n-Nichtürm gmacht z'blige.

Der Oberstet het sech a ds mattsilberige Holzchrüz gläht. J. H. S. isch druff ygchnitte gsi, Buechschtabe, die vor viele Jahre-n-e brave Mönstsch o dem Hüniger i ds Härz ygchnitte het.

I de große Bärge-n-äne-n-isch undereinisch e wyßi Wulke worde-n-und dagfi, me het nid gwüßt wohär und wieso. Si het ganz unbeweglech gschine, und doch isch si alli Dugeblick anders gsi, bald größer bald chlyner, und na nere Viertelschtund isch si nümme gsi, und anderi sy worde, ufgschtöcket und im Sunneglajcht verschwunde.

„So isch es bi mir o gange“, het sech der Oberstet gseit, und sy ni Blicke sy i di verschtrichene Jahr zrückfalle. Weder Bärge, no Tal het er meh gseh vor syne-n-offene-n=Duge, aber e vielsarbige Bergangeheit. Wie-n-e-n-alte Ma isch er sech vorcho, wenn er alli di Lüt het la defiliere, wo i syß Läbe tief ygriffe hei, und doch, was isch es gsi! Drü Doße Jahr, aber mängß drunder so rych wie-n-es ganzes längß Läbe. Ganz jung scho isch er zu Ehre cho. Urschprünglech glatt und glimpfig wie-n-e-n-Eidechs isch er dür alli Hääg gschloffe, wo-n-ihm ds Läbe verbarrikadiert hätte. Aber so gleitig er uf d'Höchi cho isch, so bald isch es us gsi mit der Carriere, emel so vor der Wält. Chuum dobe, im Oberstetefattel, het er sy ni Ryder etdeckt, und du isch der Verleider über ihn cho, mächtig verbündet mit dem Hei-

wesh. Himmelhöch, aber churz wie=n=e Troum isch ds Glück mit der erschte Frou gsi. Über däm Allem isch er nüchter und halt worde. Der Bärner=charakter isch wieder obenuf cho, und was isch Bärner=charakter? Schtill um sech luege, bis me heiter gseht i Lüt und Sache, bis me weiß, wie's cho isch, und nachhär da druuf fürsichtig ufboue, öb's de Lüte gfallt oder nid. Geng grad us und sech gä, wie me=n=isch und ds Gägeschpil näh wie's chunt. Nume fei Komedi ufführe! — Das verdammte Riiünizieh mit de Lüte! Geng nume rächn: gisch du mer das, so gibe-n-i dr dises, und nie nüt welle schuldig blybe, schtatt eifach z'jäge: sät, da heit dr mi!

Ziḡ het der Oberscht i sech öppis gschpürt, wo nid mit däm Gedanke harmoniert het, und er het sech gseit, dä Widerschpruch well er nid mit sech i ds Tal abe trage: Das ganze letschte Jahr het er sech sälber nie der tief Konflikt zwüsche sym Schträben=und syr Liebi welle=n=ngischtah. Ziḡ, i däm ein=fame=n=Dugeblick hätt er's möge=n-a di Flüeh übere brüele, daß ihm's ds Echo dütlech würd antworte: „Si hei doch rächt gha, du heisch dnr schöne Frou g'opferet, was du de=n=Andere heisch verschproche gha.“ — Ja, ja, so isch es cho, 's isch worde, wie dert äne d'Wulke, ungsinnet und ohni z'frage. I ha's gschpürt, villicht si o, aber mer hei beidi nid welle der Name ha, und so sy mer derzue cho, geng mit=

enandere nüüniz'zieh mit allerhand charmante Re-
vanche, anstatt 's la druuf abz'cho und is anen-
andere z'wage.

Und drüber ha=n=i ds Zuetroue vo bene=n=allne
verlore, wo=n=i dem Vatterland wieder ha welle zue-
führe. Siß isch der Schade da. Schtatt Zuetroue-
n=und Liebi nüt als Verdacht und Mißtroue z'ringse-
tum. Kei Mönstsch gloubt mer, daß i's ufrichtig
gmeint ha mit dem Schtärn vo Buebebärg. Und
es wird je länger, descht schwärer, der Bewys derfür
z'leichte.

Schtundelang isch der Hüniger da obe gsässe=n-
und het syß Härz usgruumt. Ändlech macht er sech
uf, er het ja no syni Alpweide welle ga aluege. Er
het sech fascht nid chönne trenne vo däm herrleche
Punkt. No einisch luegt er zuefällig uf zum Ehrüz
und da fallt ihm undereinisch e große=n=erlösende
Gedanke=n=i ds Härz: Dä, desse Dänkmal das Ehrüz,
isch, dä het der letscht und unwiderleglech Bewys
vo syr Liebi gleischtet: Er isch derfür i Tod gange.
„Wenn i das chönnti!“ het sech der Oberscht halb-
lut gseit, „wenn i das chönnti!“ Und mit däm
Gedanke=n=isch es ihm ufrichtig ärnst gfi. Es git
viele Wünsch, die me nume so lang im Härz dasume
treit, als me ganz sicher weiß, daß nüt drus wird.
So hets der Oberscht Wendschaz aber nid gmeint,
wo=n=er mit dem Troum heicho isch, der letscht und

schärflich Bewys für d'Ufrichtigkeit vo sym edle Schträbe z'leischte. Er isch scho so gfangen gsi vo dem Gedanke, daß er, wo-n-ihm syß Buebli mit lutem Fuheje-n-etgägegischprunge-n-isch, nume mit der gröschte Müej het chönne d'Träne hinderha.

Und du isch d'Frou Rät'heli cho mit liechtem Gang und offene-n-Arme. — Da isch si wieder gsi di rosigi Wulke, wo syß Läbe verschleieret het, wo so worde-n-isch, ohni daß ers gmerkt het, grad wie d'Wulke-n-i de Bärge-n-obe. Und Trüebjal und Todesgedanke hei sech underem gulbige Läbesdufem verschlosse wie d'Schätte, wenn's taget.

D'Frou Rät'heli hets dunkt, no nie heig se-n-ihre herrleche Ma so seicht und so härzlech i syni schtarke-n-Arme gnoh, eis mal über ds andere-n- und geng wieder vo Neuem. „Was het er o?“ het si sech müesse säge, und wo-n-er plözlech zur Schtube-n-us geit, ohni z'säge, warum und wohi, isch's ere ganz uheimelig worde.

Scho z'morndrisch isch der Oberischt ga Bärn gritte, für ga Bricht z'erschtatte-n-über ds Ergäbnis vo der Landjegi. Es het nüt Gfreuts gä z'brichte. Vom Dugeblick a, wo me nume di ganz böschte Heimetlose-n-ermittiert het, hei d'Bure der Obrikeit nüt meh gha uf jettige Maßregle, im Gägeteil, me het derhinder nume ne Schpioniererei vermuetet. Wo-n-er das dene Herre vo der Polizeikommission

mit aller Offenheit dargleit und gseit het, er hoffi, ihn laj me jiz de einschtwoyle-n-i Rueh mit fettige Sache, het ihm der Präsident — eine, wo jedefalls uf der Landjegi nid nachemöge hätti — g'antwortet: „Me mueß öppis e so chönne-n-uf sech näh, Herr Oberischt, wenns gilt der Republik e Dienischt z'leischte.“ Im Übrige het neue z'Bärn Niemer Ohre gha für fettigi interni Sache. Am Horizont sy bösi Wätterwulke gschtande. Allerhand Umtribe hei d'Schtimmung gäge di katholishe-n-Eidsgenosse verderbt, und das het alli andere-n-Interesse-n-überwuecheret.

Der Hüniger het sy Ufethalt i der Schtadt benützt, für uf ds Schtulle Hans Uelis Ufsage hi no einisch mit dem Better Brächt ga z'Bode z'schtelle. Der Brächt hets jiz vo der heitere Syte gnoh und uf Ehr und Gwüsse dem Oberischt versicheret, es syg gar nüt Böses gscheh. Si heige halt mit mene luschtige Buremeitschi Muetwille tribe gha. Ihn, Brächt sygs ob em Heirhte-n-acho, dam Meitschi no ga adieu z'säge-n-und das heige halt di Burelüt läz verschtande. Me gsej grad, wie giechtig d'Schtimmung no geng sygi. — Aber d'Sach syg jiz gscheh, me jöll's nume nid geng wieder ufriehre. „Da häb nid Chummer“, seit der Oberischt dem Better Brächt, „'s isch uf alli Fäll ds Gschydschte, me redi nümme dervo; aber mir heit dr dermit e wieschti Bshärung agrichtet. Nächschte Herbscht gits de nüt us der Jagd, daß drs nume wüßet.“

„Nächste Herbst?“ lachet der Brächt über-
schannt, „da jage mer de villicht katholische Hase.“

„Wenn dir de aber nid besser zämeheit als der
fälb Abe, wo dr hei syt, so chönnts de gscheh, daß
si euch jage.“

„De lat me halt de der Herr Oberscht Wendisch
uf se,“ schpottet der Brächt.

Uf em Heimäg het der Oberscht sech gseit: „S
hätti gueti Luscht, wieder zruggz'buechschtabiere, aber
es isch besser, i blybi derby; me chönnt mer's für
Schwächi uslege.“ Er het derby a d'Züglete vom
Müller dänkt, wo z'morndrich het sölle vor sech geh.

Wo-n-er z'Hünige zum Schtall zuecherytet, schtande
scho di packte zwoe Wäge da. Hätti der Müller alli
syni Habsäligeite welle mitnäh, so hätt er wohlöppe
zähe große Wäge gfüllt dermit, vomäge-n-es isch
no gar mängs us syr große Zyt dagfi. Zik het me
du nume ds Allerbeste züglet und der Nächste,
so guet's öppe gange-n-isch, verschouft, natürlech mit
Schade. Dä Verlust het dem Müller o wieder
hert wehta. Aber no meh het es syr Frou und der
Tochter ds Härz usgrüehrt, wo si alli di Wahrzeiche
vo ihrer vergangene Glanzzyt us Schyncher, Cham-
mere-n-und Trög hei müesse-n-erläse-n-und so mängs
dahindela. Der Oberscht het's wohl gseh, wie hinder
de Wäge-n-e ganzi Truppele Lüt gschtande-n-isch,
Nachbare, wo d'Müllersfamilie sy cho bhüete, und

wie d'Muetter mit beidne Hände ds Fürteck vor d'Duge drückt het. Wo=n-er nacher cho isch, hei si sech alli verzoge. Ohni es Wort vo sech z'gä, isch er abgichtige=n-und i ds Schloß gange. Und dert isch na nere Schtund öppe d'Müllersfamilie=n=agrückt und cho Abschid näh. D'Frou Rät'heli isch o derby gsi, und so het sech es Jedes zsämegnoh und leidlech gueti Wort gä. Me het doch z'beidne Syte druff gha, im Fride=n=usenanderez'cho.

Aber der Oberscht het kei Rueh gfunde di sälbi Nacht. No bi Schtärneschyn isch er wieder uf; es isch ihm gsi, er müeß derby sy, wenn si de abfahre. Um d'Mühlichüür ume=n=isch e Latärne hi=n-und hängange. I der Thuchi het me d'Feiteri vo der Füürschtatt gseh. D'Familie=n=isch mit de Ehnächte drum umegschtande=n-und het schtändlige z'morgegässe. Gschpänchterhaft sy di große Schätte=n-a Fänschter und Wände=n=umegfahre. Bald druuf sy si use, hübscheli, wie wenn si d'Herrschaft nid wette wecke, hei di schön gschirrete, schwäre Roß fürezoge=n-und agspannet. Der Jakob het mit ds Oberschts Gutscheroß der zwöit Wage gfuehrt. Erscht wo si usgässe gsi sy, het sech der Oberscht füregla und isch ne=n=allnezjame no einisch ga d'Hand drücke. Und du sy si gfahre. Ds Letschte, was er ghört het, isch e Schluchzer gsi vom Mühlkät'hi.

Es het asah tage. Überem Toppwald sy rose=

farbi Wulfeschtreife=n=ufzoge=n=und derzwüsche het mit grüenlechtem Liecht es Schtärnli gflimmeret. Da isch der Oberstcht düre Mühlihof gange. Alles zue, schtill und tot. Reiz Liechtli meh. Ziz erscht isch es ihm rächt zum Bewußtsh cho, daß d'Mühli schtillgshande=n=isch — es Härz, wo het ufghört schla! — Ja, Ruch und Fride=n=isch jiz gfi. Ach Gott ja! Und d'Chiese het o anders gruuschet als sünsch. Si het hie nüt meh z'tüe gha und isch mit müessigem Schwäze=n=und Gurgle=n=under de Neder düregschosse.

Wo ändlech d'Sunne=n=übere Bärz cho isch und uf de Roseschtdöck vo der Frou Rätiheli der Thou glißeret het, isch der Oberstcht uf em Bank vor em Hus gßaffe, halb ugschlafte=n=und het der Wäg us mene böse Troum use gsuecht. Uf allne Bäume z'ringsetum hei d'Vögel g'jubiliert und gschnäderet, aber är het nüt dervo ghört. Er het's o nid g'achtet daß si änet dem Rosegarte d'Sichle gwezt und gmait hei. Si hei ne wohl gseh siße=n=und hei sech gfragt, was das ächt sölli bedüte. Schwär und schwärer isch der Schlaf uf ne gfallte, ohni ihm o nume=n=im mindischte wohlz'tue.

Undereinish schießt er zwäg. Er het troumet gha, er sißi i mene große Saal, wo=n=er einisch irgedwo i Frankrych het gseh gha, mit viele bekannte=n=und unbekante Lüte. Wo Zyt zu Zyt sygi Eine=n=ynecho, e gharnischte Cavalier, und me heigi gseit, daß sygi der

Tod. Sim nam andere heig er grüest und ne wäggsüehrt, und jedesmal, göb er wieder zur Türe-n-hyecho sygi, heig me duffe ghört e Sägesse weke — und jiz — jiz heig er sy Name grüest. Da drob isch der Oberscht erwachet. Schlaffschurm no luegt er i schöne hälle Morge-n-use, da ghört er zu syne Höupte wieder rüefe. 'Sisch sy Frou gsi, wo erscht jiz erwachet isch und gmerkt het, daß der Oberscht furt isch. Jiz het si ne ghört vor em Fänsther unde-n-und rüest obe-n-abe, was er da machi. Er heig dem Müller no öppis gha zfüge, antwortet er und geit um ds Hus ume gäge d'Türe zue. Sobald er wieder ganz zue sech sälber cho isch, het er sech afah Vorwürf mache, daß er sech so heigi lagah. I ruuche-n-us-drücke het er mit sech sälber gredt. Er het sech aber lang chönne z'sämenäh, d'Frou Kätheli het sech viel z'guet uf d'Schrist vo syne Züge verschtande, als daß si nid gmerkt hätti, wie hert ne der Uszug vom Müller plaget het. Si het ne du mit unwiderstehlecher Bärtlechet zwunge z'rede. Si het ihm rächt gä, aber offekundig nüt begriffe, wo-n-er nere-n-erklärt het, si welle doch fürderhi grediusse rede-n-und nümme da so nüünizieh mitenandere. Si heig ja nie anders gredt, als si dänkt heigi, het d'Frou Kätheli betüüret, und so isch der Vorwurf, us Liebi hinderem Zuun blibe z'sy, uf ihm allei blybe lige.

Underem beidsytige Flyß offe z'sy und sech gäge-

sytig nüt meh z'opfere, sy du di nächschte Wuche-n- und Monete zwüschem herrschaftleche Paar im süeßischte Glück verschriche. Und e bsunderi Harmonie isch du z'vollem no dry cho, wo-n-es sech befunde het, daß nach möntschlecher Vorussicht der Tölbi über ds Jahr nümme-n-einzig Chind im Hus wärdi sy.

Aber underem Glück sy d' Sorge wyter gschliche. Sowyt der Oberscht um ne neue Müller us isch, er het keine chönne finde. Und der Schtulle Hans Ueli het's wieder müesse-n-übernah, dem Oberscht z'säge: „Es chunt Ech e Keine meh, bis daß ordli Gras über di Sach gwachse-n-isch.“ Der Oberscht het gseh, und der Pfarrer Gryph het ihm's bhertet, daß mit de-n-Alte nüt meh z'mache sygi. Under sich hei di alte Burelüt usgmacht gha, der Müller-Chrischte heig halt doch furtmüesse, will er im Uffstand zu de „Herte“ ghört heigi. Vo Bärn us syg er vertribe worde, und daß der Oberscht derzue Hand botte heigi, das zeigi, daß er halt doch e Trabant vo de-n-Underdrücker syg, göb was er machi und sägi. Sobald du dem Oberscht das klar worde-n-isch, het ihm sy Schtolz verbotte, länger um ihres Vertroue z'wärbe. Dersfür het er sech etschlosse 's mit de Zunge z'probiere, wo der Chyb vom Burechrieg här nid so tief im Härz treit hei.

Er het dermit agfange, daß er eint und andere junge Bursch zur Arbeit uf em Schloßguet dunge-

n-und i der Zwüschezyt im Schybeschieße mit der Reismuskete=n-inschtruiert het. Alli Wuche=n-einisch het er mit ne ne Schießet agschstellt, und wär drümal i ds Schwarze breicht het, däm het der Oberscht e Büchse gschänkt. Vor allem het ers grad juscht uf die abgseh gha, wo im Verdacht gichtande sy, si heige der Brächt abgschmieret.

Wo ds Loub wieder rot worde=n-isch, het me z'Hünige feini glänzende Cavalcade gseh mit Weizivögel über d'Fälder ryte, aber bi nere Turbehütten-isch gäge Hubewald zue e Schießplatz ygrichtet gsi, und dert het der Oberscht Wendeschag uf sy Fuuscht und syni Ghöschte der Republik währschafft Soldaten-erzoge — frylech mit Hülf vom Chriseggge-Chrigel. Di Alte hei däm Wäse zwar geng no nid trouet — trotz de gschänkte Muskete —, aber us Gwunder hei si doch afange vo wytem zuegluegt. D'Frou Oberschti isch de albe mit dem Töldi o cho zueluege=n-und het mit fründleche Worte di guete Schütze=n-ufgeschlepft.

So sy si einisch am Schieße gsi, währed zringsetum d'Chüe gweidet und da und dert es Fwürli heimelig bränntelet het, da chunt vo Tägertschi usen-e rot und schwarz bschleidete Rüter cho az'trabe=n-und bringt dem Oberscht e Brief. Mid für nüt hei Alli mit nere gwüffe Schpannung gluegt, wie der Oberscht der Brief usenanderefaltet. Me het gmerkt,

es isch öppis Ungwahnets und Wichtigs. Ja, es isch e Befähl gsi, uf der Schtell ga Bärn z'cho, vore Chriegsrat. Natürlich het der Oberscht Niemerem uffert syr Frou öppis dervo gseit. Aber troghäm isch z'morndrisch ganz Hünige fascht verzahlet vor Ungeduld, für z'wüsse, was der Schloßherr für Bricht heibringi. Ds junge Volk isch ob de Waffenübunge chriegsluschtig worde gsi, und daß under de-n-Eids-genosse-n-öppis im Ungreis sygi, het me ja scho lang ghöre brichte.

D'Frag: „Gits Chrieg, mueß i o gah?“ het natürlich dem Oberscht nid minder z'dänke gä als syne junge Hüniger-Musketier. Unwillkürlech isch er schärfer gritte, und mit kampfluschtige-n-Duge-n-isch er zur feschtgsekte Schtund im Rathus vor di geschtränge Herre trätte. Aber wär beschrybt sye Erschtuune, wo-n-ihm, nahdäm er no rächt lang i der Vorschtube het dörfe warte, der Chriegsratspräsident mit unheilbrüetender Schtirne-n-eröffnet, es sygi dem Rat zu Ghör cho, daß der Herr vo Hünige gänzlech unbefuegterwys Burelüt mit Waffe versorgi und sogar zu chriegerische-n-Exerzitie-n-ufbieti, er söll über di Sach Uskunft gä.

Der Oberscht het gchochet vor Zorn und sy große Filzhuet vor em Präsident — villicht nid ganz duuch — uf e Tisch gleit und agfange: „Myni hochverehre Herre!“

Aber da het's grad gheisse: „Herr Oberscht, i mueß Ech bitte, Ech welle reschpächtvoller Forme z'beflyßige.“

Na mene verwunderet-zornige Blick use Präsident zieht der Oberscht sy Huet wieder a sech und fahrt wyter, syni harmlose Schießete z'verteidige. Er heig ja nüt anders im Sinn derby, als ds Vertroue vo der Bursami zu sich und zur Regierung wiederhär-z'schtelle.

„Wie dörfet dir nume dra dänke, i ds Fäld z'zieh, bevor das Vertroue wieder da isch?“ het er gseit. „Ds Bärnervolk geit euch nie für ne Regierung i Chrieg, sondere für Land und Freiheit, Wyb und Chind.“

„Mer hei Ech nid citiert, für Eui Meinung über d'Regierungspolitik z'ghöre, Herr Oberscht“, schnauet ne der Präsident a. „Dir chönnet jiz einschtwoyle-n-abträtte.“

Er het du wieder e Halbchtund dörfe ga warte, und du het me-n-ihm eröffnet, der Chriegsrat welli di gueti Absicht, i dere di Exerzitie syge-n-usgführet worde, us bsunderer Gunsch und Nachsicht anerschenne. Aber fettigi us usurpiertes Machtvollkommeheit agschtellti Experimänt zur Härchtellung des Vertroues syge-n-unnutz, unerwünscht und höchst gefährlech. Di Waffe syge-n-unverzüglech wieder hz'zieh und jegleche Schießet fürderhi schträngschtes verbotte. Im Übrige well me's für dasmal la guet sy.

Dem Oberscht isch es gsi, wie wenn me ne i ne ganz frömbdi Wält ynegschteht hätti. Und doch het er di Herre vom Chriegsrat alli gkennt, mäinge dervo als tüchtige-n-Offizier vo offenem Berschtand.

„Es isch grad, wie wenn me ne nes Brätt vor e Chopf nagleti i däm Rathus“, het er sech gseit.

„Was isch o das? Früeher isch es emel anders gsi.“

Er isch grad vom Rathus ewäg zu sym Schwigervatter, dem Herr Seckelmeischer Willading, für ihm ga ds Härz z'lääre, will er ds bittere Gfüehl het gha, es wärdi gäge-n-ihn intriguiert.

Der Herr Willading het ne, wie geng, fründlech epfange; aber über d'Chlage vom Oberscht, het er schier öppis wie Schadefreud gha. Er isch sech mit der Hand langsam düre Bart gfare, het der Schwigerfuhn ablinzlet und gseit: „My liebe Fründ, Dir heit's e so welle ha. I ha-n-Ech ja d'Türe-n-ufsta gha, aber Dir heit absoluti nid yne welle. Dir heit's vorzoge, Euer Wäge z'gah; i ha-n-Ech la mache; aber jitz dörset Dr Ech nid verwundere, daß Dr allei blybet.“ — Na mene Cheheli fahrt er surt:

„Dir chönnet Ech's ja überlege. Wenn Dr Ech anders bsinnet, so cha me-n-im Früehlig geng no luege. — Rume förchte-n-i, jitz, wo me weiß, daß Dr egeti Wäge ganget, chönnts de nid so glatt gah. — I würds probiere. Tüet es Gleich und“

„Nie — nie!“ antwortet der Oberscht. „Hütt weniger als je!“

„Ja nu“, meint der Herr Willading, „i troue-n-Ech der Muet zue, der Wäg allei under d'Füß z'näh. Aber, öb Dr läbig a ds Bil chömet,“

„Läbig?“

„I meine, öb Drs erläbe wärdet, daß Eui Ideal gryßbari Form überchöme, schynt mer fraglech.“

Uf das hi het der Oberscht ds Gschpräch abglänkt, für no z'erfahre, was egetlech dusse-n=i der Wält gangi und wo's use well mit de Katholische.

„Daß Gott erbarm!“ het der Seckelmeister gseit. „Das chunnt jedefalls nid guet. Afange hei si trotz allne-n-Abmachunge, daß kei andere Bund meh söll gälte-n=als d'Eidsgenossenschaft der boromeisch Bund erneueret, und jiz gange si z'Schwyz inne so schtrub um mit dene-n=arme Reformierte. Si hei nere gchöpft; anderi sy ne glücklech no ertrunne, aber si hei alles Hab und Guet müesse dahinde la. Grad juscht sy der vo Werdt und der Frischig yne greiset, für ga Vorschtellunge z'mache. Wenn si unverrichteter Sache-n=umechöme, so wett i de für nüt meh guet schtah. Der Herr de la Barde, der französische Gsandte, hüschteret zwar gar grüßlech dasume, für der Fride z'rette. — Aber i gloub, es treit ihm nüt meh ab.“

Für hütt het der Oberscht Dbrück gnue heibracht. Fascht isch ihm d'Usicht use Chrieg zu mene Troischt worde. E Fäldzug hätt' ihm doch villicht Glägeheit gä, dütlecher z'zeige, wie-n=er's meini, oder de

ja de! Ob dene Chriegsgedanke hätt' er du no schier vergässe, dene Hüniger=Bursche di gschänkte Muskete wieder abz'näh. Er het ne du gseit, me well se=n=übere Winter dem Büchsemeischer i Gwahrjam gä, und so hei si se guetwillig wieder i ds Schloß abgeliferet.

Dasmal isch es über ds Mäß vo däm gange, was der Oberscht im Schtulle het chönne verarbeite. D'Frou Kätheli het natürlech welle wüsse, was los syg. Und im erschte=n=Dugeblick het si nid rächt gwüßt, söll si's vo der heitere Syte näh oder sech förchte, wo=n=er uf ihri Frag: „Was hei si vo Dr welle? Es git doch nid öppe Chrieg?“ losbricht: „Wenn's no das wär! So gäb's doch e Mügglechkeit mit Chre drus z'cho. Aber das gönnt me mir nid. — Si wei mer nah=ti=nah der Bode=n=under de Füeß wäg zieh. Si gönne mers nid, daß i hie usse mit myne Lüte=n=uf ne grüne Zweig chume. Wenn si chönnte, so nähnte si Di wieder vo mer erwäg“ Er isch wie=n=e Leu im Saal uf und nider gange, und d'Frou het ne mit ängschtliche Blicke verfolget, bis zu däm letschte Wort. Da schteit si=n=ihm i Wäg und fragt: „Wär?“ — Schtatt z'antworte, schreckt der Oberscht beidi Füüsch i d'Luft und seit: „Aber dir müesset no erfahre, wär i bi!“

„Bärni, Bärni! Säg mer, was isch gange?“

fragt d'Frou Kätheli und leit ihm ihri herrleche weiche-n-Arme-n-ume Hals. Na mene schtobere Blick a d'Vili ufe het er gschine wieder zue sech sälber z'cho. Er het sy Frou a sech drückt und sech i ne Fauteuil am Kaminfür la zieh, und du het er du wieder asah loslege, wie's d'Frou Kätheli no nie erlält gha het. Z'erscht isch si vor ihm blybe schtah und het ne la rede, und du het si sech uf syri Chneu niedergla, sy Chopf i ihri Händ gnoh und ihm gseit: „Winnsch di no, Bärni, i der Chuchi z'Brunnadere hei mer z'säme-n-usgmacht, z'Hünige welle mer de für üs sy und es söll niemer nüt agah, was mir da usse trybe. Und da derby blybts, mer schnyde glatt ab mit dene z'Bärn, bis daß mir hei, was mer sueche. Und wenn's Chrieg gä sötti, so hei si di doch de nötig; de isch es de a dir, der Brys z'mache.“

Die paar Wort hei dem Oberscht wohl ta. Es isch vo denn erwäg z'Hünige gsi, wie na mene Gwitter, heiter und warm. Und je schtrüber der Winter um ds Schloß ume tobet, d'Fänschter gschüttlet und Schnee uftreit het, descht herrlecher isch ds Glück vom herrschaftleche Paar ufgange. Als liebe flyßige Gascht isch der Pfarrer Gryph e-n-intime Züge vo däm Glück gsi.

Der Schnee het frylech d'Wäge deckt und d'Lüt i de Hüser bhalte — me het wenigchtes di un-

gichtörti Schtilli der Houptsach nahgmeint der Schträngi vom Winter z'verdanke —; aber Eine het er doch düre gla vo Bärn här, wo mit eim Schlag Alles g'änderet het: e Ratsweibel, wo churz vor Wiehnachte dem Oberscht der Marschbefähl ga Länzburg bracht het.

Das isch e Donnereschlag us heiterem Himmel gsi. Und er het e furchtbari Wirkung ta. Der Oberscht und sy Frou hätte nie gloubt, daß es se so hert achäm. Aber nam erschte Schräcke-n-isch doch über Weidi e herrliche Schtolz und e grossi freudigi Zueversicht cho, will si sich gägesytig ygrebt hei, jitz syg der Dugeblick cho, mit Gottes Hülf öppis z'tue, wo dem Oberscht syni Zil vor aller Wält ändlech wärdi i ds rächte Liecht rücke, syni Nyder und Gägner wärdi z'schande mache. I där Hoffnung sy si no feschter worde, wo der Oberscht mit gringer Müej syni freiwillige Musketier het möge-n-überrede, mit ihm usz'rücke. Wohl het's ne gruuset ab em schtränge Winter; aber d'Luscht öppis z'gseh und z'erläbe, het se doch abem Dsetritt zoge.

Am Tag na Wiehnachte, amene schöne chalte Morge, sy si usbroche. Di letschti Nacht vor em Abmarsch isch füre-n-Oberscht und sy Frou gräßlech gsi. Es Jedes het syni üsserschte Seelechräft z'äme-gnoh, für dem andere nid ds Härz schwär z'mache. Aller Wahrschynlechkeit nah het der Oberscht nid chönne

wieder zrück sy, bevor der Buz het sölle-n-alange. Das hei si wohl gwüßt, und e furchtbari Angscht het se Weidi gmartert. Z'momäntewys hei si Weidi zsäme briegget. De hei si sech wieder zwunge, sech tröchtlechi Müglechkeite-n-uz'rede. Ds Räthelis Muetter het ja de sölle ga Hüenige cho, damit es nid allei syg. Müglecherwys chönni ja villicht der Oberscht o uf nes paar Tag vom Regimänt abcho. Und usgeschlosse sygs am Änd o nid, daß es nid zum Ufserachte chömi, daß me sech uf der Tagagung no anders bsinni, und so wyters.

Aber wo si zsäme vor ds Tölbis Bettli cho sy und dä so ahnungslos hei gseh schlafe, isch es wieder über se cho, meh no übere-n-Oberscht, als über d'Frou. Er het lang e keis Wort fürebracht, bis es ihm etsahrt: Myn Gott, myn Gott! — dä guet Bueb!“ — Si hei sech lang chönne wehre. Me cha sech i fettige Momänte mängs vorrede; wenn nume d'Ahnunge nid wäre!

„Aber gäll, du chunsch de so gschwind ume-n-als irged müglech!“ het Frou Rätheli geng wieder gseit. Und är het wieder Alles zu ihrem Trostcht fürebracht, was er nume chönne het. Erscht na Mitternacht isch e Müedigkeitschslaf uf se cho, us däm se scho bald es Chlopfe-n-a-der Schtubetüre-n-ufgschreckt het. Der Pfarrer Gryph sygi da, hets gheiffe. Es het chuuum taget; aber der Oberscht het ne gheiffe gha cho.

D'Nacht isch düregkämpft gsi, und d'Uffewält het sich ygichstellt. Sit het's gheisse, sich selbst zeige.

Im Saal sy di junge Musketier versammelt gsi und d'Enächte vom Oberscht. Es schpärlechs Lampeliecht het uf de Waffe glänzt und phantastische Schätze gworfe. Sobald di herrschaftliche Familie=erschine=isch, het der Pfarrer lut und sylesch afah läse:

„Herr, ergreife den Schild und Waffen, und mache dich auf mir zu helfen. Rücke den Speiß und schütze mich wider meine Verfolger. Sprich zu meiner Seele: Ich bin deine Hilfe.“ „Wer unter dem Schirm des Höchsten sitzet und unter dem Schatten des Allmächtigen bleibet, der spricht zu dem Herrn: Meine Zuversicht und meine Burg, mein Gott, auf den ich hoffe. — Ob tausend fallen zu deiner Seite und zehntausend zu deiner Rechten, so wird es doch dich nicht treffen.“

Der Pfarrer leit d'Bibel ab und seit: „Manne, Bärner! Es soll nid eue Gedanke sy, mit heiler Hut us em Kampf hei z'cho. Der böschte Fall für ne rächtschaffene Ma isch nid der Tod uf em Schlachtfeld, sondern wenn er der Muet verliert. Wär der Muet verlore het, isch nümme=im Schtand d'Ehr z'rette. Und ohni die chömet mer nid hei. Lueget uf eue=Oberscht, wychet nie vo syr Syte! — Und dir, liebe Fründ, — zum erschte mal het der Pfarrer

ne hie mit du agreedt, — gäbs der lieb Gott, daß du i de Fueßschtapfe vo dym große Vorbild, vom Held vo Murte, chönnisch blybe, jiz v uf em Schlachtfeld, so guet wie daheim.“

Nachhär het der Oberscht d'Fahne vo der Wand abegnoh, het se syne junge Soldate darschtreckt und gseit:

„Manne, dir wüßet, für was mer uszieh, es gilt d'Verteidigung vom Heiligichte, was mer hei: vo üsem Gloube, vo üsem Bätterland, vo üser Freiheit. Mer fächte=n=also mit Ehre und drum erwarte=n=i vo euch nid nume, daß dr mannhast zu der Fahne schtandet, sondere dir söllet nie vergässe, daß dr Chriichte=n=und rächtschaffeni Bärner syt. — Wär treu zur Fahne wott schtah, treu zu mir, söll d'Hand uf d'Fahne lege.“

Si hei alli di rächti Hand uf d'Fahne gleit, und der Pfarrer het langsam und ydringlech gseit: „Der Mensch siehet, was vor Augen ist, Gott aber siehet das Herz an.“

Du het der Oberscht befohle niderz'chneue, und der Pfarrer het für di Uzurückende=n=und die, wo daheim blibe sy, bättet.

Nachhär sy di Manne lutlos di chlyni Schtäge=n=ab i Hof, wo d'Roß parat gschtande sy.

Der Oberscht isch zrück blibe, und währed der Pfarrer uf der Schtäge gwartet het, sy sech der

Oberscht und sy Frou ume Hals gfallt. „Bhüet di Gott“ het er mit erschütterter Schtimm gseit, „und di o.“ Und dermit het er der Töldi uf d'Arme gnoh und ihm es Müntschi gä. „Bis geng lieb mit der Mama! — Bhüet ech der lieb Gott!“ — Du isch er use.

D'Frou Rät'heli isch mit dem Töldi a ds Fänschter gange=n-und het ihm zeigt, wie der Papa ufgsässe=n-isch. No einisch het ere ds Härz im Lyb glachet, wo=n-er so schtolz und schön im Sattel gsässe=n-isch, im Glanz vo der Morgesunne, umgä vo syne Chriegsmanne. Er het mit heiterer Schtirne=n-ufegluengt und het sy große Fäderehuet gschwänkt, und du sy si abmarschirt. No einisch grüest der Oberscht übere verschneite Chrutgarte. Da chunts der Töldi a, er well ne no nacheschpringe, no einisch der Papa ga luege. Er achtet nid, daß d'Mama totebleich uf em Fänschterbank sech a d'Wand lähnt, und schtürmt zur Türe=n-us. Aber dert het ne der Pfarrer abgaffet und wieder hnetreit. Der Bueb het sech gwehrt und eismal über ds andere gschroue: „Papa, Papa! Leut mi use, i wott zum Papa.“

Über däm hätzzerreißende Gschrei isch d'Frou Rät'heli wieder zue sech cho und het mit Hülf vom Pfarrer sech gmüejt, der Bueb z'tröschte. Uunderdesse hei di Usvückende ds Brüggl bi der Schmitte passiert gha und sy Höchschette zue gritte, und im Rank hei si zum letschtemal Fahne=n-und Hüet gschwänkt.

Ridergschlage, erschöpft und doch ruehlos isch di armi Frou Kätheli der Tag übere vo Schtube zu Schtube, für Beschäftigung z'sueche. Z'iri Dienischt-lüt hei ufrichtigs Beduure gha mit nere, sy aber sälber e so gschlage gsi, daß neue Niemer het möge rede. Am Namittag sy die vom Schloß z'Dießbach cho luege, was d'Frou Kätheli machi und hei se merkwürdig vernünftig gfunde.

Natürlech het d'Frou Obersichti der Nacht mit Angscht und Sorge=n-etgäge gseh. Und so müed si gsi isch, het si doch kei Schlaf gfunde. Es isch scho schpät gsi, da ghört si ungewahnetermys loufe=n-i de Gäng, ängsichtlechs, ufgrigts Rede. Si schieit uf, geit under d'Schtubetür und löst. Da gseht si dür ds Turmfänstler, am Änd vom Gang e rote Schyn. Si rüeft de Dienichte, wo dundè=n-im Gang zsäme rede.

„Was ich los?“ fragt si.

„Es brönnt, Frou Obersichti,“ antwortets d'Schtäge=n-uf.

„Wo?“

„Über d'Garnbuuchi use, gäge Dießbach zue.“

Dhni es Wort z'säge, geit sech d'Frou Kätheli ga alege, lat der alt Ehnächt rüefe, wo jih d'Roß bsorget het, und befiehlt ihm, i der Schmitte, i der Sagi und i der Schüüre=n-alles Mannevolk z'wecke. „Ganget ga luege, ob dr öppis chönnet hälfe, und bringet mer Bricht. I warte druuf.“

Si het so härzhast befohle, daß nere würklich o gfolget worde=n-isch. Underdessa het me der gruusige Fűrürfüüle zuegluegt, wo hinder me ne Hubel usecho isch und ds Gwülf und d' Schneehäng a der Hube grötet het. „Erbarm sech der lieb Gott über di arme Lüt, wo jiz z'mitts im Winter das Unglück hei!“ seit d'Frou Kätheli. — Da etwütscht ihrer Ufwärtere, wo näbe=n-ihre=n-am Fänschter gschtande=n-isch, e Briel.

„Was heßch Eisi?“

„Berzieht, Frou Oberschti, i ha gwüß, gwüß gmeint, i gfej e Wolf.“

„Ach was chunt der o z'Sinn!“

„E wohl, luegit! Luegit, dert, wie=n-er düre Schnee us fahrt. — Eh, daß sech die so zu de Hüfere zuehe löi. Das bedüetet e schtränge Winter. — Luegit, er chunt alli Gredi gägem Hus zue. Wills Gott hei si d'Lüre guet zueta übernide.“


Scho het d'Frou Kätheli welle=n-afah schmähle, ds Eisi gfej Gschpänschter, da gseht si sälber das Tier, wie's dem Hus nah schtricht. Es isch nere=n-e Tschuder düre ganze Lyb gloffe, und si seit: „Wahrhaftig, wenn nid üse Hund, der „Tiger“ scho lang tot wär, i sieg, es syg ne. — Gang lue Eisi!“

Der vermeintlech Wolf isch ume Hussegge verschwunde gfi. Ds Eisi het keis Glid dürfe rüehre vor Angscht und Gruuse. Da geit d'Frou Oberschti sälber vo eier Hustüre zur andere. E hets je dunkt,

si ghöri das Tier hüüle-n=und a mene=n=Ort a nere Lüre chraze. Aber si het's niene meh gseh. Wo si wieder ufeshunt, seit ds Eisi, es heig das Tier gseh der Wäg us loufe, geng d'Schnouze=n=im Schnee.

Füür und Röti hei haldeinisch abgnoh und sy ändlech ganz verschwunde. Am Morge=n=isch du der Ehnächt cho brichte, d'Chriseggle syg schtübis und rübis z'bodebrönnt. Ds Chrigels Eltere, armi, verachteti, alti Lütli, heige sech ga Dießbach abe gflüchtet. Da het d'Frou Oberscht beföhle, me söll se=n=i ds Schloß bringe. Und zur Vermunderung, ja schier zum Etzeke vo de Dienstlüte, het si di Obdachlose=n=im lääre Mühliachtöckli underbracht und mit allem Nötige versorget. Si het e Bueb us em Dorf mit Botschaft dem Oberscht nachegschickt. Und dä het du der Bricht heibracht, der „Tiger“ syg dem Oberscht nacheglosse=n=und der Chrigel heig ihm müesse bychte, daß er der Hund synerzyt gar nid töt, jondere=n=i der Chriseggle, bi syne=n=Eltere=n=ngschperret gha heigi. Das het du der Frou Kätheli no Freud gmacht. Das glychi abereinisch dem Chrigel. Aber, was se weniger gfreut het, isch gsi, daß di alte Lütli vo der Chriseggle sech nid hei la usrede, me heig ne ds Hus a allne vier Egge=n=azündtet, das sygi dem Chrigel z'leid ta worde. Me heig ihm's mängisch dröit.





XIV. Kapitel.

Mitti Jenner isch es gsi und grusam chalt, wo e Kuppele Soldate, z'mitts drunder Schlupf-Samelis Eltische, der Ruedi, und der Neueschwander Röbi vom Hünige-Dorf, mit Schnuppe=n-und Chyche dür dz Gschtrüpp vom Majegrünen usgchräblet sy. Wenigi Schritt wyter obe=n-am Bärq isch e junge Schtadt-Bärner-Offizier i nere Blütti gichtande=n-und het der Bärq ab grüeft: „Hie Regimänt Morlot!“ Dhni z'antworte sy di Soldate wyter der Schnee uf gichtampfet — 's het Niemer Schnuuf gha zum Antworte.

„Sie Regimänt Morlot!“ rüeft se der Offizier no einisch a. Kei Antwort. — „Wo ghöret dir hi?“ — Siß antwortet Eine muß: „Aargäu, Wendischach.“ — Ergerlech seit der Offizier zue sech sälber: „Wo sy de üsi hi?“ Und wo-n-ihm wieder Niemer antwortet, brüelet er dene Wendischacher nach: „Dir syt läß! Der Oberscht Wendischach isch dert rächts unde, vor em Wald usse.“ Dä guet Ma isch sälber läß drinne gsi. Ds Regimänt Morlot het wäge mene Scheitbruch linggs usboge, was dä jung Offizier nid gmerkt het. Er isch vorusghlätteret gsi und i d'Wendischacher yne grate, währeddäm syni eigete Lüt dem große Huuse nah ne gäbigere Wäg sech usgsuecht hei.

Bald druuf gits obe-n-am Bärge es ruuchs Glächter. „Heit se, heit se!“ ghört me-n-Eine brüele. Es het a nere flugmüede Kanonedugle gulte, wo mit Ziggzaggschprünge zwüsche de Buecheschtämme düregfahre-n-isch. Nah-ti-nah isch uf em Chamme vom Bärge viel Bärner Chriegsvolk z'sämeglosse-n- und blybe shtah. Zu ihrne Füesse-n-isch i mene tiefe-n-yschnitt ds Dorf Häggliche gläge, es Gnischet vo vermieschete Schtroudecher, und derzwüsche het sech allerhand Chriegsvolk mit wildem Brüel dasumetribe. Derzwüsche het da und dert e Büchseschuch ufblüet. Und änet dem Dorf het e Knöuel vo Lüte grobs Gschük über ne verschneite Hubel ufgschleipt.

D'Noß, wo di halbi Zyt uf de Ehneue gsi sy, sy vo allne Syte ghoue-n-und gschüpft worde, daß Gott erbarm'.

Da hets undereinisch under de Bärner uf em Majegrüen gheisse: „Gät ne! Gät ne! — Seh! Füre-n-jez mit dene Blasrohr!“ Und du het me nes paar Musketier dür di dicki Reihete-n-a Waldsoun füre gla. Mit großer Umschändlechet sy di schwäre Gwehr wieder glade-n-und uf Boumgable gleit worde, und du hets asah chlepe, bald da, bald dert. Us em Dorf sy geng meh Lüt der äner Bärng uf gflöhe.

„Wei mer no einisch hinger se?“ hets uf em Majegrüen gheisse. Vom lingge Flügel här isch befohle worde: „Vorwärts! Sie Bärn! Uf se!“ Und du hets under Chräschle, Chrache-n-und Chlepe-n-e Drückete gä düre Waldsoun use. Es paar Trummle hei grumplet, es paar Pfyse derzue glüürlet, und mit großem Brüel isch e gwaltige Huuse, der Schpieß uf der Achsle, der Bärng ab, halb i Gump, halb grütst.

D'Musketier sy am Walbrand obe blibe-n-und hei langsam wyter geschosse. Eine vo de Hüniger het sech di bluetige Hand gschlacket und derzue brummlet: „Di heibe kardolische Fokuhüng.“

Am änere Bärng het me bald nüt meh gseh als d'Schpure vo de Flüchtige-n-im Schnee. Im Dorf

unde=n=isch no kommandiert und zangget worde, aber ds Kampfgschrei het ufghört gha. Ufem Hübel zwüsche Hügglige=n=und Dottike=n=isch der General von Erlach mit syr Suite erschine. Und bald druuf het me Hornsignal ghört. „'S wird us sy, für hütt“, hei si uf em Majegrünen gseit, und du het me da und dert e=n=übermüetige Fuzer ghört, vo Lüte, wo dermit hei welle säge: „Gott Lob u Dank, i läbe=n=emel no.“ —

Im Dorf unde hei si Fähnli um Fähnli ralliiert, was under großem Brüel vor sech gange=n=isch, will me d'Lüt, bsunders d'Waadtländer, schier nid us de Hüser use bracht het, wo si Proviant und ander Sache gsuecht hei. Bald hets o düre Wald uf tönt: „Regimänt Wendischatz! — Brugg! — Hie Brugg!“ — Wyter unde het Eine brüelet: „Aarau! Aarau!“, e=n=Andere: „Zoffige!“ Und so hei sech nah=ti=nah Truppele gsammellet um verschidefarbige Fahne. Üfi Hüniger sy der Wald ab gäge dä Hübel, wo vori der Generalschtab gschtande=n=isch, und dert hei si richtig ihre=n=Oberscht gsunde mit sym Adjutant und es paarne Lüte vo syr spezielle Fahnekompanie. Er isch schön ufrächt uf sym Falbtschägg gässe. Der Bruschttharnisch het matt rot gschimmeret. Der Oberscht het gäge d'Turmschpiße vo Länzburg übergluget, wo me=n=als Silhouette über mene waldige Hübel no het möge=n=underscheide. D'Sunne=n=isch wie=n=e

riefehafti füürigi Chugle=n=über nere breite Näbel-
fchicht gschwumme. Violetti Schätte sy über d'Huble-
n=ufgfschnaagget und hei der Purpur vo de Schnee-
fälder abglädet. Da und dert sy dicki Schlümpe vo
Mannschaft de Dörfer zue marschieret, wie wanderndi
Wäldli vo Schpieße. Scho wyt äne, uf der Schtraß
gäge Länzburg, isch der Generalschtab zrüggritte,
chuum no z'underscheide=n-im haltblaue Dunscht
vom Tal.

Der Oberscht Wendschaz het Befähl gha, mit sym
Regimänt am Majegrüen z'blybe, währed di andere
Truppe sech hinder d'Front i d'Quartier verzoge hei.
Im Vorbyryte seit ihm e Bärner Offizier: „Chumm
de hinecht o ga Länzburg! Dert gits gueti Quar-
tier!“ — „I ha nüt z'tüe dert“, antwortet der
Oberscht, und der glych Bscheid het er no verschideni
mal gä.

Währed er da uf d'Rappört vo syne Houptlüte
gwartet und Befähle gä het, röte sech undereinisch
der Schnee und di graue Buecheschtämm, und wo
me=n=umeluegt, schtygt e großi Füürjüüle z'mitts
us em Dorf Dottike=n=uf, und chuum zwo Minute
nachhär geht me z'Händschike=n=äne ne Röti usgah.

„Das fahet guet a hinecht“, seit der Oberscht zum
Houpme Wyßhan, „di verdammti Unornig! — Da
blybe gwüß wieder es paar Bsoffeni drinne. —
Lueget de, daß es hie nid o so geit; si fülle mira

uf freiem Fäld Fүүr amache, wenn es se z'hert frүүrt."

I däm Dugeblick gseht der Oberscht syni Hüniger-
manne, d'Muskete=n=underem Arm und d'Händ wohl
verwahret i de Hofesack oder under der rote Casaque.

"So", seit er zu Schlupf=Sami's Ruedi, „gfallt
dr das jitz besser als ds Turbehyge, he?"

"De no sauft, Herr Oberscht", meint dä.

"Du channsch jitz de mit dem Neueschwander uf
Dthmarsinge, lue, dert äne — jitz brönnts bi'm
Donnerschieß dert o scho. Mueß de hinecht no alles
z'Wode? — i d'Mühli und dert blybet dr de Weidi
zum Schutz vom Müller und syne Lüte, bis daß
alles andere Chriegsvolk usem Dorf furt isch, i gibe=
n=ech de no nes Halbdoze=n=Margöuer mit. Und
bernah, wenn Alles wieder suber isch, so suechet dr
mi de halt wieder. — Verchtande?"

"Ja, Herr Oberscht."

I däm Dugeblick chunt der Chrisegglechrigel der
Bärg uf, dem Oberscht cho säge, er heig e Schtall
und Quartier für ihn gesunde.

"Guet", seit der Oberscht, tuet aber e kei Want.

Währed si da so im gruusige Schyn vo der
Brunsch und under Rouchschwade zsäme rede, ghöre
si am Waldsoun öppis brümele. Wo me nächer
luegt, hoctet, z'sämegfunke=n=a nere Bueche, e katho=
lische Soldat und bättet ohni Ufhöre jns Paternoster,

währed ihm Tropf um Tropf ds Bluet übere Chopf und ds Gsicht abrünnt.

„Es lött sech Eine synere=n=anäh“, seit der Oberischt. — „Wyßhan, isch der Fäldschär nid ume-wäg?“

Thuum het der Oberischt das gseit, so rüeft me-n-ihm vo wyter unde=n=öppis zue. Er nimmt d'Zügel uf und rytet es paar Schritt wyt abe, git Befähle=n=und versuumt sech derby. Und i däm Romänt ghört me-n=öppis tätische, und e gräßleche Todeschrei fahrt düre nächtige Wald uf. Es isch Allne dür March und Bei gfahre. Under der Bueche=n=isch es schtill blibe. E rötlechi Gsichtalt isch im Waldsoum verschwunde.

„Was isch ächt das für ne Bluethung, wo das chönne het?“ fragt eine vo de Soldate. Und e=n=Andere=n=antwortet: „Däm arme Tropf isch guet gange.“ Und du isch nümme wyters dervo greedt worde. Aber Alli sy vom Gruuse=n=erfasset gsi, und hei sech ihri Gedanke gmacht.

Der Oberischt het ändlech alli syni Offizier um sech versammelt gha und d'Befähle für d'Nacht us-gä. Es sy Schtreifwache=n=usgschickt worde mit der Wyfung, jede Plünderer uf em Platz niderz'mache. Daß es d'Soldate mit däm Befähl öppe gar z'gnau wärde näh, het der Oberischt nid gha z'förschte. Vo eim Tag uf e=n=andere cha me nid us mene guete

Bäremuß e Profos mache, und bi där schtränge Thelti het me de Lüte nid chönne dervor sy, daß si gange ga Holz näh i de Hüfere. Und de, wär het de sölle ga nacheluege, was näbem Holz alles mitlouft? Me het sech i der sychtere Nacht meh uf ds Härz und use natürleche Rächtsfynn vo de Soldate müesse verla, schtatt uf d'Disziplin vo obe=abe. —

Vo der Thelti tribe, sy jiz alli Kompagniee, Schtreifrotte=n=und Fäldwachte=n=uf ihri Böschte marschirt. Der Oberscht het der Jakob mit dem Roß und dem Hund i ds Quartier gschickt, i d'Tiefetmühli z'Dottike. Ar sälber het sech use Wäg gmacht, für ga z'luege, wie syhi Befähle=n=usgfuehrt wärde. I ds Houptquartier ga Länzburg het er der Houpme Wyßhan gschickt.

Da fällt sy Blick uf di Hünigermanne, wo vergütterlet um nes Fүүr umegschande sy. „Ja so!“ seht er, „syd dir no da? — Aber jiz ha=n=i niemer meh mit ech z'schicke. So ganget alli sächs. Also, dir wüßet, was dr z'tue heit, he?

„Ja, Herr Oberscht.“

„Guet, so grüebet mer de d'Müllerslüt. Whüet ech Gott!“

Mit länge Schritte sy di sächs Hüniger i d'Nacht use verschwunde, und der Oberscht isch de Fäldwachte nachegange. Der erscht rächt Kampftag isch vorby gfi.

Het der Tod no nid so rychi Arndt gha, so isch doch der Chrieg i syr ganze Riiüchi Meischter gsi. Sowyt Chriegsvolk im Land gläge=n-isch, het me's a Brünscht und Lagerfüür chönne gseh. Nid weniger als achtzwanzig Hüjer sy i där einzige Nacht hienache=n- und dertnache dem Majegrüen abbrönnt. Und was gsoffe, gschtohle, mißhandlet, gmordet und sünscht no wüeschts tribe worde=n-isch, das het me nie alles verroh, nid z'rede vo unändlechেম Gländ, wo i där Nacht sy Afang gnoh het, vo moralische Schulde, die innert zwölf länge gruufige Schtunde kontrahiert worde sy, und vo mängem Gottesgricht, wo da i der Fyschteri mit alte Sünde=n-abgrächnet het.

Scho was di sächs junge Hüniger underwägs erläbt und i der Mühli z'Othmarsinge brichtet hei, isch schtrub gnue gsi. Natürlich isch ds Dorf voll Chriegsvolk gläge, meishtes Waadtländer Rüterei. Hert hinder der Mühli geitz schtozig bärguf, gäge ds Majegrüen, und a där Bord geit der Wäg gäge Dottike düre, so daß di sächs Musketier grad i Mühlihof abegseh hei, wo dür e Schyn vo mene Bivouacfüür belüüchtet gfi isch. Es wüeschts Brüel isch us där Hof usecho, und es het di junge Hüniger dunkt, si ghöre ds Müller-Chrischtes Schtimm drus use. Si blybe schtah, lose=n-und luege. Und richtig, da parlamäntiert der Chrischte mit de Draguner, und d'Mülleri und ds Rätthi hei o mit ne z'tue

gha. Nid lang geit's, so gseht me nes paar vo dene wältsche Galeni hinder ds Rätthi grate. Da hei di sächs gwüßt, was si z'tue hei. Uf em Hinderere sy si alli a eim Huuse ds Bord abgrüßt und wie uf ds Kommando schtürme si mit de-n-umgekehrte Muskete=n-uf di Waadtländer los: „Weit dir mache, daß dr dänne chömmet, dir himmelsdonner Parliwudraguner! Das Meitschi isch üfers. Hie Hüniger! Ehrischte! Rätthi! Hinger üs hingere!“

Dä Überfall isch de Waadtländer doch z'ungsinnet cho, so daß si nid Zyt gfunde hei, sech zur Wehr z'setze. Ja, der Neueschwander Röbi het scho eine gchropfet und hindertsi i Schnee usetriben. Di andere sy dervogschtoobe. D'Müllerslüt hei sech nid gwüßt z'fasse vor Chlupf und Schtuune. Aber si sy bald wieder zue sech cho und hei sech mit ihrer wie vom Himmel gschneite Schutzmannschaft i ds Hus hne gflüchtet. D'Mühli sälber isch voll Chriegsvolk gfi. Si sy uf de Seck und i de Chrüme gläge=n-und hei gschlase bis uf wenigi, wo vor Durst di ganzi Nacht nid Ruch gha hei. Gäge die het me sech jitz im Wohnstoch ghörig verbarrikadiert. Eine vo de Hüniger isch hinder der Türe=n-uf der Huete blibe, di andere sy i ds Müllers Schtub. Da sy si ume riesige Bachofe=n-ume gässe, wo halb i d'Schtuben-ume bouet gfi isch, und d'Mülleri und ds Rätthi hei für Schpys und Trank gforget. D'Freud über

das Bämeträffe-n-isch groß gsi. D'Müllersfrou het gmeint, der Oberscht sygi doch de gwüß e guete, daß er jiz no a se dänkt und ne di Hüniger gschickt heigi.

Ds Rätthi het brichtet, si heige sech hinecht scho der ganz Abe-n-uf Lyb und Läbe gäge das Chriegs-volk müesse wehre, es wüssi emel nid, was no us ne worde wäri, wenn nid di Hüniger ne z'Hülf cho wäre.

„Aber wüßet dr, wäms hütt ds Läbe gchoschtet het?“ erzellt jiz eine vo de Hüniger, „dem Chris-eggle-Chrigel“.

„Das wird öppe nid sy“, meint d'Müllersfrou.

„Ja wou wäger, dä het iez sy Sach“, bhertet der Schlupfruedi.

„Mer hei ne funge“, fahrt der Ander furt, „grad vori. Bi de letschte Hüser z'Dottite-n-äne-n-isch er uf der Schtraß im Schnee gläge. Si hi-ne-n-auwäg erwütscht abem schtähle!“

„Ja“, seit der Neueschwander, „u we si ne nid hinecht erwütscht hätte, so wär er my Tüuri morn a Gauge cho. Het er nid hinecht e Blessierte z'tot-gichlage.“

Der Schlupfruedi het welle ha, es syg nid der Chrigel gsi, wo das gmacht heig, aber di Andere sy-n-ihm alli über ds Muul gfahre, wohl, wohl, das syg der Chrigel gsi, wärs de sünsch wetti gmacht

ha, öppis verfluechts e so. Und der Köbi het gseit:
„Sider däm, daß er gwüßt het, daß d'Chriseggle
verbrunne=n=isch mit samt allem gschtohnige Guet,
isch nümme guet gsi z'sy näbe=n=i hm. Er het e
Gring gmacht wie=n=e lötige Tüfel, u wenn er
Eim öppis het chönne z'leid tue, so het ers gwüß
gmacht.“

D'Müllerslüt sy nid übel erschtuunet gsi ob däm
Bricht, und me het ne=n=Alles müesse brichte, was
sünsch no z'Hünige gange sygi sitdäm si vo dert surt
gsi sy. „Di Junker sy der leticht Herbscht nüt cho
ge jage“, hets gheisse, „es het guet ta, daß mer
äine chly erschlopfet hei.“

Ob däm Erzelle hei si völliig der Chrieg vergässe,
bis es undereiniisch wieder Lärme git duffe. Dä, wo
Wacht gschtande=n=isch, het mit öpperem usbegährt,
wo hne welle het.

„Schtil!“ seit der Müller, „lofit!“

Di Manne grhse zu de Gwehr und mache sech
parat zum Widerschtand. Da gseht Eine dür ds
Fänischer e ganzi Abteilung Draguner i Reih und
Glieb vorem Hus.

„Was söll das gä?“ fragt me sech.

Und im glyche=n=Dugeblick wird e Leitere=n-a
ds Vordechli under de Schtubefänischer gleit, und
Eine i mene Fäderehuet chlopfet mit dem Däge=n-a
ds Fänischer und rüest: „Im Name vom Fäldmar-
schall-Lütenant d'Audanger! Tüet uf!“

Der Neueschwander Röbi rüßt ds Fänschter uf, schtreckt sy Muskete=n=use=n=und antwortet: „Abe! Ober es chönnti fähle!“

Der Ma uf der Leitere — 's isch e=n=Offizier gsi — seit: „Wfynn di, was d'machsch!“ Er wird zrüggrüest und geit abe. Aber dertfür rüest e=n=Andere=n=us em Hof use: „Wenn dir nid weit usmache d'Türe, bis i zelle zäche, mir azündte=n=eue Mühli. Eine — zwöi — drü . . .“

Ziñ wirds dem Müller aber doch uheimelig. Er schoßt der Röbi uf d'Syte=n=und brüelet i Hof abe: „Was weit dr?“

„Das du channsch de ghöre“, antwortets us em Fhschtere=n=use, „vire — füfi — sechsi — . . .“

„Wartit! Wartit!“ rüest der Müller im Angschtschweiß — er het gseh, wie si mit brönnige Fackle fächte — „i chume“. Zum Verdruß vo syr Hüniger Schuzmannschaft schpringt er zur Türe, ruumt wäg, was me derhinder usbnget het, tuet uf und ghört zelle: „Nüni —“.

„Halt! I chume. Was weit dr?“ Er geit über d'Schwelle=n=und gschpürt sech i de Füüsch vo nes paar Soldate. Me befiehlt, di Soldate vom Margäuer=Regimänt sölle=n=uf der Schtell usecho uf Befähl vom Fäldmarschall-Lütenant. — Ziñ was mache? Berläge hei si enandere=n=agluegt, bis der Müller vo duffe brüelet, si sölle doch um Gottswille

cho. Uf das hi sy si Eine nam Andere-n=i Hof use, und bert het me se-n=als Meuterer verhaftet, ne d'Muskete wäggnoh und se dem Capitaine d'Eclépens übergä. Es isch e fettige Huuse Soldate dasume gschtande, daß es ne nidemal ygfalle-n=isch, sech zur Wehr z'seze. Zit, wo si gseh, daß si verlore sy und mene sogar d'Händ ufem Rügge bindet, hei si asah lamentiere-n=und usbegähre. „Und de üse-n=Oberscht? Löt is doch zu üsem Oberscht! Zum Oberscht Wend-schach. Är het üs dahäre gschickt.“ — „Varifari“ hets gheisse, me wärd ne de z'Länzburg ufem Schloß jäge, was si z'Othmarsinge z'tüe gha heige. Währedäm me jede vo dene sächs a mene Draguner a Bügel bunde het, het der Herr d'Eclépens je no churz usgfragt, wohär si syge-n=und was si hie welle heige. Du het er kommandiert: „En avant, marche!“ Und dür di bitterchalti Nacht hei si mit abgschnüerte Hände müesse näbe de Rüter här trabe. Es het se-n=Alli dunkt, d'Zinger früüre ne-n=ab. „Ce n'est pas mal“, het der Herr d'Eclépens vor sech ane gseit, wo-n=er ghört het, wohär di Manne chöme-n=und daß es Freiwilligi vom Ma vom Rät heli Willading syge. Er hets vo der liechte Syte gnoh und sech amüsiert, dem Oberscht e Schtreich z'schpile. Är sälber isch zu däm Transport usgläse worde, will er der vorder Tag uf mene Refognoszierungsritt isch verwundet worde-n=und z'morndrisch nid zum Gfächt hätti chönne-n=usrücke.

Wo si z'Länzburg acho sy, halberfrore-n=und zum
Ziamefalle müed, isch im Schloßhof viel Glöuf und
Gschtürm gsi, und dür nes Fänschter het me ne
Huufe-n=Offizier gseh pokuliere-n=und se ghöre polete.
Si, di sächs Hüniger, sy i ne Chäfi ngschperret worde,
wo si nümme hei chönne merke, öbs Tag oder Nacht
isch. —

D'Müllerslüt hei du zwar füre Näschte vo der
Nacht bösdings Rueh gha, und am andere Morge-
n=isch d'Rütereie abmarschieret. Wo ds Rätthi gseit
het, me sötti dem Oberscht Wendischay chönne Bricht
make vo der Sach, es chönnti wohl eine vo dene
Bursch i der Mühli ne ga sueche, het ihns der Vatter
abrüelet: „Was Tüfels chunt dr ächt no z'Sinn?
Hescht no nid gnue vo däm Soldatepack? Mir wi
froh sy, isch das Vouch ume furt u mir no am
Läbe. — Myner Bursch gibe-n=i nid häre für so
öppis.“

Ds Rätthi het gschwige. Aber der ganz Tag hets
ihm kei Rueh gla. Bald hets a di sächs Hüniger
dänkt, bald a Oberscht, und gmeint, wenn dä öppis
wüßt vo der Gschicht, so hätt er doch Macht gnue,
ne-n=use z'hälfe.

Chriegslärme het me der sälb Tag nid viel ghört;
es het gheisse, es ziej sech gäge Willmärke-n=übere.
S'isch Sunntig gsi, und die Lüt, wo no nes Hei
gha hei, sy daheim blibe-n=oder hei de-n=unglück-

leche Nachbare-n=öppe chly gluegt z'hälfe. Jedefalls het me d'Nacht rüejiger gseh cho als der vorder Abe, wo me kei Schtund gwüßt het, ob eim nid i der nächschte ds Dach überem Chopf i Fäär ufgeit.

Singäge ds Müllers Käthi het nid guet gschlafe. 'S isch ihm geng gsi, es gang a mene-n=Ort öppis nid guets. Im Troum het es dem Oberscht sy Falbtschägg mit läarem Sattel gseh galoppiere. Und das het ihns grusam plaget. D'Nacht het nid um welle. Chuum, chuum het d'Tagheiteri e chly dür di trüebe runde Schybli ynegschine, so isch ds Käthi uf und het i Hus und Schtall Hand agleit, nume damit öppis gangi, und jede-n=Dugeblick, wo's Niemer um sech gschpürt het, isch es zu mene Dachguggeli us ga luege-n=und losje. Und wie meh, daß es glost het, bescht meh ischs ihm angscht worde. Es hätti nid chönne säge warum, 's isch ihm eifach öppis unguets vorgsi. Z'mittag hets nid möge-n=ässe, und grebt hets o nüt, göb wie böös d'Muetter ihns agluegt und ihns gfragt het, was o mit ihm syg. Si het di Urueh in ihm wohl gschpürt, aber si het o nid gwüßt, was dermit asah.

Gäge di drii am Namittag het me-n=undereinsch der Donner vo grobem Gschütz ghört, vo Billmärke här. Da hei sech du di Gwundrige füregla. Ds halb Dorf isch gäge ds Majegrüen use gloffe, für öppis z'gseh. Aber im Sunneglanz uf de bländige

Schneefälber het me neue nid viel chönne=n-erchenne. Ob em Dorf Willmärke, am Tannwald, het me=n-öppis gseh glichere, wahrschynlech Schpieße. Vom Bäre-mooshubel isch Pulverdampf ufgeschtocket, und vo mene=n-andere Punkt us het me hienache Wohle di härnischti Rüterei a eim Huuse gseh schtah. Si het aber gar kei Wanf ta, so schträng si am Bäre-moos pülveret hei.

Währeddäm d'Lüt da gluegt hei und mit rot agloffene Gsichter im Schnee umetrappet sy, isch d'Müllersfrou wie nid gschyd um d'Mühli ume glaffe=n-und het eis mal über ds andere dem Rätthi grüest. Wo du afe der Müller vom Bord obe=n-abe fragt: „Was wottsch, Anni?“ rüest si ufe: „Hesch es nüt gseh? — Sit isch es gwüß wäger derwo glüffe, das Söumeitli, daß i no so säge.“ Und wo si ds Bord uf gschychet gsi isch, zum Chriichte, fahet si furt: „Es het, so wahr, daß i hie schtange, geng no dä Oberscht im Chopf. Hesch es nüt gseh? — Du hättisch doch o chönne luege, we de doch hesch müesse go ge d'Gwungernase fuettere.“ Ob em Chähre sy si du eis worde, der Müllerchnächt, der Foggi, uf d'Suechi z'schicke. Der Müller sälber isch o gange, aber er het nid so gleitig möge wie der Foggi. Dä isch i länge Gümpe Dottike zue gschprunge, und wo=n-er dert vor z'Dorf ufe chunt, gseht er ds Rätthi gäge Tannwald ufe loufe. Er schpringt

ihm nahe=n-und wo=n-ers mit der Schtimm het möge=n-errede, rüeft er ihm. Aber ds Rätthi het derglyche ta, es ghör ne nid. Erscht am Waldsoum obe, wo=n-es e chly het müesse verschnuppe, isch er ihm nahecho.

„Wo wottsch us? — Du louffsch jo wie=n-e Schelm. — Du söllisch enangere nah heicho. Si sueche di a=n-alle=n-Orte.“

„So la se sueche! — I sueche=n-öppis angers.“

„Was de o?“

„Chumm nume mit. Du gsehich es de. Chumm nume, chumm!“

„Du wirscht öppe nid welle go ge d'Nase zuehe ha dert äne? — Das gschpaffet si nüt. Die schieße Chrugli.“

„Abe drum. Chumm, mer wei ne ga sueche.“

„Wän de?“

„He, der Oberscht, üje=n-Oberscht, wenn d's wüffe witt. — Lue, es macht mer e so ne Chummer, i weiß gar nid, was i o ha. — Der Gottswille chumm, Joggi!“

„Das isch nid dy Sach, Rätthi. Chumm du hei u folg!“

Schtatt wyter z'chähre, packt ds Rätthi der Joggi bi der Hand und zieht ne nahe. „Bis doch o nid so=n-e Höfeler. Chumm, i gibe der nahe, was d'nume witt, wenn d'mer ne hilffsch sueche. Süsch gange=n-i halt allei — mira.“

Dhni ds Rätthi het der Foggi nid hei welle, und so sy si du mitenandere wyter, inne dem Waldsoun nah, so daß si no hei chönne-n-über ds offene Fäld yne luege. Wie nächer si gäge Billmärke cho sy, descht größer isch der Lärme worde. Me het se-n-im Dorf z'huuufeswys ghöre brüele. Öppe tuused Schritt hie-nache de-n-erschte Hüser begagne si a nere Truppele Bärner Soldate, wo alli Gredi der Wald uf gflöhe sy.

Bermunderet sy di Beide blybe schtach und hei se vorby gla.

„Si flieh“, seit der Foggi, „das chunt da nid guet. Mir wei o i Wald ufe.“

ÿ däm Dugeblick brüelet ds Rätthi graduje: „Herr Jeseß Gott und Vatter! lue — lue dert! — E myn Gott! Grad wie-n-is ertroumet ha!“ Totebleich isch es näbe nere Tanne gschtande, het sech mit eier Hand dranne gha und mit der andere-n-uf ds Fäld abe zeigt, wo i regellosem Galopp dem Oberscht Wendischach sy große Falbtschägg mit läärem Sattel und verrissene Zügel vom Dorf här cho isch. Schier betäubt vor Etsehe sy si beidi da gschtande-n-und hei sech ratlos agluegt, bis undereinisch ds Rätthi sech wieder zsämenimmt und seit: „Chumm, chumm, mer wei ne ga sueche.“

Du sy si wyter. Aber ds Schieße, ds Brüel und ds Glöuf sy geng erger worde, und, göb si hei welle-n-oder nid, sy si vo de flüchtige, fluechende

Bärner mitgriffe worde, der Bärq uf, i Wald yne
— si hei nid gmüßt, wohi.

3 der Meinung, si chöme de wyter obe-n-am
Bärq liechter und ungschore hinter ds Dorf Bill-
märke, wo si der Oberscht vermuetet hei, sy si hinter
nere Truppele Fueßvolk dür ne Holzschleipfi uf, wo's
ein alli Bott undenusgnoh het. Di ungschicktere
Lüt sy zrückblibe — mängem drunder het dem
Gschtäntkli na der Branttemy d'Bei broche gha —
und so isch Alles dürenandere cho, und ds Rächti
und der Foggi sy z'mitts im Gschtüchel inne gsi.
Uf mene Bödeli, wo höchi Bueche-n-ohni Underholz
gichtande sy, sy si uf ne große Huuse früschi Mann-
schaft gschtoße, wo dert uf Befähl zum Vorrüde
gwartet het. E-n=Offizier vo de Flüchtige, dunkel-
rot vor Löubi, geit use Führeer vo där Refärve zue
und brüelet ne-n-a:

„Warum hocket dir da obe, wenn dr doch gseht,
daß mir nid möge gcho?“

„3 ha kei Befähl vorz'rüde.“

„Kei Befähl! — Isch das öppe nid Befähls
gnue für ne rächtschaffene Ma, wenn er syne Kame-
rade-n-i der Not gseht?“

„Du hesch mi nüt z'brichte. Lue du zu dyne
Lüte!“

Siz hei no Anderi ds Muul dryghänkt, und nid
viel het gfählt, so wäre si no handgmein worde.

Da fahrt mit hässigem Chute=n-e Kanonechugle=n-obe dür ds G'äscht und schprängt e Hagel vo Schpryße=n-uf di Mannschaft abe. Und e zwöiti Chugle fahrt z'mitts i Huuse=n-hne. Under gräßlechem Gschrei wälze sech ihrere zwoe am Bode=n-ume. Und göb, daß d'Führer öppis bergäge hei chönne tue, fahrt der Huuse=n-a, sech uslöse. Z'erscht iy nume=n-Einzelni de Flüchtige nachegschtriche. Aber nah-ti-nah isch Alles dervo gloffe, geng gleitiger, je meh, daß es i de Bäume gschlepft und gschräschlet het.

Vor em Wald, sytlige=n-uf mene Hubel, isch grobs Gschütz gschtande, aber Riemermeh derby. Si hei kei Munition meh gha. Du iy es paar Lüt ga „reiche“. Und wo si na nere halbe Schtund nid ume da gsi iy, het me=n-anderi Mannschaft nachegschickt. Und der Räschte=n-isch du ungheiße=n-um Munition us, sobald di Katholische sech e chly besser hei ygichosse gha.

Wohl iy da und dert chlyneri Trüppeli und vereinzelti Dffizier dasume gfahre=n-und hei mit brächendem Härz probiert, Schand und Schmach vo de bärnische Fahne=n-abzwehre. Aber hütt het e kei Schtärn vo Buebebärg über Bärn glüüchtet. De Meischte=n-isch ds Läbe=n-a däm Tag grüßlech höch gschtandenn-im Wärt.

Bald isch ds Rätthi allei mit sym zaghafte Begleiter im Wald gschtande, und es isch ihns o Angischt

acho. Vom Tal ufe het me geng no ds Brüel vo de Schtürmende ghört, und gschosse hei si ohni Underbrächung. Derby hets ghschteret und isch je länger descht chelter worde.

Katlos hei si hinder nere große Bueche gwartet, bis ds Sunneliecht ganz erlösch=n=isch. Es isch du o im Tal schtiller worde, und merkwürdigerwys isch hei Fünd der Bärge uf cho. 'S isch Alles im Dorf blybe schtecke, us däm vier, fuf mächtige Föürföüle=n=ufgschtige sy zur gruusige Belüüchtung vom Schlachtfäld, uf däm meh als fufhundert bravi Bärner i ihrem Bluet gläge sy, ohni der Trostcht vo mene Sieg z'ha. Mänge, wo sech mit verschossene Glider i nes Hus verschlosse het, für nid müesse z'erfrüüre, isch eländ i de Flamme=n=umcho, verschwunde — verlore — vergässe!

Aber der Oberscht Wendtschätz het nid sölle vergässe sy. Sobald es schtiller worde=n=isch, sy ds Rätthi und der Joggi düre Wald ab. Bländet vom Föür sy si über mängi Wurzle gfall=n=und hei sech di chalte Händ bluetig geschundte. Am Waldsoun sy si blybe sctah. Der Blick uf ds brönnende Dorf het se gschstellt. Wie=n=e glüejigi Söüle het der Chilschstorm us de Kouchschwade füregluegt. Mit grouehafter Rueh hei d'Flamme=n=under glychmäsigem Chräschle=n=und Chrache=n=i ihre Koub verzehrt und der Abfall i mene=n=übermüetige Wirbel vo Funke=n=über

ds Schlachtfeld verstreut. Niemer het der Verwüeschtung gwehrt.

Es het ds Rätchi gschüttlet vor Jammer und Gruuse. Da ghört es us der Gägeb ob Hilfike läng zogeni gräblechi Zammertön, halb wie=n-e Schtimm, halb wie Hornschöpf. „Dert lige 're gwüß no“, seit es zum Foggi, „chumm mer wei ga luege!“ Und du sy si im Schyn vo der Brunst dem Vord nah glosse, bis si uf mene chlyne Vorsprung, wo der Schnee hundertsach verstampfet gsi isch und a mänglichem Ort dunkli Masse, wie möntslechi Lyber gläge sy, e Hund möge=n-erchenne. Er isch mit yzogenem Schtil und ygunkene Hinderbei, halb gschande, halb gsässe, het d'Schnouze gredi ufe gschreckt und ghüület, daß es eim dür March und Bei gange=n-isch. Da chunt dem Rätchi z'Sinn: hei nid di Hüniger Bursche brichtet, der Oberscht heig sy Hund by sech? Es louft druuf zu und rüest, wie=n-es albe z'Hünige dem Hund grüest het: „Tigerli! Tigerli!“ Und nid mänglich bruucht es z'rüese, so schwygt das Tier, chunt cho z'schlyche, schnuflet am Rätchi und bricht under Wädele-n-und Schprung i nes Freudeghüül us, das ds Rätchi no z'vollem us der Fassung bracht het. Es het nüt meh chönne säge, aber mit Schluchze=n-isch es dem Hund nahe glosse, ohni nume z'luege, ob der Foggi nachschömi. Und dert, wo vori der Hund ghüület het, dert uf

däm Vorschprung ligt Eine-n-am Bode, i der erschtarrete Hand e brochene Däge. Der Huet und ei Schtifel hei gfählt. Di mächtige schwarze Haar hei sech uf em Schnee dütlech abzeichnet. „Das isch ne gwüß“, seit ds Rätthi, „hilf mer ne chly ufha. Und wo sie-n-ihm ds Gesicht gäge d'Röti zue chehre, da kennt's ne-n-ume, es isch der Oberscht gsi. „Er isch no warme“, seit der Foggi, „i glube, er läbt no.“ — „Meinisch?“ fragt ds Rätthi. „Wohl i gloube's sälber o. — Aber was wei mer jiz?“ — „Da isch jiz böz z'hälfe.“ Si hei um sech gluegt, wie wenn si irged e Hülf suechte, hei aber derby nüt anders etdeckt, als daß uf däm Hübeli und vo dert gäge ds Schloß Hilfike zue no Mänge gläge-n-isch; aber Keine het es Glied grüehrt. Di Weischte dervo sy wahrscheinlich erfrore gsi, wenn si nid sünsch umcho gsi sy. Daß o der Jakob drunder gsi isch, hei si natürlech o nid gseh.

„Mer wei öppe gägeme Hus zue mit ihm“, meint der Foggi, froh, daß si vo hie furt chönne. Si hei der Oberscht halb ufgschtellt, der Foggi het sech vor ihm nidergla und ne-n-uf sy breite Rügge gnoh, und du sy si uf em nächschte Fueßwäg wieder der Wald uf, der „Tiger“ halb erlächnet, aber mit byfälligem Wädele hinder ne här. Es isch e böse Transport gsi, und meh als einisch isch der Foggi mit ihr Lascht uf de Chneue gsi. D'Richtung hei si das-

mal vo hinde müesse näh, nämlech so grad wie möglich vom Find erwäg, und so sy si öppe z'Witternacht zu mene Burehof ob Seenge grate, wo Liecht gsi isch. Dert sy si zueche mit dem Oberscht und hei ne chönne-n-i d'Chuchi trage. Me het ne nid gärn ufta; aber wo si gseh hei, um was es z'tüe isch und gar du no vernoh hei, das syg der Oberscht vom Argäuerregimänt, hei si du Füür agmacht und Milch überta. Si hei dem Oberscht Händ und Füeß griben-und ne gluegt zum Läbe z'bringe, so guet si's öppe verchtande hei. Sobald er chly erwarmet isch, het er d'Duge-n-ufta, aber doch ds Rätthi nid gschine z'kenne. Gäge Morge het er furchtbari Hueschtenafäll übercho und lut gschroue vor Weh. Er het mit der Hand uf d'Bruscht dütet und gschine 's gärn z'ha, wo si-n-ihm d'Chleider ufta hei. Der Brustchtharnisch hei si-n-ihm scho dert abgschnallet, wo si ne gesunde hei. Ds Rätthi het ne nachtreit, aber erscht jize gseh, daß er uf der rächte Syte-n-hgichlage-n-isch gsi. Zih hei si du o am Lyb der Schade gefunde: e ganz e chlyni offeni Wunde, aber offebar isch der Brustchthorb sytliche-n-arg verschlage gsi. Sie hei drüber hin-und här grate, wie's chönnti gange sy, di Einte hei gemeint, er heig eis mit mene Morgeschtärn übercho, di Andere sy der Ansicht gsi, e Schtückhugle heig ne gschtreift, bloßi Mannschraft hätt der Harnisch nid so verschmätteret. Unermüedlech het ds

Rätthi mit Chalte=n-Umschlag gluegt d'Hiß vo der Wunde z'dämpfe, und derby het es ds Gesicht vo sym liebe, verehrte Herr nid us de=n-Duge gla.

Am Morge het ds Rätthi der Joggi heigschickt, er söll ga Bricht mache. Si hei=n-ihm der Hund welle mitgä; aber dä isch mit keir Gewalt vo sym Meischter gfi surtz'bringe. D'Lüt vom Hus hei ihre Hüeterbueb ga Länzburg uf ds Schloß gschickt, ga säge, der Oberscht Wendtschätz ligi hie.

Underdessa=n-isch der Verwundet zue sech cho. Aber grebt het er nüt. Uf syne Züge=n-isch bitters Weh gläge. Ds Einzige, was er vo sech gä het, isch gfi, daß er dem Rätthi d'Hand drückt und ihm gseit het: „Rätthi — gäll? — dankheigisch, Rätthi“, und schpäter het er gfragt, wo=n-er sygi; aber er het's nid gschine z'begriffe, wo me=n-ihms erklärt het.

Atelos isch der Hüeterbueb z'Länzburg aglanget. Aber uf ds Schloß z'cho, wie me=n-ihm befohle het, isch nid so liecht gange. Di ganzi gschlageni Armee isch i der Schtadt zsämeglosse, i weler Schtimmung und Verfassung, cha me sech danke. Alles het na Schpys und Trank brüelet und irgedwo a d'Wermi welle. Und derby het me jede=n-Dugeblick druuf müesse gfasset sy, daß der Fünd arückt. D'Generalität het gluegt Drnig z'schaffe. Me het neuu Waffe=n-usteilt und di verschidene Fähnli wieder formiert. Daß me da nid jede Schtürmi i ds Schloß use gla het, ver-

scheit sech vo sälber, und o füre Hüeterbueb hätti sech d'Fallbrugg nid ufta. Glücklecherwys het er aber Soldate vom Länzbürger Fähnli gfunde, Seengener, wo=n=er gkennt het, und die hei's du ihrne=n=Offizier wytergseit. So isch der Bricht, wo der Oberscht ligi, doch du i ds Schloß usecho und het dert e große=n=Ybrudß gmacht. Der Herr vo Gravseth isch uf der Schtell mit Mannschaft usbroche, sy Fründ cho sueche. Er isch furchtbar übernoh gfi vom Zueschtand, i däm er ne gfunde het. Mit Müej nume het er sech ebha, nid i Träne=n=usz'bräche, isch doch dem Oberscht der Tod uf d'Schirne gschribe gfi. Me het ne na sym Begähre gfragt, und der Oberscht het gseit, er möcht hei, wenns mögloch wär. Für alli Fäll het er Frou und Chind dem Fründ a ds Härz gleit und o ds Mühlkäthi. „Dhni das brave Meitschi wär i ersore“, het er gseit.

Ja, der Liebegger isch nid übel verwunderet gfi, di schöni Müllerstochter vo Hünige da z'finde. Er het sech zwar jize bsunne, daß der Oberscht synerzht im Aargäu e Mühli gsuecht het. Er het sech gfragt, wie=n=er dem Meitschi sy Tat chönnti belohne, isch aber uf nüt Vernünftigs cho. Daß es keis Gäld anähmi, het er wohl dänkt, und ds Käthi hets o mit Etrüschtung vo sech gwise, wo=n=er's gfragt het.

„Nei“, het es zum Liebegger gseit, „aber wenn Dr mr öppis z'lieb tue weit, wo ganz gwüß o üsem

Herr Oberscht söll z'guet cho, so leget es guets Wort
u für ufer Hüniger-Burich, wo z'Länzburg i der
Chesi sy."

Da het der Oberscht der Chopf uf. „Was für
Hüniger?“ fragt er. Und jiz het ds Rätthi erzellt,
was di vorderi Nacht i der Mühli z'Dthmarfinge
gscheh isch.

„Leut mer die use!“ seit der Oberscht zum Herr
vo Gravischet, „das sy myni und zwar Freiwilligi.“

Der Liebegger meint, wenn d'Waadtländer je-
nbracht heige, so wärdi scho ender öppis für je-
usz'richte sy. Der Oberscht isch ungeduldig worde,
het gseit, si welle jiz da furt und ga Länzburg, es
leu ihm nid Rueh, bis er wüssi, daß di Lüt wieder
uf freiem Fueß syge. So het me du ne Schlitte-
uftribe-n-und der Oberscht bhuetjam ga Länzburg hne
gsüehrt. Der Herr vo Gravischet und ds Rätthi sy
näbem Schlitte här glosse, ohni mängs Wort z'ver-
lüüre. Jede Ruß, wo der Schlitte gmacht het, isch
dem Verwundete zur Marter worde. Und derby isch
er geng klarer zum Bewußtshy cho. Er het sech jiz
wieder bsunne, was geschter gscheh isch, wie-n-er
unzähligi mal bärguf und bärgab gritte-n-isch, wie-n-
er vergäbe na höherer Befählshaber usgluegt het, wie-
n-er geng einsamer worde-n-isch, wie-n-er i der
höchste Not und Drangsal vom Gfächt a ds Ehr-
gfuehl und a Patriotismus vo de Soldate-n-appel-

liert, ne schier der Gottswille=n-aghaltet het, si sölle=n-ihri Fahne nid im Schtich la, lieber mit Ehre=n-uf em Platz blybe, als e härnischti Niderlag überläbe. Und wo si wieder uschlüssig worde sy und der Bärge uf hei welle flieh, da isch er no einisch uf ne Vorsprung füre gritte, ganz allei, het ne zuegrüest, mit dem Däge gwunkte=n-und uf e=n-afchtürmende Fünd zeigt, da isch es gscheh — was, isch ihm nid klar gsi. Rume das het ihm no düredämmeret, daß er mit dem Gedanke, er heig syß Wort yglöst, i Schnee gfallene=isch, daß es ihm gsi isch, sy Frau schtand vor ihm und lueg ne mit Schtolz und Bewunderung a. Du isch es fyschter worde=n-um ihn.

Siß hei ne wohl z'momäntewys d'Schmärze gmacht ufz'schreie, aber ihm isch es trohdäm herrlecher z'Muet gsi, als je, wenn er im volle Gnuß vo syr jugedleche Gsundheit ga Bärn yne gritte=n-isch. Kei siegryche Triumphator hätti ne schtolzere=n-Dzug i d'Schtadt Länzburg chönne halte=n-als är mit dem Räschkli vo Läbeschraft, wo grad no het möge recke, für der Widerschyn vo sym Helderuehm uf de Gsichter vo dene z'gseh, die=n-ihm nid trouet und nid gloubt gha hei. — Cha=n-es im möntschleche Läbe ne größere, herrlechere=n=Dugeblick gä, als dä, i däm me zu sym Volk darf säge: mir isch nüt meh blybe, 's isch Alles eues? — Frylech, no besser wär es, wenn sech Alli uf ds Mal i däm Bewußtsh chönnte

freue, wenn ds gmeinsam Dpfer zum Sieg gfuehrt hätti. Aber einisch allei, het dä, wo sy Wäg einsam het müesse zrückelege, o allei ds Rächt uf e Triumph vo syr vollbrachte Pflcht.

Under bene Gedanke-n=isch dem Oberscht Wend-schaz syz Gmüet fridlech und heiter worde, häll wie der blau Winterhimmel, vor däm jize d'Zinne vo Länzburg ufgschtige sy.

Mänge, wo däm chlyne Zug begänet isch, het e-n=unuslöschliche-n=Druck dervotreit. Dä schtärhend Ehriegsma uf em nidere Holzschlitte, ds chummer-volle Gsicht vo sym Fründ und di schtilli Majeschität vom Rätthi, wo der ander Wächter vo Hünige, der Hund, nachegfuehrt het. Wo öppe-n=am Wäg Soldate gschtande sy oder ander Lüt, da hei si d'Hüet ab-gnoh und mit Ehrerbietung der Verwundet und syni Begleiter betrachtet.

Vor em Schtadtter begägne si dem General von Erlach, wo mit sym ganze Schtab zur Muschierung vo der retablierte-n-Armee usrytet, e schattlechi Gsellschafft. Me hätti chönne meine, es syge-n=alles altersgrau Manne, will ne ds Biecht Haar und Bart verfilberet het. Di matti Winter=Morgesunne hingäge-n=isch uf unversehreti Harnische, unverrißni Schärpe, unverschtrubleti Huetsfädere gfallte.

Der General, voll Gram und Groll übere bis-häringe Verlouf vo däm ungfreute Fäldzug, innerlech

zerrisse=n-und verschtimmt, isch vo der Begägnung betrosse gsi. Er pariert sy's Pfärd, schpringt ab und chunt dem Oberscht Wendischaz cho d'Hand gä. „Es isch mer leid, Herr Oberscht“, het er gseit, „daß Dir Ech nid für ne rüehmlicheri Aktion heit chönne=n-yseze, aber i danke=n-Ech päsidentlech und im Name vo der Regierung für Eui heldemüetigi Haltung.“ Der General nimmt sy eigeti Halschetti ab und leit se dem Oberscht uf d'Bruscht, wo i der innere=n-Ufregung no einisch so schwär g'arbeitet het. Aber viel tusefmal schöner als das Guld hei däm Oberscht sygni dunkle=n=Duge glänzt, wo=n-er sech müehsam ufriecht und vor däm versammlete Chriegsrat dem General antwortet, währed sygni halb erschtarrete Händ glychgültig i di schöni Chetti gryse:

„Danket Gott für di Niderlag, Herr General! Es isch guet so. E Sieg wär üfem Vatterland jitz zum Verderbe worde. Ohni Demüetigung kei Uf-schwung, ohni Nacht kei Morge! — Das isch my Trost. Und es isch my letschti Freud i däm Läbe, daß i das vor euch allne mit mym Härzbluet ha dörfe besigle.“

Alli di Herre hei, wie der General sälber, schtill und gschlage vor sech abegluegt. Und het o i Män-gem der Schtolz sech ufblüemt gäge di Wort, so het doch der Zueschtand, i däm der Oberscht dagläge=n-isch, jede Widerschpruch unmüglech gmacht.

Der General het, bevor er wieder ufgfäffe-n-isch, der Oberscht Wendschaj na syne Wünsche gfragt und befohle, me söll uf der Schtell di sächs Hüniger ufela und se mit dem Oberscht heischicke. Dem Herr vo Graviseth het er uftritt, der Oberchirurg la z'rüefe-n-und für alles Nötige z'luege, damit dem Verwundete ja nüt a der Pflieg fähli.

Der General und syne Lüt sy mit gfänkte Blicke wyter gritte, und der Herr vo Graviseth isch mit sym Transport dür ds Schtadtthor gye. Zih merkt me-n-undereinisch, daß ds Mühlkätthi nienemeh ume-wäg isch. Es het bi der Begägnung mit dene große Herre gfunde, da ghöri äs nid häre. I aller Schtilli isch es hinder de gwunderige Lüte, wo z'ringsetum gschande sy, verschwunde. Es het zwar nid im Sinn gha, so ohni alle-n-Abschid hei z'loufe; aber wo-n-es de-n-Andere vorus dür d'Schtadt louft, begägnets sym Batter, wo mit unwirsche Schritte-n-und schtächige Blicke-n-uf ihns zuechunt. „So“, het er ihns agruret, „han' di ändlech, du Landschtrychere du!“

Ds Rätthi het ne grüeft, aber sünsch e keis Wort gseit. Es isch mit dem Batter heigange, het vor sech anebriegget und sechalbe-n-einisch d'Duge-n-usgwünscht. Nam erschte Zorn hätti's du der Müller doch wundergnoh, was eigetlech gange sygi, aber er het's dem Meitschi i däm Dugeblick nid welle z'lieb tue, e Schpur vo Interesse z'zeige. Erscht churz vor Dth-

marſinge cha=n=er ſech nümme=n=ebha z'frage: „Iſch er tot?“ — „Nei Batter“, antwortet ds Rätthi, „aber wenn mir ne nid gſuecht und gfunde hätte, ſo wär er erfrore. Er iſch böſ bleſſiert, und machts allwäg nümme lang. Ziß wei ſi ne hei-bringe.“ „Uf Hünige?“ fragt der Batter. „Ja“, fährt ds Rätthi furt. „Weiſch, Batter, es iſch mer leid, daß i furt-glüffe bi und ech dermit Chummer anegmacht ha. Aber i hätti's nid über mi bracht, ne dert la z'grund-z'gah. Das hätti er nid verdienet. Dä Ma het's guet mit üs gmeint, und wär är nid für di ygſchtande, Batter, i weiß nid, wo mer iez wäre. Lue, i ha mängs ghört im Schloß. I cha nid ſäge, wie froh daß i bi, daß i iez no öppis guets a=n=ihm ha börſe tue für di. Zürn mer nume nüt deſſitwäge.“

Der Müller het gſchwige; aber i ſym Innere het's grumoret.

Wo ſi i der Mühli aglanget ſy und d'Muetter vor Töubi gwaggelet und na Worte gſuecht het, für über ds Rätthi härz'falle, da chunt nere der Müller derzwüſche: „Anni, mach mer ds Wattſeckli zwäg, i wott furt.“

D'Muetter macht Duge wie Pfluegsredli und fragt: „Woſi?“

„Uf Hünige, mit dem Oberſcht.“

„Du wirſcht mer däich iez öppis narrochtigs e ſo weue=n=agä.“

„Da gits nüt meh z'chähre. Mach ume, mach!“

Und wo d'Muetter no nid het welle dra gloube, seit er: „I bi de no nit dä, wo dr mi derschür heit.

— Se, mach iez, daß 's rückt, i wott fahre.“

Da fällt ihm ds Rätchi ume Hals: „Batter, Batter! Jez bißch mer no einisch so lieb!“

„Hör!“ seit er, „la mi sy, i mueß mache-n-u gah.“

Und göb was d'Muetter no het gha h'zrede, ds schönste Gschirr het me füregnoh, pußt und gsalbet. Und na der Suppe-n-isch der Müller mit mene Schlitte voll Schtrou und Bettzüüg ga Länzburg hne gfahre.

Underdessa het du der Herr vo Gravijeth scho für ne Schlitte-n-und Bschpannung zur Wyterreis gforget gha. Aber der Müller het nid lugg gla, bis me sy Hülf agnoh het. „Un i tue's nid anders“, het er gseit. Und der Oberscht sälber het gseit, me söll ihm jiz das no z'lieb tue.

Der Oberchirurg het dem Liebegger gä z'verschtah, wenn si der Oberscht no läbig welle heibringe, so sölle si sech nid länger versuume. Und so isch me no am glyche Tag usbroche, nadäm d'Frou Landvögti Tribolet vergäbe dem Oberscht zuegredt het, er söll doch uf ds Schloß cho und sech dert la uspflege, schtatt bi där Chelti so wyt z'reise.

Der Liebegger isch vorusgritte, für Nachtquartier z'bschtelle, währed der Müller gsüehrt und di sächs junge Hüniger der Schlitte z'Fueß begleitet hei.

Füre-n-Oberscht het das lāngi Lydestage gā. Aber i sym Innere-n-isch es Liecht usgange, das ih:n dš Ergschte=n-erträglech gmacht het. No nie isch ihm e gwüssi Wäsesverwandtschaft mit sym himmlische-n-Erlöser so zum Bewußtsh cho wie jize, wo=n-er na mene schynbar fruchtlose Lābe voll Liebi und treuer Pflichterfüllung verschmätteret dagläge=n-isch und schwär glitte het. Frylech, i de=n=Duge vo de Wöntsche=n-isch är e brochne Ma gsi, dä der Wäg verfäht het. — Isch das öppe=n-anders gsi bi'm Heiland? Und drum isch der Oberscht mit wundervollem Friden sym Schickjal etgägegange. Er isch sicher gsi, daß alli Sünd vo sym eigete Lābe ne nid dranne chönni hindere, sedch dām i d'Arme z'wärfe, desse Byschpil ihn gleitet het. Es tuet e kei Freud uf Arde so wohl, wie dš Gfüehl, daß me würklich und wahrhaftig zu Günschte vo syne Mitmöntsche glitte heig. Das verryht d'Wulke, das tuet der Himmel uf über brochene Härze.

Wo si ga Burdles cho sy, isch dem Oberscht e Brief bracht worde vo der Frou Seckelmeischer Willading. Si het ihm gschriben, d'Frou Kätheli heig e Bueb übercho. Es sygi guet gange.

Der Oberscht het der Brief i der zitterige Hand la sinke=n-und lang nüt gseit. Freud und Weh hei ne glychzytig übernoh. Ändlech rüeft er der Liebegger a dš Bett und seit ihm: „Wenn's sötti gscheh, daß

i nere's nümme sälber cha säge, so richtet Dir nere's de us, gället: „Säget myr Frou“ — hie het der Oberscht nid wyter chönne rede, erscht na nes paar Minute fahrt er wyter —, „säget myr Frou, si söll Gott danke, si heigi ds gröschd Opfer bracht i däm Chrieg — aber si söll tapfer blybe, mer syge bestdi völlig eis worde-n-im Lyde — alli beidi völlig eis mit Ihm.“ Er het mit der Hand zum Himmel zeigt. Na mene Chehrli seit er no einisch mit lüüchtendem Blick: „Ja, Gott sei Dank, der uns den Sieg gegeben durch unsern Herrn Jesum Christum! — Völlig eis!“

Schpäter seit er du no zum Herr vo Graviseth: „Si fragt nam Name für dä Bueb — si weiß halt nid, daß i scho heichume. Wenn's der Frou rächt isch, so söll er heiße Bernhard Christoph. Er söll se-n-übere trage dür d'Trüebfal und söll i Gottes Chraft o einisch hälse-n-übere trage syß Vaterland — düre breite Schtrom.“

Z'morndriisch sy si vo Burdles dür ds Ammetal uf und über Walkringe. Es het liecht gschneit, und d'Chelti het nahgla.

Der Liebegger isch wieder vorusgritte, für z'Hünige ga z'brichte, si chöme. Wie-n-e Füürlouf het sich di Botschaft verbreitet, bis ga Dießbach abe. „Si bringe der Oberscht“, hets vo Hus zu Hus gheisse, so daß sich im Louf vom Namittag e Mängi

Erwundrigi zum Schloß zueche gla hei. Und ihrere-
n=es paar, drunder der Pfarrer und der Schtulle
Hans Ueli, sy dem Transport gäge Höchschette=n=ufe-
n=etgäge gange. Grad vor em Dörfli Konolfinge sy
si=n=ihm begägned. Der Müller=Chriichte het ghalte,
und me het sech mit Freude grüest. Der Pfarrer
het dem Oberscht welle d'Hand drücke. Me schlat
d'Blache, wo si wägem Schnee überem Schlitte hei
ufgeschpannet gha, zrück. Da blybt der Pfarrer wie
vom Donner erschrocke schtah. Der Oberscht Bern-
hard Wendschag isch tot gsi.


Uf e=n=erschte Schrücke hi drückt er sym Fründ,
däm di früschi chrestigi Farb no nid us em Gesicht
isch gwiche gsi, d'Duge zue. Di Andere sy alli schtumm
und nidergeschlage drum umegschtande. Dem Hans
Ueli vom Schtulle sy d'Träne=n=i Bart abe glosse.
Sobald der Pfarrer gschpürt het, daß dem Oberscht
syni Duge geschlosse blybe, isch er e Schritt zrück,
het d'Händ über e Tote=n=usbreitet und gseit: „Hin-
weggerissen bist du aus dem Lande der Lebendigen.
Du hast dein Leben zum Opfer begeben für dein
Volk. Der Herr aber hat dir Samen erweckt und
Sein Vornehmen wird durch deine Hand fortgehen.
Amen.“

Dhni wyter es Wort z'verlüüre, hei si langsam,
langsam d'Fahrt furtgsetzt. Di schtattleche Roß hei
sech nume mit Müej la zrügggha, wo si vor sech im

Tal ds Schloß und di alti Mühli gfeh hei. Es
is feini Blueme dagfi zum Schmuck vo der Lych;
aber d'Abendsunne het ihres Guld, ihre Rosehuuch
über d'Schneefälde usgschüttet, und hinde-n-im Tal
isch ds Schtockhorn i herrlichem Purpur erschine.
Fride het alles g'atmet, schtulle, heilige Fride, wie
under heiße Träne-n-o d'Bruscht vo der Frou Rätsheli,
wo der Herr vo Gravifeth nere der letscht Grueß
vo ihrem treue, tapfere Ma bracht het.

Zwee Tag nachhär hei d'Glogge vo Dießbach
dem Oberscht i ds Grab glütet, währed der Töldi
als Junker vo Hünige-n-a der ruuche Hand vom
Schtulle Hans Ueli vor der usgföhnte Bursami här
sym Vatter ds letschte Gleit gä het.





Von dem Verfasser dieses Buches, **Rudolf von Cavel**, ist im gleichen Verlage erschienen:

Familie Landorfer

Berndeutsche Novellen

Buchschmuck von Gust. v. Steiger — Umschlagzeichnung von Rud. Mänger

Band I: Jä gäll, so geit's!

E luschtiigi Gschicht us trauriger Zyt

4. Auflage — Preis brosch. Fr. 3.—, geb. Fr. 4.—

Band II: Der Houpmé Lombach

3. Auflage — Preis brosch. Fr. 4.—, geb. Fr. 5.—

Band III: Götti und Gotteli

2. Auflage — Preis brosch. Fr. 4.—, geb. Fr. 5.—

Preis der drei gebundenen Bände, in hübschem Carton-Etui vereinigt, ohne Preiserhöhung: Fr. 14.—.

Verlag von A. Francke in Bern

Friedli, Emanuel, Bärndütsch als Spiegel bernischen Volkstums.

I. Band: „Litzelstübli“. Reich illustriert nach Originalen von H. Mürger, W. Gorgé, F. Brand, R. Zundermühle, und photogr. Aufnahmen von Dr. Hegg. Herausgegeben mit Unterstützung der Regierung des Kantons Bern und unter Mitwirkung einer von ihr bestellten Kommission (Dr. D. v. Greherz, Oberlehrer Sterchi und Prof. Dr. S. Türlér, Staatsarchivar des Kts. Bern). 170 Illustrationen in Zinkographie, Autotypie, Drei- und Vierfarbendruck und zwei Karten. Gr. 8°. Preis brosch. Fr. 12. —, geb. Fr. 14. —.

Der II. Band: „Grindelwald“, erscheint im Spätherbst 1907.

von Greherz, Otto, Schweizerisches Kinderbuch mit Bildern von Rudolf Mürger. 8°. Geschenkausgabe. Erscheint vor Weihnachten.

— **Im Rößligarte.** Schweizerische Volkslieder mit ihren Melodien. Mit Zeichnungen von Rud. Mürger. I. Bändchen. 8°. (Zum Druck.)

Reinhart, J., Helmelig' Lüt. Geschichte für zum Obestz. Buchschmuck von Frik Widmann. 8°. Brosch. Fr. 4. —; geb. Fr. 5. 50.

— **Stadt und Land.** Geschichte für zum Obestz. 8°. Brosch. Fr. 3. 50, geb. Fr. 4. 50.

— **Liedli ab em Land.** Zweite, vermehrte Auflage. Preis Fr. 1. 80.

— **D'r Meitligrantsler.** G' s'chicht abem Land. 8°. Brosch. Fr. 2. 80, geb. Fr. 3. 80. (Gemeinschaftlicher Verlag mit S. H. Sauerländer & Cie. in Arau).

Roos, J., No Gyrobigs. Puretütschi G'schichtli, Gedichtli, Rym und Ränf. 8. Auflage. Preis geb. Fr. 3. —.

Jüricher, Gertrud, Kinderlied und Kinderspiel im Kanton Bern. Volksausgabe. Nach mündlicher Überlieferung gesammelt. Geb. Fr. 3. 50.

— **Das Rptli-Rößli-Lied.** Vorläufige Probe aus der im Werk begriffenen Sammlung schweiz. Kinderlieder und Kinderspiele. Gr. 8°. Fr. 1. —.













